



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Informazioni su questo libro

Si tratta della copia digitale di un libro che per generazioni è stato conservata negli scaffali di una biblioteca prima di essere digitalizzato da Google nell'ambito del progetto volto a rendere disponibili online i libri di tutto il mondo.

Ha sopravvissuto abbastanza per non essere più protetto dai diritti di copyright e diventare di pubblico dominio. Un libro di pubblico dominio è un libro che non è mai stato protetto dal copyright o i cui termini legali di copyright sono scaduti. La classificazione di un libro come di pubblico dominio può variare da paese a paese. I libri di pubblico dominio sono l'anello di congiunzione con il passato, rappresentano un patrimonio storico, culturale e di conoscenza spesso difficile da scoprire.

Commenti, note e altre annotazioni a margine presenti nel volume originale compariranno in questo file, come testimonianza del lungo viaggio percorso dal libro, dall'editore originale alla biblioteca, per giungere fino a te.

Linee guida per l'utilizzo


Google è orgoglioso di essere il partner delle biblioteche per digitalizzare i materiali di pubblico dominio e renderli universalmente disponibili. I libri di pubblico dominio appartengono al pubblico e noi ne siamo solamente i custodi. Tuttavia questo lavoro è oneroso, pertanto, per poter continuare ad offrire questo servizio abbiamo preso alcune iniziative per impedire l'utilizzo illecito da parte di soggetti commerciali, compresa l'imposizione di restrizioni sull'invio di query automatizzate.

Inoltre ti chiediamo di:

- + *Non fare un uso commerciale di questi file* Abbiamo concepito Google Ricerca Libri per l'uso da parte dei singoli utenti privati e ti chiediamo di utilizzare questi file per uso personale e non a fini commerciali.
- + *Non inviare query automatizzate* Non inviare a Google query automatizzate di alcun tipo. Se stai effettuando delle ricerche nel campo della traduzione automatica, del riconoscimento ottico dei caratteri (OCR) o in altri campi dove necessiti di utilizzare grandi quantità di testo, ti invitiamo a contattarci. Incoraggiamo l'uso dei materiali di pubblico dominio per questi scopi e potremmo esserti di aiuto.
- + *Conserva la filigrana* La "filigrana" (watermark) di Google che compare in ciascun file è essenziale per informare gli utenti su questo progetto e aiutarli a trovare materiali aggiuntivi tramite Google Ricerca Libri. Non rimuoverla.
- + *Fanne un uso legale* Indipendentemente dall'utilizzo che ne farai, ricordati che è tua responsabilità accertarti di farne un uso legale. Non dare per scontato che, poiché un libro è di pubblico dominio per gli utenti degli Stati Uniti, sia di pubblico dominio anche per gli utenti di altri paesi. I criteri che stabiliscono se un libro è protetto da copyright variano da Paese a Paese e non possiamo offrire indicazioni se un determinato uso del libro è consentito. Non dare per scontato che poiché un libro compare in Google Ricerca Libri ciò significhi che può essere utilizzato in qualsiasi modo e in qualsiasi Paese del mondo. Le sanzioni per le violazioni del copyright possono essere molto severe.


Informazioni su Google Ricerca Libri


La missione di Google è organizzare le informazioni a livello mondiale e renderle universalmente accessibili e fruibili. Google Ricerca Libri aiuta i lettori a scoprire i libri di tutto il mondo e consente ad autori ed editori di raggiungere un pubblico più ampio. Puoi effettuare una ricerca sul Web nell'intero testo di questo libro da <http://books.google.com>



De Antiquis

Costa & il Tomo







1. The first part of the document discusses the importance of maintaining accurate records of all transactions and the role of the accounting department in ensuring the integrity of the financial statements. It also highlights the need for transparency and accountability in the reporting process.

2. The second part of the document outlines the various methods used to collect and analyze data, including surveys, interviews, and focus groups. It emphasizes the importance of using a mix of qualitative and quantitative techniques to gain a comprehensive understanding of the research topic.

3. The third part of the document presents the results of the study, which show a significant positive correlation between the variables being investigated. The findings suggest that the proposed intervention could have a beneficial impact on the target population.

4. The fourth part of the document discusses the limitations of the study and the need for further research to confirm the findings. It also provides recommendations for future studies and practical applications of the research results.

5. The fifth part of the document concludes the study by summarizing the key findings and the overall contribution of the research to the field. It expresses the hope that the study will provide valuable insights and inform future research and practice.





*Reverendis, atque Celis. Principi
ac Dominus
Dn. Ioan. Frid. Carl.
S. S. Mogunt. Archi. Episc. R. Imper. German. Archilanc.
Princeps Elector
nec non Wermat. Episc. ac Princeps,
Academiae Scient. util. mogunt.
Conditor summusque
Protector.*

Handwritten: = unum est in rebus
Handwritten: = nobis in rebus
**ACTA
ACADEMIÆ
ELECTORALIS
MOGVNTINAE
SCIENTIARVM VTILIVM**

De Matti. **QUAE ERFORDIAE EST.** *Handwritten: 1757.*
TOMUS I.



ERFORDIAE ET GOTHAE 1757.
apud IO. PAVL. MEVIVM & IOH. CHRIST.
DIETRICH.



EMINENTISSIMO AC CELSISSIMO
PRINCIPI ATQVE DOMINO,
DOMINO
IOANNI FRIDERICO
CAROLO,

S. SEDIS MOGVNTINAE ARCHIEPISCOPO;
S. ROM. IMPER. PER GERMANIAM ARCHL.
CANCELLARIO ATQVE ELECTORI, ET
EPISCOPO WORMATIENSI,

ACADEMIAE
SCIENTIARVM VTILIVM
FVNDATORI, CONSERVATORI

ATQVE
DOMINO NOSTRO
CLEMENTISSIMO.

EMI-

**EMINENTISSIME ATQUE CEL-
SISSIME PRINCEPS
ELECTOR,
PATRIAE PATER,
DOMINE CLEMENTISSIME,**



TIBI nostrarum in scientiis
vtilibus lucubrationum
submissa oblatione sacrifi-
cium facientes, nil nisi
TVVM TIBI reddimus; ipsa enim
academia, a TE creata atque gen-
ta, laborum suorum primitias ne-
mini, nisi CLEMENTISSIMO
FVNDATORI atque CONSERVA-
TORI suo, meliori iure offerri
posse, intelligit. Non quidem
gloriam TVAM amplificandi id a
nobis factum fuit animo; cum
TIBI nihil neque ad summum ho-
no-

norum neque ad maximam gloriam acquirendam deesse, illustrissimamque in fideles TVos subditos aliosque famam meritorum TIBI superesse, prorsus perspicimus; & certe temerarium foret, soli lucem affundere. Exigit id potius TIBI a nobis debita pietas, gratique animi officium: licet enim TIBI, CELSISSIME PRINCEPS, ELECTOR, gratia referri tanta non possit, quanta debetur, habendam tamen esse, quantam maximam animi nostri capere possunt, certissima ratione credimus. Academiae scientiarum fundatione ac conseruatione clementissima omnibusque factis TVIS immortalibus exegisti TIBI monumentum aere perennius regalique situ pyramidum altius, quod non possit diruere innumerabilis annorum series & fuga temporum. Nobis etiam extrema fata subeun-

)(3 tibus,

tibus, meritorum TVORVM ne posterita-
dem omnium saeculorum erit imma-
& TE in beatorum sedibus habitante
cissimis, Fridericana TVA fundatoris su-
mortale nomen canet nouis carminibus
culisque tradet remotissimis. Vitae TV
si possibilis esset tanta duratio, quantu-
ter academicos TVOS TVI amor atque in-
dibilis veneratio; ad finem mundi aetate
cederes! A maximo Numine cetero-
precibus efflagitamus ardentissimis, vt o-
ma TIBI semper sit valetudo atque i-
gerrima, TIBIque tantum aetatis acce-
vt ipsam naturam satietate viuendi expl-
& per temporis interuallum longissim
saluberrimis almam patriam iuuare confi-
nec non scientias artesque ad maiores g-
dus possis prouehere. Ita vouent

EMINENTISSIMI AC CELSISSI
TVI NOMINIS

Subiectissimi Serui

PRAESES, DIRECTOR, ADSESSORI
ET SOCI AG. SCIENT. VTIL.



Lib. Com.

max. Com.

3-1-28

116615

2 v.

INDEX.

- I. *Proemium instituti nostri academici rationem reddens,*
 - II. *Solemnis laudatio in obitum Eminentissimi Domini Cardinalis Angelii Mariae Quirini.* p. 13
 - III. *Elogium diuis Hambergeri manibus dicatum, a M. Hadelichio.* p. 26.
 - IV. *Dissertatio de constructione molae ab aqua agitandae, cuius axis est pensilis. Correctis in ea re empiricorum erroribus &c. autore Gerhardo Hoffmanno. Latine reddidit Beerius.* p. 46.
 - V. *Mylii problematum staticorum ex theoria compositionis virium sponte fluentium sylloge.* p. 100.
-)()(
- VI.

INDEX.

- VI. Dissert. de cornu Ammonis nativo &c. auctore Ioanne Friderico Hoffmanno. P. 111.
- VII. Reinhardi commentatio de orthoceratitibus Megalopolitani, ciuitate Lat. donata a M. Hadelichio. P. 118.
- VIII. Nonnii obseruat. de Isate & carthamino ossa animalium non tingentibus. P. 131.
- IX. Molitoris obseruationes de apiario & aluearibus, ciuitate Lat. donatae. P. 133.
- X. Echo sonos duodeuiginti diuersos siue simplices illi sint, siue concentu aucti, ordine reddens, autore Reichardo. P. 138.
- XI. Generosissimi cuiusdam Anonymi experimenta de lignorum grauitate specifica, in Latin. linguam translata. P. 14.
- XII. Cartheuseri obseruatio botanica caractere generico naturali Bosquae aliis Yeruamora dicitur. P. 1

INDEX.

- XIII. *Eiusdem observatio chemico-physica
de Crystallisatione salium. alcalium
fixorum.* p.149.
- XIV. *Iacobi observatio de pigmento caeruleo
e carbonibus vitis. viniferae.*
p. 160.
- XV. *Eiusdem commentariolus de succedaneo
atramenti indici.* p.165.
- XVI. *Mangoldi experimenta quaedam colorum.*
p.167.
- XVII. *Eiusdem experimenta atque observationes
chemicae & medicae variæ argumenti.*
p.173.
- XVIII. *Iacobi dissertatio, qua, vî plurimum
observationum, vires medicas aurî, argenti,
stanni & plumbi veteribus cognitæ a falsitatis
iniuria vindicare conatur.* p.196.
- XIX. *Eiusdem de prudenti usu arsenicî,
sale alcalico dormiti, interno salutarî,
dissertatio.* p.216.

INDEX.

- XX. *Eiusdem de sulphure antimonii et
rato liquido tractatus.* p. 22
- XXI. *Eiusdem de optima saporis ingra
spiritus frumenti, correctione co
mentariolus.* p. 2
- XXII. *Mangoldi continuatio experimen
rum chemicorum.* p. 24
- XXIII. *Cartheuseri observatio chemica de
puratione salis volatilis succini.* p. 2
- XXIV. *Baumerus vim electricam palpeb
rum superiorum lapsum aufer
tem proposuit.* p. 24
- XXV. *Eiusdem observationes de oleo a
mali Dippelii morboque comiti*
p. 24
- XXVI. *Idem observavit embryonis ossa
muliebria cum fecibus aluinis
creta.* p. 3
- XXVII. *Strackii observationes de consti
tione epidemica a fine autumnii a
MDCCLIV. in ver us
MDCCLV.* p. 3
- XXV

INDEX.


- XXVIII. *Morgensternii observatio, de cutis externae & oris etiam internae, sugillatione atque ecchymosi cum effluvio sanguinis ex ore, post subitam corporis exaestuati refrigerationem.*
P. 335.
- XXIX. *Phaenomena nonnulla peculiaris in hydrophobo quodam & eius dissectione observata a Riedelio. Latine reddidit Mangoldus & Scholiis auxit.*
P. 341.
- XXX. *Animadversiones ad narrationem Taciti de expeditionibus Germanici Caesaris transrhenanis autore Beerio.*
P. 358.
- XXXI. *De Germanis Herodis M. primariis inter alios militibus dissertatio autore Kaendlero.*
P. 415.
- XXXII. *De duobus numis bracteatis commentatio autore Fabricio.* P. 429.
- XXXIII. *Freytagii observatio cur Bacchus a Graevio Morychus dictus ad Musaeum Cortonense.* P. 445.
- XXXIV. *Oettelti commentatio de Platone & Cicerone praeclaris animarum immorta-*

INDEX.

- mortalitatis vindicibus aduersus
Warburtonum Anglum.* p.457
- XXXV. *Hadelichii commentatio de meteoris
in Homeri carminibus.* p.490.
- XXXVI. *De methodo quadam, quamvis line-
am rectam nullâ adhibita vulgari re-
gula metallo insculpendi, eamque sine
circino in partes minimas negotio
perquam facili diffecandi* p.507
- XXXXVII. *Hadelichii descriptio tormenti mi-
litaris in armamentario Erfordienſi
nuper reperti quod insigne est anti-
quitatis monimentum.* p.516
- XXXVIII. *Dissectiones quorundam ex iis, qui
epidemicis, ab inflammatione visce-
rum infimi ventris, in primis ve-
ro ventriculi & intestinorum or-
tis, febribus periere, institutae
a Riedelio. Latine reddidit Mangol-
dus, & Scholiis auxit.* p. 223.
- XXXIX. *Baumerus obseruavit externo olei ani-
malis Dippelii usu oculi suffusionem
incipientem curatam, confirmatam
vero imminutam esse.* p. 536.
XXXX.


INDEX.

- XXXX. *Mulleri observationes de metamorphosi
filuarum.* P. 540
- XXXXI. *Perillustri anonymi disquisitionis quae-
stionis, utrum homines nimium multi-
plicentur.* P. 546
- XXXXII. *Mechanica insignis vitae morumque
emendatrix propofita ab eodem perillu-
stri anonymo.* P. 557
- XXXXIII. *Eiusdem commentatio de re rustica
Thuringorum cautius meliusque insti-
tuenda.* P. 579
- XXXXIV. *Hirti commentatio gloriam fabulis
Aesopiis tributam in Lockmannum
transferens.* P. 583



PROOE.





PROOEMIUM.



Quod a nobis aliquoties, ut rationem instituti nostri intimiorem redderemus, nonnulli exegerunt, id in capite actorum academicorum cum illis communicandum esse, e re nostra duximus. *Eminentissimum atque Celsissimum S. S. Moguntinae Archiepiscopum, S. R. I. per Germaniam Archicancellarium & Principem Electorem atque Episcopum Wormatiensem IOANNEM FRIDERICUM CAROLUM tamquam sapientissimum atque clementissimum Parentem*

A

rentem Academia scientiarum vtilium
 uotissime veneratur. Vt sol, princeps
 moderator reliquorum luminum, cum
 luce sua lustrat & complet: sic *sapienti-*
mus ac prudentissimus Princeps sapient
 culturam verbis & factis non inter sub
 tos solum, sed in vniuersa republica lite
 ria disseminare nunquam destitit. Temp
 extitit optatum nobis magis, quam spe
 tum, in quo patrum nostrorum adimpl
 tur, quid? quod superantur vota. Al
 Gerana pristinam recuperans dignitate
 noua canitiem laurea exornat, nunqu
 amissura viriditatem. Publice de *Princi-*
& clementissimo restauratore sibi gratulati
 in quo nil desiderat, nisi immortalitate
Optimum reipublicae *Parentem* ciues at
 dua cogitatione contemplantur, & pl
 quam oculos suos diligunt. Recens na
 scientiarum vtilium Academia *Friderician*
nomine superbiens, ad memoriam aetern
 tatis aram exstruit *Clementissimo fundator*
 vt gaudia nostra nos non modo sentiamus
 sed vt omnes gentes, etiam vt posterius omne
 intelligant diuinum atque pulcherrimum
 fa

factum. O fausta dies XIV. Cal. Augusti.
 anni, post seculum decimum septimum,
 quinquagesimi quarti, qua foundationis di-
 ploma signatum fuit! Dies haec Musis sa-
 cra sit, qua nos, qua vltima posteritas *Emi-*
nentissimo fundatori thura accendemus &
 odores. Mel, etsi dulcissimum est; longe ta-
 men dulciora sunt animi sensa ab *Eminen-*
tissimo erga rempublicam literariam & A-
 cademicos in diplomate proposita. Rei-
 publicae literariae sociisque nostris gratum
 officium nos fecisse credimus, eiusdem con-
 tenta, ad rem proxime spectantia, sequenti
 ratione enarrando: "Cum semper ea animi
 "propensitas in nobis fuit, vt scientias ar-
 "tesque liberales, & per has salutem publi-
 "cam ad maiorem perfectionis gradum pro-
 "vehamus: consociatorum petito clemen-
 "tissime annuimus, clementiam nostram
 "ipsis impertientes. Academiae Electora-
 "lis Moguntinae scientiarum vtihum nomen
 "societati imponentes, vt consociati legibus
 "latis conformiter agant, iubemus. Reue-
 "rendum Ecclesiae Metropolitanae Deca-
 "num nostrum IOANNEM FRANCISCUM IA-

"COBUM ANTONIUM L. B. de HOHENECK Pro-
 "rectorem specialem Academiae declara-
 "mus; propter nota eius in studiis merita
 "& ad rem literariam fauorem, prorsus
 "confidentes, illum nihil, quid quid ad ho-
 "norem & emolumentum academiae perti-
 "neat, intactum relicturum. Praesidem L.
 "B. de LINCKER & Directorem Academiae
 "Doctorem SCHORCHIUM constituimus, fer-
 "uorem ab utroque in erigenda academia
 "demonstratum clementissime approbantes,
 "& in eodem pergentibus clementiam E-
 "lectoralem reservantes. Locum praeter
 "ea conuentibus academicis, bibliothecae
 "aliquae suppellectili asseruandis aptum as-
 "signaturi sumus, & denique ea perficien-
 "da curabimus, quae ad promouendum aca-
 "demiae florem facere possunt. Vestrum
 "igitur erit, ut sine mora conuentuum la-
 "borumque academicorum & commercii
 "literarii initium capiat.



r

ACADEMIAE SCIENTIARUM VTILIVM

CONCESSA IURA.

LEGESQUE ROGATAE SEQUEN-
TIBUS CONTINENTUR.

I.

Societas Academiae Electoralis Moguntinae scientiarum vtilium nomen habet.

II. Locus, ad quem **Commercium literarium** in primis dirigitur, Erfordia est.

III. **Protektor specialis** ex Gremio **Rei. Capituli Metrop. Eccles. Mogunt.** nec non **Praeses & Director Academiae** ab **Eminentissimo atque Celsissimo Archiepiscopo & Electore Moguntino** dominantur. **Senatus Academiae**, in disciplinas diuisus, ex **Affessoribus VIII.** compositus est, qui **suffragia** decissionem facientia ferendi, & ad **leuandum laborem Adjunctos** ad **Senatusconsultum eligendi** potestate gaudent. **Affessores** quatuor cum **Secretario Erfordiae**, reliqui extra eandem commorentur.

A 3

IV. II:

IV. Illustri loco nati magnorumque nominum Personae Sociorum Honorariorum nomine condecorantur.

V. Viri eruditione clari Socii ordinarii vocantur, quorum quisque, pro dexteritate sua, doctis laboribus, Erfordiam mittendis, aliisque officiis spontaneis bonum Academiae publicum promouet.

VI. Literati alique artifices vsu peritissimi Sociorum extraordinariorum & commercii literarii fodalium nomine veniunt.

VII. Literae patentes cum signo Acad. Scient. Confociis, in receptionis testimonium, exhibentur, in quibus simul Academiae propositi fines, & quam quilibet natus sit disciplinarum prouinciam, dilucidius explanatur. Signo Academiae cuilibet socio vti licitum est.

VIII. Praefes & Director cum Assessoribus Erfordiensibus & Secretario singulis hebdomadibus eum in finem conuocantur, vt vtilitati Academiae prospiciant, suffragia ferant, & Societatis ab epistolis res Academiae gestas recenseat, ac de iisdem Assessores extraneos faciat certiores. In rebus
magni

magni momenti & ad publicum Academiae commodum pertinentibus omnium sociorum suffragia & consilia colligentur.

IX. Singulo trimestri publica Academicorum congregatio fiet, in qua argumenta reipublicae vtilissima proponentur. Ipsis vero Academiae initialibus pia vota pro salute Eminentissimi Celsissimique Fundatoris & Protectoris in oratione publica soluentur.

X. Incrementum scientiarum & bonum publicum Academicis curae cordique sint.

XI. Posito praemio, de problematibus, nihil prohibiti continentibus, iudicium iidem ferant.

XII. Socii in terris Electoralibus Moguntinis degentes specimina historiae patriae edant, eique maius lumen, quantum fieri poterit, adfundant.

XIII. Academiae res gestas Ephemerides eruditorum Erfordienfes ordine enarrabunt, quem in finem Academici nostri eisdem operam dent.

XIV. Acta academiae typis successive mandanda vtilissimos quosque labores &

experimenta publici iuris facient. In illis autem a viri boni officio abhorrentia numquam locum habebunt.

XV. Quaestiones theologiae & politicae, ad iura singularia Principum Europaeorum attinentes, quibus offensae Potentum suscipi possunt, quaecunque aliorum famam laedunt, nec non dogmata paulo abstrusiora, cum utilitate publica arctiorem nexum non habentia, ad academiae forum non referuntur.

XVI. Eminentissimi atque Celsissimi Principis Electoris indultu Academiae, pro re nata, novas leges rogare, rogatisque derogare, integrum est.

Quae ab *Eminentissimo Principe Electore* adeo clementissime constituta fuerunt, sat cito re ipsa vidimus confirmata. Horto botanico, per quem aqua belle fluens ducitur, domo plantis exoticis a frigore hyemali defendendis destinata, collegio Fridericiano, conuentibus academicis, condendae bibliothecae atque sectionibus anatomicis dicato, Academiam clementissime donauit. Praeter ea lentem colligendis radiis solaribus

bus aptam, duos pedes nouemque digitos
 diametro aequantem Musis Geranis incom-
 parabili munificentia dono dedit, & quo
 iuuenes illustri loco nati equos tractare disce-
 rent; exercitatissimo equorum domitore &
 catadromo almam Geranam liberalissime au-
 xit, nec non publicum laboratorium che-
 micum Academiae clementissime destinauit.
 Rerum oeconomico - politico - cameralium
 atque iuris naturae & gentium professio-
 nes publicas benignissime fundauit. Vt
 reliqua instituta munificentissima taceamus
 iam adornata, & ad perficiendum immorta-
 le opus, adhuc a munificentia Electorali ex-
 pectanda. Labores nostros quod attinet
 academicos, singulis hebdomadibus Perillu-
 stris Dominus Praeses, Magnificus Domi-
 nus Director & Assessores ordinarii con-
 ueniunt, librorum recensiones ad epheme-
 rides nostras destinatas, atque a sociis pro-
 positas doctas elaborationes diiudicatum,
 commercium literarium cum consociatis
 extraneis directum, & quidquid ex scientiis
 ad commune bonum depromi possit, deli-
 beratum. Nec dubitamus, quin propofi-

tum nostrum, non alium finem, nisi rei publicae commodum, agnoscens, indies maiora capturum sit augmenta; dum *optimi Principis* paternam protectionem & curam, nec non literatorum, eruditione clarissimorum bonarumque in rempublicam partium, perliberale auxilium speramus. Superest, ut sociorum nostrorum mentionem faciamus. Nomina eorum in actis & ephemeridibus academicis passim occurrunt, a reliquis autem firmissimam spem concipimus, illos in actis academicis proxime edendis nomina sua eruditis laboribus cum republica literaria non sine laude communicaturos esse.



SOLEMNIS LAUDATIO
IN OBITUM
EMINENTISSIMI AC REVERENDIS-
SIMI DOMINI,
D O M I N I
ANGELI MARIAE
QUIRINI,
S. R. E. CARDINALIS,
EPISCOPI BRIXIENSIS ET BIBLIOTHECAE VATI-
CANAE BIBLIOTHECARI,
IUSSU CONCILII ACADEMICI
HABITA.



**PERILLUSTRIS
DOMINE PRAESES,**

**MAGNIFICE
DN. DIRECTOR,
CONSULTISSIMI ATQUE EXPERIENTISSIMI
DOMINI ASSESSORES,
DOCTISSIMI DN. SODALES
ET AUDITORES
OMNIUM ORDINUM HO-
NORATISSIMI,**



Credo ego, vos mirari, quid sit,
quod, cum tot viri maxima eru-
ditione clari fileant, ego potissi-
mum orationem habiturus surre-
xerim; qui neque ingenio, ne-
que auctoritate sim cum reliquis comparan-
dus. Siue obiecti, de quo agitur, magnitu-
dinem spectem, siue auditorum dignitatem an-
te oculos mihi ponam; paene mentis vitio
hunc

hunc laborem suscepisse ipse mihi viderer; nisi in mandato vestro, cui mos gerendus erat, veniam impetrare, mihi liceret. Concilii academici iussu solemniter laudatio *Eminentissimi ac Reverendissimi Domini Domini Angeli Mariae Quirini, S. R. E. Cardinalis, Bibliothecarii, Episcopi Bresciensis & Ducis* fieri debet. Duram me certe spartam nactum esse, ipsimet iudicabitis; quis enim de summi viri persona satis dignum orationis genus proferre poterit? & mea quidem sententia, quaecunque ingenium excedunt, pia veneratione melius coluntur, quam verbis neutiquam satis commodis atque idoneis. Quoniam autem piis manibus *Eminentissimi* atque *Reverendissimi Domini, Domini Cardinalis* iusta persoluenda sunt; ne praeter officium nostrum nos fecisse videamur, in medium quaedam allaturus sum, quae licet personae, in qua summa fuerunt omnia, sublimem dignitatem haud attingere, nedum exprimere, queant; attamen iustissimum dolorem nostrum produnt. O! quam misera mortalium est conditio! nullum igitur gaudium datur perpetuum? in cunabulis ergo suis academiae nostrae lugendum vestesque lugubres induendae? Quantum inter nos gaudium exortum fuit, quum *Eminentissimus* atque *Celsissimus Archiepiscopus & Elector Moguntinus*, Dominus noster longe clementissimus, nova in Musarum castris vexilla nobis ponebat. Quanta affecti fuimus laetitia, quum

quum *Eminentissimus* ac *Reuerendissimus Dominus*, *S. R. E. Cardinalis QUIRINUS* coeptis nostris clementissime annuens, venerabile nomen suum inter socios honorarios daret; & res nostras, adhuc infirmas, stabilire clementissime polliceretur! Quantus honoris cumulus vel ex solo QUIRINI nomine in academiam redundare potuisset? quantum incitamentum *Eminentissimi* ac *Reuerendissimi Cardinalis* exemplum animis nostris aliorumque literatorum & virorum bonarum in rempublicam partium fuisset? quantum emolumentum ex doctissimis eius lucubrationibus & auxiliis largissima mense nobis capere licuisset? sed defecit nos, & mortalitatem exiit immortalis QUIRINUS, & hoc vltimum ei mortalium operum fuit, vt die, vitae exitum proxime praecedente, maxime amabile nomen, bonarum artium indefessum studium, eximiumque virtutis atque pietatis amorem & culturam, nobis testamento quasi legaret; vt ex longinquo saltim, & quantum minoris sortis mortalibus datum est, eius vestigia premere, nostrarum partium esse crederemus. Quis ergo desiderio nostro sit modus? Ergo QUIRINUM lethi sopor vrget? cui Musae & iustitiae soror, incorrupta fides, nudaque veritas, quando vllum inuenient parem? Multis ille quidem flebilis occidit, sed nulli flebilior quam nobis! Non lugendam esse mortem, quam immortalitas consequitur, veteres quidem iudicant: sed mihi videtur acer-

acerba semper & immatura mors eorum, qui
 immortale aliquid parant. Nam qui volupta-
 tibus dediti quasi in diem vivunt, vivendi cau-
 sas quotidie finiunt: qui vero posteros cogi-
 tant, & memoriam sibi operibus extendunt,
 his nulla mors non repentina est, vt quae sem-
 per aliquid inchoatum abrumpat. Hoc, con-
 sentientibus omnibus, in *Eminentissimum* ac
Reverendissimum Dn. Cardinalem quadrat, licet,
 dum suppetebat vita, enisus fuerit, vt mors
 quam paucissima, quae abolere posset, inveni-
 ret. Sed quo maius, quod nobis ereptum fuit
 bonum, & quo magis praeter expectationem
 nobis accidit haec calamitas, tanto maiorem
 tristitiam accepimus & dolorem. Quamob-
 rem omnes, si rem, vt est, considerant, cum
 secundae res sunt maximae, tum meditari so-
 cum maxime oportet, quo pacto aduersam
 aerumnam ferant, damna, eorum, quos plus
 quam oculos diligunt, morbum aut mortem;
 quae communia sunt, & fieri possunt; vt ne
 quid animo sit nouum vel intolerabile malum.
 Eheu! inueniendo perdidimus; crescendo de-
 trimentum perpepsi sumus; gaudio perma-
 gno affecti sumus, vt maiori infortunio & mo-
 rore mactaremur. Respectu *Eminentissimi* &
Reverendissimi Cardinalis, cuius obitum meri-
 to aegerrime ferimus, mors quidem in malis
 nullo modo est ponenda, sed in praecipuis bo-
 nis numeranda; quia in meliorem vitam illum
 induxit. Si neque misera ipsa mors est, nec
 vllius

vllius particeps miseriae, cur quaeſo mala cenſeatur? Sin hoc largitur, largiri autem optimo iure debet, vt ſempiternis bonis potiamur, vitamque, quam mortalem habuimus, aeternam adipiſcamur; quid morte pietate inſignium beatius eſſe poſſit? Animi ergo a corpore diſceſſio non niſi vitae commutatio fuit. Hinc factum, vt mortem ſapientes nunquam inuiti, pii etiam ſaepe oppetiuerint libenter. Intel- ligimus igitur mortem *Eminentiffimo* & *Reuerendiſſimo* QUIRINO lucrum, reipublicae au- tem nobisque irreparabile damnum fuiſſe. Vti- nam his vulneribus medicinam inuenire poſ- ſemus! Sed quid inani ſpe animum noſtrum erigere allaboramus! nullum tempus hunc no- bis leniet dolorem; quod aetereoquin mortali- bus aegritudinem auferre ſolet. Vnicum id nobis reſtat, vt contemplando *Eminentiffimi* vitam, & immortalia facta, dolorem noſtrum iuſtiſſimum eſſe aliis aptiſſime ſignificemus, & ipſa publica triſtitiae commemoratione nos in- ter nos, quantum res finit, erigamus. Illius iacturam fecimus, qui principem locum inter nos tenuit.

Si enim natalium claritas quidquam ad commentationem pertinet, antiquitate generis & gloria maiorum maxime floruit, nam ex perilluſtri Quirinorum gente, antiquiſſima Du- cum Venetorum progenie, anno ſaeculi praete- riti octogefimo, originem duxit. Quotus quisque enim eſt, quem lateat, ſupremos Ve-
netorum

netorum duces sub octavi seculi exitum duos
fuisse Quirinos. Gloriam a maioribus tradi-
tam conservavit, conservatam novis honorum
accessionibus auxit, vetusque illud dictum,
fortes creari fortibus, exemplo omni exceptio-
ne maiori corroboravit. Hoc tamen non ob-
stante, animum ab honoribus ambiendis ha-
buit alienissimum, & nisi vis boni, quae in illo
tanta erat, quanta esse solet, si summa est, il-
lum ad summos honores etiam invitum pro-
traxisset; vitae solitariae dulcedinem, pietatis
& literarum studia, non cum publicis honori-
bus coniuncta, sed sola optasset, optata colu-
isset. Demittens autem se ad minora, exaltatus
est, maximamque per modestiam sibi paravit
gloriam. Quantum autem splendoris acade-
miae nostrae accessisse arbitramini, cum per
accessionem tanti viri publice fuerit probata?
Nihil prius, nihil exoptatius illi accidere po-
tuisset. Id quod tanto meliori iure asserere
possum, cum praeter natalium splendorem, di-
vina in mente gesserit decora. Animus illi
erat summarum rerum maxime intelligens,
probe gnarus, nihil non mortale tenere homi-
nes, pectoris exceptis ingeniique bonis; solasque
animi dotes, recte dicta factave immortalia esse.
Invita Minerva, ad sapientiae & virtutis fastigi-
um irritò conatu tenditur. Cui autem dona sua
larga manu natura concessit, illum ad magna
suscipienda atque perficienda natum esse, me-
rito dixeris. Docilitas autem & memoria
B quae

quae fere appellantur vno ingenii nomine, prompta & parata in respondendo celeritas, vt in tota vita eius, sic etiam ineunte aetate quam maxime in illo conspiciebantur.

Quem ad modum vero doctrina vim promouet insitam, rectique cultus pectora roborant; sic *Eminentissimus* ac *Reuerendissimus Cardinalis* quantum a studiis valeret, per totum vitae stadium luculentissime demonstravit. O quantus mihi in QUIRINI NOSTRI laudes excurrendi aperitur campus! sed loquitur uniuersa Europa, doctissimum praefulem vno ore, ut antesignanum suum, celebrat vniuersa literatorum cohors. Scriptis inter eruditos satis cognitis adeoque commemoratione mea haud indigentibus, suis ipsemet sibi exegit monumentum aere perennius, regalique situ pyramidum altius; quod non imber edax, non aquilo impotens possit diruere, aut innumerabilis annorum series, & fuga temporum. In labiis illius doctissimis Ebraica, Attica, & Romana sedem fixerat Peitho. Antiquitatum, Poeseos & Philosophiae studiis tenebatur, & tantum Theologiae sacrique iuris disciplinis tempus tribuit, ut illum tanquam absolutissimum literati exemplum uniuersa merito colerent Musarum castra. Idem testantur literarum commercia, quae illi cum viris doctrina illustribus intercesserunt quam plurimis. Idem sollicita bibliothecarum cura & splendida librorum collectio loquitur publico libe-

liberaliter ab eo donata. Aula illius eruditorum erat plenissima; vt Musarum castra potius, quam magni principis regiam esse crederes. Quantam eruditorum, Academicarum, quantam bonarum artium & reipublicae literariae habuit curam; quam consiliis regebat, re adiuuabat, constabiebat! Idem literae ad academiam nostram clementissime datae extra dubitationis aleam ponunt, in quibus coepta nostra probauit, probata suffulit, nobisque scripta a se edita clementissime donauit. Verbo dicam, ita erant comparatae eadem, vt spem nostram superarent, qualesue non nisi a QUIRINO exspectari possent. Studiis optimis *Eminentissimus* PURPURATUS innutritus erat; studiis quoque ac literatorum curae immoriebatur. O fausta temporum series, vbi ecclesiae praefules philosophantur! o felices cives! quorum Principes literarum studia colunt, promouent, immo purpura sua exornant! His profecto nihil maius meliusue terris fata donauerunt, nec donabunt vmquam, quamuis redeant in aurum tempora priscum.

Hac indole, studiis faultisque sub penetralibus nutrita, *Eminentissimus Dominus Cardinalis* coruscans, non potuit non ecclesiae, reipublicae singulisque sibi concreditis, largissimos maxima liberalitate expromere fructus. Egregium prorsus est summi Pontificis *Eminentissimo Cardinali* exhibitum testimonium, inquiringis: "confirmasti tot scriptis & euulga-

"tis operibus, nihil cum pastoralibus curis tam
 "belle ac sancte componi, quam literarias vi-
 "gílias ac labores, nihil magis decere eccle-
 "siam, quam praefules bonis artibus atque li-
 "teris occupatos." Indefessus praeterea erat
 in agendo; & neminem certe vnquam immor-
 talitate donauit ignauia. Vt fontes iugiter,
 nec sibi sed aliis scaturiunt, vt sol, obscurari
 nescius, perpetuo lumine fulget, omniaque
 illustrat: sic *Eminent.* ac *Rev. Cardinalis* non
 sibi vixit, sed aliis, tempora sua non sibi,
 sed ecclesiae, reipublicae, literis, subditis
 tandem dedit. Res aliorum secundas ornare
 & augere non allaborauit solum; sed etiam
 succurrit cum aduersa fortuna conflitantibus.
 Cuius rei ex innumeris vnum exemplum ex
 ore *Eminent.* QUIRINI in medium afferre li-
 bet, quod in epistola poetica ad Academiam
 Salisburgensem deprehenditur: "patriae, in-
 "quit, dein dura negotia Romam pertraxere,
 "& ibi velut arcta compede vinctum heu!
 "longum valde iusserunt stare per annum;
 "donec compositis rebus pax alma reuixit."

Nullis praeter ea itineris difficultatibus de-
 territus, Germanos, Anglos, Belgas & Gallos
 inuisit, & apud hos quam diutissime est com-
 moratus; vt vbique terrarum literarum disse-
 minaret & virtutis amorem, suiue desiderium
 relinqueret gratissimamque recordationem.
Eminent. enim *Cardinalis* probe intelligens,
 nihil virtute formosius, nihil pulcrius, nihil
 ama-

amabilius posse reperiri, eique omnia inesse bona, quem penes est virtus; non ipse solum ad virtutem animum nullo non tempore applicavit, quantumue valeret eadem non verbis, sed factis demonstravit; verum etiam aliorum animos ad virtutis culturam pellexit. Quae res, nisi inter omnes constaret, ex eius epistolis ad Clerum & gregem abunde colligitur. Quanta, in eo disciplinae ecclesiasticae in vtroque clero restituendae & firmandae cura erat & sollicitudo! Quam modeste se vbique gessit & abstinenter! Quanta illi inerat humanitas miraue comitas; erga quosvis, vel coram, vel per litteras eum compellentes; quarum praecipua pars est, honestissimum quemque complecti; atque ita a minoribus amari, vt simul a principibus diligaris. Vt innumera quae Eminentissimo inerat humanitatis testimonia taceam, eandem vel sola inter Graecos Corcyrenses pacifica honorisque plenissima comprobant commoratio. Pietatem, tamquam omnium virtutum principium & fundamentum ei propriam fuisse, ex tota *Eminent. Cardinalis* vita elucet. Annis abhinc quinquaginta nouem Florentiae sanctis Benedictinorum adytis lubens se inclusit. Ad summos mox honores, propter merita sua, protractus, construendis ac ornandis templis ingentes sumtus impendere non destitit. Templum Brixienſium cathedrale iam aliquot ſeculis ante inchoatum erat, ſed opus iam du-

dum interruptum iacebat; multisque iam Brixiae Episcopis magnitudinem incepti deplorantibus, neglectum erat. Idem NOSTER, nihil desperans, aere suo exstruxit atque feliciter absoluit. Quantos ad templum catholicorum Berolinense erigendum, ornandumque erogauerit sumtus, neminem fugere, in certis habemus. Qualis Episcopus in gregem concreditum & doctrina & exemplo fuerit, verbis, votis, lacrymis testantur Brixenses. Pauperum aegrotorumque rationibus paterna miseratione providit, probe sciens, homines nulla re propius ad Deum accedere, quam alios a calamitate vindicando, prohibendo. Quid multa? *Eminentissimi Cardinalis* vitae integritatem piissima facta fatis probarunt, quae si verbis exornare vellem, soli lucem affundere conarer.

Quae cum ita sint, non potuit non gloria, vti semper solet, maximae virtutis comes esse. Postquam igitur theologiae sacrique iuris disciplinas cum fructu incredibili suos docuerat, sacrosque vtriusque foederis codices in linguis originalibus interpretatus fuerat; ad Pisanam Academiam a magno Hetruriae Duce euocatus est. Sed in publicum prodire fugiens, Cassinensium congregationis historicis praefuit. Dein summus Pontifex Clemens XI. S. inquisitionis qualificatorem, sacrorum rituum & Indicis consultorem, congregationisque, quae veterum orientalium codicum ecclesiasti-

desiasticorum emendationi praeposita est, as-
fessorem illum renunciauit. Sed cum postli-
minio a suis Abbas electus fuerat; Summus
pontifex INNOCENTIUS III. inde abstraxit il-
lum ad Corcyrae insulae metropolin. Com-
moratus in eadem complures per annos, non
solum in re sacra administranda laudabiliter
gessit bene multa; sed antiquitatibus quoque
Corcyrae illustrandis intentus, opus immorta-
le edidit, aeternitatie commendauit. Postea
Romanus Pontifex BENEDICTUS XIII. cum S. of-
ficii constituit consultorem, Brixiamque trans-
latum, non Episcopi modo, sed & Ducis, Mar-
chionis & Comititis titulis exornatum, anno se-
culi huius vicelimo septimo Romanae ecclesiae,
purpuratum patrem declarauit. Quanto illum
summi Pontifices dignauerint amore & collo-
quiis familiaribus, in tractatu de rebys ad se
pertinentibus ipsemet modeste proposuit *E-*
minentissimus Cardinalis. Brixienfes quan-
ti Praesulem suum facerent, imagine *Emi-*
nentissimi, ex marmore constructa publico
decreto, in aula concilii exposita, & sequen-
tibus ornata versibus, abunde docuerunt.

Patricia Venetum clara de gente Quirina:

ANGELUS hic ille est, morum qui nomine
praefert

Mirum candorem, latio venerabilis ostro,

Omnigena pollens doctrina, Bibliothecae

Vaticanae honor, atque tuus modo, Brixia,
Pastor

Egregius, quondam Corcyrae gloria, iustus,
Propositique tenax, sibi parcus, largus egenis;
Magnificus, vera nulli pietate secundus;

Quod templa aere suo constructa loquun-
tur & arae.

Talis illi honor a suis merito est habitus
& longum foret laudes publicas & priua-
tas Italorum, aliarumque gentium ipsi tam
abundè tam vere impertitas enarrare. V-
nicum tamen iuuat addere elogium a maxi-
mo illo ingeniorum virtutumque aestimatore
(*de Main de Maître*) *Eminentissimo Cardinali*
exhibitum, & ex gallico idiomate a Philopatri-
de Brixiano latino metro ad literam redditum.

Iam dudum assiduus se prodit vbique Qui-
rini

Sanctae quo feruet religionis amor
Si spectes quam magna gerit, certe ille videri
Vna distentus religione potest.

Dum vero ingenuas oculos conuertis ad artes,
Totum ipsum quoque in his artibus esse
vides.

Obtigit haud illi, studia instaurare Mineruae,
Summum horum tamen est praesidium
atque decus.

Mul-

Multum utique is praestat, qui opibus & honoribus auctus

Omnigenis studia illa adiuuat, officiis :
At magis illa iuuat, proprio si scripta labore
Addat & insignes proferat inde typos.
Laudibus his cunctis vnum florere Quirinum,

Docta Europa vno concinit eloquio,
Illius & noua quotidie praeconia vulgat.
Sunt autem parua hæc munera pro meritis.
Quae viget ex solis radiis natura canendo
Reddere ei grates haec foret apta pares.

Quibus paria, nedum maiora, addere nescius,
ne laudem *Eminentissimi Cardinalis* potius obscurare quam illustrare videar ; ab ulteriori eius enumeratione desistam. Adeo enim in omnes gentes ipse suam viuens disseminauit gloriam, ut nulla vnumquam aetas de laudibus *Eminentissimi QUIRINI* conticescet. Commune hoc rei publicae literariae officium quam maxime & tamquam proprium nobis incumbere, nemo nostrum non nouit ; gratissima igitur mente *Eminentissimi QUIRINI* memoriam recolamus ad tempora vltima, & illius auctoritate incitati, scientias utiles tractare, & ad commune bonum applicare, non intermittamus ; dum vitae, quae spiritu & corpore continetur, conceditur vsus ; ne tanto antesignano indigni, & inter utilissimos quosque inutiles, quod in neminem nostrum quadrare scio, inueniamur. Dixi.





ELOGIUM
DIVIS HAMBERGERI
MANIBUS DICATUM.

A

M. S. L. HADELICHIO.

Permitte, o decus quondam & ornamentum reipublicae literariae, nunc desiderium & dolor; permitte, quaeso, HAMBERGERE desideratissime, ut in meritorum virtutumque Tuarum contemplatione aliquantulum defixus haeream, sicque & reuerentiae communis, & amoris erga TE nostri, aliquod Tibi consecrem monumentum: interest enim omnium, ut memoria bene actae aetatis distinguatur ab ignavia eorum, qui silentio pereunt ac penitus intermoriuntur. Tuque, o pullata fama, accipe sequuturis memorandum aetatibus lugubre argumentum iusti doloris, cuius interpretem me esse voluit Electoralis Moguntina scientiarum vtilium Academia.

Occidit nuper sidus quoddam in republica literaria fulgentissimum. Occidit lux quaedam venerabilis Salanae splendidissimae; Academiae nostrae ornamentum, doctorum virorum amor & admiratio, saeculi nostri decus. Occidit, (o illaetabile verbum) *Illustris, Experientissimus Amplissimusque Dominus* GEORGIUS ERHARDUS HAMBERGERUS, *Philosophiae & Medicinae Doctor, Physices & Medicinae theoreticae*

*reticae Prof. Publ. Ord. Serenissimorum Saxoniae Ducum a consiliis aulicis, territorii Ienenfis physicus, Academiae Caesareae, Naturae curiosorum, socius, & nostrae Academiae Electoralis Moguntinae scientiarum utilium, sodalis ordinarius; Vir incomparabilis, quem observabant Principes, quem colebant exteri non minus ac ciues, & qui vel ipsi Galeno & Aesculapio, * quos prisca coluit antiquitas, palmam dubiam facere potuerit; ac proinde, consentientibus omnium iudiciis, immortalitate videbatur dignissimus. Obiit, &, quod maxime lugemus, eo ipso tempore desiit vivere, quo maximam Academiae nostrae vtilitatem, allaturum eum, iucundo initio credebamus.*

Quanta erat nuper Academiae nostrae laetitia, quum Illustri HAMBERGERO literas de receptione testimoniales transmisisset! quos ab illo fructus mirificae, qua florebat, doctrinae, promittere sibi poterat! quanta commoda! quanta splendoris incrementa ab illo expectauerat! At nunc, vt poeta canit

* Om-

* Teste WITTICHIO nomen accepit περί τὸ τὰ ἀσκελῇ τῶν νοσημάτων ἥπια ποιεῖν. Quod, quae morborum aspera sunt, mitia fecerit. Epidauri, vrbe Aethiae templum habuit, in quo residebant aegroti donec sanitatem recuperarent. Antonius tribuit symbolum triangulum triplicem, inuicem insertum, & quinque lineis constantem, in quibus scriptum fuit ὕγινα.

* *Omnia in aequoreos abierunt irrita ventos!*

Omnis nunc spes est funere fracta viri.

Inuida fortuna, eamne ob causam hanc nobis laetitiam dedisse videris, vt, ea breuiter intercepta, tanto acerbius doleamus? Siccine terris eum praemature debuisti eripere, a quo maxima sperare commoda poteramus?

Improba mors, quare tantis virtutibus ob-
stas?

Tot bona cur nobis eripis atra dies?

O miseram mortalium conditionem! o ancipites rerum humanarum vicissitudines!

Sed, quorsum inanes indignasque fundo querelas? quin imo, in ipsa doloris significatione iniquus vixque ferendus mihi videor! Quid? HAMBERGERUM mortuum dicam? o indignum tanto viro verbum! HAMBERGERUS immortalis est, viuit adhuc inter nos, neque vlllo vnquam aeuo penitus intermoriatur. De illo enim maiore quodam iure affirmare poterimus, quae Graecus** olim de patre contende-
bat, quum mortuus diceretur: *ὃ μὴ λέγει βλασφημίας, πατήρ μὲ ἀθάνατός ἐστι*, noli blasphemias dicere, pater meus immortalis est. Est profecto quaedam hominum immortalitas ***
cui

* Ouid. in lib. trist. & Lotich. Lib. II.

** *Ἐπικτέτ.*

*** De illa canit Ouid.

- - Corpora consumit, titulos, & busta, vetustas,
- - At si quis Musas coluit, si pectoris artes:
Ille vel inuita morte superstes erit.

cui nec Parca feralis inimicas manus iniicere, cui nec obeſſe aeuum fragile, quamque non edax rerum vetuſtas ynquam corrodere poteſt. Immortalitas eſt, quae virtutibus, * praeclaris in patriam meritis, ſcientiisque egregiis comparatur, & qualis demum illa ſit, quantaque praeſtantia gaudeat, in HAMBERGERO diuo, omnium optime colligi poteſt, & animaduerti.

Sed tantam meritorum ac virtutum multitudinem aggredienti id mihi iam accidit, quod Apellis ſimulacra conſpicientibus olim eueniſſe dicitur, qui concinnitate picturae adeo in admirationem rapti commemorantur, vt copia ipſa, ad inopiam in dicendo, redacti fuerint, & velut obſtupefacti, totius artificii pulcritudinem eloqui non potuerint. Aliis igitur incedendum veſtigiis, & ne detrahere potius tantis virtutibus imbecillitate mea, quam laudare eas videar, leuiter tantum aliquas attingam, &, quemadmodum poeta ** canit:

- - per ſumma cacumina tantum
Ire iuuat rerum.

Atque vt inde ordiar, vnde felicitatem Illuſtris viri diuina prouidentia exorſa eſt: non igno-

* Cic. pro Archia poeta: inſidet in optimo quoque virtus, quae admonet, non cum vita dimitti commemorationem nominis noſtri, ſed cum omni poſteritate eſſe adaequandam.

** Lucan. in ph.

ignorabit facile quispiam nostrum, Ienae, fecundissimae maximorum virorum matri, atque eruditissimis hominibus liberalissimisque studiis affluentibus * id contigisse, ut vagientem in cunis HAMBERGERUM adspicere, & è iucundis tenerae aetatis praeludiis, prima bonae indolis indicia colligere potuerit. Erat tunc annus MDCLXXXVII. R. S. inque orbem redierat vicesima prima lux Decembris, qua mortalitatem induit, quam feliciter nunc exiit, magnus lucis nostrae candidatus. ** Patre gavius est viro optimo, Magnifico, amplissimo, doctissimoque GEORGIO HAMBERGERO, Matheseos & Physices in illustri Academia Ienensi, Professore celeberrimo, ex quo familiari quodam iure, virtus amplissima, & eximius physices ac matheseos amor, ad filium, parente dignum, cum ipso sanguine transiisse videtur. Avus illi contigit veri nominis mathematicus, D. ERHARDUS WEIGELIUS, cuius eximia in reimp. literariam merita adhuc passim celebrantur.

Sed natalium honos & praeclara maiorum scientia, non nostri sunt arbitrii, sed fortunae, neque satis est, eximiam parentum doctrinam ostendere posse, nisi eos vitae morumque fructus feramus, qui cum stirpe consentiant; quod-

* Idem Elogium Cic. p. Arch. p. c. III. Antiochiae, qua Archias oriundus erat, tribuit.

** Sic appellat Cic. p. l. manilia Pompeium Magnum.

quodque Themistocli contigisse accepimus, vt Miltiadis tropaeis e somno excitaretur: sic amplitudine & fama eorum, a quibus vitam accepimus, ad virtutem & gloriam extimulemur. Longe vero maioris est momenti exacta institutionis ratio. Illius neglectus Phalarides, Busirides, Neronēs, pestes illas ac venena rerumpublicarum produxit, quorum tenerior aetas licentius habita, accrescentes cum annis animos in rabiem egit, ac de sede & statu suo exturbauit. Sed ne tale quid detrimenti ex remissione filii cultu pateretur resp. mature prudentissimus pater, qui filii salute suam contineri sciebat, magistrōs illi prospexit, qui tantae spei admouerentur, & ingenium ad summā quaeque adspirans, pietate, iustitia & bonis artibus imbuerent; intellexit enim, praeposita eorum esse studia, qui diuitias quidem relinquunt filiis, filios autem, quibus eas seruauerunt, negligunt. Dedit igitur filium in disciplinam *praenobilissimo SIDELIO, tunc facultatis philos. adjuncto*, & SAMUELI GESNERO, *Rectori postmodum Rothenburgensi, doctissimis viris*; de quibus dubium est, * vtum discipulus plus debeat praeceptoribus, an praeceptores discipulo. Illis enim hic ad gloriam, huic illi ad ingenii docilitatem protuerunt. Illi bonas artes discipulum docuerunt, discipulus reddidit immortalitatem. Erat tunc in puer-

ro

* Dicit Plutarchus in vit. Alex. de Aristotele.

ro docile ingenium, quod celeriter omnia, quae tradebantur, arripiebat, & mirificus discendi ardor, qui honesta aemulatione, magni animi obsonio, acuebatur magis & extimulabatur. Hinc, iam anno MDCCXIV. in ciuium academicorum Ienensium numerum fuit cooptatus. Si quis scire cupiat, quam viuendi rationem in his annis instituerit; & quomodo studia pertractauerit academica: adeat tantum praefationem, quam commentariis Perill. van SWIETEN, * maximi nominis viri, praeposuit. Quod enim aliis in ea commendat, id ipse effecit diligentissime. Nullum sibi laude sterile tempus elabi passus est, sed computato cum valetudine somno, antelucanis se exercuit negotiis, memor, se solis aemulum esse, qui primus e stratis corpora prouocat, dumque se agitatione vegetat, singulos inuitat ad negotiorum exercitium. Nunquam punicum malum, tot grana ostendit, quot sciendi desideria HAMBERGERI animus. ** In mathesi & physica patris frequentauit collegia, reliquarum vero disciplinarum praecepta suppeditauit cel. POSNERUS & SYRBIUS, quorum memoriam grato recolimus animo. Neque vero HAMBERGERO satis fuit scientiarum initia

* Quae MDCCXLVI. Hildburghusae publici iuris facta est. vide infra indicem librorum.

** Idem BURCKARD. MAIUS de DANIELE MORHOFIO polyhistoro dicit in edit. epist. Morhofianar.

initia degustasse, verum sic pectus suum illis muniuit, vt in omni scientia, ad eruditionem, non ostentationem, proficeret. Recondita quaeque naturae, vim elementorum, tempestatum vices, stellarum orbes & itinera, rerumque corporearum mensuram & quantitatem, indefessa perquirere diligentia studuit. Latentes in quouis virore virtutes ab acinis ad corticem, a cortice ad imas radicum fibras didicit. Vasta profecto scientia, quae non, nisi indefesso comparatur studio! In historia ita fuit versatus, vt eius caput velut prudentiae officina esset eumque spirantem bibliothecam & cornu quoddam Amalthaeae appellares. * Artium vero mechanicarum tam accuratam habuit rationem, vt LYSIPPUS & POLYCLETUS apud eum, quod mirarentur, inuenerint, volentemque retinuerit columbam Archytas.

Patre morte praematura peremto, in artem salutarem, duce cel. SLEVOGTIO, sua contulit studia; & quantos in ea progressus fecerit, non nostrum est dicere, quum omnis Germania eum hac de re admiretur & collaudet. Adeat, si quis ignoret, WEDELII programma ** Ienenses relationes, *** GOETTENII Europam
C lite-

* Illud elogium viri eruditi Longino datum fuisse testatur HEINECCIUS.

** De euaporatione acceleranda minoribusque sumtibus perficienda. Ienae 1721.

*** In den Ienaischen monatlichen Nachrichten vom Jahr 1727. p. 64.

literatam * MYLII Ienam viuentem. ** & BRUCKERUM celeberrimum. *** Vbi laudum ac meritorum, quibus conspicuus fuit, testimonia inueniet luculentissima. Inprimis vero anatomiae, praestantissimae, artis medicae, emendatricis, fuit studiosissimus, ita quidem, vt etiam tum, quum vix pueris excessisset, & nondum in publicas academiae tabulas nomen fuisset relatum, semper adfuerit sectionibus cadauerum, eximiamque discendi cupiditatem prae se tulerit. Omnia inuestigauit accuratius, & nihil a natura tam altum aut reconditum esse credidit, ad quod labor indefessus non penetrare posset. Scilicet diuinum acceperat animum, qui nihil imperuium clausumque patiebatur, sed ad summam semper perfectionem attingere laborabat.

Viua fuit in eo sensuum alacritas, acre iudicium, paratissima memoria. Praeterea contigerat ipsi virilis corporis venustas, quae velut vi quadam tacita singulorum animos ad sui venerationem inuitauit. Caput, sublime fuit honoris theatrum, molle nihil, nihil esse minatum portendit: Frons aperta docili imagine animum repraesentauit. Statura ad dignita-

* Gelehrtes Europa I. Th. p. 574.

** Ienae 1743. p. 149.

*** Im 6. zehenden des Bildersaals.

gnitatem apposita; artus firmi & robusti, corpus alacre & vegetum. Velaucrat hac virili effigie coelestes spiritus natura, & copiose in eum cumulaucrat dotes, quas parca satis manu distribuit aliis.

Quid igitur ab eo non expectaret hominum societas, qui tam eximiis corporis animique dotibus instructus, tamque mirifico doctrinae apparatu ornatus, amabilis superioribus, aequalibus vero semper fuerat admirabilis? Quid mirum, quod praemia virtutis, honores, ad eum ornandum vndiquaque velut confluerent? quid mirum, quod summis celeriter muneribus sit admotus, quibus quidem ille potius fuit ornamento, non munera viro. Anno S. R. MDCCXVII. summi in philosophia honores ad eum deferrebantur. MDCCXXI. Medicinae Doctor creabatur; secuto postmodum anno MDCCXXIII. cooptabatur in numerum adiunctorum facultatis philosophicae. Proximo anno phylicus Vinarientis territorii eligebatur, & non ita multo post agri etiam Ienenis, atque anno denique MDCCXXVI. Professoris Medicinae, extra ordinem constituti, dignitas ad eum deferrebatur. Quid vero de dexteritate, cura & studio, quibus praefuit hisce muneribus, dicam? superuacaneum certe foret, hoc commemorare velle diutius, quum omnis Germania illud vno velut ore praedicet, & viri sa-

tis multi ex illius exiuerint disciplina, qui, quantus ille fuerit, quotidie testentur. *

Sed praecipua diui HAMBERGERI dos, quae propria illi prae ceteris fuisse videtur, non erit reticenda. Scilicet mirifica quaedam docendi facultas, quam donum proponendi vocare solent alii. Hoc certe donum proponendi inter principes illius virtutes numerandum & ita comparatum fuit, vt vel solum, si alia defuissent merita, dignum fuerit, quod admirerur, & posteris commendemus ad imitandum. Tam enim insolita & admiranda quaedam facilitate res difficillimas edocere potuit auditores, tamque clare, perspicue & adaequate omnia tradidit, vt ad docendum non arte adfuefactus, sed natus esse videretur. Tantum ille abfuit a nefando illo AUL. GELLII ** praecepto: *σκότισον σκότισον* si doctus videri vis; vt potius id, quod obscurum maxime & perplexum videbatur, optime & sic explicauerit, vt quasi de tritis ac quotidianis loqui visus sit. Qua ex re factum, vt non solum multi ad eum confluerent, sed exteri etiam semel atque iterum studerent praemiis & honoribus eundem ad se elicere. Quodque

HOME-

* Vid. Goettens gelehrtes Europa I. Th. p. 574. D. Boerners Nachrichten von den Lebens-Umständen berühmter Aerzte I. Band. p. 63.

** In noct. atticis.

HOMERO * quondam contigisse accepimus, vt septem simul vrbes pugnaverint quasi de eo & suum esse voluerint, idem propemodum de ** diuo HAMBERGERO contendere poterimus. Vt enim taceam, Steinam, iam quindecim abhinc annis, illi munus Professoris matheseos obtulisse conditionibus perquam honorificis; Altorfia etiam, Goettinga, & Hala de eo, ad se eliciendo ornandoque, quasi contendisse videntur. Sed patriae, cui natus erat, viuere destinauerat, & quanquam initio Goettingam aditurus videbatur; quoniam auo illius cel. D. WEDELIO idem sedebat animo: Ienae tamen, tot maximorum virorum nutritrix & illustrium ingeniorum fecundissima mater, vicit, eumque retinuit, postquam serenissimorum Ienae nutritorum clementia contigerat illi non modo potestas succedendi Professori cel. Physices, quod MDCCXXXVII. solemniter euenit; sed illustri simul consiliarii aulici dignitate

C 3

fuerat

* FABRICII bibliothec. Graec. Vol. I. p. m. 258. & Cic. pro Archia poeta, cap. IX. itemque celeb. BOERNERI Nachrichten von den Lebens-Umstenden itziger berühmter Aerzte p. 64. quem potissimum propter nimiam temporis exiguitatem, secuti sumus.

** Diuum virum Lacones appellabant, quem vehementer admirabantur. Vid. TERENTII Adelph. act. IV. scen. I. vers. 19. & notas CORN. SCREVELII ad hunc locum.

fuerat condecoratus. Quumque anno MDCCXLII. Halam in locum & dignitatem Germanorum Aesculapii, perill. HOFMANNI, euocaretur: accidit, vt *Serenissimi Saxoniae duces*, qui tanti viri merita satis habebant cognita, eundem anno MDCCXLIV. in locum ill. TEICHMEIERI surrogarent muneribusque Professoris Botanices, Anatomiae & Chirurgiae ornarent publice. Denique vero MDCCXLIIX. illustri HILSCHERO morte peremto, *in facultate medica dignitas Professoris Chym. & Prax. ad eum fuit delata*, sicque diuus HAMBERGERUS ad illud adscendit honorum fastigium, ad quod per nascendi sortem, & praeclara merita attingere potuit; idque illi contigit, quod multis fortuna negauit, vt paria virtutibus & doctrinae suae praemia, acciperet, ita, vt nec voto maiora concipere, nec minora virtute posset mereri, singula vero tanto cum splendore consequeretur, vt omnes felicitatis numeros cumulate expleuerit.

Iam vero ad illud mea se conuertit oratio. quod reliquis omnibus diui HAMBERGERI meritis splendidissimam affundere lucem, eaque velut corona quadam venerabili, condecorare potest. Quod enim Aristoteli Stagyrityae * aeternae cessit gloriae, vt Alexandro M., quem postea stupefcebat terrarum orbis, literas ac philo-

* Fufius hanc rem commemorat Plutarchus in vita Alex.

philosophiam tradiderit : id simili fere fortuna illustri contigit HAMBERGERO. Scilicet penetrauerat illius fama, in angustis Ienae moenibus non inclusa remanens, sed longe lateque ad exteros euolans, ad Serenissimam Gothanae gentis Principem, Germaniae nostrae Mineruam, itaque viri eruditio se probauerat sapientissimae Principi; vt in aulam, quae porticus * philosophantium, sapientiae sedes, & literarum sacrarium dici mereatur, eum acciuerit, atque matheos sublimioris arcana, interiora physices mysteria, & recondita quaeque philosophiae, intra parietes regio cultu splendidos, ab eo proponi sibi iusserit. Vastior hic dicendi campus, quam qui in exiguum gyrum contrahi possit.

Tibi vero, immortalis HAMBERGERE,

- - - certe non vltima laus est

Principibus placuisse ** - - -

Quilibet enim facili colliget negotio, non, nisi perfectam doctrinam omnibusque numeris absolutam, tantis sufficere conatibus. Talis doctrina fuit tua, quae non ea solum occasione, sed etiam in libris, incredibili eruditione refertis, satis luculenter se ostendit.

C 4

Neque

* In porticibus enim docebant philosophi veteres peripatetici.

** ex Horatii epistolis.

Neque tamen HAMBERGERUM ab omni imbecillitatis forte exemptum asseuerabimus; nec ab omni incerti suspicione libera penitus illius scripta, contendemus. Homo fuit HAMBERGERUS, ideoque nihil humani alienum ab eo fuisse credimus. Non semper ad Cannas pugnat Hannibal, & Argus ipse falli decipique potest. Liceat nobis, vt taceamus paruas illas simulationes, quae intercesserunt, cum maximo aetatis nostrae Aesculapio, perillustri HALLERO. Immortalia vtriusque merita veneramus, & diuinam scientiam, qua nunc velut sol inter reliqua sidera elucet perillustri HALLERUS, non ignoramus. Tantum igitur a nobis abest, vt alterum damnare, alterum absolueri velimus, vt potius vtrumque pari venerationis cultu prosequamur. Liceat, inquam, nobis, vt vel penitior praetereamus silentio, octo propemptica de dubiis, contra mechanismum pectoris, dilucidatis, Lectoremque ad ipsos fontes ablegemus. Magna res est veritas & praeualebit.

Caeterum in societate cum aliis, penes se, hominibus, ita se gessit diuus HAMBERGERUS, vt communis infimis, par nobilioribus haberetur. * Tantum aberat ab arrogantia, intolerabilis & pusilli animi indicio, vt facilis cuique

* Hoc elogio Cornelius ornat Atticum suum in vitis excell. imperat.

que ad eum pateret aditus, semperque cum grauitate iuncta esset comitas.

Deficeret me prius oratio, quam rerum dicendarum copia. Seruabit eas posteris aeterna annalium fides. * Ego vero magnopere doleo, quod illius conspectu frui non amplius liceat, in quo consummatissimum multarum virtutum exemplar intueri consueueram. Sed excedendum erat ex orbe, postquam omnem orbis gloriam absoluerat. Maior erat quinquagenario, sed aeternitate non minor; Cœlo autem datum est, vt aeterni simus, illic perennabimus. Hinc HAMBERGERUS diuus, quum Vinariae in comitiis, nomine illustris academiae Ienenfis esset, repente in morbum, quem malum ischiadicum medici appellant, incidit, Ienamque redire fuit coactus. Quanquam vero praesentissima adhibebantur remedia: vis tamen morbi ita creuit, vt non ita multo post vitam cum morte commutaret. Non tamen obiit illustris HAMBERGERUS, sed abiit tantum in ora hominum, virtutes & sapientiam eius vsquequaque collaudantium; abiit ad beatas sedes, vbi praemiis fruitur, quae virtus meruit, iucundissimis.

Ergo, mi HAMBERGERE, alti nunc incola
coeli

Perfruere aeternis, quae tibi parta, bonis.
Doctrina, & virtus tua, nomen, honosque
manebit

Atque, vel inuita morte, superstes erit.

INDEX

Librorum libellorumque, quos elaboravit mirifica HAMBERGERI diligentia.

Diff. de perspectivis ad situm plani transparentis mutatum applicatis. Jenae 1719.

- - - inaug. de malignitate in morbis Praef. I. A. WEDELIO pro gradu Doctoris 1721.

- - - physic. de sole splendorem amittente coelo nubibus non tecto Resp. G. EKKARD 1722.

- - - de primis fluidorum phaenomenis 1723.

- - - de experimento ab HUGENIO pro causa gravitatis explicanda, inuenta. 1724.

- - - de frigore morbifico. 1725.

Epistola gratulatoria ad D. WEDELIIUM ubi de phaenomenis quae similitudinem actionum fluidorum &c. agitur. 1725.

Diff. chemica penetrationem salis alcali in interstitia salis acidi per experimenta demonstrans. Resp. SEGNERO. 1726.

Programma auspical de camphora per spirit. nitri fusa, quo ad publicas lectiones inuitat.

Progr. de partialitate acus magneticae. 1727.

Diff. de respirationis mechanismo & usu genuino. 1727.

Ele-

Elementa physices methodo mathematica in
 vsum auditorum conscripta. Ienae 8.
 1727. Denuo excusa sunt haec ele-
 menta 1735. 8. tertio typis impressa
 1741. cum praefatione de cautione in
 experimentis rite formandis & appli-
 candis, & responsione ad dubia, quae
 fecerat Dominus de MUSSCHENBROEK.
 Laudes illius libri celebrantur in Act.
 erudit. 1727. Dec. & quanquam sin-
 gularia quaedam praecepta in eo re-
 periantur: plura tamen naturae pro-
 digia & res difficiles e principiis istis
 explicantur. vid. Ienaische monatliche
 Nachrichten 1729. p. 174. Witteber-
 gae edebat cl. DANIEL PERLICIUS theo-
 riam caloris mathematicam, in qua
 nonnulla contra leges adhaesionis mo-
 nuit. Respondit autem ill. HAMBERG.
 sequente dilucid.

Vberior dilucidatio legum suarum
 adhaesionis atque transitus ignis ex
 vno corpore in aliud. Ienae in 8. 1728.
 cuius recensio in act. Erud. p. 156. re-
 periunda est.

Diff. mathem. med. de venae sectione, quate-
 nus motum sanguinis mutat. 1729.
 vid. Journal des Sçavans 1731. mens.
 Jan.

- - de cohaesione & attractione corporum.
 Resp. autore SUSSELMILCH in qua ill.

HAM-

HAMBERGERI opinio a priori demonstratur.

Diff. de origine fontium foteriorum.

Leopoldi Pilati ep. de conciliandis annis Iuliano & tropico cum annotat. 1734.

Diff. de medicamentis emollientibus 1737.

- - de causis adscensus vaporum, Resp. filio.
Hac disp. præmium meritis fuit, quod Acad. Burdigalensis huic solutioni constituerat; itemque alia, de secretione.

- - qua diastolen cordis a sanguine per venas redeunte non perfici asseritur. 1744.

- - de modo agendi medicamentorum in genere. Resp. 10. H. WILLE. 1744.

Propempticon inaug. prim. quo ad dubia contra mechanism. pectoris mota respondet. 1745.

Propempt. sec. huius argumenti.

Diff. de similitudine signorum mortis & salutis in febribus acutis. 1745.

Diff. de inflammationum pathologia. 1745.

- - de modo agendi medicamentorum terrearum.

Propemptic. III. quo ad dubia contra pectoris mechanism. mota resp. 1746.

- - IV. de hoc argumento.

- - V. - - -

- - V. - - -

- - VI. - - -

- - VII. - - -

- - VIII. - - -

Diff.

Diff. de incrassantibus 1746.

- - de medicamentis resoluentibus.

- - de spina ventosa.

- - de luxationibus & subluxationibus.

Propempt. de ruptura intestini duodeni.

Diff. de inflammationum verarum diagnosi.

- - de atonia.

- - doctrinam generalem sistens de haemorrhoidibus.

- - de paregoricis.

Praef. de praxi medica rationali addiscenda & proponenda, praemissa G. V. SWIETEN comment. in BOERHAAVII aphorismos de cognosc. & curand. morbis.

Diff. de morte subitanea omniaqua per paracanthesi abdominis simul educta plerumque contingente Resp. F. BÜCHNER 1747.

In actis Acad. Nat. Cur. Vol. III. exhibuit observuat. de singulari impedimento respirationis a vulnuscule mylo- & Genio - hyoidei muscutorum p. 285.

Diff. de anodynis; alia exponens vnus pulsationis praedicata, quatenus est actio; cum Progr. de aere corporibus incluso, quorum plura luci dedit publicae; de emeticorum agendi modo & vsu; de attractentibus; de calore humano naturali; Progr. ad SCHREIBER Diff. de sulphure: de cyprino monstroso rostrato, de quo etiam plura dedit programmata; Diff. de hypnoricis & narcoticis; de opio; de suffocatione; de tremore; de ulcerum Pathologia; de obstructione; de frigore symptomatice; de diarrhoeae Pathologia, &c.

GER.

GERHARDI HOFMANNI
DISSERTATIO

DE

CONSTRUCTIONE MOLAE AB
AQUA AGITANDAE, CUIUS AXIS
EST PENSILIS. *

CORRECTIS EMPIRICORUM EA IN RE
ERRORIBUS,

DEMONSTRATUR,

QUAENAM

OPTIMA SIT PARTIUM AD SE INVICEM RATIO,
ET QUO PACTO CALCULI TRIGONOMETRICI
OPE ERUI ILLA POSSIT.

§. I.

Molas, cum earum constructio ex Empiricorum arbitrio pendeat, multis saepe vitiis laborare, satis patet. Fuerunt sane ex Mathematicorum numero haud pauci,

* Molarum apud nos duo genera sunt. Circumagitur enim rota molaris siue maior, aut in contrarias aquae irruenti partes, aut in easdem. Hunc, quem posteriore loco dicimus motum Architecti *directum* vocant (Oberflächlig) quem priore, *retrogradum* (Untersflächlig). Molae retrogradae diversitatem admittunt. Nam quarundam axis locum quem habet semper retinet; quarundam (der Pansterwercke) axis altius eleuari potest, cui rei aut catenae adhibentur, aut cunei. Mola de qua

ci, qui malo huic remedium parantes variis modis demonstrare, quo pacto molæ feliciter construi, & plenior ex illis utilitas percipi possit. Sed consilia eorum quo minus exitum habuerint, duas ob causas factum fuisse autumo. Empirici enim, imo & architectorum plurimi, geometricas demonstrationes minime intelligunt. Quod si quædam modo ipsis intelligibili dicta fuerint, ea omnia quam primum a trita sibi via recedere videntur, pro incertis ac frivolis habent, multa dictu admodum speciosa, factu minus possibilia esse vociferantes. Hos clamores, ut pro viribus compescerem, simulque illos quibus demonstratio ab ipsis principiis petita displicet, eo tædio levarem, visum est, per exempla docere, neque alia nisi quæ a me ipso effectui data, omnium oculis iudicioque exposita sunt proferre, simul autem, per singulas machinae partes eundo, & rationes cur unamquamque ita construxerim, & incommoda per constructionem illam vitata, exponere. Hoc loco praetereundum non est, me duo omnino molendina ex ipsis fundamentis extruxisse, alterum minoribus molis proprio quippe praediolo inseruiens, alterum iussu

L. B.

qua Auctor eam ob causam agit, quod in Thuringia nostra omnium frequentissima occurrit, axi mobili, catenis elevando instructa est. Hinc factum, ut *pensilem* appellauerimus. Nostre sermone eius, modi mola *Ziehwerc* vocatur.


L. B. de LYNCKER, a consiliis Em. Electoris Moguntini intimis, & Academiae nostrae Praefidis, in Dynastia haeredit. Dennstediana. Ipsa autem veritate teste asseuerare audeo, dimensiones a me tunc adhibitas nuncque describendas, omnino iustas atque singulas machinae partes sibi inuicem congruas fuisse, ita, vt postquam inter se connexae, rotaeque molares aquae permissae fuissent, plane nihil apparuerit quod mutandum corrigendumue esset. Ne autem descriptio mea obscuritate laboret, e re esse duxi, vt vocabula quaedam artificibus vsitata breuiter explicata, illi praemitterem. Quod si quis aut haec, aut alia deinceps obuia, latinitate minus pura, donata esse censeat, illi per nos facile licebit, expunctis nostris, alia magis commoda in eorum locum substituere.

§. 2.

Tignum illud quod aggeri supersternitur, vt aquam mouendis rotis minime necessariam fluvio permittat (Wehrbaum) quoniam ex omnibus structurae inferioris (des Grundwerckes) partibus supremum locum occupat, nos brevitatis causa, *Fastigium* appellabimus. Fig. 1. a.

Alueus esto, qui rotis aquam immittit. Das Gerinne. Terminatur alueus vtrimque tignis transversalibus duobus, quorum alterum Fig. 1. b. *superius*, alterum f. *inferius* dicitur. (die Fachbäume) Haec a nobis *Limites* appellantur.

Quo-



p. 49.

Tab. I.





Fig. 2.

p.

Quoniam fastigium altiore loco ponitur, quam limes superior, differentia altitudinis (der Wasserstand) *gremium* nominabitur.

Alueus ubi rota illi imminet, in sinum recedit, & ad modum dimidiati arcus curuatur. *Sinus* (der Kropf.) duabus sublicis in terram adactis intercipitur. Harum alteram, Fig. 1. m, n, o, (die Kropfschwelle) *caput sinus*, alteram, (die Creutzschwelle) cui locus perpendicularo ab axi rotæ demisso quæritur, *Terminalem* vocabimus. Fig. 1. d, e, l.

§. 3.

His ita præmissis, problema esto, vitatis empiricorum erroribus, "Molam extruere, "instructam rotis molaribus tribus, operibus * "quinque, quorum tria comminuendo frumento, ex reliquis vnum rotundando hordeo, alterum exprimendo oleo inferuit, ea lege, ut "alueus sit simplex, lapsus aquae a limite superiore ad superficiem aquae inertis, non nisi "pedum 4. dig. comm. 3.

§. 4.

Huic problemati ut satis fiat, primo de *stru-cturis inferioribus* ** solliciti erimus.

Molendinum quod descripturus sum, Ilmae fluuio adiacet. Accipit autem gremium consuetudine illis locis recepta, altitudinem dig. rhen. 19. qui faciunt dig. communes, 20.

D

§. 5.

* Gänge.

** Grundwerk.

S. 5.

Terminalium extrema, infra superficiem aquae inertis deprimenda. Idem & de *limite inferiore* dicendum. Inter hunc enim atque illam, augenda est celeritas fluentis eum in modum, vt expulsa ex aluteo, quem subinde intrat, aqua inerti, impedimentum quod gyrationi rotæ allatura foret, penitus tollatur. Qua in re facile in alterutram partem peccari potest. Quod autem mireris, siue in hanc siue in illam partem peccaueris, idem semper ex errore malum senties. Nam si limitem non satis deprefferis, aqua iners omnino non expellitur; si nimis, fluens magna celeritate innum petit, neque in supernatantem sibi stagnantem vires vllas exercet. Deprimitor itaque superficies tabulati quo terminalium vltima internitur *digito vno* infra superficiem aquae stagnantis; superficies vero tabulati quod limiti inferiori innititur, digitis *quatuor*. Hunc si seruaueris modum, deprehendes gyrationem rotæ ab omni stagnantis aquae resistentia penitus liberam esse.

Depressio haec limitis, cum lapsum aquae naturalem 4. digitis augeat, erit per illam *summa lapsus* ped. 4. dig. 7.

S. 6.

Quoniam rotæ molares tres eidem aluteo imminentes ordine sibi succedunt, cogitandum nobis est de interuallis, quibus a se inuicem sint separandæ. Hunc in finem & magnitudinem

dinem earum, & spatium quod machinae intra molendinum collocandae, occupaturae sunt, diligenter expendere iustisque limitibus coërcere debemus. Aucta enim magnitudine rotarum, augetur etiam amplitudo tum machinarum tum aedificii, facile igitur fieri potest, vt expensae absque omni necessitate augeantur.

§. 7.

Nos quidem huic rei eum modum adhibuimus, quem statim exposituri sumus. Definimus itaque spatium quod limite superiore & perpendiculo ex centro primae rotae demisso comprehenditur, ped. 15.

Spatium inter centra rotae primae & secundae ped. 25. dig. 11.

Spatium inter centra rotae secundae atque tertiae, ped. 26. dig. 8.

Spatium inter centrum rotae tertiae & limitem inferiorem, quod a machinis oleo exprimendo inservientibus occupandum erat, fecimus ped. 11. dig. 6.

Ratio huius distributionis patebit, ex calculo quo machinarum interiorum magnitudo definitur. Dabimus illum suo loco.

§. 8.

Inuentis rotarum centris, aut quod ad idem redit, centris foraminum per quae axes trans-eunt, dispicendum est quo pacto & alueum inclinare, & quasdam illius partes in sinus flectere debeamus.

§. 9.

Multi, cum alueo sinus addere parum feliciter conati essent, rei difficultate territi, satius esse duxerunt, ut ad lineam rectam is protenderetur. Sed consilium successu caruit; fluens enim, vix vnam alteramve rotæ palmulam leuiter impellens, parem moli suæ effectum minime reddebat, sed vano tumultu inutilis dilabebatur.

§. 10.

Quod si quis caput sinus rotæ nimium admoveat, fluens non nisi in proximam rotæ palmulam aget, reliquis autem aqua absque omni ad motum impulsu circumfundetur. Tardius itaque circumgyrabitur rota, nec quem pro aquae copia posset, usum præstabit.

§. 11.

Fig. Monstrabimus igitur, si datur semidiameter rotæ $n b$, altitudo sinus $d c$, Fig. 2, & profunditas aquae, in alueo $e d$, quo pacto describendus sit ipse alvei sinus.

1. Ope datae semidiametri describatur circulus. Fig. 2.
2. Ex puncto aliquo peripheriae, demittatur in horizontalem $c b$ perpendiculum $f g$, datae sinus altitudini $d c$ aequale.
3. Ex centro n , describatur palmula in punctum f definens. Describantur ex eodem centro & plures palmulae, i, k, l, m, s.
4. Continuetur $h f$ & fiat $f o =$ dimidia profunditati aquae in alueo.

5. Quac-

5. Quaeratur in diametro ab , punctum, a punctis a & b aequidistans. Erit illud in p .
6. Ex p , radio po , describatur arcus ob , qui est *pars inferior* sinus.
7. Fiat perpendicularum qr , aequale rectae ro .
8. Describatur ex r , arcus qo , qui est *pars superior* sinus, quo facto habebis superficiem sinus quaesiti, id est tabulati quod capiti sinus atque terminali insternitur.

§. 12.

Quoniam fo aequalis est dimidiatae profunditati aquae per alueum ruentis, patet alterum dimidium massae aquosae agere in palmulam fh , alterum vero dimidium in reliquas, ad b vsque, pro earum numero. Nam perinde est, ac si fo in totidem partes, quot sunt palmulae inter i & s , diuideretur, harumque singulis pars vna tribueretur.

§. 13.

Nunc ad molendinum Dennstadiense redeamus. Quoniam naturalis aquae lapsus ped. 4. dig. 3. absoluitur, alueus autem non nisi vnus, omnibusque rotis communis est, facile apparet, altitudini sinuum non nisi singulos pedes concedi posse, reliquum vero decliuitati aluei seruandum, atque in illius partes distribuendum esse.

§. 14.

Visum fuerat, semidiametrum rotae primae

mae esse pedum 7. Huic rotae, si eo, quem §. 11. descripsimus modo, quaeratur sinus, deprehendentur mediae partes sublicarum quibus ille includitur, ab indice remotae, ped. 5. dig. 6. Supra vero commemorauimus, spatium a limite superiore ad proximam terminalium esse ped. 15. Huic igitur spatium si detrahas longitudinem sinus, quae est p. 5. d. 6. supererit longitudo spatii inter limitem superiorem & caput sinus, quae non est nisi ped. 9. dig. 6. eamque ob causam, si cum reliquis sinuum interuallis conferatur, valde exigua apparebit. Cum enim altitudo cuiusuis sinus sit pedis vnus, centra vero rotarum a linea horizontali cc Fig. 1. aequidistant, facile apparet, semidiametros rotarum cum decliuitate aluei simul crescere, & radium rotae secundae esse p. 8; tertiae vero, pedum nouem. Inuenies itaque partem sinus secundi superiorem, protendi in longitudinem digitorum 30, inferiorem dig. 36. Itemque partem sinus tertii superiorem longam esse dig. 34. inferiorem 36. Quem digitorum numerum si distantiae centrorum subtraxeris, erit spatium inter primum & secundum sinum p. $20\frac{1}{2}$, inter secundum vero & tertium, p. 20. d. 10. Longe itaque, vt diximus, ab utroque horum superatur spatium inter limitem superiorem, atque caput sinus primi, quod vix est p. 9. dig. 6. nec si cetera volueris esse eadem, fluens, dum exiguum hanc aluei partem emetitur, eandem sibi cele-

celeritatem parabit, quam per illas longe maiores partes prouens necessario acquireret. Opus itaque est, vt a lapsu petat, quod breuitas itineris concedere negat.

§. 15.

Quoniam terminalium vltima dig. 1. infra inertem aquam depressa fuit, summa lapsus per spatia tria distribuendi, erit dig. 16. Ex his, si spatio inter primum atque secundum sinum quinque tribuas, totidemque spatio inter secundum atque tertium, relinquentur tibi sex digiti quos spatio illi nimis exiguo tribuere poteris. Quo facto, fluens, si sensibus fidem habeas, & effectum spectes per unamquamque aluei partem intermediam, aequali celeritate ruet.

§. 16.

Lapsum igitur aquae sequenti modo per alueum distribuimus.

A limite superiore ad caput usque sinus primi, <i>b m</i> , Fig. I.	P. D.	
a capite quod diximus ad terminalem sinus primi <i>m d</i> ,		0 6
ab hac, ad caput sinus secundi, <i>d n</i> ,		1 0
inter caput & terminalem huius sinus <i>n e</i>		0 5
ab hac ad caput sinus tertii, <i>e o</i>		1 0
ab hoc ad superficiem vsque inertis aquae		0 5
		0 11

4 3
Por-

D 4

Porro, depressio tabulati *l*, infra aquam inertem

depressio tabulati, quod limiti inferiori f. innititur

0 1

0 3

4 7

His ita positis, de *amplitudine alvei* cogitemus. §. 17.

Debet autem profunditas aquæ in alveo, si tanta eius affluit copia, quanta communiter solet, æquare *latitudinem palmularum*. Hanc igitur si noueris, cognoscenda tibi porro est tum vis aquae, quam fluuius singulis horis suppeditare solet, tum celeritas, qua per aluicum illa rapitur, quibus cognitis, & adhibita regula trium, facile definietur amplitudo alvei.

§. 18.

Exemplo nobis sit alueus de quo agimus. Multis itaque experimentis comprobatum fuit, aquam dum per illum ruit, emensuram fore singulis minutis secundis, pedes decem, nisi maiorem illi adderent celeritatem sinus. Hi namque efficiunt, ut 5. secundorum spatio, unaquaque trium rotarum post se relicta, iter 68. pedum conficiat, singulis vero horis, pedes 48960. percurrat. Porro, fluuius Ilma, cui molendinum nostrum adiacet, singulis horis communiter suppeditare solet, ped. cub. aquae 236000. Quare tributo profunditati per aluicum ruentis aquae, pede uno, diuisaque copia illius per celeritatem, inuenietur amplitudo, pedum circiter 4. dig. 10. Placet vero,

pro-

profunditas ruentis aquæ, vt digitos octo minime superet. Fiat itaque per regulam trium inverſam

12. digiti prof. 4. ped. 10. d. amplit.

8. dig. prof.

& habebimus amplitudinem alvei quaesitam, dig. 87. qui facient p. 7. dig. 3.

§. 19.

His ita gestis, distribuemus iam spatium 22. pedum ſtructuris inferioribus ſepoſitum. Occupat autem

P. D.

I I Firmitas parietis ad ſolum primi, & aedificio proximi. (Dicke der erſten Weidebanck)

O IO Firmitas parietis ad fluentem primi. (Dicke der erſten, Waſſerbanck)

6 I Diſtantia orbium rotæ ab inuicem.

O 8 Firmitas amborum orbium.

O 6 Diſtantia rotæ a parietibus proximis. Ab utraque ſcilicet parte dig. 3.

O IO Paries ad fluentem ſecundus.

I I Paries ad ſolum ſecundus.

2 O Spatium quo paries hic a ſubſtructuris cancellorum ſeparatur.

O IO Subſtructuræ cancellorum. (Gatterſtühle)

I I Paries ad ſolum tertius.

5 II Amplitudo alvei vacui.

I I Paries ad ſolum quartus.

22 pedes.

D 5

§. 20.

§. 20.

Hactenus de structuris inferioribus dictum nobis esto. Nunc dicendum est quo pacto

*Machinae sub testo collocatae
sive interiores*

construendae sint, quod negotium ut eo felicius geramus, missa pedis vulgari diuisione, alia nunc & magis commoda, *decimali* scilicet, vsuri sumus.

§. 21.

Quoniam mola eum in finem extruitur, ut frumentum quam minimo fieri potest temporis spatio, in subtilissimas partes comminuat, opus est, ut meta siue lapis molaris superior magna velocitate circumagatur. Iubet autem experientia, ut singulis minutis absoluat gyrationes 210. * singulis vero horis gyrationes 12600. Omnis itaque Architecto diligentia adhibenda, ut eam, quam diximus, velocitatem metae procuret.

§. 22.

Experientia docet, rotae molari, cui opera duo, eodem tempore mouenda sunt, longe minorem ac fluenti celeritatem conuenire.

Nam

- * Credibile est, scriptorem quendam clari nominis, haud ita magno rerum eiusmodi vsu valuisse. Nam pro celeritate haud mediocri ille habet, si meta singulis minutis 53 vicibus circumagatur. Hoc pacto medimnus (Scheffel) frumenti vix 4 digrum spatio in farinam comminui posset.

Nam eodem temporis spatio, quo fluens 40 pedes absolvit, punctum circulo rotæ maximo adhaerens non nisi 30 pedes absolvere debet. Quod si velocius moveatur, palmulae nimia festinatione fluenti subductæ, ea qua deberent vi, minime impelluntur. Quod si tardius, aqua, dum palmulae moras nectunt, in nimiam molem excrefcens, altitudinem earum superat, quo fit, vt rotæ præsertim cornutæ in curricula atque tympana sua misere faeviant, horribilesque mugitus & sonitus excitent. Has ob causas, gyrationibus rotæ molaris modus est imponendus, & ex numero earum, itemque ex numero gyrationum quas meta singulis horis absolvere debet, numerus dentium & bacillorum eruendus.

§. 23.

Sit ad exemplum molendini Dennstadiensis, semidiameter rotæ molaris primæ p. 7. Erit itaque peripheria huius rotæ, p. 44. Sit porro celeritas aquæ eadem quam de Ilma fluuio supra diximus, pedum scilicet 48960, singulis horis. Si liceret rotæ eandem celeritatem tribuere, circumageretur illa quavis hora vicibus circiter 1112. Nunc autem, cum celeritas ista, quarta sui parte minuenda sit, rotæ isti non nisi gyrationes 834, aut 840. permittimus.

§. 24.

Supra monuimus, architecto dum molendinum extruit, de diminutione expensarum cogi-

cogitandum esse. Cum itaque rotis dentatis (Kammräder) quatuor opus nobis fuerit, *imminuta paulum diametro earum, radios tympanorum* * *auximus*. Nemo autem mechanices peritus, nos sola parlimonia ductos, consilium id inuisse existimabit; cuilibet enim earum rerum gnaro, satis exploratum est, aucto tympani radio, augeri & vectem illum perpetuum cuius ope meta in gyrum rapitur, & exinde fieri; vt vis rotæ dentatæ eo longius a centro tympani agens, velocitati metæ haud leue quidpiam addat, longe enim plura efficere valet rota minor in maius tympanum agens, quam maior, imminuto tympani radio.

§. 25.

Definiuimus itaque radium maiorem ** vnus cuiusque rotæ dentatæ ped. 3. dig. decimalibus 4. Dentes vero cuilibet rotæ, libenter tribuissimus totidem, quot communis regionis nostræ consuetudo tribuendos suadet, nempe 56, nisi aucta exinde cornutæ rotæ *** magnitudo, maius & sibi & ceteris machinis spatium quam e re esse videbatur postulasset. Itaque rotæ pro 56. dentibus, dedimus 60, tympanum vero bacillis octo instruximus, quo fit, vt vicibus 7. & dimidia circumagatur, dum rota gyrum suum semel absoluit.

§. 26.

* Getriebe.

** Theilreis radium.

*** Stirnrad.

§. 26.

Numerus bacillorum quo axis, si pensilis fit, *curriculum** instrui debet, omnium optimus est, 32.

§. 27.

Quoniam eiusmodi axi posito, necesse est ut cornua quibus rota radiata horret, quadrifariam diuidi possint, optimum est, si eorum sint 56. aut 60, aut 64, aut 68. aut denique 72. Quinam vero ex his numeris eligendus nobis esset, ex gyrationibus metae diiudicandum fuerat. Ratio ex sequenti schemate patebit.

Rota cornuta.	64	} ²	} 15 gyrationes metae, dum rota molaris semel circumuoluitur.
Curriculum	32		
Rota dentata	60	} ^{7½}	
Tympanum	8		

Gyrationibus his 15, in gyrationes rotae molaris horarias 840. ductis, erit factum 12600, quae est summa gyrationum metae singulis horis necessaria.

§. 28.

Ne quis miretur nullam a nobis mentionem *grauitatis aquae* fieri, monere debemus, omnino quidem ad illam ut respiciatur opus esse, rota si motu directo moueatur, aut si palmularum

* Trilling.

rum loco, gradibus * instructa sit, minime vero, si motu retrogrado agatur, axinque habeat penfilem. Nos enim, eam alueo dedimus amplitudinem, quam aquae quantitas ad mensuram cubicam redacta, sibi postulabat. Deinde lapsum aquae per alueum ita temperauimus, vt in vnquamque rotam, eadem celeritate fluens irruat. Denique, quod ad machinas interiores attinet, curauimus vt vnus cuiusque ad ceteras omnes optima sit ratio, & motus illius, ceterarum motui respondeat. Quae cum ita sint, de grauitate aquae alio loco, quando de directo rotarum motu sermo nobis erit, disputabimus.

§. 29.

Neque minus superuacaneum fuisset, de *pōdere lapidum molarium* multa proferre. Sufficit enim, metam singulis horis 12600 vicibus in gyrum rapi. Quod si nimia aut velocitate aut tarditate peccet, vitium istud, laborem lapidis aut augendo aut minuendo, nullo negotio, tolli poterit. Nunc itaque his omnino valere iussis, ad alia atque magis necessaria pedem proferimus. Ope enim *calculi trigonometrici* iam docebimus:

Primo: *Quo pacto dentes & bacilli quam exactissime per rotam & tympanum distribui possint. Deinde quo pacto cornua rotae radiatae, atque bacilli tympani ita formari queant, vt quam pulcherrime sibi inuicem*

* Sackrad.

uicem conueniant, impedimentumque quod frictio motui afferre solet, quam maxime possibile est, tollatur.

§. 30.

Rotae de quibus agimus non eiusdem generis sunt; *dentes* enim aut plano illarum affiguntur, aut peripheriae siue fronti. Has *radatas* aut *cornutas* appellabimus, dentes autem earum *scutulas*, aut si magis placet, *cornua* nominabimus. Illae *dentatarum* nomen sibi retineant.

§. 31.

Quoniam vsu receptum est, vt chorda arcus inter duo cornua, dentesue duos intermedii, ad chordam arcus cui cornu densue insistit, habeat se, vt 4 ad 3; facile patet, considerandam esse quamuis rotam tanquam polygonum, cui sunt totidem latera maiora quot dentium intervalla, totidem vero latera minora, quot dentes aut cornua, numerumque omnium laterum duplo esse maiorem numero dentium.

§. 32.

Datis itaque, radio rotae & numero omnium laterum, inueniri potest quantitas laterum alternantium, sequenti modo.

Quoniam dato numero omnium laterum innotescit quantitas anguli ad centrum in polygono totidem laterum, si quantitatem illam auferas a grad. 180. supererit quantitas anguli ad peripheriam polygonalis, quem latera duo
alter-

alternantia intercipiunt. Pertinet autem angulus hic ad triangulum scalenum quod ex chordis siue lateribus alternantibus, & ex subtenſa conficitur. Quare cum valor eius tibi innotuerit, cognita tibi eodem tempore fuit ſumma angulorum trianguli reliquorum. Fiat itaque

Vt ſumma (7) ex lateribus, in ratione 3.4
alternantibus,

Ad differentiam (1) eorum:

Ita Tangens ſemiſummae angulorum, quorum quantitas quaeritur,

Ad tangentem ſemidifferentiae angulorum eorundem.

Inuenta ſemidifferentia addatur ſemiſummae angulorum vt prodeat angulus maior; itemque ab illa auferatur, quo facto prodibit quantitas anguli minoris.

Porro, cum ſubtenſa aequiualeat chordae polygoni quod lateribus totidem aequalibus gaudet, quot datae rotae ſunt dentes ſiue interualla; aut quod perinde eſt, cum ſubtenſa aequiualeat duplicato ſinui polygoni quod totidem latera habet, quot rota data, ſed aequalia, fiat:

Vt ſinus totus
ad chordam polygoni,
ita radius datus,
ad ſubtenſam.

Hoc latere trianguli noſtri inuento, cum anguli eiusdem nobis iam innotuerint, facile erit, adhibita regula ſinuum, reliqua inuenire latera.

§. 33.

Sit exempli gratia, Fig. 3. pars rotæ 20 Fig.
dentibus instructæ, cuius radius sit ped. 1 3.
dig, decimalium 2. consideranda erit rota tan-
quam polygonum, cui sunt latera maiora 20,
totidem minora, in summa, 40. Est itaque
ad chorda lateris maioris; *bd*, chorda lateris
minoris; *ab*, subtenſa. Quoniam angulus ad
centrum polygoni quadraginta angulis instru-
cti, est graduum 9, detractis his nouem gra-
dibus a semicirculo, supererunt pro angulo
polygonali d gradus 171. Summa igitur an-
gulorum a et b, est gr. 9. Quare si fiat ut
antea.

Vt summa 7, laterum *ad* et *db* in ratione 3.

4, inuicem se habentium

ad differentiam eorum, 1.

Ita tangens semisummae angulorum, 4. gr.

30. m. ad tangentem semidifferentiae eorum,
38'. 39".

Atque inuenta semidifferentia, 38'. 39".
addatur semisummae 4°. 30', erit angulus ma-
ior b, 5°. 8'. 39"; si ab illa auferatur, erit
angulus minor, a, 3°. 51'. 21".

Iam, quoniam subtenſa *ab*, æquiualeat
chordæ polygoni 20. angulis conspicui, eius-
modi chorda vero, sit sinus duplicatus anguli
9, gradum, fiat

Vt sinus totus

10000000.

ad chordam polygoni 20 angulorum,

3128690.

E

Ita

Ita radius datus 1200000VI
 ad chordam *ab*, 0375443VI
 Nunc fiat per regulam sinuum
 Vt sinus anguli *d*, qui est graduum 171.
1564345
 ad latus sibi oppositum, et modo inuen-
 tum, 0375443VI
 ita sinus anguli *z*, qui est 3°. 5'. 21"
672462
 ad latus sibi oppositum *bd*. 0161391VI
 Latus denique *ad* inueniri potest, si fiat.
 3:4 = 0161391VI : 0215188VI.

§. 34.

Notandum vero, quae hactenus dicta fuere
 omnia, de radio rotae maiori intelligenda esse,
 quo dato, facile cognoscitur & minor. Cum
 enim differentia inter vtrumque aequalis sit
 semidiametro bacilli, siue dimidia chordae
ad, chordam hanc si in duas partes diuiseris,
 earumque vnā a dato radio abstuleris, re-
 linquetur tibi radius minor. Pro rota igitur
 nostra erit ille 1092406VI.

§. 35.

Iam ad *Tympanum* accedimus.
 Considerandum id est tanquam Polygonum,
 cui tot sunt latera maiora, quot bacilli, tot
 minora, quot intervalla. Opus autem non
 est, vt de inuentione laterum horum cogite-
 mus. Tympanum enim, cum rotae cui adjici-
 tur

tur congruere debeat, latera eandem vtrinque longitudinem accipiunt, & cognitis rotæ lateribus, cognita sunt & latera tympani.

§. 36.

Hanc ob causam curæ nobis sit

Dato numero bacillorum tympani, invenire radium illius.

Sit gh chorda bacilli, Fig. 3 hi , chorda al-
ternans siue intervalli, gi , subtenfa. Quoni-
am ex dato numero bacillorum, numerus la-
terum cognoscitur, innotescit quantitas anguli
polygonalis ghi . Demisso itaque ex i per-
pendiculo, & gh in l vsque producta, cogniti
erunt in triangulo hil anguli h & i cum latere
intercepto, & adhibita regula sinuum, inue-
niri poterit, tum latus hl , tum latus il .

Addatur latus modo inventum hl , lateri
pridem cognito gh , vt ex summa prodeat la-
tus gl , trianguli maioris gil . Summae huic
in se ipsam ductae, addatur quadratum late-
ris il , & ex summa extrahatur radix, AEqua-
bit illa latus gi , id est subtenfam.

AEquat autem subtenfa haec chordam po-
lygoni eidem circulo inscribendi, cuius latera
aequant numerum bacillorum; aut, quod ad
idem redit, subtenfa modo inuenta valet du-
plum sinus polygoni totidem lateribus quot
tympanum bacillis & intervallis, instructi, sed
aequalibus. Fiat itaque per regulam trium



Vt duplum sinus polygoni
ad finum totum,
ita subtenſa, ad radium tympani.

§. 37.

Vix nobis pretium eſt monere, ſi tympano non niſi ſex ſint bacilli, ſubtenſam aequari radio, illa itaque inuenta, cognitum eſſe & hunc.

§. 38.

Tympanum rotæ ſupra deſcriptæ iungendum, cum eo quem nunc diximus numero bacillorum ſit inſtructum, radius illius eſt 0364040.

Nunc de Figura cornuum & bacillorum nobis dicendum eſt.

§. 39.

Perfectiſſima dentium figura omnino eſt epicycloidalis, dolendum vero, nobis per ligni, noſtri ſaltem, naturam non licere vt ea vtamur. Relicta igitur illa artificibus, qui rotas ſuas ex chalybe & aurichalco efformant, de alia figura perfectiſſimæ proxima cogitauimus. Deſcribitur illa ſequenti modo.

§. 40.

Fig. Prolongetur chorda *am* vtrinque, donec
3. radios rotæ pariter prolongatos attingat in *o*
& *n*. Ex puncto *o* deſcribatur arcus *pm*, ex
puncto *n* arcus *ar*. Fiat vterque arcus æqualis
ſemidiametro bacilli, id eſt dimidiæ chordæ
da, deſcribatur denique radio rotæ pro-
longa-

longato arcus rp , quo facto cornu rotae radiata erit descriptum.

§. 41.

Figura *bacilli* hoc modo describenda. Fig. 3.
Fiat chorda bacilli $st = da$ Fig. 3. Circino ex t in s vsque aperto, describatur arcus su , itemque arcus tw . Diuidatur chorda st bifariam, & ex puncto diuisionis erigatur perpendicularum $xy = sx$, id est semidiametro bacilli, & describatur ex centro tympani k , arcus wu , quo facto pars bacilli peripheriam tympani maiorem supereminens descripta erit.

Fiat porro ope radii sx ex puncto x , semicirculus, s, z, A, t , coque in partes tres aequales diuiso, ducantur rectae sz , & sA , itemque arcus Az , quo facto figura bacilli erit descripta.

§. 42.

Haec bacillorum figura semper est eadem, neque refert vtrum rotae cornutae adjiciendum sit tympanum an dentatae. *Dentium vero figura*, cum a figura cornuum longe differat, opus erit vt quo pacto illa describatur breuiter subijciamus.

§. 43.

Sit ab pars peripheriae rotae alicuius dentatae, atque radio rotae maiore descripta intelligatur, 4.

cd pars peripheriae radio minore descripta.

ef, dimidia dentis longitudo.

Diuisa bacilli chorda in partes duas aequales demittatur ex *g* perpendicularum in *h*, huicque aequales fiant ambae perpendiculares *ei* & *kl*, mox recta *il* coniungendae.

Diuidatur vtraque perpendicularis in duas partes aequales, recta autem *mn* diuisionis puncta tangens, in partes aequales tres.

Describatur porro ex *o*, apertura circini *om* arcus *mq*, itemque ex *p*, arcus *nr*.

Diuisa denique recta *ek* in partes duas aequales, radio *sq* describatur arcus *qr*, quo facto figura dentis erit descripta.

§. 44.

Ne autem bacilli dentesque damnosam machinae violentiam in se inuicem exerçant, opus est, ut latera dentium congruam volubilitati motus convexitatem accipiant, quod quidem eo quem statim demonstrabimus modo, haud difficile factum est.

§. 45.

Fig. Sit *ba* Fig. 5. chorda dentis, *au* chorda 5. alternans. Prolongetur *ab* vtrimque ad *m* & *i* utque. Describatur ex *i* apertura circini *ib*, arcus *kbl*, itemque ex *m*, arcus *nao*, quo facto lateralis huius dentis convexitas erit descripta.

§. 46.

De longitudine dentis *de* monemus, aequalem esse eam chordae alternanti. Possunt itaque puncta longitudinis siue altitudinis de-
termi-

terminari, si alternante *au* in partes aequales tres diuisa, duae ex iis partes sursum ex *y* in *e*, totidemque deorsum ex *y* in *d* transferantur, quo facto dentis altitudo rectis *kda*, & *leo* terminatur.

§. 47.

His regulis exceptionem subiciamus. Bacilli enim quibus tympanum rotae cornutae iungendum, instruitur, si plures duodecim non sint, axiculis asellatis * firmantur, eamque ob rem causa non adest, quo minus eam quam supra docuimus figuram accipere queant. Inficias autem ire non possumus hanc eorum efformationem difficultate aliqua laborare si curriculum magno bacillorum numero instruendum sit, tunc enim discorum foramina, rotunditate quam nunc habent abolita, in sexangularem figuram efformanda essent, quod absque molestia effectui dari vtique non posset. Permittimus itaque, bacillos curriculorum teretes fieri, eam praesertim ob causam, quod magno eorum numero adhibito conuexitas partium *tA*, & *sz* Fig. 3, idem motui impedimentum, quod numero exiguo admissio, nequaquam affert, dummodo diameter bacilli chordam rotae radiatae alternantem aequet. Loquimur autem de peripheria rotae, radio illius maiore descripta.

§. 48.

Semidiameter rotae molaris primae, mo-

E 4

lendino

* Geächselte Zapfen.

lendino nostro Dennstediensi applicatae est

	p.7. dig.o
Radius maior rotæ cornutæ	p.4. dig.7. dec.
Numerus cornuum huius rotæ,	64.
Subtensâ peripheriæ maioris	0461236 ^{VI} .
Chorda cui cornu insistit	0197724 ^{VI} .
Chorda alternans	0263632 ^{VI} .
Radius rotæ cornutæ minor	4568184 ^{VI} .
Chorda peripheriæ minoris	0448302 ^{VI} .

Porro

Chorda alternans curriculi	0197724 ^{VI} .
Chorda bacilli	0263632 ^{VI} .
Subtensâ utrique chordæ	0460812.
Radius maior curriculi 32 bacillis instructi	2348588.
Differentia inter subtensam rotæ & curriculi	0000424.

§. 49.

Nunc de *secunda* molendini nostri *rota molari*, atque machinis ab illa mouendis dicendum.

§. 50.

Est autem vtrumque rotæ cornutæ curriculum, & magnitudine & bacillorum numero, curriculis modo descriptis omnino æquale. Habet nempe radius illorum 2348588^{VI}. Chorda bacilli 0263632. Chorda alternans 0197724. Et curricula quidem ita se habent, rotæ vero a qua mouentur alia est ratio.

§. 51.

§. 51.

Supra monuimus, secundae rotae molaris radium esse pedum 8, peripheriam p. 503, iter aquae singulis horis p. 48960, confecturam itaque esse rotam, si eadem illi quae fluenti celeritas esset, singulis horis gyrationes circiter mille, hanc vero volubilitatem, cum sit nimia, parte sui quarta esse minuendam, ita vt numerus gyrationum, 750 haud excedat.

§. 52.

Placuit autem, vt & expensarum & eurythmiae ratio haberetur, eamque ob rem, tum spatia ab operibus occupanda, inter se essent aequalia, tum rotae dentatae omnes, itemque tympana earum, eandem acciperent magnitudinem. Coërcendae igitur rotae molari, res vna nobis erat subsidio, rota cornuta.

§. 53.

Fingamus cornua illi esse 72. Quoniam vtrumque eius curriculum bacillos habet 32, rota dentata, dentes 60, tympanum eius, bacillos 8, absoluet meta, dum rota molaris semel circumvoluitur, gyrationes 167, quae in 750, ductae, faciunt per horam 12656. Debebant autem esse 12600. Quod si motum molae ita temperes, vt metae celeritas sua constet, rota molaris tardatur, palmulae, a fluente altitudine superantur, rotaque cornuta saeuam in curricula sua violentiam exercet. Itaque, cum ex operibus huic rota mandatis,

E 5

alterum

alterum sit ptisanarium, motuque facile, decreuimus cornua rotæ addere 68. quæ faciunt singulis horis gyrationes metæ 11957.

§. 54.

Desunt huic numero ex gyrationibus metæ tribuendis 643. rejiciendus ergo omnino videtur. Praetulimus tamen priori illum, nec absque ratione. Potest enim labor metæ ita temperari, ut dum lapis gyrationes 12600 quauis hora absoluit, circumagatur & rota molaris & eidem affixa axi cornuta, vicibus, haud 750, sed 790. Neque refert hac rotæ celeritate fieri ut aqua minorem in palmulas vim exerceat; Necessarium siquidem erat, ut vis illa imminueretur, cuius rei causam Lector beneuolus ex hæcenus dictis facile intelliget. Cum enim rota molaris prima, operibus frumentariis duobus, eodem tempore sufficere debeat, necesse omnino est, ut a fluente fortius impellantur, quam secunda, cui præter leue opus ptisanarium non nisi frumentarium vnum demandatum est. Quod si rotæ huic, perinde ut primæ, frumentaria duo demandata fuissent, aliter utique res se haberet. Tunc enim, & aquæ in palmulas impetum augere, & rotæ radiatæ pro 68 cornibus, 72. dare debuissimus.

§. 55.

Abhibita methodo supra descripta, calculus pro rota radiata curriculisque operis secundi, sequens erit.

02636327.

0263632 ^{vi} .	Chorda bacillorum curriculum
0197724	Chorda alternans curriculum
0460812	Subtensa chordis ambabus.
	Numerus bacillorum 32.
	Numerus cornuum 68.
0197724 ^{vi} .	Chorda cornuum
0263632.	Chorda alternans
0461235.	Subtensa cordis ambabus
4993729.	Radius maior rotæ radiatæ
4861913.	Radius minor, siue frontis
0449060.	Chorda diuisionis peripheriæ minoris pro cornibus 68.
0000423.	Differentia inter subtensas ro- tæ & curriculum.

§. 56.

De rotis dentatis pauca in medium profe-
renda habemus.

Molendinum nostrum eiusmodi rotas posce-
bat sibi quatuor; has omnes eadem altitudine
fieri iussimus,

Erat radius earum	3400000 ^{vi} .
Chorda dentium	- - 0152560
Chorda alternans	- - 0203413.
Subtensa his chordis	- 0355885.

Firmitas orbis erat digitorum octo. Quo-
niam peripheria, radio quem modo diximus,
descripta, firmitatem in duas partes æquales
diuidit, diameter rotæ maxima est. p. 7,
dig. 6.

§. 57.

His quatuor rotis adjicienda erant tym-
pana

pana totidem, quorum tria ad opera frumentaria pertinebant, quartum ad opus ptisanarium spectabat. Ex illis tribus vnumquodque infleximus bacillis octo. Erat itaque

Chorda bacilli	-	0203413 ^{VI} .
Chorda alternans	-	0152560.
Subtensa ambabus chordis		0349273.
Radius maior	-	0456347.
Differentia inter subtensas rotae & tympani		0006612.

§. 58.

Et tympana quidem operum frumentariorum ita se habent. Ast *tympani* quod ad *rem ptisanarium* spectat, alia est ratio. Eiusmodi enim opus longe celerius velociusque moveri debet frumentario, eamque ob causam diametro tympani tanta breuitas quantam rota permittit, tribuenda est.

§. 59.

Suademus autem, tympanum vt sex, ad minimum bacillis instruatur. Nam si quinque dederis, radius tympani nimia breuitate laborabit, rotaque dentata in ipsum fere metae axin agens miseris modis in bacillos saeuiet. Quod si *sex* dederis, & meta qua par est velocitate rapietur, & horrenda illa frictio plane cessabit.

§. 60.

Positis itaque bacillis sex, erit

Chorda bacilli	-	0203413 ^{VI} .
Chorda alternaus	-	0152560.

Sub-

Subtenſa chordis ambabus, ra-	
dium æquans	0344099.
Differentia inter ſubtenſas rotæ	
& tympani ptifanarii	0011786.

§. 61.

Hactenus de cornutarum prima & ſecunda, de curriculis earum quatuor, de rotis dentatis tympanisque ad eas pertinentibus, dictum nobis eſto. Poſtquam igitur demonſtrauimus, quo pacto trigonometria in auxilium vocata, partium erga ſe inuicem ratio erui poſſit, reſtat vt exponamus, quodnam machinis ſpatiam ſit tribuendum? Cum enim nimia molendini amplitudo expenſas augeat, anguſtia aditu prohibeat, tale adhibendum eſt artiſici temperamentum, vt nec laxet nimis, nec arctum eſſe patiatur.

§. 62.

Exemplo ſit ſequens calculus.

9400000VI	Diameter maior rotæ radiatæ primæ
2348588	Radius maior curriculi primi
2348588	Radius maior curriculi ſecundi.
<hr/>	
14097176.	Hoc interuallo diſtat centrum rotæ dentatæ primæ a centro ſecundæ.
	Summæ huic addatur:
3400000	Radius maior rotæ dentatæ primæ

3400000

3400000	Radius maior rotæ dentatæ secundæ
0800000	Supplementum diametri vtri- usque rotæ
0400000	Summa spatiorum quibus ro- tæ dentatæ a claustris (Zan- gen) contignationis vtrim- que remouentur.
<hr/>	
22097176.	Longitudo spatii intra con- tignationem primam Addatur porro :
3500000	Interuallum inter contignatio- nem primam, & secundam. Præbet illud aditum ad pon- ticulum. (Eis-Brücke.)
9987458.	Diameter maior rotæ radiatæ secundæ
2348588	Radius curriculi tertii
2348588	Radius curriculi quarti Collecta ex diametro & radiis ambobus summa definit di- stantiam qua centrum rotæ dentatæ tertiæ, remouetur a centro rotæ dentatæ quar- tæ. Est illa 14674634 ^{VI}
3400000	Radius rotæ dentatæ tertiæ
3400000	Radius rotæ dentatæ quartæ
0800000	Supplementum diametri vtri- usque rotæ
0400000	Spatiorum quibus rotæ den- tatæ

2718190

tatae a claustris contignationis vtrimque distant, summa. Firmitas claustri omnium primi & omnium postremi, simul sumta

§1000000.

Siue pedes §1. quibus longitudo contignationum omnis absoluitur.

§. 63.

De *praeparatione* lapidum molarium, vt quaedam moneamus, eam ob causam necessarium esse duximus, quod empyricorum vulgus circa eam rem in turpissimos errores incidere deprehendimus.

§. 64.

Solent haud pauci lapidem sequenti modo **Fig.** praeparare. Descripto circulo a, **Fig. 6.** ab ora lapidis duobus tribusue digitis remoto, impositoque peripheriae altero circini pede, describunt ex centro lapidis ad extrema versus tot arcus quot visum fuerit, promoti semper circini pede in aliud peripheriae punctum. Delineationem incisura sequitur, profundior, si mola vento permittenda, sin aquae, delictior. Hoc modo vterque lapis praeparatur, quo fit, vt imposita catillo meta cum fuerit, strigae in contrarias partes tendant, sibi inuicem eo modo quem **fig. 6.** conspiciendum exhibet, eant obuiam.

§. 65.

§. 65.

Hanc lapidis præparationem minime probamus. Cum enim anguli foramini quo lapis patet, proximi propemodum nulli sint, paulatim deinde crescant, & tandem peripheriæ proximi, ad gradus fere 80. pateant, duo exinde nascuntur mala. Quæ ut plenius intelligantur, monere debemus, celeritatem qua partes lapidis peripheriæ proximæ rapiuntur, quintuplo fere maiorem esse celeritate qua partes centro proximæ mouentur. Accedente igitur ad hanc tarditatem, angustia angulorum, frumenti grana, ea qua oporteret vi, ex centro lapidis, versus extrema eius minime propelluntur, sed in densissimum aceruum coarctata & pondere lapidis pressa, vires suas in ipsum conuertere coguntur, quo fit, ut modico temporis spatio interiecto, partes lapidis centro proximiores, detritæ, exesæ, & ad conterenda frumenta inutiles deprehendantur. Superatis tandem angustis illis, excipiuntur grana ab aliis angulis, ad imminutionem eorum admodum aptis; sed spatio trium aut 4 digitorum interiecto, incidunt in alios, nimis patentes, a quibus tanta facilitate demittuntur, ut vix meliora inde discederent nisi rapiditas qua illæ lapidis partes mouentur, vitium angulorum aliquantulum corrigeret.

§. 66.

Fig. Facile intelligitur id esse agendum, ut
7. nimia

Fig. 7. p. 80. TAB. III.






Fig. 9. p. 81.





nimia angulorum & angustia & amplitudo tollatur. Hanc rem nonnulli eo modo quem **Figura 7.** conspiciendum exhibet perficere conati sunt. Opplerunt enim alterius lapidis superficiem, incisuris curuis, ex peripheria circuli inter centrum lapidis, & oram, medii, descriptis; superficiei vero alterius, in scripsere rectas, ex centro protensas. Neque negandum est, dimidiam superficierum partem, eam scilicet, quae foramini propinquior est, conterendis granis hoc pacto reddi aptissimam, de reliqua autem eius parte, cum anguli nimis sint obtusi, longe aliter sentiendum est.

§. 67.

Nonnulli alterum ex lapidibus, eo modo **Fig.** quem supra exposuimus, curuis, alterum **Fig.** rectis ex centro ductis, opplentes, **Fig. 8.** dum Charybdin vitant in Scyllam inciderunt. Nam per angustiam angulorum accidit, ut & medullae & pelliculae granorum in subtilissimum pulverem redigantur, prodeatque ex sacculo farina furfure mixta.

§. 68.

Missis itaque his praeparationibus, doce-**Fig.** bimus aliam, usu comprobata, **Exhibet eam 9.** oculis figura 9. Diameter lapidis est p. 3, dig. decim. 2.

§. 69.

Experientia nos docuit, strigas in directum protensas, catillo esse incidendas, cur-

uas vero, metae; Vix pretium est monere; & directas & curuas, in eas partes esse dirigendas, in quas prout appolita figurae sagitta monstrat, meta gyratur.

§. 70.

Regula igitur, siue norma peripheriae foraminis ad eum modum applicata quo linea tangens applicatur circulo, ducantur *rectae*, quae in ipsa lapidis ora duos circiter digitos à se inuicem distent. His interjici possunt aliae breuiiores, quartam diametri partem longitudine aequantes.

§. 71.

Vt *curuae* in metae superficie describantur, applicetur radius orae lapidis, & altero illius extremo a peripheria centrum versus ducantur arcus, qui in ipsa ora duos digitos à se inuicem distent. His interjiciantur alii minores vt in catillo. Profunditas incisurae est $\frac{1}{8}$ digiti vnitis decimalis.

§. 72.

Vtilitas huius praeparationis omnino maxima est. I. Quoniam anguli centro & quarta radii parte intercepti satis magna amplitudine gaudent, grana ex his, tardioribus nempe partibus, mox ad alias rapidiores transeunt, vbi timide quasi dissecantur, minime vero saeue dilacerantur & confringuntur. Nunquam igitur accidet vt farina furfure mixta prodeat. II. Medias superficiei partes, id est centro proximiores, nunquam cauas, ex-

fas

fas aut reliquis vehementius detritas deprehendes. III. Frumentum paruo temporis spatio in farinam desinet leuem admodum, & subtilem, ita vt ex decem frumenti medimnis, sedecim medimnos farinae atque furfuris accipias.

§. 73.

Nunc de *lapidibus* quorum ope *hordae grana* rotunditatem accipiunt, quaedam dicenda.

Diameter metae potest esse $2\frac{1}{2}$ pedum, excedere tamen $2\frac{1}{2}$ p. nunquam debet. Altitudo sit pedis vnus.

Diametro catilli tres pedes, addito si visum fuerit quadrante, tribui possunt.

Vtrique lapidi strigae incidantur curuae, ad eum modum quem figura 6. demonstrat delineandae. Profunditas earum sit $\frac{1}{4}$ digiti vnus decimalis. Strigae laterales figura 10 conspiciendae exhibentur, inclinentur illae sub angulo 45. gr. minime vero in easdem partes in quas meta gyratur, sed in contrarias. Profunditas sit $\frac{1}{2}$ dig.

§. 74.

De *cista ptisanaria* monendum, ne nimis in oram pateat; efficit enim amplitudo illa, vt grana rotunditatem tardius accipiant. Fundum cistae circa centrum multis sed exiguis foraminibus perforetur. Quoniam enim partibus illis respondet foramen molaris lapidis, quod admodum tarde circumagitur, aditus

aëri ad grana per illa foramina patet liberior, quo fit vt deferuescant. Haud parum ad eam rem confert tubus ex lamina ferrea confectus, tres circiter aut quatuor digitos amplius, & peripheriae quam proxime fieri potest, applicatus. Per hunc enim, aër velocitate gyrationis quae ad peripheriam maxima est, excitatus, altum petit, pulueremque ptisanarium secum rapit. Succedit deinde in locum eius per minutula ista foramina intrans alius, & quemadmodum diximus, impedit ne nimius calor granis damno sit.

§. 75.

Debent autem latera cistae lamina ferrea muniri. Lamina haec priusquam cistae applicetur, scalpro fabrili dimidium digitum lato, quam frequentissime fieri potest, ita perforatur, vt foramina fiant ad fundum cistae perpendicularia. Quod prominet, ab vno foraminis latere erectum esse permittatur, ab altero, illo scilicet, versus quod lapidis gyratio grana impellit, deprimatur. Haec enim foraminum figura longe vtilior & ad promouendam granorum rotunditatem aptior est, quam si ab vtraque parte ferro illa horrent.

Amplitudo cistae ea esse potest, vt inter eam lapidemque intercedat spatium. 2. circiter digitorum. Maior enim amplitudo effectum minuit.

§. 76.

His ita dictis, pedem ad **OPUS OLEARIUM** proferimus. Axis

Axis tertiae & omnium postremae molaris rotae, transit per *rotam cornutam*, operi oleario propriam.

§. 77.

Gaudet illa eadem magnitudine, eodemque cornuum numero, ac rota radiata axis secundi. Est igitur

Radius maior	-	4993729 ^{vi} .
Radius minor	-	4861913.
Chorda cornuum	-	0197724.
Chorda alternans	-	0263632.
Subtensa chordis ambabus	-	0461235.
Chorda peripheriam frontis dividens	-	0449060.

Numerus cornuum, 68.

§. 78.

Longa experientia multisque observationibus edoctus fui *Cylindrum bipinnatum* * pluribus 1370, vicibus, quavis hora circumvolui non posse nisi intercipi pistilla velis.

§. 79.

Rota nostra molaris, cum diameter eius sit p. 18. gyrationes absoluit quavis hora 653½, aut quod neglecta tutissime fractione, perinde est, 653. Hic gyrationum numerus cum numero rotationum cylindri bipinnati facile in unam consonantiam redigi posset, dummodo cylindrum quem modo diximus curriculo 32. bacillorum munire liceret. Nunc autem, cum

F 3

axis

* Zweyhebiges Daumenwelle.

axis rotae maioris sit pensilis, eamque ob causam necesse sit ut curriculum illi adjiendum loco moveri possit, quod per naturam cylindri bipinnati fieri vix permittitur, alio sane remedio res indiget.

§. 80.

Adjicitur itaque rotae radiatae curriculum mobile, cuius axis transeat per rotam radiatam aliam, sed priore multo minorem, huic denique adjiciatur curriculum cylindri bipinnati. Hoc consilio capto, quaeratur numerus rotationum. Exhibet illum schema quod subjicimus

Rota radiata	68.	} $1\frac{8}{9}$	} $2\frac{8}{9}$ gyrationes cylin.	
Curriculum	36.			
Radita minuta,	40	} $1\frac{1}{2}$		dri bipinnati, dum
Curriculum	36			radiata maior, semel
			gyrum absolvit.	

§. 81.

Quoniam radiata maior tot quavis hora gyrationes absolvit, quot molaris, cuius axi inhaeret, nempe 653. ducto hoc numero in $2\frac{8}{9}$, habebis rotationes a bipinnato cylindro quavis hora absoluendas, nempe $1370\frac{1}{2}$. quem numerum cylindro huic omnium optime convenire iudicauimus. Nam fractio illi adhaerens flocci habenda.

§. 82.

Cum curriculo nostro bacilli sint 36, dimensiones eius, si methodo supra descripta utaris, sunt :

Chorda bacillorum	-	0263632vi.
Chorda alternans	-	0197724
Subtensâ chordis ambabus		0460926
Radius maior		2644268
Differentia inter subtensam rotæ & curriculi		0000309

§. 83.

Curriculi cylindro bipinnato inhaerentis eadem est ratio. Inuenitur itaque radiatæ minoris scutulis 40 instructæ

Chorda cornuum	-	0197724.
Chorda alternans	-	0263632.
Subtensâ chordis ambabus		0461007.
Radius maior	-	2937881.
Radius minor siue frontis		2806065.
Chorda peripheriam frontis dividens	-	0440323.
Differentia inter subtensam rotæ minutæ & curriculi.		0000081.

De numero pistillorum, eorumque ferramentis, itemque de mortariis in susceptaculo.

§. 84.

Supra monuimus, gyrationes cylindro bipinnato, quavis hora absoluendas esse 1370. Itaque cum Ilmæ fluuiio eæ vires sint, vt posito quem diximus gyrationum numero, 16 aut 18 pistilla mouere possit, nos media quasi via in-

incedentes, molam nostram octo pistillorum paribus instruximus, illisque pistillum socio orbem adjecimus. Et quoniam rotae molari hunc laborem imposuimus ut praeter duas radiatas totidem curricula circumagere debeat, hac machinarum frequentia nixus illius ita temperatus fuit, ut celeritati qua cylindrus bipinnatus circumuoluitur ne minimum quidem accedat, etiamsi sublati octo pistillorum paribus, unicum illud quod reliquum est pistillum, illi permittas. Neque silentio praetereundum est, artificium quo sinus alvei construximus, haud exiguum quid ad hanc motus aequalitatem conferre.

§. 85.

Solent quidam pedes pistillorum circulo ferreo cingere, superficiei vero baseos, clauos quadratis capitibus tectos, quatuor, insigere. Alii basin lamina ferrea totam contegunt. Nos ab experientia moniti, alia praesidia circumspeximus. Censemus autem, ut pes pistilli circulo ferreo, cuius crassities sit $\frac{1}{2}$ dig. ita cingatur, ne lignum promineat. Basi deinde applicentur laminae ferreae sex, quorum longitudo sit dig. 2, latitudo aequalis semidiametro baseos, crassities $\frac{1}{8}$ dig. Hae laminae ita sibi iungantur, ut stellae figuram referant, quo facto pistillum & firmissime munitum, & labori ceteris longe aptius erit.

§. 86.

*Hoc loco indicabimus quomodo data seminum
quan-*

quantitate, mortarium frangendis illis maxime aptum parari possit.

Quoniam mola nostra octo pistillorum paribus instructa est, placet, ut eodem tempore tanta seminum quantitas contundatur, quantum medimnus Vinariensis, capere potest. Distribuenda igitur cuius mortario sunt modii duo; (Mezen) mortarium vero eius debet esse amplitudinis ut tres, neutiquam vero non nisi duos seminum modios commode recipere possit. Quod si minus amplum feceris, pars seminum, ictibus pistillorum cedens, ex mortario aufugiet, reliqua pars densissime conglomerata spem tuam parte olei frustrabit. Figura cavitatis omnium optima est sphaerica, sed *in podiolum* * 2. dig. cum dimidio latam, desinens. Hac enim figura efficitur, ut semina pistillis cedentia, postquam per latera mortarii, oram versus tendere coeperunt, mox rotunditate eorum coacta, in fundum decidunt novosque ictus excipiant.

§. 87.

Diameter cylindri tribus modis Vinariensibus replendi, est dig. decim. 8, addita insuper decima digiti parte; Altitudo illius est pedis unus, peripheria 25457^{iv}.

Quare superficies cylindri 51'55"04'''25^{iv}. soliditas vero, 515'504"250'''. Extracta ex hoc numero radice cubica, erit latus cubi

F 5

8017^{iv}.

* Stampfenbahn.

8017^{iv}. & semidiameter globi eiusdem sc ille soliditatis, 4982^{iv}.

§. 88.

Iam, vt delineetur cauitas mortarii, ope semidiametri describatur circulus, atque includatur quadrato, cuius latus diametrum circuli aequat. Latus quadrati superius, diuidatur in partes 6, aequales, a, g, h, i, k, l, b. latus vero inferius, in partes aequales tres d, m, n, c. Spatio inter g & l, orificium mortarii definitur, *mn* definit latitudinem vasis ferrei, in fundum susceptaculi demittendi, longitudo vasis sit dig. decim. $5\frac{1}{2}$, tanta scilicet, quantam duo pistilla postulant.

Excavato mortario ad rotunditatem q e r s t, demittitur in susceptaculum vas ferreum u, x, n, m, ea lege, vt superficies eius superior latus quadrati inferius tangat. Cavitati denique mortarii accedunt sinus *y m r* & *z n s*.

§. 89.

Nunc dispiciendum nobis est, *quomodo pinnarum per axin distribuendae sint*.

Omni studio id agendum, vt aequalibus a se inuicem spatiis remoueantur. Numerus itaque pistillorum probe est perpendendus; eadem enim pinnarum distributio, cuius pistillorum numero minime conuenit, sed vnusquisque propriam sibi poscit. Deinde & hoc perpendendum, an consociata per paria, aut an seorsim singula, aut denique, an mixta paribus solitaria, pistilla agant. Quod si seorsim,

sim, tunc in cylindro bipinnato *indicum** numerus numerum pistillorum duplo superet; secus, si per paria aut mixtim; tunc enim non nisi ad numerum parem reliquis maiorem respicitur, palmulis vero pistilli socio destituti, locus in intervallis indicum assignatur.

§. 90.

Adhiberi possunt oleo exprimendo aut *cochleae*, aut *fistulae* aut *malleus*. ** Cochleis raro vtuntur qui semina pistillis frangunt, saepius qui molaribus comminuunt, siue fluentis siue iumentorum viribus illi moueantur. Et cochleae quidem nimios sumtus requirunt; fistucis haud absque molestia uti poteris, nam & pondere suo & frictione quam procreant, opus tardant. Nos itaque malleo uti maluimus.

§. 91.

*Truae**** excavandae sunt in trunco cuius longitudo sit pedum 14, latitudo ex omni parte, pedum $2\frac{1}{2}$. Ut autem lignum contra ictus mallei muniatur, suademus truncum ferro ne reuincias sed retinaculis subcudibusque † ligneis

* Indices, die Schnurschläge, lineae sunt parallelae in quibus loci pinnarum in axi notantur.

** Schraubenzeng, Rammelzeug, Schlägelzeug.

*** Keillöcher.

† Mit Versetzungen zusammen geschobener Zwingen.

ligneis firmes. Potest enim fieri, vt lignum caloribus exsiccatum, vinculorum modum non expleat, ac retinacula propius illi adinuenda sint. Distent truae ex nostra quidem sententia a se inuicem ped. 2½. Nam si longius remoueas, difficile erit malleum ab vno cuneorum in alterum vertere.

§. 92.

Lignum quod inter ambos cuneos medium inseritur, eum in finem *cursor* traicitur, ne a cuneo summa vi adacto, tandem ex trua expellatur. Cursor ille 2. dig. promineat, pareturque illi in fundo truae cavitatis totidem digitos quot ipse prominet, profunda, atque latus malleo aduersum, ferro munita, quo facto, cursor nunquam in obliquum agi, truaeque damnum inferre poterit.

§. 93.

Pondus mallei 140. aut 145. libras aequare debet. Fiat itaque parallelepipedon ferreum, cuius longitudo sit 12 dig. decim; latitudo, 7. altitudo 8. dig. Pondus illius erit quam proxime idem quod necessarium esse diximus.

§. 94.

Ne descriptioni nostrae aliquid deesse videatur, decreuimus quaedam de machinis quibus axes altius eleuari possunt, adiacere.

§. 95.

Quoniam molendino nostro tres sunt rotæ

tae molares, opus erat totidem *rotis tractoriis*.^{*}
Dedimus autem unicuique earum cornua 72;
chordas fecimus aequales ceteris quibus rotas
molendini nostri radiatae gaudent. Est nempe

Chorda cornuum	- - -	0197724 ^{VI} .
Chorda alternans	- - -	0263632.
Subtenſa	- - -	0461248.
Radius maior	- - -	5287188.
Radius minor	- - -	5155372.
Chorda diuisionis peripheriae pro cornibus 72 ^{VI}	- - -	0449749.

§. 96.

Quoniam octo bacilli, aucta praeter neces-
sitatem tympani amplitudine, auxissent & re-
sistentiam, contra vero, sex bacilli cylindrum
tympani nimis debilem reddidissent, nos me-
dium ex his numeris eligentes, tympanum
bacillis VII. instruendum esse duximus. Ha-
bet igitur

Chorda alternans	- - -	0197724 ^{VI} .
Chorda bacillorum	- - -	0263632.
Subtenſa ambabus	- - -	0450024.
Radius maior, pro bacillis 7.	- - -	0518602.
Differentia inter subtenſam ro- tae & tympani	- - -	0011224.
Diameter cylindri tympani.	- - -	1395000.

§. 97.

Cum tympano nostro non nisi septem ba-
culi sint, figura eorum, quemadmodum & cor-
num,

* Ziehräder.

num, eadem quam supra Fig. 3. exhibuimus esse debet, nec quae bacillis, si ingens eorum numerus sit, permitti potest, rotunditas illis sufficit.

§. 98.

Si *radius* peripherias cylindrorum, aut si mauis, axium tractoriorum describens, nimis magnus est, motum tardat, postulatque sibi rotas radiatas tantae magnitudinis ut nullibi commode collocari possint. Ex nostra itaque sententia, radius iste digitos $7\frac{1}{2}$ aut 8. communes, nunquam excedat. His si addas dimidiam catenae crassitiem, efficientur dig. $9\frac{1}{2}$ aut 10 communes, qui sunt digiti decimales circiter 8, & lineae duae. Quare cum sit:

Radius disci tractorii ad manubria

vsque

4700'''

Radius tympani

0518.

Radius rotae radiatae

5287.

Radius axis, addita dimidia crassitie catenae.

0820.

Si fiat:

Vt radius tympani ad radium disci tractorii

Ita vis disco applicata, ad pondus a peripheria tympani superandum,

& ponatur vim manubrio disci applicatam aequalere libris 100, sufficiet illa ponderi 900 sustentando. Quae cum ita sint, aestimari poterit vis quam peripheria maior rotae tractoriae possidet, libris 900. Quare si fiat:

Vt

Vt radius cylindri tractorii addita dimidia
 crassitie catenae,
 ad radium rotae tractoriae, radiatae
 ita vis peripheriae maiori rotae tractoriae
 propria, quae est libr. 900.
 ad pondus a cylindro tractorio superan-
 dum;

Apparebit, vim 100 libr. disco applicatam,
 sufficere sustentando ponderi ex catena pen-
 denti 800 libr. cui summa ex pondere ro-
 tae molaris, & axeos illius, itemque rotae ra-
 diatae, catenae & cancellorum nunquam ae-
 quiualebit. Patet itaque, cuius viro cuius
 robur sit mediocre, ad eleuandam his machi-
 nis rotam molarem, sufficientes vires suppe-
 tere.

§. 99.

Axiculi cylindrorum *, dum *matrici* **
 incumbentes circumaguntur, motui machina-
 rum ob frictionem haud leue impedimentum
 afferunt. Quod vt quam maxime possibile
 est, tollatur, cylindrus tympani ex ligno tena-
 ci firmissimoque praeparetur, quo facto & dia-
 meter axiculi, & frictio minui poterit.

§. 100.

Frictioni, qua cylindri tractorii axiculus
 laborat, duplex remedium indicabimus. Cum
 enim radium eius nimium diminuere minime
 liceat, sed dig. circiter comm. 4. esse is debeat,
 matrix

* Wellzapfen. ** Zapfenlager.

matrix radio paulo maiore describenda est, ita ut ab utroque axiculi latere spatium $\frac{1}{4}$ circiter dig. comm. appareat, quo facto gyratio eius a frictione magnam partem libera erit.

§. 101.

Deinde, figura axiculi cylindro, minime vero, quod quorundam commentum est, cono truncato inuerso * similis esse debet. Novi equidem, hanc axiculi figuram illos eo consilio deligere, ne cancellorum postes ** vi incumbentis sibi ponderis pressi, amisso situ perpendiculari, in obliquum inclinentur; cum autem hoc pacto & frictio horrendum in modum augeatur, & perpendicularitati postium parum praesidii ex illa figura inueniatur, longe consultius est, ut axiculo addatur caput rotundum, ex matrice commodum prominens, cuius radius, radium axiculi $\frac{3}{4}$ dig. superet, quo facto, omnis de inclinatione postium metus cessat.

§ 102.

Quoniam radius cylindri siue axeos tractorii est 82'', rota molaris vna cum cylindro suo, rotaque radiata, in altitudinem p. 5. dig. decim. $1\frac{1}{2}$ eleuatur, dum cylindrus tractorius atque inhaerens illi rota radiata semel circumagitur.

§. 103.

* Schwalbenschwanz.

** Gatterfäulen.

§. 103.

Aucto *disci tractorii radio*, augetur vis disci. Augendus itaque ille quam maxime fieri potest, vt tamen axis rotæ radiatæ, rotationi disci impedimento non sit.

§. 104.

Manubria * interuallo 15 dig. a se invicem remoueri possunt. Nos discum cuius radius erat p. 5. manubriis 25. instruximus. Dependens ex altiore loco *obex* dum in cornuæ rotæ se insinuat, retrocedere illam prohibet. Promineat quoque ex rota radiata cornu ceteris maius, quod motum tympani sistat, ac palmulas rotæ molaris alueum radere prohibeat, si opus forsitan fuerit, rotam altius demittere.

§. 105.

Articulus catenæ breuitas commendat; longiores enim rotunditatem cylindri obtrectant, vt rotam tremulam moueas.

§. 106.

Catenæ ea sit longitudo, vt rota molari altissime demissa, pars eius cylindro applicata superfit. Debet autem pars illa catenæ sexta peripheriæ parte breuior haud esse, ne pondus

G

dus

* Schläge.

dus immane ex solo catenae retinaculo pendeat. Infigendum scilicet cylindro retinaculum bipes, extrema vero pedum ab altera cylindri parte prominentia ad rotunditatem illius flectenda. Retinaculo immittitur vncus. in quem catena desinit.

Haftenus de molis quarum rota maior retrogrado motu circumagitur, dictum nobis esto. Quod si nostra Lectori non displicent, Deo annuente, de molis motu directo agendis, itemque de machinis fulloniis, proxime dicturi sumus.



IOANNIS GUILIELMI MYLII

POTENTISSIMI POLONiarum REGIS ET ELECTO-
RIS SAXONIAE SUBCENTURIONIS

PROBLEMATUM

STATICORUM

EX THEORIA COMPOSITIONIS VIRIUM
SPONTE FLUENTIUM

S Y L L O G E.

Problema I.

Fig. 1. Sit ACDB, filum extremitatibus AB, parieti affixum, cui in punctis C, D, annexa sint duo fila CE, DF, a quibus pendent pondera E, F. Si iam pondera & fila sint in aequilibrio, ex dato pondere E, quaeritur pondus F.

Anal. Quia circa punctum C, tres vires sunt in aequilibrio, quarum vna est tensio fili CA, altera tensio fili CD, tertia tensio fili CE, id est ipsum pondus E, producat AC, in G, clarum est fore CG, mediam directionem virium iuxta CD, CE, & ob CE, DF, parallelas valere analogiam

DG : CD = vis iuxta CE, i. e. pond. E :
vi iuxta CD, i. e. tensionem fili CD,

quae ergo erit $\frac{CD}{DG} \propto$ pond. E. Eodem prorsus modo producta DB, in H erit

CH : CD = pond. F : tens. fili CD

quae ergo erit $\frac{CD}{CH} \propto$ pond. F. Sed haec tensio

fili CD, vbique aequalis est; vnde $\frac{CD}{DG} \propto$ pond.


$E = \frac{CD}{CH} \propto$ Pond. F, i. e. CH \propto pond. E = DG \propto pond. F, id est

DG : CH = pond. E : pond. F. *Q. E. I.*




Dato igitur situ fili patet per analogiam simplicissimam ex dato pondere E, inueniri pondus F.



Schol.

TAB. IV.



p. 100.
Fig. 1.





Schol. Hanc solutionem absque analysi proponit *Newton. Arithm. Vniuers. Prob. 49.* Estque modus componendi *Libram ex solis filis* vulgari haud minus accuratam.

Problema II.

Sit ACB, funiculus datae longitudinis, ex-Fig. 2.
 tremitatibus A, B, parieti affixus, & super eum sit Trochlea C, liberè mobilis a qua pendeat pondus D. Iam si pondus sibi permittatur, vt descendere possit, quaeritur punctum C, in quo restabit in aequilibrio.

Anal. Quoniam punctum C, trahitur tribus viribus iuxta CA, CB, CD, quae per hypoth. sunt in aequilibrio, producat CD in E, eritque ea media directio virium iuxta CA, CB, trahentium. Sed sunt vires illae tensio funiculi CA, CB, ideoque cum funiculus sit vbique aequaliter extensus, hae duae vires aequantur, inde media ipsarum directio CE, bissecat angulum ACB. Problema igitur ad *Analysin pure Geometricam* reductum fit tale: Datis basi AB, & summa laterum ACB, inuenire Δ ACB, tale ut angulus verticalis ACB, bissecetur a recta, alteri positione datae, vt AF, parallela. Puta factum & sit Δ ACB quaesitum, produc BC, ad occursum cum AF in G; ergo propter parallelas AF, EC, erit $\angle FAC = \angle ACE$, & $\angle AFC = \angle ECB$. Vnde $\angle FAC = \angle AFC$, vnde Δ AGC est isosceles. Vnde quia $AC \perp CB$,

est data, erit $GC + CB$, i. e. GB data, vnde quia demissum perpendicularum CH bissecat AG in H , dabitur C , & fit sequens facillima *Constructio*:

Centro B radio \equiv longitudini funiculi fac intersectionem cum AF in G , bisseca AG in H , duc perpendicularum HC , quod occurrat BG in C , & determinabit punctum quaesitum C .

Problema III.

Fig. Sint data tria pondera A, B, C , appensa filiis quae inter se connectuntur in F , & sint duo fila FDA, FEB , super punctis D, E , libere mobilia. Quaeritur qualem situm habere debeant vt sint omnia in aequilibrio.

Anal. Puta factum, & sint in aequilibrio in situ rite posito. Iam quoniam puncto F , applicantur tres vires, pondus A iuxta FD , pondus B iuxta FE , & pondus C iuxta FC , quae aequilibrantur, erit producta vna directionum vt FC , linea FG , media directio virium iuxta FD , & FE . Ergo ducta GH , ipsi FD parallela, erunt vires iuxta FC, FD, FE , i. e. pondera C, A, B , respectiue vt FG, GH, FH , vnde ob data pondera dabitur ratio trium laterum in ΔGFH , ideoque anguli FGH, GFH : vnde & quia $FGH \equiv GFD \equiv FDA$, & $GFH \equiv FEB$, dabuntur anguli FDA, FEB , vnde duae rectae DF, EF , his angulis ad perpendiculares DA, EB , ductae, se secabunt in puncto quaesito F .
Q.E.I.

Schol.

Schol. Huius Problematis solutio magis composita & prolixior legitur in *Newtoni Arithm. Vniu. p. 150.*

Problema IV.

Sit A M, regula circa A mobilis cum Fig. trochlea M, super qua transeat filum in B, & eadem horizontali AB fixum cum appenso pondere P. Quaeritur in quo situ regula cum filo & pondere in aequilibrio subsistat. 4.

• *Anal.* Equidem posset solutio ex eo fonte deduci, quod pondus descendat quantum potest, seu quod ducta verticalis PMN sit maxima, vt fecit *Hospitalius in Anal. Infinit.* sed eandem deducamus ex compositione virium. Patet nempe trochleae seu puncto M, esse applicatas tres vires, quarum duae sunt partes fili, secundum directionem MB, MP, trahentes, tertia vero vis qua trochlea a regula in A fixa retinetur, seu quae est in directione MA. Vt ergo sit aequilibrium, debent tres hae vires se mutuo destruere. Patet vero ob tensionem funis \equiv lem vires duas secundum MB, MP esse aequales, hinc directionem earum angulum BMP necessario bissecari debere a directione MA producta MO.

Reductum ergo est Problema ad mere Geometricum. Nempe inueniatur M, tale vt angulus BMO \equiv OMP.

Factum sit ad efformandam aequationem, quaeratur relatio angulorum A, B. Est ergo

BMO, h. e. $A + B = QMP = NMA$, h. e. $R = A$,
 unde $2 A + B = R$, seu $2 A = R - B$. Re-
 solutionem hanc aequationis formabimus tri-
 gonom.

Sit $AM = a$, $AB = b$, $AN = x$, $MN = y$
 videmus, ob communem MN , angulo vtrique
 A , B , rem optime expediri per tangentes.
 Posito ergo $\text{Sin. toto } r$, est

$$\text{tang. } A = \frac{ry}{x} \quad \text{tang. } B = \frac{ry}{b-x} \quad \text{cot. } r = \frac{b-x}{y}$$

$$\text{tang. } 2A = \frac{2r^2 \cdot ry}{\frac{r^2 - r^2 y^2}{x^2}} = \frac{2rxy}{x^2 - y^2}$$

ob $2A = R - B$, $\text{tang. } 2A = \text{cot. } B$.

$$\text{unde } \frac{2rxy}{x^2 - y^2} = \frac{r \cdot b - x}{y}$$

$$2xy^2 = (b-x)(x^2 - y^2)$$

$$= bx^2 - by^2 - x^3 + xy^2$$

$$xy^2 = b(x^2 - y^2) - x^3$$

Eliminetur nunc y , substituto valore

$$y^2 = a^2 - x^2$$

$$\& a^2 x - x^3 - bx^2 - ba^2 + bx^2 - x^3$$

$$= 2bx^2 - ba^2$$

$$\frac{x^3 - a^2}{2b} x + \frac{1}{2} a^2$$

$$\text{unde } x + \frac{a}{4b} = \pm \sqrt{\frac{1}{2} a^2 + \frac{a^4 b^2}{16}}$$

seu

$$\text{seu quoque } x = \frac{a^2 \pm a \sqrt{a^2 + 8a^2b^2}}{4b}$$

Problema V.

Repraesentent AB, AC duas trabes seu ful- Fig.
cra aequalia in plano verticali, quae sint mo- 5.
bilia circa axem A, ita vt extremitatibus B, Cn. 1.
possint moueri super fundamento firmo hori-
zontali DE, & ponamus huic axi appendi pon-
dus datum P. Clarum itaque est pondus co-
nari diducere illas trabes, iuxta directionem
BH, CI vi certa, & hac vi tendere funem FG
quo connectuntur, vel premere obstacula quae
extremitates B, C, retinent. Quaeritur quan-
titas istius vis, seu quod consequitur, firmitas
funis vel obstaculorum requisita vt continean-
tur trabes.

Anal. Repraesentet *figura no. 2.* duas tra- Fig.
bes, a quarum pondere & crassitie abstrahi, 5.
mus, & HBCI lineam horizontalem in qua ia. n. 2.
cent extremitates ipsarum, & in directione
ponderis AP sumatur punctum quoduis D,
Iam si AD repraesentet magnitudinem ponde-
ris P, & compleatur \square AKDL, ex Theor. Com-
pos. virium clarum est, vim AD, pondus P,
idem efficere in punctum A, ac si eius loco
tantum essent duo pondera, quae sint vt AK,
AL & traherent iuxta directionem AK, AL,
Sunt vero ob aequales AB, AC, etiam AK, AL,
aequales, vnde fulcrum AB idem patitur a

G 5

pon-

pondere dato, ac si traheretur iuxta AB, pondere Q, tali vt sit

AD: AK = pond. P. pond. Q.

Eodem modo se res habet cum AC. Sed quoniam pondus Q, trahit iuxta AB, hoc nondum est vis illa qua trahitur fulcrum iuxta directionem BH. Resoluendum igitur est pondus Q, seu vis iuxta AB, item in duas alias, quod fiet si capiatur BM = AK, & fiat mn, ipsi HB normalis. Nam completo □ BmnO, item ex Theor. Compos. virium constat vim Bm, eandem esse ac si eius loco substituantur duae vires Bn, BO, h. e. fulcrum AB, tanta vi trahi a pondere Q (per Bm expresso) iuxta ABm, ac si traheretur simul pondere R, ipsi Bn proportionali iuxta Bn, & pondere alio ipsi BO proportionali iuxta BO. Sed hoc posterius pondus fulcrum apprimat directe lineae HI, ideoque sustinetur a fundamento firmo DE, alterum vero Bn, seu R, agit directe iuxta BH, ideoque est illa quam quaerimus. Sit KS ipsi BC parallela, & ob Bm = AK erit KS = Bn, vnde KS exprimit vim R quam B iuxta Bn habet. Sed ducatur perpendicularum AT, idque consideretur vt datum, erit

AS: KS = AT: BT

vnde AD: KS = 2AT: BT

i. e. pond. P: pond. R

ex qua analogia cognoscitur vis quaesita qua fulcrum AB, iuxta BH trahitur. Q. E. I.

Prob.

Problema VI.

Si AE⁶BD sit filum in A fixum & libere mobile supra trochleam B, sitque ei appensum pondus D, transeat vero super trochlea alia E libere cum appenso pondere C; iam si pondera sibi permittuntur vt se componant in situm datum; Quaeritur ratio inter pondera C, D.

Anal. Ponatur facilitatis causa A, B esse in horizontali situ AB, vnde clarum est pondus C sumere eum situm vt AE, BE, sint aequales, & EC producta bissecet AB in F. Iam quia tres vires sunt in aequilibrio circa C; sit BG ipsi AE parallela, & occurrens productae EC in G, & est

EG : EB = vis iuxta EC, i. e. pond. C : vim iuxta EB, i. e. pond. D.

capiatur in recta verticali BH = longitudini fili dati. Ergo quia AE ⊥ EB ⊥ BD = BH, seu 2 EB ⊥ BD = BH erit EB = $\frac{1}{2}$ DH; sed est quoque EG = 2 FE vnde proportio praecedens fit:

$$2 FE : \frac{1}{2} DH = C : D.$$

$$\text{seu } 4 FE : DH = C : D.$$

unde quia semper est FE < BE i. e. FE < $\frac{1}{2}$ DH, seu 2 FE < DH; est autem

$$2 FE : DH = \frac{1}{2} C : D.$$

patet esse semper $\frac{1}{2} C < D$, seu C < 2 D, nempe si C = 2 D, pondus C descendit continuo, nec vnquam erit aequilibrium si pondus aequale

le est $= BG = EB$, ergo $\triangle EGB$ aequilaterum, seu litus fili est talis vt $EBF = 30^\circ$ Q. E. I.

Schol. Patet hoc exemplo, esse aliam speciem librae filariae, quae si in Praxin deduci deberet, diuidenda esset linea BH, & FC, pro lubitu producta in partes aequales, & facile haberetur pro quouis casu ratio:

$$4 FE: DH.$$

Problema VII.

Subiungam Probl. quod prolixè prosequitur & solutionem synthetice demonstratam habet *Varignonius Mem. 714. p. 280.*

Datis quatuor chordis in eodem puncto connexis, inuenire quatuor vires iis applicandas ut sit aequilibrium.

Fig. *Anal. Cas. I. Si directiones in eodem plano;*

7. In recta una OA assumatur Oa pro lubitu pro vi prima. Ponamus Ob esse alteram quaesitarum. Unde diagonalis Om, erit ex iis composita. Sit Oc tertia quaesita. Unde composita e tribus, erit diagonalis On, quae quartae aequilibrari debet. Unde in OD productam cadit. Datur ergo On positione, hinc ex puncto m determinatur punctum n seu assumpta Oc; & Problemati penitus satisfit. Unde cum Ob manet arbitraria Probl. est *indeterminatum.*

Facile patet ex natura rei id possibile esse, si quatuor directiones ultra semicirculum extendantur, *impossibile* sin minus.

Cas.

Caf. II. Si directiones in diverfis planis. Ac Fig. fumatur iterum Oa pro lubitu. Ponatur Ob 7. altera, erit diagonalis Om compofita. Sit Or, n. 2. proiectionis directionis Oc in planum per AOB. Sit Oc tertia vis, eiusque proiectionis Oy. Ergo diagonalis Ov compofita ex Om, Oy, & fi erigatur plano normalis m, erit On compofita ex viribus Om, Oc. Haec igitur quartae aequilibrari debet, inde & in OD productam cadere. Sit OΔ proiectionis directionis OD. Unde Ov in eam productam cadit, daturque ideo pofitio, hinc e puncto m determinatur v, ipfaque Oy, & Oc vel vice verfa. Sed praeterea ang. nOv debet effe = DOΔ. Unde determinantur omnia. Nam affumto pro lubitu puncto v, datur ob angulum nOv datum normalis m. Infcribatur haec angulo dato COF; & datur inde Oy. Iungantur vv, & datur parallela Om, hinc & ipfa Ob.

Unde tunc Probl. eft *determinatum & poffibile* vt a priori patet fi quatuor directiones iacent extra $\frac{1}{2}$ fphaericum, *impoſſibile* fin intra.

Idemque pro quinque directionibus *Varrignonius* l. c. ulterius profequitur.



DISSERTATIUNCULA
DE
CORNU AMMONIS
NATIVO

LITORIS BERGENSIS IN NORVEGIA.

AUCTORE
IOANNE FRIDERICO HOFMANNO,

L. U. ET PHIL. D. CONSULE CIVITATIS SANGERHUS.
ACAD. ELECT. MOGUNT. ET SOCIETATIS LL. AA. LIPSI.
ENSIS SODAL.

§. I.

Inter conchyliis *μαρδύρα*, seu univaluia petrefacta, velut inter stellas luna minores, emicant sic dicta *Cornua Ammonis*, speciminum frequentia, & multitudine, * corporis exiguitate & vastitate, ** generisque mirifica diversitate, & varietate *** prae omnibus commendanda; ita eruditis viris, rerum naturalium curiosis, nota, vt descriptionem eorundem hic adponere superuacaneum fuerit. †

§. 2.

* Ad oppidulum Ermaleben Principatus Halberstadiensis tam multa *Cornua Ammonis* inueniri, vt planiffrum onerarium exinde impleri possit, obseruauit perillustr. Dreyhauptius in der Beschreibung des Saal-Creyfes. P. L. p. 650.

** Ad Mandach, villam Argoniae inueniri *Cornua Ammonis* latitudine duorum & trium pedum in diametro, vsque ad magnitudinem lenticulae, testatur CL. Bertrand, Academiae nostrae sodalis, (Essai sur les usages des Montagnes. Chap. XVII. p. 331.) Excell. Gesnerus, Canonicus, & Professor Tigurinus me per literas docuit, ipsum, ante aliquot annos, *Cornu Ammonis* integrum, grauitate ducentarum librarum Florentiam Equiti de Baillon transmisisse, quod postea, eiusdem museo vendito, in caesareum gazophylacium migraverit.

*** Laudatus CL. Bergand L. c. numerat centum, & viginti eorundem species.

† Sermo tamen mihi tantummodo est de *Cornu Ammonis* vero marino, conpensationibus, siphunculo, &c. gaudente.

§. 2.

Notum est, insignem hanc Cornuum Ammonis frequentiam, & vastam quorundam molem multos induxisse, vt cum exempla naturalium adhuc deficerent, ista ex petrefactorum conchyliorum classe eliminare, & pro lusibus * sic dictis naturae, vel globulis, & ornamentis quibusdam stratorum lapideorum a Deo creatis ** venditare non dubitauerint.

§. 3.

Vt autem huic sententiae obstitit perpetuus Cornuum Ammonis character, tam minimis, quam maximis speciminibus proprius, & communis; externa, & interna eorundem structura, concamerationes in spiris, siphunculus communicatorius, & reliqua non nisi cochlidibus attribuenda momenta; ita inuenta sunt etiam exempla, testa naturali, *** eademque perlacea

* Ita statuerunt D. Plot, Anglus, Tournefortius, Camerarius, Aldovrandus, Raius, Bonanni, Listerus alii- que refutati à d' Argenville (histoire naturelle, Lithologie p. 153.) & à Cl. Bertrand (Memoires sur la structure interieure de la Terre. p. 46.)

** Ita statuit Beringerus in Lithograph. Wirceburg. Spec. I. Cap. XIII. p. 91. seq.

*** Bourguet (Histoire naturelle des Petrifications p. 99.) huc refert omnia Cornua Ammonis quae Langius, & Scheuchzerus ~~armis~~ praedicauerunt.

cea * adhuc praedita, ita, vt nisi quis ad lucem meridianam caecutire voluerit, nullum dubium sit, quin ista Cornua Ammonis ad vera conchy- lia petrefacta sint referenda.

§. 4.

Iustitiae causae ex voto adnuit fortuna. In- uenta sunt etiam Cornua Ammonis natia & naturalia. Primum in litoribus Amboinae de- textit insulae perspicacissimus Rumphius, hinc in honorem inuentoris, communiter Cornu Ammonis Rumphii dictum ** exiguum, album, pellucidum, vix calamus scriptorium crassum.

§. 5.

Alia, licet minimi moduli, Cornua Ammo- nis, cum aliis conchis minus notis, in arena li- toris Ariminensis inuenit, & cum erudito orbe communicauit medicus celeberrimus Arimi- nensis, Plancus, Italice Bianchi dictus, in libro de conchis minus notis.

Tanta paruitate describuntur, vt centum, & triginta ad pondus vnus triticei grani exae- quandum requirantur. . Quinque gyris, argen- tei

* Qualia ad Goslarium, vt plurimum tamen in frag- mentis, inueniuntur. cf. CL. Ritteri Oryctogr. Gos- lar. p. 27. edit. alt. Museum Richter. p. 227. Talia etiam Bollenfia Ducatus Würtembergici praedicat KEYSLERUS in neuesten Reisen. Tom. I. p. 102.

** Figuram eiusdem exhibet RUMPHIUS in Amboin. Rarit. Kammer. Tab. XX. n. 1.

tei coloris, finita sunt, & circiter quadraginta thalamos referunt. *

§. 6.

Ante aliquot menses Excellentissimus & Cel. Gesnerus, Canonicus, & Professor Tigurinus, pro mirifico suo in me fauore, portunculam arenae litoris Ariminensis benevolentissime mihi transmisit, variis conchyliis naturalibus refertae. In his etiam inveni Cornicula Ammonis modo dicta minutissima, argenteo colore, passim in ochraceum abeunte, exsplendescencia. In memoriam tunc reuocaui arenam litoris Bergensis Noruegici, sub cuius adminiculo, & quasi inuolucro Illustris Pontopidanus, cum adhuc Bergis degeret, echinos marinos, additis multis aliis rerum naturalium opimis muneribus, liberalissime mihi transmisit. Hanc arenam adcuratius examinando, quam impense laetabar, cum illam pure testaceam, multisque conchulis, & cochlidibus refertam inuenirem! Quam insigniter gaudebam, cum inter dicta conchyliia etiam Cornua Ammonis, vtut minutissima, naturalia manifestarem! Digna omnino, quae eruditus viris, testaceorum amatoribus, communicentur.

§. 7.

* GUALTIERI in testarum Indice Tab. XIX. Fig. I. H. microscopio insigniter aucta eadem exhibuit. conf. Excellent. GESNERI diss. de petrificat. differentiis, & varia origine. §. XI. p. 29.

§. 7.


Animus est, quantum absque pictura fieri potest, Cornua ista Ammonis nativae describendi. Horum omnium maximum adaequat corpus lenticulae, reliquis gradatim minoribus, minimis tamen adhuc magnitudine Ariminensia superantibus. Quoad colorem, plurima sunt alba, immo albissima, alia coloris perlacei, quem *Nacre de perles* Galli vocant; Quoad formam, alia sunt trium, quatuor, & quinque spirarum: alia laevia, alia striata: alia in superficie spirarum plana, alia convexa. Quae colore perlaceo gaudent, ab altera parte umbilico prominulo praedita sunt: alia in medio centri umbilicum referunt, reliquis in regione umbilici parvum foraminulum ostendentibus: cuius ratio sine dubio in tempestatum iniuriis vel ictibus vermium, vel alia vi externa, quaerenda est. Omnia, quoad observare licuit, gaudent ore rotundo, & integro. Nec praetereundum, me in his duo inuenisse, ore utrimque cohaerentia, domiportis, sine dubio ex interuentu materiae viscosae, & tophaceae, conglutinatis. Plura, ob defectum exquisiti Microscopii, observare non licuit. Sufficiat indicasse, dari etiam in litoribus Bergensibus Cornua Ammonis vera nativae, quod neminem adhuc observasse memini.

* §. 8.

Non immerito hic quaestio moveri potest: Quare tantummodo Cornua Ammonis nativae

minimi moduli reperiantur? Cur non medioximi moduli? Cur non etiam maximi? Nolo in eam abire sententiam, cornua ista minutissima peculiarem constituere classem conchyliorum paruulorum litoralium, quae iam ad iustam magnitudinem peruenerint, nec amplius crescere possint: Statuendum potius est, ex conspiratione quam plurimorum doctorum virorum, omnia Ammonis Cornua Pelasgia esse, & imo maris fundo inhaerere id quod immanis eorundem moles, quae in petrefactis cernitur, exigere videtur. Quae autem in ante dictis litoribus tam copiosa inueniuntur cornua miuuta, pro foetibus habenda sunt. Ponamus pelasgia illa cornua, ad modum cornuum palustrium, ouipara, & ouula eorundem, materia mucilaginosa & viscosa, inuoluta esse: ponamus, hanc materiam tanquam pinguem vnguinosam & oleosam, (id, quod etiam in semine piscium, ranarum, & conchyliorum palustrium cernere licet) aqua marina specificè leuiorem esse, ideoque sublati simul ouulis & conchyliis in iisdem reclusis, vtut aqua specificè grauioribus, in altum adscendere, & superficiei maris innatare, ut ouula ista radiis & calore solis maturari possint. Quibus satis maturatis, ruptisque ouulorum carceribus, conchyilia inde prodeuntia verisimile est, materia ista mucilaginosa, quae ipsis vehiculi, & alimentorum loco fuit, penitus consumpta, altissimum maris fundum repetere. Fieri tamen

men non potest, quin multoties massa ista viscosa feminalis, ventis & fluctibus agitata, ad litora adpellatur, & algæ, musco, ramentis, saburrae, glareae, aliisque quisquiliis litoralibus inhaereat, ita, vt animalcula in istis ouulis maturitati proxima, aqua, & fluido omnimode destituta moriantur, & sic domunculae & testae eorundem, cute ouulorum per aërem fracta, in arena litorali relinquuntur. Cum vnum ouarium piscium, & testaceorum multa centena ouulorum contineat, quid mirum, quod in loco maritimo, vbi facilis est appulsus, post tot millia annorum, innumera millia testarum minutissimorum Cornuum Ammonis reperiantur? Ex praemissis igitur constare rationem existimo, quare in litore Armeniensi, aliisque, natiua minutissimorum Cornuum specimina tam ineffabili numero inueniantur, maiora autem desiderantur.





FRIDERICI ADOLPHI REINHARDI
SEREN. DUCIS MEGALOPOLITANI CET.

AB EPISTOLIS FORENSIBUS ACAD. SODA-
LIS ORDINARIÛ

COMMENTATIO
DE
ORTHOCERATITIBUS
MEGALOPOLITANIS
CIVITATE LATINA DONATA

A
M. HADELICHIO.

Quotquot prouincias in orbe terrarum,
quam longe lateque patet, peragrarere
fufcipimus; tot diuerfa profecto genera
animantium, plantarum rerumque minera-
lium, facili reperiemus negotio. Neque quid-
piam temere eft, ex quo maiora capere incre-
menta queat vtiliffimum illud hiftoriae natu-
ralis ftudium, quam ex accurata defcriptione
eiusmodi rerum, quae in finguliterrae regio-
nibus hinc inde obuiaae funt & animaduertun-
tur.

tur. Tantum vero abest, vt illud ex sententia hucusque peractum sit, vt vix vna alteraue prouincia eiusmodi rerum notitiam suppeditet. Silentio vt enim praeteream illos terrarum tractus, ad quos peregrinantibus facilis nondum aditus patuit: illae etiam regiones, quas doctrinae sacrum appellares, harum inopia mentionum magnopere laborant.

At forsā illis eiusmodi rerum copia non exuberat? Stulti profecto foret, talem fouere sententiam, quam experientia, fidissimae vitae magistra, primo quoque tempore refutare ac destruere potest. ●

Ne vero quid nimis dixisse videar: Megalopolitanis tantum regionibus id satis superque confirmabo. Vix enim coniecturae locus fuit hucusque, vtrum agri Megalopolitani Naturam ita fautricem habuerint vnquam, vt vel exiguum harum rerum portionem, parcaque satis manu illis, elargita sit. Postquam vero docti aliqui viri rem dignam iudicauerunt, in quam paullo curatius sustinerent inquirere: accidit, vt egregiam earum rerum, quae ad historiam naturalem pertinent, inuenirent copiam.

Res fossiles non vltimum certe locum in Historia naturali occupant. Atque harum quidem rerum tanta exuberat copia in regionibus Megalopolitanis, vt, quod admirentur re-

rum naturalium curiosi, facile inueniant. Ex innumeris *Orthoceratites* tantum elegi, de quibus fufius quidpiam edifferem, propterea, quod non modo hic loci copiofiffimi funt, fed quod insignem etiam vixque credibilem ftructuram in illis animaduertere mihi contigit. Petrefactis etiam pulcerrimis abundant agri! Megalopolitani, quippe quae ex fretis vndique, numerosa multitudine, congeruntur; e.g. lapidibus concharum & cochlearum, naturalibus & coloratis testis praeditis, atque rariffima saepe conchilia continentibus. Deinde optimis Astroitis, inque pyrimachos transmutatis Echinitibus. Sed orthoceratites tantum describam, quandoquidem in paucis reperiuntur regionibus, ideoque, a rerum naturalium peritis, nondum satis funt delineati.

Constans fuit hucusque doctorum virorum opinio, orthoceratites nullibi, nisi in regionibus versus septentrionem iacentibus, inueniri. Quam ob rem Anglia, Suecia Borussia vicinique agrorum tractus & versus septentrionem vergentes Germaniae prouinciae potiffimum eorum videntur esse patria. Sed inter huius regiones id non, nisi de Pomerania, terris Megalopolitanis & Marchionatu Brandenburg. certo affirmare audeo. Vix enim aut raro admodum, illi in aliis reperiuntur prouinciis, idque vel ex eo probare possum, quod paucissimi autores, qui res foissiles, in Germaniae tracti-

tractibus, hinc inde reperiendas, descripserunt, eorum mentionem faciant, nulli vero accuratam exhibeant delineationem. Instar omnium Heluetios appellasse sufficiat; utpote quorum patria rebus eiusmodi fossilibus ac petrefactis semper fuit affluentissima. Neque tamen illis accurata horum animantium notitia contigit. Qua ex re factum, ut BREYNI commentatio de Polythalamiis, inauditum quidpiam praese ferre videretur, ansamque praeberet, ut Orthoceratites deinde curatius perquirerentur.

Neque vero longam definitionis seriem de orthoceratitibus, siue *cornibue petrefactis, directis, multisque cellulis mirifice distinctis seu articulatis* in medium proferam; neque variam eorum diuisionem, praesertim ratione siphonum, totam orthoceratitis longitudinem absoluentium, superaddam. Has enim res dudum obseruauit, distinxit, accurataque definitione complexus est modo laudatus BREYNIUS, quem, qui nesciunt, euoluant. Id potius examinabo breuiter, utrum haec cornua petrefacta animantibus testaceis (Schaalthieren) adnumeranda sint, nec ne?

Si quis ipsi eorum contemplationi intensius inhaerere coeperit; (alias enim vix adaequatam eiusmodi rerum ideam sibi quispiam comparabit) non magis dubitabit, eos testas s. crustas esse in terra petrefactas, animantis

marini; quam certo scit, quod testa cochleae petrefacta, in omnibus naturali cochleae testae respondens, reuera antea fuerit testa.

Quod si quis in dubium hoc vocare velit, innumeri lapides copiose hic locorum reperiendi, concludentes minores maioresue orthoceratites, in copioso concharum, testarum coralliorumque cumulo, extra omnem dubitationis aleam ponere possent, eiusmodi animantia e maris litoribus esse oriunda. Praeterea vero adhuc monendum videtur, vulgatam esse omnium opinionem, quod *orthoceras* seu animans illud, quod BREYNIUS sic appellat, ab illo, quod curuis ac sinuatis gaudet cornibus, istud distincturus, non amplius in maribus conspici inueniri que possit. Haec enim praeiudicata opinio tum demum ad veritatem accedit, quando de orthoceratibus, eadem gaudentibus magnitudine, quam in petrefactis adspicimus, sermo est. Sed quoniam magnitudo animantis non ipsam illius essentiam absoluit: ad hanc meam sententiam stabilendam sufficit testimonium Cl. BIANCHI & GUALTIERI, qui naturalem orthoceratis concham, siphone adeo directo notatam, licet admodum parvam delinearunt descripseruntque, ille in libro de conchis minus notis, hic in splendido indice testarum. Ex quibus liquido satis constat, haec animantia non interiisse penitus, sed suam tantummodo sedem, in ima
maris

maris profunditate collocasse; ex qua tolli nequeunt, vixque minima, fluctibus saeuientibus, dilui, cumque aliis conchis adpelli possunt ad litora. Id quod pluribus accurate ostendit BIANCHI in descriptione arenae in litore Ariminensi conspiciendae.

• Forsitan eadem est ratio cornuum Ammonis, multis cellulis distinctorum; quippe de quibus RUMPHIUS contendit, ea summis extremitatibus tam firmiter inhaerere rupibus, vt ne rapacibus quidem vndarum fluctibus quassari eripique possint; & fortasse testa orthoceratis magis idonea est, quae tantae aqnarum illuuii queat resistere.

Tantum auctoritate virorum suffulto superuacaneum videtur, multis ostendere, me ipsum in portione quadam arenae Ariminensis, haud exiguam inuenisse copiam eiusmodi paruulorum liphonum, in superficie extrema striis in longitudinem porrectis multisque intus cellis distinctorum; neque minorem multitudinem cornuum Ammonis, in quibus parietes intermedii optime conspici animaduertique potuerunt. Neque vero animus est, ad quaestionem toties motam respondendi, scilicet, qua ratione fiat, vt tantam rerum testacearum petrefactarum copiam, in regionibus praecipue nostris, septentrionem versus iacentibus, inueniamus? Quum contraria ex parte pauca

cor-

cornua Ammonis, nautilites aliasque res, cum illis arcta cognatione coniunctas animaduertamus? Haec enim quaestio ad nauseam vsque ventilata, merito a sapiente quouis viro seponebatur; neque vero negandum est, a curiosis harum rerum viris, eo magis omnia obscuritate inuolui; quo longius a simpliciore earum explicatione recedunt, nouisque student hypothesis. Sine vltiore igitur verborum ambage *orthoceratites* describam, qui in nostris potissimum regionibus Megalopolitanis reperiuntur. Non temere inueniet quispiam orthoceritatem nudum solumue iacentem; sed plerumque, lapidum aggere conglomerato, tanquam matrice sua, operiuntur; quanquam facili negotio ab illis dignosci queant ac separari. Copiosissimi in fusco, variisque distincto coloribus, coti molli caeduae Gothlandicae simili, atque marmoris indolem imitante lapide, reperiuntur; neque minus in aliis lapidibus silicis calcisue naturam habentibus. In pyrimachis autem, quorum tanta exuberat copia in nostris agris, vt arua illis velut tecta conspiciantur, nondum inueni aliquod eorum indicium. Conchas vero, corallia, poma marina eorumque mamillas & spinas permultas reperi in iisdem. Siphon, seu canalis per interiorum cellularum longitudinem protensus, de cuius vsu nihil adhuc certi constat, plerumque distinctus adspectuque facilis adparuit; in paucis defuit. Interdum, respectu ortho-

cera-

ceratitis, admodum crassus est. Locus, vbi conspicitur, aut medius est, aut ad latus parum inclinatus, saepeque testae orthoceratitis adiacens est. In aliis laevis & teres adparet; in aliis vero leniter undulatus & instar cochleae incurvatus, testam saepe, quae inuolutus est, repraesentat. Siphon iste aut simili cum orthoceratitis inuolucro, aut alio, aut spatho albo suffarcinatus adspicitur. Integra illius mensura si superest, conicam figuram exacte repraesentat, undulata solummodo superficie. Vbi cuspidi proximus est, siue celeri, siue lenta proportionem extenuatur, dum desinat inferne in acumen. Testam autem retinet, aut amittit, aut quibusdam fragmentis ostendit. Si amiserit illam, interiores cellulae solent fere instar patinarum sese separare ab inuicem. Interiora diaphragmata colore suo a lapide orthoceratitem replente, distinguuntur, atque interdum albo spatho, aut inuoluuntur, aut obliterantur. In aliis cellulae aut valde sunt angustae aut admodum spatiosae, saxoque variis coloribus distincto, intermixto etiam spatho albo, complentur. Quo fit, ut, si poliantur eiusmodi lapides, mirifica pulcritudine exsurgant. Cortex externus etiam spathi naturam imitatur, & vel laevis vel egregie striatus est. Non accuratam ubique distantiam inter se habent; sed parum tamen ab ea recedunt. Quando pars superior & amplissima adhuc superest, non reperitur in ea cellula.

Caete-

Caeterum, satis notum est, interiora diaphragmata esse partes superficiei sphaericae, cuius conuexitas versus acumen spectat.

Vereor, vt nimis longa orthoceratitidis delineatione patientem lectoris animum fatigem. Mutato igitur vltiore describendi conatu, exemplaria nonnulla in medium proferam, quae deprehendi in agro non ita magno, nec plura, quam alius, petrefacta continente. Primus orthoceratitidis fragmentum fuit in agris Neostrelizianis repertum. Lapide includitur incano silicis aliquatenus micacei naturam imitante. In diametro tres digitos Rhenol. exaequat, longitudo ad quatuor digitos adfurgit; & quoniam firmitas illius parum saltem extenuatur, verosimile est, totum corpus insolitam expleuisse magnitudinem pariter atque longitudinem. Sex cellulis distinguitur, quarum teneri parietes commode dignosci possunt in lapide. Siphon leniter instarque cochleae (Schraube) sinuatus, digiti mensuram in diametro absoluit. Cum illud fragmentum, quam longe patet, diffusum sit in medio, accidit, vt in altera parte extus lapide operta, ad latus iacentem fuscoque e flauo colore distinctum, vna cum diaphragmatibus, videre liceat. Altera vero fragmenti pars, quae lapide caret, cavitatem cui respondet siphon, iucundo adspectu repraesentat.

Flauescente colore distinguitur ab exteriori parte, testaeque perditae sunt. Quo fit, vt extrinsecus intueri queam adiacentes cellulus.

Alius orthoceratites, ab omni matrice separatus, longitudine octo & dimidium digitum Renol. exaequat. In diametro, vbi firmissimus est, vnum dimidiumque digitum, vbi vero tenuior euadit, $1\frac{1}{4}$ digitum absoluit. Ex quo colligi potest, haud minimam deesse mensuram ab hac parte, vsque ad cuspidis extremitatem. Lapide inuoluitur, in calcis naturam mutato, & duodecim circiter cellulas ostendit. Testa exterior periit, quo factum, vt cellulae apparerent, quae luculentum siphonis tenuis vestigium relinquunt.

Fragmentum orthoceratitidis, in agris Neostrelizianis repertum, longitudine $3\frac{1}{2}$ dig. absoluit, in diametro duos exaequat digitos, atque naturam duri glaucique lapidis induit. Extus, vbi testa periit, & e rubro fusco distinguitur colore, siphon albo cortice inuolutus, a partibus exterioribus in cochleae modum depressus est, & rursus eminet, nitidamque prorsus faciem exhibet, cum etiam tenuis stria instar cochleae illum circumdet; quae quoties gyrum absoluit, in angulum acutum declinat, atque tum, vt antea, sinuatur.

Alius cellulae a viridi fuscoque lapide replentur, siphonque fusco, nonnihil, flauo colore



re distinctus est. Alius minor totus in lapidem e rubro fuscum mutatus est. Quum vero in vno latere politus sit, diaphragmata videri possunt.

Pars orthoceratitidis iisdem aruis oriundi fuscoque rudere circumdati, sensim extenuatur, magnamque ideo mensuram longitudinis explet. Fragmentum enim hoc duos digitos consequitur longitudine, $\frac{3}{4}$ digit. diametro maximo. Testa, siphon, & diaphragmata pyrite vel Marcasita, auri colorem assimilante, distincta sunt; ideoque, postquam politura laminarum exinde excissarum accessit, iucundissima sunt ad spectum. Si cui contigit cornua Ammonis Heluetica, metallis expleta, pulcreque polita, adspicere, huius pulcrum concinnitatem facile colliget; namque talis orthoceratitidis infinite rarior est. Huius vero pulcritudine eo maior exsurgit, quia cellulae pellucido spatho distinctae, oculos ad sui inuitant admirationem.

Aliud fragmentum eiusdem lapidis minorem repraesentat orthoceratitem, illi adiacentem; cuius testa ac diaphragmata simili ratione, marcasita armata, conspiciuntur.

In alio quodam orthoceratitidis fragmento, in lapidem spadiei coloris mutato, longitudo 4 digitos assequitur, diaphragmata distincte apparent, sed nullus ubique siphon reperiendus est.

est. Testae cuiusdam reliquiae, fusco colore notatae, duabus constant lamellis, sibi mutuo incumbentibus, quarum inferior laevis & nitens, conchae interiorem superficiem imitatur; superior vero, quae inde separari potest, transverse subtilibus striis donata est.

In parte quadam alius orthoceratitidis nullae amplius cellulae extant; inest vero alius orthoceratitidis minor, cuius siphon, instar striae tenuis, in medio videri potest.

Postremum locum occupat fragmentum orthoceratitidis in iisdem Neostrelizianis aruis repertum, cuius longitudo digitum & tertiam eius partem adaequat; maximo vero diametro dimidium absoluit. Multo maiorem longitudinis mensuram idem expleuerat, sed fodentis negligentia accidit, ut in complures diffusus partes erueretur. Hoc fragmentum ex altera parte politum, siphonem, fusco lapide suffarcinatum, repraesentat. Hic dimidiam fere crassitiem totius massae assequitur. Diaphragmata velut lineae, rubro distinctae colore, apparent. Testa, in latere, siphoni opposito, & siphon huic lateri oppositus, interne linea quadam alba spathosa sepitur. Simili ratione diaphragmata rubra ex utroque latere spatho tali circumdantur. Quo fit, ut quaevis cellula clypei, albo margine cincti, speciem pulcre imitetur, Cellulae vero septem numero mirificum oculis adspectum suppeditant.

tant. Antiores binae albo coque pellucido cryſtallo ſpathoſo repletæ, a lacteo ſpatho, quo inuoluuntur, mirifice diſtinctæ ſunt. Haſ excipit cellula fuſco lapide repleta, albaque, vt dictum, ſimbria præclare exornata. Hanc ſequitur quarta cellula, albo cryſtallo oculos in ſui adſpectum inuitans; ſimilique ſimbria pulcre ſepita. Quinta binis anterioribus ſimilis, pellucido cryſtallo eodemque, vt illæ, margine ſuperbit. Sexta vero priori reſpondens, lapide incano impleta eſt. Hanc excipit cryſtallo reſerta, prioribus non diſſimilis. Quam ſequitur fuſca materia repleta, prioribus fuſcis exacte reſpondens, eaſque pulcra colorum varietate exſuperans.





OBSERVATIO

D. IOAN. PHIL. NONNII

DE

ISATE ET CARTHAMO OSSA
ANIMALIUM NON TINGEN-
TIBUS.

Radicis rubiae tinctorum, animalium ossa in colorem elegantissime rubrum mutandi, virtutem constantem mirati sunt eruditorum iam multi. Euentu gaudentes secundo, diuerso licet, vt ex eorum scriptis patet, ad alia, in re tinctoria vsitata, corpora, examinanda, animum adpulerunt. Indicum, Alcannam, Curcumam, Fernambucum, Santalum rubrum, Lignum Brasilianum, diuersis animalibus ad deuorandum prae-buit Cl. BOEHMERUS, speratum autem euentum, dissectis corporibus, haud deprehendit. Tantos viros secutus, & consilio Cl. VOGELII in bibl. med. vol. II. p. 87. satisfactorius, in columbis iunioribus, quid Isatis praeparata, quidque flores Carthami off. facerent, tentare volui. Flores dictos itaque cum furfure remixtos & in bolos subactos deglutiebat harum vna, satis bene se habens, licet cita aluo laboraret principio, excrementaque flauo colore tineta exirent. Post quatuordecim dierum vsum praeter spem pabulum recusans, eodem adhuc die conuellebatur,

noctēque sequente morte occupabatur. Dissectum corpus nil coloratum nilque praeter naturam, nisi emaciatum se, ostendebat. Altera statim furfure pari modo remixtam & in bolos subactam, deuorabat, nonnullosque dies, secunda, ut videbatur, fruens valetudine, diutius vitam agebat, posthac autem similem lussit tragaediam, quam mors continuo sequebatur. Spem omnem frustra diffectio; ventriculi enim intestinūque omnia viridi quidem mucilagine obducta erant, in ossibus autem nulla mutatio, nullus nisi naturalis color: Nunc quid extracta spirituosā aquosāque, quid decocta efficiant, experiundum est; aquosum enim rubiae tinctorum extractum plus, secundum cel. BOEHMERUM, praestitit, quam ipsa in substantia radix.



VRB. MOLITORIS
REV. CAPIT. AD B. M. V. CAPITULARIS ET CANTORIS
OBSERVATIONES
QUÆDAM
DE
APIARIO ET ALVEARIBUS,
CVITATE LATINA DONATAE.

§. I.

Quædam telluris regiones numeroſo apum domicilio haud idoneae eſſe conſpiciuntur. Vidi, qui C. aluearia congeſſerat magnumque ſibi quaëſtum inde pollicebatur; ſed quoniam florum copia non aderat; breui temporis ſpatio omnes propemodum apes inedia conſumebantur. Satiùs itaque eſt, paucis gaudere alueariis, quam nimiae vtilitati inhiando, omnes perdere.

§. 2.


Apiarium & aluearia quidem deſcripſerunt JO. GEDDE in apiario Anglico & JO. WARDER in monarchia apum. Sed multa compilarunt, quae ad rem non faciunt; praeterea translationes Germanicae tanta laborant obſcuritate, vt vix poſſint intelligi, & coniecturae ſaltim detur locus. Nimis autem longum erat, ſingula refutare, quae minus recte ab illis dicta fuerunt. Sedula igitur meditatione adſecutus ſum modum, ea multo minore pre-


tio, multoque meliora construendi, qui etiam experientia satis fuit comprobatus.

In aliud tempus differo, quo vberius exponam, qua ratione aluearia ex axibus siue asseribus crassioribus extrui possint, ut omnia quidem aliorum commoda conspirent, incommoda vero exulent; iam vero non minus utilem quam curiosam apiarii aedificandi rationem brevibus ostendam. Dolabra scrinia poliens secat triplici fissura asserem, duos digitos firmitate, duodecim vero latitudine aequantem. Quaelibet pars dissecta septemdecim digitos longitudine explet, inque quadratum coaptatur cum reliquis, uti fig. 1. & 2. ostendit.

Fig. 1. & 2. In parietibus bina latera constituentibus, a posteriore parte duo coagmenta, digiti firmitate, ducuntur; vid. n. aa. cum illis tertius paries coagmentatur, conglutinatur, cuneisque compellitur. Locus volaturae (das Flugloch) operculo aluearis submittendi deorsum, priorique parieti sursum inciditur. Posteriorem deinde parietem longitudine quindecim digitos aequantem, conficit asser, iisdem coagmentis instructus, binisque parietibus collateralibus probe coopatus. vid. fig. 1. Huic parieti sinistram versus, foramen inciditur, duorum cum dimidio digitorum longitudine latitudineque vid. fig. 1. lit. b. Huic impages sculpitur, addito labro s. capsula quae tribus, quatuor pluribusque arcis, vnum alveare constituentibus sufficit. Praeterea in
supe-

TAB. VII.





superiore parietis parte eiusdem mensurae foramen aperitur. vid. Fig. 1. lit. c. Quibus factis, in binis parietibus latera constituentibus, quatuor tenera foramina versus posteriorem parietem terebrantur, clauisque impinguntur vid. fig. 1. d d d d. His ex sententia peractis, operculum conficitur, hoc modo: Secatur ab aslere, duos digitos firmitate, duodecim vero latitudine, exaequante, pars quaedam octodecim digitos longitudine comprehendens. Deinde iterum medio loco dissecatur in duas partes, quemadmodum Fig. 2. e e. ostendit. Post dolabra binae poliuntur suturae, quartam digiti partem, latitudine alteram profunditate assequentes. Tunc iniectis arcae hisce binis asseribus, futurisque introrsum flexis, cumque priore pariete aequatis, a posteriore parte digiti mensura priores exsuperant. Horum asserum interuallo, spatium quinque digitorum conspicitur, vid. e e. cui asser sex digitos latitudine totidemque longitudine comprehendens, impagibus factis, futuris impingitur. vid. Fig. 2. f. a posteriore parte asser digiti firmitate, sex vero digitos longitudine habens additur, remanente inter asseres e e. fig. foramine quinque digitorum vid. l. h. Quibus accurate sic factis, operculum quatuor clavorum ope, arcae imponitur. vid. fig. 2. Tunc stria ex aslere dissecta quatuorque digitos latitudine, nouendecim vero longitudine comprehendens, dolabratur, inque medio ri-

ma insculpitur 3. digit. lata, & $5\frac{1}{2}$ d. profunda. vid. *l. k*. Haec ad volaturae locum adacta, & operculo, & inferioribus arcae partibus, compingitur clavis. Quoniam vero ab vtraque parte digiti spatium eminet, duae striae similes *ii*. sine rimis agglutinantur. Harum striarum commodum ea potissimum re absolvitur, vt illarum ope, arca firmiter compingatur, aliaque interiicienda tutius quiescat; sublata enim vna arca, submissaque altera: superiores arcae quassari nequeunt. vid. *l. iii*.

Quo facto scutula lignea foramini *h* adigitur, vt illud vndiquaque operiatur. Circulus deinde in operculo creta ducitur, scutula demta. Tum stria quatuor dig. lata, arcae adigitur, (vid. *l*) posteriorique agglutinatur parieti. Commodum huius scutulæ in eo continetur, vt mel iniectum commodius commedi queat ab apibus, striae vero, vt ne quis aer per teneras rimas penetret, apesue locum Fig. exulandi inueniant. Quibus factis in asserum
 3. suturas, intergerium e ligno firmiore XI. digit. long. inferitur. v. l. *m*. Hoc in intergerio terebratur foramen *l. n*. quo commodius trahi retrahique possit.

§. 4.

Harum vero, quas iam descripsimus, arcarum numerus ad quoduis alueare vel examen quatuor vel quinque requiritur. Cauissae autem,

autem, cur non longiores latioresue eas aedificandas curauerim, hae potissimum sunt. Primo non opus est gradibus siue interstitiis, fauum sursum conseruantibus; deinde multo celerius fauo complentur; ideoque facilius expectari potest, usque dum ad alteram arcam apes procedant, quo facto, superior sine vlllo apium detrimento commodè detrahi tolli potest. Denique vero apibus vna vice non facile nimium quid de melle auferitur.



E C H O
SONOS DUODEVIGINTI
DIVERSOS,

SIVE
SIMPLICES ILLI SINT,

SIVE
CONCENTU AUCTI,
ORDINE REDDENS,

NARRAT
CHRISTIAN. REICHARDUS,
CIV. ERFORD. CONSUL.

ACAD. ELECTORAL. MOGUNT. SCIENT. VTIL. ET
REG. SOC. TEUTON. GOETTING. SOCIUS.

Reddi vocem a locis quibusdam, reflecti ab alijs numerosiore, nemini miraculo est; nam & passim fit, & non contemnendam ea res animo voluptatem parat. Iterari sententias, aut modulamina suavius repeti, numeros inter rariora aurium oblectamenta, quibus minime capi, rusticum ingenium arguit. Et meminisse iuvat, me his permulsum deliciis, ante hos quinquaginta quinque annos, pervigilium nymphae sacrum semel iterumque cum sodalibus egisse.

Est in agro vrbis nostrae locus paullulum editus, vt collem dicas, & si viam teneas, quae
Ro-

Rodam ducit, ab ipsis portae cerdonum (Løber-Thor) claustris pass. comm. circiter 900. remotus. Huic si insistas, & obtutu ad primam turrim parmulaeque valli proximam conuerso, modulamen canas, reddetur id tibi integrum eadem arte; sed dulcius & leui suffurro molle. Praesertim si fidibus cecineris. Sed nisi murmur inconditum & partes cantus longo interuallo discretas eodem tempore auribus accipere velis, coërcendum tibi est modulamen iusta breuitate, quam mensura musica definire poteris. Expleas igitur canendo mensuras aut *septem*, quarum quaelibet numeris * tribus dimidiatis absoluitur, aut *quatuor*, si duobus ** numeris constat. Hanc enim cantus durationem, omnium maxime probauit experientia saepius iterata. Facto deinde silentio, & elapso vix vno aut altero minuti vnus scrupulo, artis tuae imaginem accipies. Neque interest, solus canas aut vna cum sociis; fidibus aut tibiis; aut infles cornua. Quamuis enim bicinia cornibus maxime canenda subiecerim, licet tamen, eosdem modulos concentu longe frequentiori augere. Et exempla omnino nulla subiecissim, nisi efficeretur illis, vt lector & naturam rei facilius perspiciat, & nihil temere dictum a nobis esse, sciat. Praeterea reddi duodeuiginti sonos ob eam causam diximus, quod ex biciniis alterum

* Dreyachtel.

** Zweyviertel.

rum tot absolvitur. Posset autem absolui pluribus, nequaquam aucto mensurarum numero. Itaque & plures redderentur.

Diligentia vero quaedam adhibenda. Et vix cuiquam his deliciis perfrui dabitur, nisi inter nocturna silentia; dum ciuitas quiescit. Nam commotus aër clamoribus & frequentia forensi, vehiculorum equorumque strepitu, creditas sibi voces negligentius habet, imo totas perire finit. Deinde coelum sit serenum, neque imbre grauidum, neque nebulis aut vento tumens. Vt intelligas vrbanam esse nympham & ob id delicatulam, licet rustica magis affabilem.



GENEROSISSIMI CUIUSDAM
ANONYMI,
ACADEMIAE SODALIS,
HONORIS CAUSSA ADSRIPTI
EXPERIMENTA
DE
LIGNORUM GRAVI-
TATE SPECIFICA.
CIVITATE LATINA DONATA

Vlni	-	-	24	libras
Abietis decrepitae	-	-	26 $\frac{1}{2}$	-
Abietis frondentis	-	-	20 $\frac{1}{2}$	-
Pineae crassioris	-	-	20	-
Pineae gracilis	-	-	19 $\frac{1}{2}$	-
Taedae celsae	-	-	24	-
Taedae accrescentis	-	-	26.	-

§. 4.

Denique, quum eas binos menses continuos aqua submergi iussissem; denuo pondere examinaui, sequentemque illarum gravitatem animaduvertere licuit:

Pes cubicus

Quercus longaeuae	-	45 $\frac{1}{2}$	libras
Querculae gemmantis	-	52	-
Fagi	-	47 $\frac{1}{2}$	-
Fagi tenerae	-	48 $\frac{1}{2}$	-
Betulae	-	47 $\frac{1}{2}$	-
Vlni	-	46 $\frac{1}{2}$	-
Abietis decrepitae	-	40 $\frac{1}{2}$	-
Abietis frondentis	-	41 $\frac{1}{2}$	-
Pineae crassioris	-	33 $\frac{1}{2}$	-
Pineae gracilis	-	35 $\frac{1}{2}$	-
Taedae celsae	-	39 $\frac{1}{2}$	-
Taedae accrescentis	-	36 $\frac{1}{2}$	-



FRIDERICI AUGUSTI CAR-
THEUSERI,
DOCTORIS MEDICI,
ACADEMIAE ELECT. MOGUNT. SODALIS,
OBSERVATIO BOTANICA
DE
CHARACTERE
GENERICO NATURALI
BOSEAE,
QUAE ALIIS YERVA MORA
DICITUR.

Bosea Linn. Hort. Cliffort. 84. *Verua mora* Hort. Bosan. & Hispanorum, frutex Canariensis est, cuius partes fructificationis paucissimi Botanicorum distincte & methodice descripserunt. Praecipuum inter eos locus *Clariss.* LINNAEUS obtinet, qui characterem istius plantae genericum naturalem, hoc est, singulas sex fructificationis partes enumerantem, iuxta Auctorum descriptiones & iconum ope, viuis nempe floribus destitutus, concinnauit, eundemque in *Generibus Plantarum* (Edit. Halens. 1752. Gen. 238.) exhibuit. Hoc in characterē quaedam mutanda, quaedam vero adiicienda esse, recentes flores me docuerunt, quos vna ex Boseis, quae in horto medico Francofurti ad Viadrum alun-
tur, anni 1755: mense Augusto & Septembri explicauit. Notae genericae, quas *Clarissimus Vir* adfert, sequentes sunt:

Cal. Perianthium pentaphyllum, aequale: foliolis lanceolatis, concavis, erectis, margine tenuioribus.

Coroll. nulla.

Stam. Filamenta quinque, subulata, calice paulo longiora. Antherae simplices.

Pistill. Germen ouato-oblongum, cuspidatum. Styli duo, patuli. Stigmata simplicia.

Pericarp. Bacca globosa, vnilocularis.

Sem. vnicum, acuminatum.

Characterem hunc ita emendo:

Cal.

Cal. Perianthium pentaphyllum, ~~ae~~quale: foliolis subrotundis, concavis, erectis, margine tenuioribus, quasi membrana-
ceis.

Coroll. Petala nulla. Sed fundum floris obducit substantia quaedam glandulosa, rubra, madida, pro Nectario habenda.

Stam. Filamenta quinque, subulata, erecta, calice multo longiora, receptaculo adhaerentia. Antherae simplices.

Pistill. Germen conicum, laeve, filamentis breuius, calice longius, Nectario insidens. Stylus nullus. Stigmata duo, minuta.

Pericarp. Bacca subglobosa, unilocularis.

Sem. unicum, rotundo-acuminatum.

Praeterea circa fruticem hunc sequentia notari possunt:

1.) PERIANTHII externae superficiei squamulae seu foliola truncata, subtilia, duo, sibi opposita, incumbunt, quae PERIANTHIO non cohaerent, sed pedunculo adnascuntur.

2.) Flores suaueolentes, exigui, pedunculis breuibus, glabris instructi, & in racemos compositos, laxos digesti sunt. Inferiores racemorum ramuli foliis suffulciuntur, quae, sicut reliqua huius fruticis, simplicia sunt, petiolata, oblongo-acuminata, glabra, integerrima, venosa.

3.) Venae purpurascences, quae foliis Boscae a nonnullis tribuuntur, non semper adsunt. In aliis enim eius plantae indiuiduis folia per totam superficiem viridia obseruantur, citra intermixtam rubedinem, in aliis non modo venae, sed magis adhuc petioli, costae, margines foliorum rubent, & plurimis vtriusque conditionis folia sunt. Differentia haec accidentalis tantum & variabilis est, ab aëris scilicet, aut aetatis aut succi nutritii discrimine deriuanda. Maxime tamen aer liberior ac frigidior huius ruboris genesi ansam praebere videtur.

4.) Figura rami floralis Boscae aëri incisa, quam *Designatio Plantarum Horti WALTHERIANI Tab. 10.* sistit, flores nec satis accurate, nec distincte exprimit. Praeterquam enim, quod stamina & pistilla obscure delineata sint, priora etiam numerum naturalem superant, ac iusto breviora sunt; & forma foliolorum calicis lanceolata atque acuta plantae nostrae haudquaquam conuenit.



EIUSDEM
OBSERVATIO
CHEMICO-PHYSICA
DE
CRYSTALLISATIONE SALIUM
ALCALIUM FIXORUM.

§. I.

Salia Alcalia fixa formam crystallinam, salua scilicet natura sua, haud induere, omnes Chymici adferunt, huiusque adferti veritatem experientia confirmare videtur. Si enim solutiones Alcalium fixorum aquosae, lenis evaporationis ope ab humido superfluo liberantur, & sic spissiores redditae in loco frigido reponuntur, nequaquam in crystallos abeunt, ut salium mediorum lixiivia, sed liquidae manent: ad plenariam vero siccitatem ignis adminiculo redactae, massam informem, irregularem ac minime crystallinam relinquunt. Licet quidem subinde salia crystallisata sub Alcalium fixorum crystallisatorum nomine monstrantur, ea tamen, si naturam ac praeparationem respiciamus, non amplius pura deprehenduntur Alcalia, sed acido quodam magis minusve impraegnata & in salis medii speciem nonnihil transmutata: dum scilicet acidum istud vel e sulphure minerali super alca-

lia deflagrato, vel e plantis ipsis, vel, quod quoque nonnulli contendunt, ex aëre atmosphaerico, cui salia haec diu exposita fuere, introductum est. Quae cum ita sint, memoratu non plane indigna videtur ea, quam communicabo, methodus, qua salia alcalica fixa sepi flexuosa, absque indolis specificae mutatione & saluis qualitatibus, ad figuram crystallinam atque polyedram deduci possunt. Methodum hanc, quae singulari quodam additamento nititur, & repetitis experimentis mihi satis innotuit, secundum varias circumstantias atque differentias indicabo.

§. 2.

Recipiatur nempe Nitri fixi aut Cinerum clauellatorum depuratorum quantum placeat, & in aquae simplicis modica quantitate solvatur. Aqua, praesertim si Cineres clauellatos adhibueris, frigida esse debet, vt Salis metallici, quod Cineribus clauellatis inhaerescere solet, particulae, in aqua nonnisi calida aut feruida solubiles, intactae remaneant. Solutio- nis huius filtratae partes quatuor misceantur in vase vitreo cum vna parte Spiritus salis ammoniaci aquosi ope salis alcalici fixi parati, cuius loco etiam solutio Salis volatilis sicci ex Sale ammoniaco separati in usum vocari potest. Finita mistura, quae ut plurimum sine notabili limpiditudo turbatione contingit, liquor blando arenae calori exponatur, qui in eo gradu, quem manus citra noxam ferunt, seruan-

seruandus est. Sic primo ascendit fortior, quam antea odor vrinofus, nares acerrime ferrens, qui sub continuata euaporatione sensim debilior euadit, ac tandem euanescit; deinde, fluido scilicet supra dimidium exhalato, in superficie liquoris residui crystalluli subtiles, nitidae, albae formantur. Adiuuante tunc lenissimo calore, maxima eius liquoris pars in crystallos elegantes ac prioribus maiores sensim concrescit, & in fundo vasis simul conspiciuntur moleculae salino-terreae albicantes ex liquore deiectae, quae ab aqua soluuntur, eamque colore leniter lacteo, sine pelluciditatis detrimento, inficiunt. Hyemis tempore labor hic aequè feliciter succedit, si liquor, quamprimum obseruantur memoratae crystalluli in superficie congregatae, in locum frigidum transfertur, vbi intra aliquot horas crystallificatio absoluitur. Fluidum in vtroque casu relictum, quod grumulis terrestribus albo-cinereis plerumque inquinatum est, noua euaporatione similiter in crystallos, ast minus regulares & firmas, sed paulo vinctuosas abit.

§. 3.

Crystalli hoc modo enatae, si in charta bibula siccatae fuerint, nitore quidem, pelluciditate ac toto adspectu cum crystallis salium mediorum conueniunt, naturae autem & proprietatum inuicem, vera adhuc atque perfecta salia alcalia fixa existunt. Videlicet saporem habent

habent acrem lixiuiofum, omni odore carent, cum quibuscunque acidis viuide effervescunt, ac finita effervescencia, salis medii naturam adsumunt, in aqua frigida facile solvuntur, syrupo violarum colorem viridem inducunt, igne auctiori ad formem liquidam transferuntur, ex solutione Mercurii sublimati pulverem aurantium, ex solutione Aluminis terram albam aluminosam & ex solutione Vitrioli martialis non minus quam veneri terram metallicam ad fundum deiiciunt, variaque metalla & semimetalla in acidis soluta praecipitant. Non amplius quidem in aëre deliquescent hae crystalli alcalicae, ideo tamen ex alcalium fixorum numero neutiquam relegari possunt; deliquescenti enim facultas inter characteres horum salium essentiales haud referenda est; quoniam nonnulla eorum reperiuntur, quae nihil fere humiditatis ex aëre attrahunt, e. g. Sal Sodae, cui nemo tamen hac de causa locum inter alcalia fixa denegabit. Quae adducta sunt momenta, abunde probant, integram adhuc esse salis nostri crystallini naturam alcalicam, cuius ratione crystalli Cinerum clauellatorum cum iis, quae ex Nitro fixo parantur, accurate congruunt. Figurae etiam, firmitatis atque magnitudinis respectu, levis solummodo differentia vtriusque salis crystallis intercedit. Crystalli Cinerum clauellatorum friabiles sunt, oblongae, compressae, vtrinque obtusae seu truncatae, tetraedrae, ita quidem,

vt

ut duo latera opposita latiora, duo autem itidem opposita multo angustiora sint. Aliae earum maiores, aliae minores existunt. Pleraeque granum hordei aequant. Crystalli, quas format Nitrum fixum, parum differunt, praeterquam quod longiores sint ac graciliores & spicula quodammodo referant.

S. 4.

Ab his indole alcalica nihil plane, figura autem & facie externa haud longe recedunt crystalli, quae ex Sale Tartari ordinario, eodem procedendi modo, emergunt, si id nempe purum fuerit. Accurate vero, antequam crystallisatio suscipitur, examinari debet Salis Tartari puritas, quia istud nonnunquam in salis medii speciem quoad maximam partem transformatum esse solet, adeo quidem, ut, ceu experientia aliquoties me docuit, solutio eius aquosa absque ullo additamento post blandam evaporationem sal medium crystallinum, hinc inde per superficiem moleculis alcalicis veris obductum in fundo relinquat. Vnde, omisso examine & eiusmodi Sale Tartari impuro cum spiritu vrinoso, commixto, non mirandum est, quod, loco crystallorum alcalicarum, in conspectum veniant crystalli octaedrae, durae, subtiles, quae sapore non minus, quam reliquis proprietatibus Tartaro vitriolato analogae sunt, & solum, ob adhaerentes partes alcalicas, debilem ac breuem effervescenciae motum cum acidis subeunt.

§. 5.

Descripta methodus, qua Alcalia fixa, ante in aqua simplici soluta, ad figuram crystallinam rediguntur, locum etiam obtinet in Alcalibus humido aëreo in liquorem pinguem dissolutis, seu, ut vocantur, deliquescentia. Quando enim liquoribus hisce vel simplicibus vel aqua dilutis Spiritus Salis ammoniaci aquosus, proportionem superius indicatam, affunditur, idemque blandus caloris gradus admouetur, crystalli præcedentibus quoad naturam alcalicam, nitorem, pelluciditatem & consistentiam simillimae gignuntur. Crystalli, in quas coalescit liquor Cinerum clauellatorum per deliquium paratus figura & magnitudine ab iis, quae ex solutione Cinerum clauellatorum aquosa prodeunt, nihil ferme discrepant, quibus etiam respondent crystalli, quas largiuntur liquor Nitri fixi mediante deliquio paratus, & Oleum Tartari per deliquium; ea tamen differentia, quod illis latiores & subinde breviores sint. Notandum quoque, quod in Oleo Tartari, siue id aqua dilutum fuerit, siue minus, post spiritus vrinosi instillationem & sufficientem vasis incalescentiam, flocci albicantes in conspectum veniant, qui numero sensim augentur, & quorum plerique sub finem evaporationis in crystallos mutantur.

§. 6.

Non solum autem Salia Alcalia lixiuiosa ex vegetabilibus aut Nitro mediante igne producta,

ta, salis vrinosi & lenis caloris auxilio ad figuram determinatam atque crystallinam, sicut hactenus enarratum est, transferri queant, verum etiam eandem methodum quodammodo admittunt Alcalia mineralia, cuiusmodi est Sal Sodae, & Soda Hispanica impura effluuionis ac euaporationis ministerio eductum, quod, adhibitis memoratis encheirilibus, formam regularem pariter assumit. Nimis saturata huius salis solutio aqua simplici parata, & postquam quatuor partes cum una parte Spiritus Salis ammoniaci aquosi commixtae fuerunt, igni leniori admota, simulac incaluit, turbida euadit, circumstantibus in ea frustulis albescentibus & nitentibus, quae ad spectu gelatinam nonnihil imitantur. Haec, quorum numerus successiue increfcit, euaporatione mitissimo calore ad siccitatem ferme continuata, rursus disparent, & sal solutum in materiam abit albam, splendentem, friabilem, plumas vel spicula atque frondes figura referentem. Materia ista etiamnum perfecte alcalica est, & cum acido vitriolico in Sal mirabile GLAUERI, Alkali mineralis more, transit. Non amplius tamen sub effervescentia cum Aqua forti aut Spiritu vitrioli puluerem coeruleum, (qualem Sal Sodae siccum hac ratione alioquin largiri solet) sed eius vice cinereum dimittit. In aere sensim nitoris sui aliquam instanturam facit, & farina quasi obducitur, quam mutationem Sal Sodae aliaeque Alcalia mineralia

lia itidem subeunt. Necessarium vero est, vt
 • Salis Sodae solutio, spiritu vrinoso mixta, ad
 siccitatem fere euaporetur, quoniam vase,
 dum largior adhuc fluidi aquei quantitas re-
 stat, a calore remoto, frustula memorata debi-
 tam figuram atque firmitatem aegre acqui-
 runt.

5. 7.

Superest, vt de causis huius crystallisationis
 nonnullis adiutis, & modum, quo hanc mu-
 tationem producere valent salia alcalia volati-
 lia; exponam. Rationem in leuiter mutata
 Alkali fixi mixtione quaerendam esse, non sine
 probabilitate existimo. Videlicet Salia Alca-
 lia fixa, vti satis euictum est, pauca materia in-
 flammabili, pauco acido & copiosa quadam
 terra subtili ac solubili constant. Terra haec,
 in comparatione acidi, iusto largiori quantita-
 te mixtionem ingreditur, ideoque impedit,
 quo minus Salia huius generis figuram crys-
 tallinam assumant. Addito igitur Sale vri-
 noso, quippe quod particulis gaudet subtilissi-
 mis & singulari mobilitate ac volatilitate do-
 natis, eius particulae calore in velociorem ad-
 huc motum raptae & hinc magis actiuae red-
 ditae, agunt in Alcalia fixa, ac terrae solubilis
 immixtae partem aliquam secernunt atque de-
 iiciunt, & ipsae tandem, calore continuato, cui
 ob naturam suam volatilem diutius resistere
 nequeunt, in auras auolant. Sic Alcalia fixa,
 amissa superflua terra, & mutata principiorum
 pro-

proportione, ad subeundam formam crystallinam magis idonea redduntur, eandemque etiam, continuata euaporatione, re uera subeunt. Haec, quae adlata sunt, argumentis haudquaquam carent. Aliquam enim terrae eius partem ex Alcalibus expulsam ac separatam esse, quodammodo indicat materia illa albescentis è salino terrea, ex liquore, uti iam supra annotatum est, ad fundum vasis, instar tenuissimi pulueris, exigua quantitate sensim deiectiona, quae aqua affusa promte soluitur. Solubilitas ista non modo innuere videtur, materiam hanc terrae subtilis, quae Alcalium fixorum mixtionem init, quandam esse portionem, sed etiam declarat, discrepare eandem a terrestri illo puluere & in aqua haud solubili, qui in liquore, post crystallisationem Alcalium fixorum residuo, ut plurimum circumnata, & alioquin etiam sub effervescentia horum salium cum acidis praecipitari solet. Obiectio, quam quis fingere posset, quod nempe expulsa maiori vel minori eius terrae solubilis copia, mixtio salis alcalici fixi, quatenus est Alkali fixum, destruat, nullius certe momenti est. Nam imminuta tantum, uti in hoc casu sit, principii alicuius constituentis proportionem, mixtio mutatur quidem, non vero destruitur; quia destructio mixtionis semper plenariam unius vel plurium principiorum sublationem supponit. Minus autem posse principii alicuius quantitatem, illi scilicet ceteroquin mixtionem,

tionem, alia etiam exempla docent. Sic olea aetherea in vase vitreo, praesertim non adeo firmiter clauso, diutius asseruata, nonnihil de principio suo spirituosissimo inflammabili & aqueo in auras exspirant, vti minor odoris fragrantia & spissior consistentia indicant; nihilominus tamen mixtionem & naturam olei aetherei retinent, & ope distillationis humidae, adiectis speciebus balsamicis recentibus, priorem fluiditatem atque fragrantiam recipiunt. Ferrum igne vehementissimo fusum, spoliatur aliquam partem sui & maiorem inde duritiam nanciscitur, Ferrum tamen, si mixtionem eius generatim respicias, integrum manet, & addito inflammabili pristinum malleabilitatis gradum recuperat.

§. 8.

Hoc modo illius mutationis, quam Alcalibus fixis inferunt Alcalia urinosa, explicationem dare tentavi, quae mihi ad veritatem proxime accedere videtur. Probabiliorem ac feliciorem, quam alii suppeditabunt, aetiologyam lubens amplectar, dum minime ignoro, quam ardua sit causarum inuestigatio, & quam frequenter in explorandis phaenomenorum naturalium rationibus mentes hominum defraudari soleant.

Scholium.

Similem fere, ac Cl. CARTHEUSERUS,
Salis alcalici Tartari crystallificationem

nem vidi, dum aliquando pluribus,
 & septem repetitis vicibus, illud aqua
 frigida soluerem, solutam colarem,
 & leni valde calore spissarem, unde
 tota massa in speciem hemisphae-
 rii, instar vitri vel glaciei Mariae pel-
 lucidi, quod diffractum crystallos satis
 acutas & firmas, ignei fere saporis
 praebebat, fuit mutata. Hic enim sa-
 lis medii residuum, & pars terrae sa-
 lis alcalici per repetitas colationes abi-
 gitur, quae in CARTHEUSERI Experi-
 mentis ope salis volatilis tollitur. Eo-
 dem modo, addito tamen vini spiritu,
 quandoque terram foliatam Tartari,
 de qua plerique etiam, quod crystal-
 los non det, contendunt, in eandem
 redegi.

C. A. M.





IOANNIS CHRISTIANI IACOBI,
DOCTORIS MEDICI,
DE ACADEMIA IMPERIALI, DICTA NATURAE CURIOSO-
RUM, ACAD. ELECT. MOGUNT. SODALIS SEDULI,

OBSERVATIO
DE
PIGMENTO COERULEO
E
CARBONIBUS VITIS VINIFERAE.

Certum quendam in finem quum ligni vi-
tis viniferae carbones salemque alcali-
cum fixum fusione per ignem vnirem,
incessit cupido animaduertendi, quale magiste-
rium ex hacce massa, aqua mediante in lixi-
uium redacta, foret obtinendum. Instillabam
igitur huic lixiuio spiritum vitrioli, qui magiste-
rium cinereo colore tinctum perpulcris hinc
inde maculis peruleis conspersum in fundum
deiiciebat. Conspectu harum macularum ad-
lectus, quieti per 24 horarum spatium illud
tradidi, in spem adductus, totum hocce magis-
terium amoena tinctura coerulea imbutum
iri, sed, effectū anxie desiderato, destitutum me
sentiebam. Frustraneo quoque conatu por-
tioni huius lixiuii, praecipitationis tempore
aliquid de solutione vitrioli martis adiciebam.
Quo facto, aliam lixiuii portionem solo spiritu
vitrio-

vitrioli praecipitatam vna cum praecipitato in vitro igni arenae impositam lente euaporare fui, auctoque postea ignis gradu, calcinationi vnus horae subieci, & adparebat massa splendide coerulea, quae edulcoratione colorem insigniter exaltatum acquirebat.

Feci postea quoque periculum, & praecipitati edulcorationem calcinationi praemisi, simileque coeruleum productum in conspectum prodiit; vnde haud difficulter coniciebam, ad huiusce coloris productionem salia in calcinatione nihil plane suppetiarum adferre.

Hocce phaenomenon igitur animum mihi addidit, processum huncce maiori cum attentione ordineque iterandi. Anaticas itaque carbonum vitis salisque alcali fixi portiones in vsum vocabam (perinde autem est, an ad huncce laborem istud alcali fixum, quod cinerum clauellatorum nomine venit, aut quod e tartaro paratur, velis eligere). Alcali in crucibulo aquae specie fluenti carbonum vitis aequalem quantitatem, sed singulis vicibus, quantum cultri cuspis capit, inieci, & actioni reactionique permisi, vsque dum sublime crucibuli massa petere desisteret, quam tunc effundebam, & solutionem cum aqua pluuiali factam spiritus vitrioli ope praecipitabam; quibus peractis illico lixiuium colorem coeruleum induebat, praecipitatumque simili, sed

intensiori pictum colore, subsidebat, quod
edulcoratum, eodemque, vt antea, modo, cal-
cinatum, coeruleo colore insigniter exaltato
fulgebat.

Ne coniecturas ansam praeberem, colorem
coeruleum martialibus vitrioli spiritus parti-
culis forte natales debere, e carbonibus tiliac
cum sale tartari eadem proportione fulis lixi-
nium conficiebam, quod cum spiritu vitrioli
praecipitatum, atrum tantummodo exiguae
que quantitatis puluerem in lucem edebat.
Simili quoque modo laudatum coeruleum co-
lorem in tentaminibus, cum variorum ligno-
rum & fangorum carbonibus susceptis, mini-
me deprehendi. Carbores etiam fossiles in
subsidiis vocabantur, quorum duplam, ob
pondus notabile, respectu salis tartari quanti-
tatem, sumebam.

Lixinium exinde confectum cum spiritu
vitrioli mixtum, pauculum quidpiam eiusmodi,
& parum splendidi coloris coerulei prae-
bebat.

Ex modo dictis animaduvertere haud diffi-
culter licet, quod, si spiritui vitrioli genesis
coerulei coloris tribuenda foret, in omnibus
eerte carbonum generibus ille omnino adpa-
rere debuisset (ob easdem omnibus hisce in
tentaminibus obseruatas circumstantias) Lo-

co spiritus vitrioli spiritum nitri & salis substituebam, iisque lixiuia diuersi generis, praecipue vero vitis viniferae carbonum praecipitabam, pauculum vero tantummodo subsidebat, colore atro tinctum, nullo coerulei coloris adparente vestigio. Eiusdem quoque, quoad quantitatem & colorem atrum, speciei praecipitatum, dicta acida è carbonibus fossilibus eliciebant. Vero itaque simile est, colorem huncce coeruleum ex congressu salis alcali fixi cum specifico phlogisto carbonum vitis viniferae suum trahere ortum, quoduis enim alcali maiori calcinatum gradu, vt cuius patet, in coeruleum abit colorem valde sensibilem. Phlogiston vero intensiori adhuc coeruleo splendore salem alcalicum tingere, experimentum Abbatis Menonii de coerulei Berólinensis ex soda prouentu, extra omnem controuersiae aleam ponit. Bina vero haec carbonum subiecta coeruleum tantummodo colorem producant, ob maiorem forsitan phlogisti, quod fouet, affinitatem subtilitatemque. Carbo enim vitis reliquos carbones subtilitate vincit, vti comparatio eorum cum aliis abunde nos edocet; fossilis etiam carbo ignem nondum expertus subtile phlogiston adhuc in sinu fouet suo. Quod vero ab acido nitri & salis nihil eiusmodi praecipitetur, eius ratio procul dubio in maiori praecoacido vitriolico, tanquam omnium ponderosissimo, leuitate, quaerenda erit.

De usu tandem pigmenti huius si quaeratur, experiendo cognoui, ignem illud ferre non posse, operi enim encaustico adhibere plane disparuit. Tinctoriibus usum nullum hucusque praestitit, si eodem modo, uti Indicam coeruleamque Berolinensem cum oleo viridi iuxta regulas artis tinctoriae pertractata fuit; adfusae enim aquae ne miculam quidem splendoris coerulei communicabat. Praecipitatum vero hoc in pulvis formam cum oleo viridi redactum chartaeque albae initum initio colorem fuscum fabis tostis Caffee similem, sistit, postea vero, transactis aliquot horis, pristino fulget colore coeruleo.

Quod reliquum est, vernici oleoso, & aquae, quae gummi habet, mixtum, pictoribus delineatoribusque sua se commendavit amoenitate. An vero duret, nec aëris mutationem experiatur, de eo quidem temporis progressu certiores reddemur.




EIUSDEM
COMMENTARIOLUS
DE
SUCCEDANEO ATRAMENTI
INDICI.

Polychrestus Atramenti Indici vsus, incitamento haud paucis fuit, ex variis in nostris regionibus paratu facilibus materiis, simile eliciendi productum. Sic certior me factum esse memini, phaseolos atro tinctos colore, occluso vase calcinatos, & Gummi Arabico in aqua soluto debite unitos, itemque putamina iuglandium, limo inclusa, & eodem modo parata, verum huius atramenti Succedaneum exhibere. Minime vero hic animus est disquirendi, quo fundamento haec innitantur. Sisto potius hic e regno minerali petitum quoddam, ab atramento Indico, colore, teneritate & effectus praestantia ne latum quidem vnguem recedens, quod exemplar adiectum, plantam hoc atramento pictam sistens, extra omnem dubitationis aleam ponit. * Praeparatio vero haec est; sumitur residuum ex perfecta distillatione liquoris anodyn

L 3

* Vidimus hoc exemplar, quod tulipam, atramento Sinico pictam referebat; pauculum tamen fusci coloris habebat.

dyni HOFFMANNI, & cum aqua perfecte edulcoratur, vt ne minimum quidem acoris vestigium remaneat. Tum siccatur & cum Spir. Vini alcoholisato resina subtilis extrahitur; quo facto cum aqua denuo digeritur, quae multum coloris fusci etiamnum extrahit, ita, vt residuum 4 vnciarum olei vitrioli & 16 vnciarum spiritus vini, remanens aquae adhuc tingat; residuo siccatō & in puluerem curiose redacto cum Gummi Arabico in aqua soluto pultis consistentiae conciliatur, hocque capsulis chartaceis inditum & siccatum in vsus seruetur.



**CHRISTOPHORI ANDREAE
MANGOLDI,**

**PROFESSORIS ET DOCTORIS MEDICI ET PHILO-
SOPHI, DE ACADEMIA REGIA SCIENTIARUM
MONSPELIENSI, ACAD. ELECT. MOGUNT.**

ADDESSORIS ORDINARIJ,

EXPERIMENTA

QUAEDAM

COLORUM.

1. **S**alis alcalici, fluxus albi dicti, cum partibus aequalibus sanguinis bouilli siccati, calcinati, exiguum quantitatem partitis vicibus in vnciam vnam salis ammoniaci fixi fluentis, ingessi. Flamma inde nata, odorem quasi phosphori spargens. Mistura, in aqua soluta, fere igneum saporem linguae imprimebat, leui sulphuris hepatis quodammodo similem.

2. Idem accidit, cum carbonum smapis vnciam dimidiam in hanc misturam fluentem ingererem. Ambae solutiones (n. 1. & 2.) ab aceto distillato fusco colore praecipitatae, simul ac hoc adfunderetur. Spiritus vero vitrioli, Nitri & salis viridi illas praecipitabant colore. Notandum vero, durante fusione virga ferrea agitatam fuisse misturam.

3. Idem sal alcalicus (n. 1.) cum sanguine calcinatus, in aqua solutus, & colatus, per spiritum salis, colore cum flauo viridi, ad fundum fuit datus. Cum spiritu vitrioli & Nitri vero colorem exhibuit amoenum è viridi coeruleum. Aceto autem distillato praecipitatus colorem dedit viridescentem, qui vero breui post in elegantissimum purpureum mutabatur.

4. Dixerat nonnemo, iucundissimum illud coeruleum Parisiense, quod colore multo adhuc saturatiori gaudet, ac coeruleum Berolinense, eodem parari modo, ac illud HENCKELII, quod descripsit in Flora saturnizante; sed vitrioli oleum non conuenire huic operationi; igitur cum amico huius rei feci periculum. Praecipitauimus nempe solutionem librae vnius sodae, libra vna & dimidia spiritus vitrioli; liquor inde primo fuscus redditus, tum viridis, & denique optime coeruleus splendensque, coeruleo Parisiensi, quod ante oculos habueram, perbelle similis; sed siccatus duarum tantum drachmarum pondus habuit.
5. Miscuimus parum solutionis sodae cum multa solutione aluminis. Color inde primitus ortus, instar viridis Saxonici, & simulac ignis, inspissandarum causa solutionum, adinoueretur, natum coagulum instar albuminis oui, vel gelatinae cuiusdam, difficulter sese ad fundum demittens. Est hoc sine dubio a sale alcalico, terram aluminis praecipitante, in pluribus punctis ab igne in hanc acto. Magnam vim pigmenti obtinuimus, & à candore intermixto, qui terrae aluminis adscribendus, per spiritum salis liberauimus; sed non adeo fulgebat ac sequens.

6. Sumimus, duce Promptuario Hamburgenſi (Hamburg. Magazin, vol. XIII, p. 43.) in quo vero proportio ſilentii pe- plo inuoluta eſt, vnciam dimidiam lima- turae ferri, adſperſa aqua rubiginosae red- ditae, tumque per aliquot horas cande- factae, & ſubtiliter comminutae, vnciam vnam florum ſulphuris, duas vero vncias Nitri. Haec tigillo candenti immiſimus, & parum carbonum in puluerem reda- ctorum, per vices ingeſſimus. Maſſam inde natam diſſoluimus, colauimus & eousque ſolutionem vitrioli ferri & pau- ci aluminis addidimus, dum videbatur aliquid exinde praecipitari. Praecep- factus puluis nigricans, non coeruleus. Addita tum per vices ſolutio ſodae, ſta- tim mutauit colorem hunc in optimum coeruleum Berolinenſe, poſtquam pul- uis exſiccatus & ſpiritu Nitri tritus eſſet, qui vnciam dimidiam, igitur tantum, quantum limatura ferri adhibita, pende- bat.
- b. Eidem vero limaturae dictae, & ſulphu- ris ponderi additae tres Nitri vnciae, de- derunt puluerem, inſtar croci ferri, licet durante praecipitatione, & exſiccatione color coeruleus adpareret.
- c. Drachmae duae croci Martis ſulphurati, cum totidem drachmis ſulphuris, & vn-
cia

cia atque dimidia Nitri, fusae & cum drachmis duabus pulueris carbonum detonatae, dein vero adhuc per horam in igne detentae, post solutionem in aqua, & colationem, saporem aquae impertierunt, instar sodae Hispanicae solutae. Addita tum vncia vna cum dimidia aluminis, & drachmis 6 vitrioli Martis, in aqua solutorum, ortus color vilis, croco Martis similis; non corrigendus vteriori adfusione solutionum quarumcunque.

- d. α) Eadem proportio croci Martis, sulphuris, Nitri & carbonum ostendit quidem colorem egregie coeruleum, cum solutio vasi vitreo, vbi 2 drachmae solutionis vitrioli & aluminis in fundo haerebant, infunderetur; sed pulvis inde separatus, elutriatus & exsiccatus, non erat, nisi crocus Martis; pondere gran. XXIII.
- β) Lixiuio residuo, prius praecipitans, nempe solutio vitrioli cum paucis aluminis infusum, dedit colorem eleganter viridem saturumque. Pulvis vero, princeps factus, gr. XXVIII. pondere, vilem etiam croci Martis colorem habebat.
- e. Similis fere fuit euentus, sumpta vncia dimidia carbonum, ad proportionem (n. 6. a) & drachmis duabus solutionis aluminis, vncia vero dimidia sol. vitrioli.

COROLLARIUM.

Igitur aliae adhuc proportionēs mixturæ (n. 5. a.) tentandæ, & videndum, quid possit vis carbonum aucta, vitrioli vero imminuta. Videtur enim, in phlogisti quantitate, & in paucitate vitrioli multum situm esse; illud contendunt experientissimi viri; Ill. Iusti & Geoffroy, hoc exinde probabile fit, quod color non adparuit absque solutionis sodæ admixtione; quæ Anonymus Promptuarii Hamb. non opus habuit. Tentandum etiam, quid possit absentia Nitri, quam idem Celsi Iusti suadet, nam incerta sit operatio, si non satis alcalicum sit redditum; nec desunt salia perfecta alcalica. Meretur hoc pigmentum plura tentamina, cum per n. 6. a. adeo parvo constet pretio.



EIUSDEM
EXPERIMENTA
ATQUE
OBSERVATIONES CHEMICAÆ, ET
MEDICAÆ,
VARII ARGUMENTI.

§. 1.

Obtinueram a Beato Patre ANDREA GORDONIO, in Philosophia Collega, dum viveret, coniunctissimo, autographum, in quo ignis sic dicti philosophici, siue pulveris cuiusdam peculiaris fulminantis, cuius etiam STAHLIUS & BECCHERUS, praeter Paracelsum, Montefnyderum & alios, non magnopere attendendos, mentionem faciunt, descriptio, & ad Medicinam, solutionemque corporum, applicatio, extabat. Monstrabam illud amico, qui notum sibi esse hunc pulverem eiusque applicationem, adfirmabat, simul vero quaedam in eius descriptione addi & mutari debere, contendebat, magna sibi inde pollicitus. Experimentis institutis, quorum nonnullis spectator adfuiti, nonnulla vel ipse vel cum aliis, praesertim solertissimo huius ciuitatis Pharmacopoeo, Kraftio, feci; deprehendi, quaedam, quae dixerat amicus, vera esse, quaedam vero non eo modo succedere, uti vel Autographum, vel hic adseruerat; qua in re consentientem

tem habeo Cl. IACOBI, qui pleraque experimenta sequentia etiam magno cum studio instituit. Cum tamen satis memorabilia sint & utilia, lubet ea prioribus addere.

§. 2.

EXPER I.

1. Sumimus magnam vim Nitri vetusti, & a sale iam satis repurgati; idque lixiuio saponariorum è calce viua & cineribus ligni faginei confecto, adeo forti, vt ouum sustineret, & plumam combureret, atque sale fusili Marggrafiano (Mem. de l'Ac. R. des - Sc. & des belles Lettres, 1746. p. 84. & sequ.) nondum depurato, in parca copia, imbuto, soluimus, solutumque ter spissauimus ad subtilem cuticulam usque; qualibet vero vice paulo minus, quam praecedenti; sicque obtinuimus post debitam crySTALLIFICATIONEM, & siccationem Nitrum paulo flauescens, fusile, & viuide cum inflammabilibus corporibus, quin candelae accensae admotum, fulminans, cumque multo sibilo, absque crepitatione, vel leui, comburendum, pondere dimidiam partem Nitri adhibiti explens.
2. Misauimus Nitri huius (n. 1.) 2 partes cum 3 partibus florum sulphuris, secundum mensuram, hocque mixto metalla cum

cum Mercurio antea amalgamata, teri curauimus, vsque dum miscela cinereum, fere nigrum indueret colorem.

3. Æthiopem, qui inde proueniebat, metallicum, in crucibulo satis capaci compressum, addito chartae candentis tantillo, partite fulminauimus, & metalla, absque vlla dispersione & reductione, secus ac fieri solet, si puluis fulminans è Tartaro, Nitro & sulphure paretur, arserunt propriis suis pulcris coloribus, inque calces mutata fuerunt varias. Sic e. g. stannum dilutum rubrum, igneumue viridiusculo mixtum praeuit colorem, atque calceius in primis fulminationibus rubra, dein vero repetita eadem operatione, additis nempe massae post primam fulminationem relictæ 2 iterum partibus Nitri cum floribus sulphuris in dicta portione misti, e viridi flaua adparuit. Fulminationes vero eo vsque repetitæ fuerunt, dum residuum album referret cinerem.

4. Quodsi crucibulo (n. 3.) patinae aqua fere repletæ, imposito, supertegeretur vitrum ingens cylindricum, flamma quidem primitus etiam adparebat, sed tum flores metalli in maxima copia vitro sese adponebant, qui itidem varii erant pro varietate metallorum, vel mineralium. Sic
e. g.



e. g. flores minerae bismuthi cobaltinae erant in prima fulminatione è rubra violacei, & in medio vitri nigrificantes; in secunda vero, vbi flores primos miscueramus cum residuo & nouum puluerem addideramus, flauì & instar laterum coctorum rubri. Residuum erat excauatum instar fauorum apum, fere, vt KUNCKELIUS calces suas describit. Aurum in prima fulminatione dabat flores nigros, nonnihil violaceos, instar cinnabaris Antimonii prima vice sublimatae; Argentum plane nigros flores praebuit; sed in sequentibus fulminationibus dilutus magis fuit color. Minera antimonii Hungarica primitus flauam, tum vero albam flammam cum iisdem floribus exhibebat. Residuum subtus erat è flauo fuscum, superne vero & interius purpureum.

5. Soluimus residua aqua purissima bulliente, & obtinuimus variè coloratas solutiones sulphuris metallo imbuti, quaeque talem itidem odorem spirabant. Solutio minerae antimonii (n. 4.) è rubro fusca, stanni vero & ferri solutio è viridi flaua erat, sed cum huic, à terra sua separatae, postquam ad $\frac{1}{2}$ partem inspissabatur, instillaretur spiritus vini bonae notae, sal inde praecipitabatur, qui magis magisque colorem saturationem nactus est, & tan-

tandem amoenum pomorum aurantium colorem retulit. Solutio auri aquam regis assimilabat aureo suo colore, argenti vero solutio alba erat, instar aquae. Sal per spiritum vini praecipitatum quoad maximam partem erat arcanum duplicatum aut sal polychrestum cum paucio sale alcalico sulphureo & metallico crassiori; sed illud, quod restabat in lixiuo, post lenem spiritus vini abstractionem, crystallisatum referebat sal quoddam leniter acre peculiaris saporis. Sal praecipitatus non totus solubilis est, & in charta, cuius ope colatae sunt solutiones, multum terrae remanet.

6. Aqua, qua patina fere repleta erat (n. 4.) post fulminationem repetitam saporem praebat acidum, leniter oleosum, & inspissata oleum sulphuris vel vitrioli & grauitate & sapore & colore referebat, nec Alcahesti, vt B. GORDONII Autographum (§. 1.) spondet, effectus praestabat. Videndum vero, quid possit extractio calcium metallicarum ibi commendata. Cl. IACOBI digessit flores in detonatione auri obtentos (n. 4.) cum solvente hoc, ab omni phlegmate liberato; sed fere nullam inde mutationem obseruauit; cum vero menstruum a floribus abstraheret, rubro ad nigrum vergente colore id tingebatur; cumque refunde-

M

ret

ret distillatum in residuum, ingens in retorto vaseoriebatur calor, & vehemensissimus subsultus materiae in illo contentae, fere vt in digestioneferuidiori Essentiae succini solet obseruari. Repetita vero hac operatione, adfusionis nempe distillati in residuum, minus tumultuata est materia, minusque caloris excitauit.

7. Misceimus etiam quandoque flores (n.4.) cum residuo quarumcunque detonationum, & 2 partes pulueris fulminantis iterum addidimus, denuoque fulminauimus.

§. 3.

EXPER. II.

1. Eadem fere euenerunt omnia, ac Exper. praeced. dum 3 partes Nitri ad 2 partes sulphuris sumimus, & metalla, excepto plumbo & stanno, ante amalgamationem cum 2 partibus reguli Antimonii martialis non depurati, sed vna solum vice fusi, fudimus, atque Mercurium tamdiu cum hac mistura, curiose admodum prius comminuta, teri curauimus, vsque dum vnguinea quasi fierent, addita per vices aqua calida pluuiiali in mortario calefacto, vt amalgamatio eo citius procederet; quo facto probe misceimus partem 1. huius amalgamatis cum 2 partibus pulueris fulminantis, modo dicti, & quoties detonatio perfecta esset, residuo 2 partes

tes pulueris fulminantis addidimus. Prodiit sic in quinta fulminatione massa cineri coloris, pondere $2\frac{1}{2}$ librarum, cum semper creuerit quantitas misturae. Cl. IACOBI aurum eo modo 16 vicibus fulminauit, viditque in vltimis etiam fulminationibus flammam lucundissimam è rubro purpureas, mistas cum aliis, quae persicorum florum colorem imitantur, quales posteriores etiam vidi, cum Nitrum rubrum Respurii, siue Nitrum cum floribus Zinci per aliquot horas, igne demum intenso, fustum, pararem; quo facto, cum crucibulum ex igne auferrem, Nitrum dictum colorem egregie purpureum, in superficie cum viridi & flauo mistum, ostendebat, ac aquae adfusae, cum qua intense, cumque bullulis, incalcescebat, impertiebatur, quod vltimum Cel. HENCKELIUS nunquam, sed loco eius colorem tantum pallidum roseum, obtinere poterat (Anmerckungen über Respurs Versuche p. 135.)

2. Quaedam tantummodo phoenomena paulo aliter sese habuerunt, ac Exper. praeced. sic e. g. solutio stanni (n. 5. ibid.) erat colore minus flauo sed potius è viridi albo tincta; flamma è viridi flaua (conf. n. 3. ibid.) Solutio plumbi in aqua bulliente, & flamma eiusdem, in vtrisque Experimentis erat è glauco alba.

Flores in hoc Experimento fere toti nigri. Caetera fere omnia praecedentibus erant similia.

3. Solutio cum multa aqua feruida, cum qua etiam bulliebat massa fulminata, vsque dum cuticula adpareret, semper prius colabatur, tumque aequalis, secundum mensuram, spiritus vini rectificatissimi quantitas simul ac semel calenti solutioni adfundeatur. Nullum metallum adeo amoenum colorem post praecipitationem dedit, ac ferrum, quod, quo longiori tempore Spiritu vini fuit superfusum, eo magis ad aurantium pomorum colorem, adcessit, antequam etiam solutio per abstractionem spiritus vini spissaretur. Ferrum praecipitatum hunc colorem post siccationem seruauit; Sal vero subtilis, in spiritu vini solutus, post abstractionem huius, & subsequenter siccationem, leuiter tantum eo colore distinctum conspiciebatur.

4. Cl. IACOBI obtinuit etiam cinnabares metallicas è floribus, (Exper. praeced. n. 4.) dum hos cucurbitae inditos, sublimationis igne vrgeret; exusto enim nimio, quod illis adhaeret, sulphure, cinnabaris lateribus vitri adhaesit, communi bis sublimatae, similis. Drachmam semissem florum auri & argenti mistorum candefeci in crucibulo; residuum pondere $\frac{1}{4}$ gra-

ni .

ni erat à flauo rubrum; microscopio vero conspectum, mineram fere argenti rubram, cum flauo mistam referebat. Maculam rubram, aliis etiam coloribus distinctam, dederunt cum illos carboni candenti, vel spathae ferreae laeuigatae candefactae imponcrem.

5. Sales, (Exper. praeced. n. 5, & praef. n. 3.) quandoque per repetitam spiritus vini rectificatissimi abstractionem eo penetrationis redeimus, vt, cultro candelae accensae admoto, impositi, fluerent instar cerae & cultrum varie tingerent.
6. Obtinentur è libris duabus cum dimidia massae totius quinquies fulminatae, quae e. g. drachmam vnā auri, 6 drachmas Mercurii & 2 drachmas reguli Antimonii habet, 3 vnciae salis, si spiritus vini adfundatur solutioni massae fulminatae, spissatae, (n. 5. Exper. 1.). Si vero eadem solutio ad ficcitatem vsque spissetur, & spiritu vini extrahatur, tumque spiritus abstrahatur, vix vncia dimidia eiusdem prodit.

§. 4.

EXPER. III.

Fulminare etiam metalla cum Nitro & sulphure rubro effecimus. Sed cum Experimenta haec non perinde vtilia fuerint, ac praecedentia, non lubet his diutius immorari.

§. 5.

COROLLARIUM I.

Igitur ipsum metallorum phlogiston inter se differt, cum metalla varias flammæ, flores, & solutiones præbuerint, & in aliis etiam Experimentis præbeant; & videntur nimis festinanter egisse docti quidam viri, qui phlogiston ubique sibi simile, quin in omnibus naturæ regnis idem esse, pronunciarunt; quod, si esset, sane metalla haud difficulter colorem, & alias proprietates, à phlogisto pendentes, aliis metalli, etiam nobilis, acquirerent, quod tamen haud ita facile contingere videmus; obseruamus potius, semper prius specificum, siue determinans abigi vel mutari debere, antequam vnum phlogiston vegetabile, vel animale mutetur in aliud; sic, e. g. in reductione metallorum, in calces redactorum, ope inflammabilis cuiuscunque, semper multum flammæ, & fumi conspicitur; remanet tantum fixius, quod metallicæ naturæ magis adpropinquat, igne interim calcem metallicam in maiorem motum ciente, & pristinae procliuuitati ad fusionem & splendori metallico, socia opera, restituente. Phlogiston autem verum metallicum, speciem determinans, nunquam plane abigitur vel eo modo mutatur, vt in pristinum statum metallum nequeat reduci, nisi hoc vel in totum exustum sit, vel in vitri, non amplius reducendi, speciem abierit; quo facto, nouæ quandoque compositiones,
& de-

& determinationes, oriuntur. Et in procliui est, phlogista metallorum diuersa ostendere, si haec cum Tartaro Vitriolato, vel sale fusili MARGGRAFIANO, vel aliis, fundantur, aut sublimatione fulminationeue, vnacum terra metalli, aliquam partem, in altum tollantur, vbi ne tum quidem in metallum reduci nequeunt, nisi nimium saepe iteretur operatio.

§. 6.

COROLLARIUM II.

Igitur metalla concreta sunt è certa quadam quantitate phlogisti, & terrae peculiaris; quorum illud patet è numeris 3, 4 & 5 Exp. I. & è numeris 1, 2, 3, & 4, Exp. II; hoc vero praecipue è praecipitato, n. 5, Exp. I. Vt non opus sit, plures, pro explicandis metallorum phaenomenis, in medium adducere substantias, Mercurialem v. g. nam terra ista, nisi pluries fulminata, vel diu nimis calcinata sit, perinde vt altera pars metalli (§. 5.) a solo phlogisto, pristino splendori & fusilitati restitui, reduciue potest. Quae enim BECCHERUS de metallo quodam contendit, quod è tribus terris, vitrescibili puta, sulphurea, & mercuriali, siue è sale alcalico, Nitro vel sulphure, & sale marino se parasse dicit, innumeris dubiis obnoxia sunt, cum modum, istud metallum è dictis corporibus producendi, reticuerit. Sufficit, terram istam esse ponderosam, & pro ratione variorum metallorum mineraliumque speciei grauitatis differre, atque phlo-

giston itidem varium esse (Coroll. I.). Excitato vero per nimis repetitas fulminationes, & calcinationes, metallorum phlogisto, mirum non est, si partim aliquid eiusdem, sub flammæ & fumî specie, abeat, & instar Mercurii fugae se det; partim vero calces, vitri naturæ adpropinquare queant. De his vero omnibus, alibi fufius, additis Experimentis, dicetur.

§. 7

SCHOLIUM.

Aurum, Experimentis dictis adhibitum, fuit Batavicum, argentum vero Luneburgenfe. Licet igitur in subsequenribus dubium oriri possit, an effectus horum salium in corpore humano vel in aliis experimentis, hisce metallis, an vero particulae cupri illis plerumque misti, quod praesertim in fusione argenti cum borace & Nitro, quandoque ter repetenda, vbi scoria indies minus fit viridis, adparet, sint adscribendi; tamen certo scitur, eos effectus esse vtilēs, praesertim, cum perill. SWIETENIUS (Tom. III. p. 438. Comment. in BOERHAAV. Aphorism.) asseueret se vidisse remedium, longo labore ex cupro praeparatum, quod adsumtum nullam fecerit nauseam, sed miram quandam fornicationem quasi per totum corpus ad extremos digitorum apices vsque, seque nosse, illud quibusdam epilepticis profuisse; & cum idem Aretaeum, cuprum in epilepsiae curatione extollentem, nonnullis à natura illius petitis argumentis, laudet. Namque

que remedium illud, quod Perill. vir vidit, eodem modo egit, ac sal metallicum, quod quandoque miros motus in vna parte corporis post alteram, praecipue in parte adfecta, concitato simul sudore vehementi, plane non delassante, sed reficiente, dedit; vnde aliquatenus probabile fit, similem fere vtrorumque remedium fuisse compositionem.

§. 8.

Autographum GORDONII (§. 1.) spondebat medicinam polychrestam, ex hisce salibus obtinendam. Quid experientia exactissima monstrauerit, atque quibus cum cautelis adhibenda sit, sincere relaturus sum, subiunctis in fine quibusdam obseruationibus Cl. IACOBI, quas in literis, beneciole mecum communicatis, & in peculiari Commentariolo, qui sequetur deinceps, publici iuris fieri voluit.

§. 9.

Profuit hoc remedii genus in pluribus febribus remittentibus, & intermittentibus, quae praesertim à perspirationis suppressione, & à pituitae abundantia, originem suam duxerant, vt & in rheumatismis; saepeque vbi aestus erat insignis, cum multis sudoribus, deliriis, anxietate, & lassitudine ingenti, ad grana duo vel tria, in aqua quadam distillata, e. g. rubi idaei vel alia, solutum, semel vel ad summum bis de die, & omnino non pluries, quam ter vel quater, datum, omnia symptomata breui tempore sic profligauit, vt, si in principio

daretur, intra vnum & dimidium diem omnia essent integra, & aeger rursus obambulare posset. Lenem quandoque mouit sudorem, vrinamque pepulit, quandoque etiam alui deiectiones secutae sunt. Notare vero decet, me fere tantum sale martis, vel solis, quod, an differat multum ab illo & ab argenti sale quoad adplicationem ad corpus humanum, nondum certo determinare aulam, usum fuisse; sale Iouis modo in quibusdam morbis chronicis, & sale saturni, argenti & cupri nunquam. Sale Iouis insuper cautissime, atque, non nisi singulis alternis diebus, neque diu usus sum, cum nonnihil arsenicalis, quod stanno inesse, Cel. MARGGRAVIUS solide demonstrauit, etiam hic suspicarer. Egregios interim à tali ratione exhibitto, in morbis arthriticis, rheumaticisque, & in calculo, vidi effectus, resoluit enim potenter, & per plures excretionum vias materiam ad concretionem aptam, eliminat, interpositis praesertim subinde temperantibus, atque laxantibus antiphlogisticis. Iudicio vero subactto hic opus esse, & considerari inprimis debere causam mali, cui libet rerum gnaro per se patet.

§. IO.

Notabilis est Cl. IACOBI observatio, quod, si sal saturni detur in principio variolarum, fere nunquam calor vehemens in eruptione fiat, & quod vehemens, adeo terrens saepe & conuulsionones excitans, ad naturalem gradum reduca-

ducatur, secundoque subinde die, minimum tertio, variolae compareant, vrina simul turbida cum multo sedimento reddita, licet ante caloris diminutionem rubra esset & pellucida. Post eruptionem vero, & calore sedato, sal martis datum, optime sudorem lenem mouet, vrinamque cum coctione eius pellit, quod ipse vidi. Si calor non sit nimius, sal martis eruptionem promouet. Praecaueri hoc modo feliciter vt plurimum potest febris secundaria FREINDII, si opportune remedium adhibitum fuerit; si vero iam adsit, vt in confluentibus variolis, methodo antiseptica & antiphlogistica cum lenibus laxantibus, vt alias, vtendum est, interposita quandoque vna vel altera dosi salis solis, quod admodum lene est, cum sal martis adhuc quodantenus irritet, & resolutionem, quae tunc summa est, augeat.

§. II.

SCHOLIUM I.

Notandum vero, in variolis adulatorum non aequae conuenire salia quaedam, ac in infantibus, in quibus fere nunquam expectationem frustrant; praeter enim sal saturni, quod calorem, qui praeter naturam est, demit, quodque perinde vt saccharum saturni, à Cl. HUNDETMARCKIO (Exercit. Acad. de Sacchari saturni usu interno salutari) ad inflammationes internas, vbi alia omnia frustra fuerunt, quaeque

que gangraenam iamiam minitarunt, tantopere commendatum, cautissime, & non nisi urgente necessitate, in vsum est ducendum; alia salia, vtpote ex parte alcalica, sulphurea, & magna vi ob massam praedita, non facile in adultis sunt praebenda, cum non aequè simul temperent calorem, ac sal saturni. Agunt enim in genere, vt lene hepar sulphuris salinum, quod & sapor & odor eorum, praesertim, si spiritu vini nondum sint imbuta, manifestat.

§. 12.

SCHOLIUM II.

Ratio, cur in variolis adultorum non aequè conueniant, ac in variolis infantum, haec esse videtur, quod in adultis omnes humores magis sint acres, ad phlogisticam diathesin dispositi, & quod fibrae magis sint rigidae, quam in infantibus, vbi plerumque omnia sunt blanda, humida magis lymphatica & serosa, fibrae laxae, facile cedentes, & stimulo eapropter, atque irritatione leni indigentes; vt adeo maior in adultis ab hisce salibus oria-
tur resolutio, atque acrimonia, fibras spastice stringens, augeatur, cum corrigi & euacuari deberet. Quandoque enim in adultis tanta praesto fuit variolarum copia, vt in sola lingua & palato, obseruante Cl. IACOBI, centuplices fuerint; purpura alba, malo omine, subinde illis sese adiungente. Non nocent vero
oppor-

opportuno tempore data, & si interponantur dicta; nam absque purgatione alui vndecimo & duodecimo morbi die in confluentibus variolis & earum febre secundaria, vix quidquam effatu dignum praestari potest; non enim sufficit, corrupto educendo, & immutando, diaphoresis, vel diuresis, quam praestant salia hacc resoluentia.

§. 13.

SCHOLIUM III.

Si statim in principio morbi suspenſa manu adhibeantur; contrahunt saepe mirifica tempora eruptionis, suppurationis & exsiccationis, ita vt post 8 dierum spatium omnia sint salua, neque facile sed perraro, febris secundaria, irrepit, praesertim si regimen obseruetur decens; febris vero ista, si curari non potuit, tamen mitis fuit plerumque in infantibus. Observationes Cl. IACOBI his omnibus pleniorẽ adfundunt lucem, & simul monstrant, quo cum discrimine in confluentibus variolis sint adhibenda. Roborant certo certius, legitime data, & excitant naturam languescẽtem, restituendo tensionem harmonicam fibrarum, qua cessante humorum etiam inaequalis distributio vel in toto vel in partibus minus resistentibus, contingit; atque augendo oscillationes machinae.

bulo, gossypio instructo, indere. Adlicere tum suadet aquam limpidam, & cum colatum est, leni calore, spissare, atque paucis guttulis aquae acidulae, in fulminatione collectae (n. 6. Exper. I.) humidare. Sic, inquit, breui tempore leni conclavis calore in vitro cylindrico, sal metallicum ad latera vitri in forma niuis candidissimae sese eleuabit, quod instar fulminis omnes corporis nostri partes penetrat. Quilibet peritus videt, hic actionem hepatis sulphuris metallici (§. 11.) tam per Nitrum, quam per acidum clyffo simile, mitigari.

§. 17.

Caeterum monendum, non miscenda esse haec salia, praesertim illa, quae contrariam qualitatem obtinent, e. g. Sal Iouis & Sal Saturni; illud enim, teste experientia Medica & Chemica, resoluens est, hoc temperans & inspissans; nec danda esse amplius, si pulsus ad naturalem harmoniam iterum adcedat; tumque corpus solum analepticiis esse reficiendum.

§. 18.

Quod dixi de variolis, (§. 13.) valet etiam de aliis febribus morbisque, ubi salia haec tempora augmenti, status & declinationis breuiant, cumque crisi accelerant, si scilicet prudenter adhibeantur. Sic e. g. quandoque in
pete-

petechiis breui tempore sudor maculis infedit, cuteque alba reddita, squamae deciderunt. Variolae serosae, siue aquosae, ab usu horum salium breui intumescunt, & rumpuntur.

§. 19.

Nec inutilis est sal per spiritum vini è solutione spissata praecipitatus, (n. 5. Exp. I.) qui instar saponis humido quodam milti, spiritu vini adcedente, coagulatur. In morbis enim chronicis, e. g. febribus intermittentibus, cum vel sine cortice Peruv. & in arthritide plus fere praestitit, ac alia resoluentia, cum praeter salem medium, qui maximam eius partem efficit, etiam quibusdam partibus alcalicis, sulphureis, metallicis & mercurialibus imbutus sit. Qui potentiam hepatis sulphuris, etiam absque Mercurio, in metalla bene nouit, & è Cel. STAHLII scriptis, & ex propria experientia, miram eius facultatem, ea breui tempore soluendi, & actiua reddendi, didicit, illi satis erit, si vel digito saltem horum salium, tam praecipitatorum, quam in spiritu vini solutorum & dein crystallifatorum, quorum tamen haec illis longe sunt praeferenda, efficacia illi commonstretur; videbitque is, si alia remedia metallica, & ipsas adeo, sic dictas, Tincturas auri, in usum aliquando duxerit, quantum distent aera lupinis.

§. 20.

Monendum adhuc, vero propius esse, virulentas quorundam metallorum & mineralium facultates domari & salubres reddi, si sale subtili medio & alcalico sulphureo iuncta sint. De sulphure enim satis constat, illud ipsius arsenici vim infringere; & de salibus alcalicis notum est, quantum, in reguli Antimonii, cupri & stanni viribus domandis possint, exemplo diaphoretici Antimonii, (de quo *ὡς ἐν παρόδῳ* monere placet, eius fere dimidiam partem in proprio lixiuio temporis mora solui, vt ab amico certior factus, vidi) vitri Antimonii, & Tincturae metallorum, vt alia plura taceam. Quod vero salubres redantur illae facultates, tam ex obseruatione Cl. Siverlii, benevole mecum communicata, de febre quartana a 4 iam inde annis aegrum adficiente, & ad incitas fere, ob vires deficientes, illum redigente, duobus praebitis lixiui reguli Antimonii Martialis, è quo sulphur auratum Antimonii parari potest, quarum quaelibet drachmam vnā habebat, perfecte curata; quam ex obseruationibus Cl. IACOBI de vsu Arsenici peculiari modo domati, quae deinceps sequentur, quasque nequaquam ad imitandum proponimus, sed augendae tantum scientiae destinamus; simile fit vero.



DISSERTATIO
QUA,
VI PLURIUM OBSERVATIONUM,
VIRE MEDICAS
AURI, ARGENTI, STAN-
NI ET PLUMBI
VETERIBUS COGNITAS
A
FALSITATIS INIURIA VINDICARE
CONATUR
IOANNES CHRISTIANUS IACOBI,
DOCTOR MEDICUS.

Insignis, à saeculo inde nostro exhibitus, observationum tentaminumque cumulus, rude indigestumque veterum Systema Chemicum limae subiiciendi, materiam equidem locupletissimam praebuit; iacturae tamen rerum, sane multarum; antiquitati cognitarum, refarciendae, impar omnino inferiorque ad hunc vsque diem extitit. Ne vero quid praeter rem dixisse videar, quorundam tantum metallorum, e. g. auri, argenti, stanni, & plumbi vires medicas in scenam produxisse, operae pretium fore existimo.

Adsignabant nempe veteres auro virtutem roborantem, seu vt genio nostro adcommodatius loquar, efficaciam motum oscillatorium cordis, & vasorum quocumcunque, morbo imminutum, restituendi, debitamque hisce organis viuacitatem conciliandi. Argentum vero vitiis cerebri & neruorum destinabatur. Stanno, viscerum infimi ventris obstructionem expediendi, plumbo aestum sanguinis nimium imminuendi, efficaciam tribuebant. Obscuritatis autem peplo inuolutae veterum hac de re traditiones, a limatiori scrutinio altiorique indagine recentis aetatis Medicos auocarunt, prauisque interpretationibus Januam aperuerunt. Numerosa nempe Neotericorum cohors, beneficio solutionis horum metallorum in liquoribus summe causticis, atque aliquà subsequente ablutione, eiusmodi virtutibus imbuta medicamina é laudatis

tis metallis conficere, omnem mouebat lapidem, omnesque adhibebat machinas. Verum enim vero mire corrosiuus discerpta dilacerataque, rite postea edulcata, aegrisque propinata metalla, effectum prae ceteris medicaminibus insigniorem nullum, aut mentrui illa comminuentibus vnice tribuendum, edidere, speque hoc modo vana lactati, Corinthum adire plane prohibiti sunt.

Irriti hi conatus eo impulere Neotericos, vt neglectis eius commatis laboribus, eximias horum metallorum virtutes medicas, roborantem nempe auri, cephalicam argenti, stanni visceralem, saturni refrigerantem, facultates, suauibus, ioco vnice inseruientibus, veterum somniis irent adnumeratum, easque repudiarent prorsus, Rem vero accurata iudicii lance ponderantibus facile patebit, fieri plane non posse, vt dicta prius via a Neotericis monstrata, recta elaboratio eiusmodi medicamentorum ex dictis metallis obtineri queat.

Omnia telluris corpora solida, praeterglaciem forte, è duobus elementis physicis, substantia nempe terrea, specie diuersa, & phlogistica, itidem diuersa, sunt conflata, vt supra p. 183. satis iam de mineralibus demonstratum est, & alibi magis adhuc demonstrabitur. Multiplicis varietatis rerum, quas fouet nostra tellus, causa, vnice in subtilitate, puritate diuersaque proportionem harum rerum, quae plerumque

etiam cum aëre & aqua iunctae sunt, quae-
renda est.

Metallica igitur corpora ex iisdem quoque
elementis sunt composita, & a vegetabilibus
animalibusque in eo vnice differunt, quod ter-
ra, eorum speciem constituens, pondereque,
quod essentiam & primarium characterem ab-
soluit, insigniter differens, phlogisto vario, ex-
actissime intertexta, & in subtilissimas partes
diuisa sit, vnde omnes eorum reliquae quali-
tates, tam notabiles, suos trahunt natales.
Chemiae peritis, asserta haecce ex innumeris
experimentis euicta, demonstrataque sunt.
Quum igitur in hacce terra metallica, phlo-
gisto proprio iuncta, totum discrimen situm
sit; facile perspicui potest, misso phlogisto ex-
terno, & substantia mercuriali, superficie tenui
adhaerentibus, solam illam terram vsui medi-
co esse adaptandam; hinc separandam, si voti
compotes fieri, & pharmaca excellentia pro-
ducere, suscipiamus.

Illi, quorum manibus diligenter & assiduo
teruntur, quae à sublimioris Chemiae peritis
veteribus memoriae prodita sunt, sciunt, igne
sic dicto Philosophico opus esse; si metalla in
principia resoluendi, animus sit. Totius ergo
terrae huius metallica separationis cardo in
ignis Philosophici cognitione & ad metalla
adplicatione situs est.

Sed parum profecto certi de hoc igne no-
bis aperiunt Chemicorum scripta! Verborum
proii-

proiiciunt ampullas & sesquipedalibus verbis praestantiam vsumque ignis Philosophici describunt, lectore dubio ancipitique relicto. Montefnyderi scripta epistolaque Pontani per transennam ignem huncce conspiciendum praebent, debitaque attentione illa perlegentem eo perducunt, vt vale statim liquoribus corrosiuis dicat, & saniores concipiat cogitationes. Huc vsque facem mihi praetulerunt laudati Auctores, quum, praeter opinionem, autographum beati GORDONII, cui terra sit leuis, molliterque ossa cubent, (de quo v. supra p. 178.) & amici beneuolentia omnibus absoluta numeris cognitione imbutum me redderet.

Cum vero Cl. MANGOLDUS eius iam descriptionem, & apparatus (l. c.) exhibuerit, lubet solum notare, me metalla pleraque cum Antimonio in regulum sic dictum, fusa, & cum Mercurio amalgamata, ope pulueris, ibi descripti, fulminationibus toties subiecisse, donec, solutis repagulis, in niueum moles fatisceret cinerem, ne micam quidem metallica substantiae continentem. Puluis hoc modo prodiit in aqua solubilis, affusione spiritus vini rectificatissimi a salium adhaerentium copia separatus. Facta spiritus vini & aquae perfecta abstractione, conspectui se subiecit sal desideratissimus, e terra metallica specie diuersa, pauco phlogisto metallico, non nullisque salibus alcalinis & mediis, conflatus, ab illo, qui per crystallisationem paratur, non nihil diuerius.

In hoc sale latent metallorum vires, specie diuersae, medicae, veteribus cognitae: hoc modo obtinentur praestantissima & desiderata pluribus roborantia, & sic dicta cephalica atque visceralia. Saturni vero sal refrigerans tutissimum, innoxium, aestum microcosmi, ad instar incantamenti, sistit. Occasio, mihi luce veterum & recentiorum vso, variis & indole alia atque alia distinctis, morborum speciebus medelam faciendi, nata, fili loco Ariadnaei erit, cuius ductum in narratione mea secuturus sum.

Vir septuaginta, & quod excurrit, annos natus, opibus licet affluens, per aliquot tamen annos, victu pauperum, avaritia ductus, vsum, continuamque vitam viuens sedentariam, ad haec ob varia negotia, quae illi curae cordique erant, dies noctesque insomnes, multis intermixtis animi turbis, trahens, tandem febre tertiana intermittente corripiebatur, cuius medela autem sinistra adeo successerat, vt febris illa proffigata, hydropem relinqueret. Aeger, cuius iam mentionem feci, vtraque hydropis specie, ascite nempe & anasarca, per semestrem spatium diuexatus, tumore iam colli suprema occupante, opem meam efflagitabat. Laxans, initio medelae binis propinatum vicibus, crebriores excitans alui deiectiones, tumoris perseverantia, lassitudinis respirationisque difficilis incremento stipata, euacuationem hancce irritam fore indicabat. Refugium
quae-

quaesivi in diuretico è spiritu salis ammoniaci aquoso cum calce viva parato, succo citri perfecte saturato, aqua flor. calcatripp. sufficienter diluto & syrupo ceras. edulcato, de quo singulis horis, quantum cochlear capit, exhibebatur; notabilis autem diuresis, aliquali leuamine succedente, tumore paululum desidente, lassitudine non minuta, subsequabatur. Ultimū itaque symptoma, ascitem indicans, aegrotum semimortuum reddens, curationem praecipue efflagitabat. Medicamentum igitur è stanno dicto modo paratum per vices aegro exhibere constitui. Effectus diaphoreticus diureticusque mirum quantum morbi schema mutabat; facto enim, intra quadrantem anni, periculo, diuina fauente gratia, adpetitu cibi somnoque restitutis, aegro libera obambulatio facultasque scalas domus leuissimo negotio conscendendi reddebatur. Rerum itaque non naturalium vsus legitimus sentinam morbi residuam in nihilum redegisset; nisi diuitiis noctes diesque inhianti maxima cura fuisset, vt prae aliis auro nummisque potens euaderet; parsimoniae hinc nimis dedito, debitores, nomina non rite exsoluentes, bilem valde mouebant, pristinamque morbosam constitutionem reuocabant, sic, vt trimestri spatio vestigia tumoris pedum oedematosi, in abdominis tumorem delinentis, apparerent; insuper omphalocoele, quam aeger initio silentio presserat, maiorum myriades adaugebat, adeoque inualue-

iat umbilici transfiguratio, vt artificis plane nullo pristinum in ordinem redigi posset.

Quaestus igitur pecuniarius mentem continuo inquietam reddens & aerumnis, curis, aliisque turbamentis aegrum inuoluens, aquarum congeriem, tandemque umbilici diruptionem induxit, sex modis propemodum aquae, data hacce porta, effluentibus. Hoc vulnere itaque rite deligato, inflammatoriae febris vestigiae conspiciebantur, quae sedecim horarum spatio inlignem in modum inualuerant, urgente aridas fauces siti vehementissima, atque praeterea vrens pungensque abdominis dolor, impatus delirius, aegro exitium minabatur. Refrigerans saturni destructi qualitas hic me non destituit, bina enim cum aqua conuenienti exhibitae grana, tantum refrigerationis aegro conciliabant, ut dicta febris acuta, iterato memorati medicaminis usu, loco penitus cedere cogetur, nec nisi de coaceruatione aquae cohibenda restaret cogitandum.

Tum vero Sal Iovis per vices propinatum aegro, inundationem corporis diminuendo, conducebat, umbilici vulnere maxima ex parte persanato. Sed aeger, cuius mentem quaestus nummarius nimium quantum obsidebat, omne tempus literis ad coërcendos & monendos debitores exarandis impendens, recuperatas ex usu medicaminum vires, quotidie denovo exhaustum ibat, vt iacturae refarciendae impar

impar esset, curaque hoc modo plane frustrata, defunctorum numero in Libitinae annalibus adderetur.

Febres acutae exanthematibus purpureis rubris albisque stipatae, mox nouam vires praeparatorum laudatorum periclitandi, praebebant materiam. Constat inter omnes, hoc in morbo materiam morbosam, quae per alias vias eliminari non potuit, ad superficiem cutis determinandam, ibique ad exiccationis usque tempus adseruandam, superuenientemque malignitatem ex insigni virium defectu, lipothymiam saepius inferente, imprimis, odoreque putrido nidoris pleno, conspicuam, genus nervosum roborando, profligandam esse, quam vltimam indicationem prae caeteris valde vrget Ill. Pringlius, Angliae Medicus celeberrimus, robore enim comparato, vires, sanguinis depurationi ex asse respondentes, solidae partes acquirunt, vt materiae morbum inferentis eiectionem facilem reddere possint. Saepe enim numero edocti sumus, non nisi virium defectum, materiae, purpuram efficientis, expulsionem praeccludendo, aut regressum a superficie cutis ad cor pulmonesque producendo, aegros lethaeis dedisse vndis.

Metae huic attingendae duplex in censum venit remediorum genus. Aut enim, praecunte Pringlio, sanguini infundenda alcalia volatilia, solida corporis nostri stimulantia, phar-
maca,

maca, quae motum oscillatorium augendo vasa ad maiorem contractionem sollicitant, simul vero putredini obicem ponunt, * aut remedio, ex substantia terrea metallica alcalina solubili & valde penetrante, composito eiusdem voti compotes nos reddere valemus.

Huic scopo inferuiunt salia dicta metallica, quae tanta gaudent subtilitate, vt nervos cumprimis; reliquaque etiam solida intrando, puncta contactus copiosissima praebeant, cohaesionemque maiorem efficiant; robore sic aucto, humoribus propellendis & conquassandis egregie inferuiunt, & ob alcalicum Sal praeiens, putredini etiam alium inducere genium valent. Nihil insuper periculi, quod alias ex usu volatiliū calidorum stimulantiumque bezoardicorum facile exsurgit, extimescendum; fessis membris redit plane pristinus vigor, vt aegri corpus flectere, erecti in lecto sedere, & alacriter loqui valeant, cum antea fractis viribus lecto affixi tenerentur, id quod in illis cumprimis animaduertere mihi licuit, a quibus in statu de-

* Si nempe Pringlio fides habenda. Ipse enim serum lactis acidum, & acetum vini distillatum cum alcalicis salibus simul aegris propinat: & has medicinas exulare iubet, si phrenitis, subsultus tendinum, & inflammatio oculorum adsit. (Observ. on the nature and cure of hospital and isyl fevers). Et monendum, etiam Cl. IACONI debito tempore aegris dedisse acida. C. A. M.

demum morbi in consilium vocatus fueram. Casus aliquot maiorem rei foenerabuntur lucem.

Femina 36. annorum, temperamenti cholerico-sanguinei, constitutionis vegetae, neglecta phlebotomia, subito haud mediocri frigore, per bihorium durante, anxietatibus circa praecordia caloreque intensiore corripiebatur, caput doloribus deliriisque infestabatur, cutis tactu sicca erat, comite tussi vehementi. Aegra per biduum dictis doloribus vexata, tandem arcessendum me curabat. Vehementiae ante omnia caloris, granis aliquot praeparati salis saturni cum aqua distillata propinati, frena inieci, quo facto, aegra mentis compos reddita, cephalaeam imminutam sentiens, de tussi conquerebatur cum anxietatibus circa praecordia. Saepius sequenti die iteratas Auri praeparati doses propinabam, statim vigorem aliquatenus restituentes, sed somnus inquietus succedebat, perque aliquot horas anxietatibus valde conturbata, enigilabat. Quum autem corpus ad maiorem transpirationem dispositum cernerem, grana III. salis solis in aqua soluti iteratis propino vicibus; quo facto, copiosum e corpore dimanantem sudorem, purpura rubra sto comitabatur die. Quibus peractis tussis, angor calorque minuebantur; aegra, dictu mirum, viuida vegetaque erat, vilius absque adminiculo in lecto corpus componere, & aliquam diu ibi situm erectum servare poterat; pau-

paucorumque dierum interuallo continuatus remedii vsus morbum in totum profligabat.

15. Annorum Iuuenis temperamenti sanguineo-cholerici, praeter opinionem anxietatibus aestuque maiori correptus, delirare coepit, de pectoris constrictione conquestus, spiritum aegre trahebat, sudoreque plane diffluens, dies aliquot, nullo adhibito medicamine, transiegit, nihilque leuamenti sentiens, opera mea utebatur. Coloris excessum sale saturni, interposita salis Auri dosi, mitigabam, quo facto vigor quidam artus occupabat, purpura alba, alacritate pueri nullatenus imminuta, in conspectum prodiente. Quoniam vero ipsa ptisana leniter acidula, vsu cereuisiae plane interdicto, concedebatur, absentia adstantium, illi ansam e lecto exsurgendi, cubiculumque, hypocausto contiguum, petendi, praebebat; qui etiam reperto ibidem vrceo sat capaci cereuisia repleto, assatim bibendo sibi indulgebat. Refrigeratio hauſtu frigido inducta, syncopen producebat, cumque aliquot minutorum interuallo, quidam cubiculum intrantes, illum semimortuum conspexissent, illi ab his in lectum delato, solerterque fotibus refocillato, anima redibat. Nuntio huius rei mihi relato, trium granorum dosin salis Auri, cum aqua duabus vicibus propinabam, quo facto purpura rubra in apricum producta aestum mitigabat, sed debilitas praegrandisque anxietas, aliquot diebus
inter-

interiectis, denuo ob intermissam medicinam, vires eius adeo labefactabat, vt nemo non de sanitate recuperanda desperaret, sed purpuram albam iteratus salis Auri vsus eliciebat, & hoc modo quoduis periculum excludendo, grauissimaque symptomata profligando, aegrum pristinae sanitati restituebat.

Mulier triginta annorum doloribus pleuriticis intenso calore cordisque anxietate correpta, initio sudore diffuens, sub accessione paroxysmi statim venam, sed irriti effecti, secandam curauerat. Initio temperantia diaphoreticaque adhibui, per sex dies vero morbus in eodem statu permanebat, nullo purpurae vestigio adparente, lassitudine vero angoribusque adeo auctis, vt aegra de vitae fine serio cogitaret. Hos inter inordinatos motus ad sal Auri praeparatum confugio, duodecimque horarum spatio XX grana propino. Initio calor, dolor anxietasque adeo increuerant, vt aegra tam anxiosa coeli terraeque pondus putaret sustinere. Postquam vero medicamentum & morbus per sex horarum spatium aequo pugnassent marte, posterior loco tandem cedere cogeatur: calor enim, anxietas & lassitudo prorsus disparuerant, ita vt postridie cubili vale dicere posset.

Vix morborum hicce affectus deseruerant urbem nostram, cum variolae ipsis succederent, morbus illo tempore Europam, qua patet, totam

tam peruadens, totque funestas strages vbiuis locorum relinquens.

Variolae initio benignioris erant indolis, nec propemodum auxilio Medici indigere videbantur, ineunte autem Maio in grauius discrimen aegros coniiciebant: Ab hoc mense ad Augustum vsque status aegrotorum eiusmodi erat.

Calor intensior & insignis pectoris anxietas primo in scenam prodibant, variolae hisce symptomatibus stipatae iusto equidem tempore adparebant, calore & anxietate remittentibus, suppurationeque ex voto succedente, pus haud malae sed decentis potius crassitudinis videbatur, adeo vt nihil extimescendum esse credidisses; sed vndecimo imminente die, nonnulli autem decimo tertio demum, febre secundaria semper, multi etiam purpura alba corripiebantur, idque numerosioris inter aegros stragis, qui Medicorum consilia respue- rant, causa extitit. In morbi huius initio sal saturni praeparatum feruori sanguinis opponebam, quem sal Auri praeparatum excipiebat. Hoc, exoptatissimo successu, (quod ipsemet miratus sum) eruptionem & suppurationem celeriter adeo promotum ibat, vt elapso iam octiduo, initio exiccationis facto, nihil vtriusque remaneret. Iis vero, quibus febres secundariae superueniebant, quae tum temporis febris inflammatoriae species erat, itidem salis saturni doses aliquot exhibebam, sed praeparatum

paratum hocce per totum decursum morbi in
vsum vocare non licuit, quum non tam refri-
gerium, quam robur solidorum ad euacuatio-
nem materiae retrogressae irritantis, & stagnan-
tis, requireretur; iam contra ea vires salis au-
ri, intermixtis potionibus acidulis & laxante
antiphlogistico, aut clysteribus, periclitabar.
Omnia haec ab orci faucibus liberabant illos,
qui largius sale auri potionibusque acidis vsi
fuerant; contraria vero parte ab Augusto ad
Decembrem vsque variolae tristiores lude-
bant scenam; confluentes nimirum appare-
bant, & materia ichorosa pustulas implebat,
quibus collapsa in mediis variolis superficies
erat. Odor putridus vereque cadauerosus
aegris adstantibusque intolerabilis, nares fe-
rieat, & insignis virium, organa praecipue vi-
talia, infestans, defectus summam arguebat
malignitatem; febris secundaria, quae decimo
iam die multos corripuit, non inflammatoria
amplius erat, sed in putridam malignam de-
generauerat, quae, adhibitam antea curandi
methodum, respuebat. Hancce variolarum
speciem sale saturni initio adgressus sum; po-
stea vero, vt antea, Auro praeparato eruptio-
nem promoui, tempore vero suppurationis po-
tionibus fortiter acidulis redditis, putredinem,
aegrotorum languorem vero eodem sale auri
oppugnaui, quod organa vitalia mirum quan-
tum roborabat, vt decumbentibus, quos an-
tea sopor languidus habebat, quibusque pul-
sus

sus debilis micabat, post granorum aliquot
vsum vigor cum pulsu forti rediret, & quo-
ties morbi malignitas virium, vt antea, iactu-
ram minitabatur, sal hoc auri vicibus suis ex
sententia functum est, leni cum leuamine suc-
cedente sudore. Vrgente febre secundaria
putrida laxantibus antiphlogisticis, interposi-
to sale auri, materiam expugnaui. Hic vete-
rum traditioni de vi roborante auri, corpori
nostro debite proprii quasi redditu, victas da-
re manus cogebar. Sequentes notatu dignas
de variolis malignis confluentibus casus recen-
suisset iuuabit.

Puellam sexennem obesae constitutionis
variolae adoriebantur, quae per continuos sex
dies, calore haud parum illam vexantes, in
conspectum prodire non poterant. Parentes
remedii loco tinctura tantummodo papav. rh.
utebantur; Septimo tandem die, copiosius qui-
dem variolae, sed bullarum specie cum fo-
ueis, apparebant. Nonus dies, quo dictarum
variolarum eleuatio decensque suppuratio ali-
as contingit, in cassum aduenit; calore, anxie-
tatibus, angoreque mirum in modum auctis.
Aliquot salis saturni doses calorem minue-
bant, & sal auri adhibitum variolarum copiosa-
rum eruptionem producebat, eleuatae vero
meram tantummodo lympham putridam con-
tinebant. Vsu salis auri continuato aegra sum-
me alacris reddita cibum crepundiaque appe-
tebat.

Vnde-

Vndecima die pustulae, ad diruptionem vsque turgescerent, infanti valde ardentem dolorem, in pedum praecipue plantis, inferebant, adeo demum vellicantem, vt consuellionum notae apparerent, aegraque in lecto iactitaretur. Vocatus ego, cum variolas prodigiosae magnitudinis confluentes, ichorosaque materia infarctas, deprehenderem, suasor extiti, vt in vtraque planta lanceola pustulae aperirentur, linteoque carpto obtegerentur. Aegra leuamen exinde quidem nanciscebatur, sed 2 horarum spatio, vt antea, repletae erant pustulae. Sectiones dies sequentes continuabam, nullo enim non tempore replebantur, repletaeque diros atrocissimosque dolores, foetorem putrem intolerabilem exhalantes, ciebant. Tandem in vnicum saccum, totam plantae superficiem occupantem, confluebant, quem identidem iteratis vicibus aperiri iussi, ita vt guttae effluentis ichoris tres libras aequarent. Decimo sexto circiter die febris secundaria foetorem, lassitudinem, caloremque augebat. Postridie laxans antiphlogisticum sex numero alui deiectiones ingenti cum lassitudinis augmento proritabat; salque auri modo memoratum, de nouo in vsum decimo octauo die vocatum, vbi que desiccationem variolarum adminiculabatur; puellaque tandem Libitinae manus euadens, perfecte post id temporis cum sanitate rediit in gratiam.

Puer quadrimus ingentem caloris vomitusque accessionem sentiebat; tertio die variolae in scenam prodibant. Dictum sal auri cum potionibus, acidulis redditis, propinabam, quas taedio prosequeretur, solutionem auri praeparati, saporis odorisque expertem, tantum sumens; cumque variolae de confluentium grege essent, profundis foveis in superficie praeditae, ichorem fouebant. Per triduum semper de die sal auri quater propinabam, & quod rarum, ichor genuinam puris naturam recipiebat, cumque die decimo tertio febris putrida secundaria vehementior inuaderet, medicamentum hoc, interpositis potionibus, acidulis redditis, exhibere perrexi, aegro feliciter conualecente.

Praemissis hisce, quantum pro angustis tractationis huius cancellis licuit, refrigerantem Saturni, Iouis visceralem, siue resoluentem cordialemque auri vim, vel potius insignem eius in fibras nervosque, actionibus vitalibus inseruientes, energiam, satis euidenter demonstratum dedij; de viribus tantummodo cephalicis, siue nervinis, argenti, recensito nostro modo praeparati, nonnulla restant edisserenda. Rescissis quibusuis ambagibus, bini, qui sequuntur, casus, veritatis assertionis nostrae dubium relinquent nullum.

Vir quadraginta, & quod excurrit, annorum, temperamenti cholericus, vitam sedentariam,

riam, lucubrationibus continuo dicatam, viuens, diaetam vinosam curae cordique habens, Veneri litans, plethoricae succulentaeque constitutionis, violenta tussi & coryza per hebdomadem tentabatur; cum vero dolores conquieuisent, salis Sedlicensis vncia vna, reliquas corporis impuritates penitus eliminare studebat. Laxante hoc desiderio eius satis faciente, biduo post lassitudine vehementique capitis obscuracione grauabatur, cumque, coryzae nonnihil remanuisse, suspicio esset, conuenientibus obuam iui remediis. Maior tamen capitis debilitas omniumque membrorum lassitudo paulo post succedebant. Pulsus tardus admodum debilisque erat, aegerque breues quam difficillime caedebat sermones; mentis hebetudo, obtuso capitis dolore comitante, in horas inualefcebat, appetitu prostrato, lotioque sanorum simili existente. Lusum paroxysmi, horis pomeridianis initium facientis, ludere incipiebant symptomata haec, per sex, postridie vero, per duodecim horarum spatium, saeuientia. Accessionem apoplexiae extimescens, marte simili modo praeparato, vicibus aliquot deglutito, interitum accessioni parare tentabam.

Fortuna voto subscripsit meo; lotium turbidum redditum, paroxysmus in fugam versus, & aeger lecto vale dicens, atque conclauis spaciis pedibus emetiri potens, in portu nauigabat; sed de rebus seriis attente secum

cogitare, tempusque in libris euoluendis consumere, vehemens mentis stupor, obtuso capitis dolore stipatus, non permittebat.

Hac igitur debilitate, adhibito licet sale Martis praeparato, in fugam se non conuertente, per 6 hebdomades salis Lunae dicto modo praeparati doses sufficientes propinabam, quo facto, debilitas paulatim minuebatur, adeo, vt aeger meditationibus iterum vacare posset, qui nunc athleticè viuit.

Mulier 30 aliquot annorum, temperamenti phlegmatici, constitutionis cachecticae, asthmaticis accessionibus per aliquot annos iam vexata, & lassitudine haud infimae notae omnium membrorum, quae lecto affixam illam tenebat, excruciatam, in laeuo corporis latere, stuporem insensibilitatemque persentiscebant, adeo vt omnia, quae sub tactum caderent, sensum vestis pelliceae exhiberent; pungi, velli, vlla sine sensatione poterat; totum sinistrum latus quaquauerfus tactu frigidissimum erat, & capitis debilitatio cum iactura sensuum respiratioque difficilis haud parum negotii aegrae faciebant, adeo, vt re vera apoplectici nonnihil latitare videretur; cumque aegrotans pharmacophoba esset, liquida pharmaca tantummodo sumebat, quae vel insipidi, vel haud pessimi saporis erant.

Quum igitur salia metallica saporem parum adficient, respectu horum capitis symptomatum

matum talis Lunae cum aqua distillata solutae, de die quatuor vicibus gr. III. pro dosi exhibebam; id quod hunc effectum produxit, vt aegra singulis diebus quinque, interdum etiam 6 vicibus aluum deiceret, quod alias a sale hoc nunquam expectandum; circa capitis pectorisque regionem miram leuitatem sentiebat, membrorumque debilitas paulatim cessabat, cumque per 14 dies vsum eius continuasset, singulisque diebus aluum aliquot vicibus deiecisset, indolentia plane euauit, membraque omnia pristinae sanitati reddita sunt.

Has igitur experientias esse autumo, quae nos de veris & genuinis diuisorum, in partes constituentes, metallorum, effectibus, edocere possunt. *

Plura hac de materia memoranda mihi restarent, cum vero prolata scopo meo abunde satis fecerint, colophonem tractationi huic addens, in votis habeo, vt reliquae etiam, ignorantiae nebulis involutae, venerandae antiquitatis artes, pari ausu in lucem protrahantur publicam.



EIUS.

- * Experientia pluries iterata docebit: an sal auri, vel aliud quoddam, non aequè conducatur, in capitis, nervorumque morbis, ac sal argenti; & generatim, an specie admodum differant hi sales. C. A. M.

E I U S D E M

D E

PRUDENTI VSU ARSENICI,
 SALE ALCALICO DOMITI,
 INTERNO SALUTARI,
 DISSERTATIO.

Venena licet detestabilium olim classi adscriberentur, illorumque solummodo memoriam antidotorum refricaret excogitatio; nostra tamen aetate observata, selectissimorum vsuque probatissimorum dosi excedente propinatorum medicaminum, venenata qualitas, Medicos reddidit conuictissimos, non quoad essentiam, sed respectu maioris minorisue quantitatis, quae edendis sufficit operationibus, illa a se inuicem differre. In proclivi itaque erit veneni in pharmacum conuersio, detecta infinite parua proportionem, qua eo, actionem suam in corpus nostrum, tantummodo edere valet gradu, vt reactio partium nostri corporis sarta tectaue conseruetur, minimeque destruat; sic enim sufficienti pollebunt facultate, salutare in aprium produci effectus.

Tan-

Tantum ergo abest, ut Heberdeenium du-
cem * auctoremque sententiae agnoscamus,
qua stabilitur, vniuersa telluris nostrae corpora
exoptatissimam certissimamque, rite illa adhi-
bentibus vtilitatem praebere, pharmacaque
posse ex venenis produci; ut potius laudatam
sententiam, ceu communi nostri aevi Medico-
rum omnium plausu exceptam salutemus. Vi-
detur equidem hac assertionem nihil noui contine-
ri, siquidem PARACELsus, vestigiaque eius pre-
mentes praestantissimi Chemicus, in salutari hac
venenorum transmutatione haud infausta de-
fudarunt Minerva; Verum enim vero, cum hi
omnes in perfecta venenatae qualitatis extir-
patione, certorum additamentorum ope, inten-
dant nervos, utique haec conamina huc plane
non faciunt, cum prorsus non naturae veneni
inuersio perfecta, sed potius infinite parua pro-
portio, qua pharmaci ad instar actiones edere
valent venena, non nihil domita, desideratur,
quaeritur, inuestigatur. Eiusmodi rationem
computatione dimensioneue Mathematica eru-
tam velle, aquam esset e pumice postulare;
numerosa potius a peritis in arte suscepta pe-
ricula hoc in casu omne tulisse punctum con-
stat.

Sic Experientissimum Prof. HUNDERTMAR-
CKIUM ** Excell. P. Albinus edocuit, qua pro-
portio

O 5

* Gesellschaftliche Erzählungen. 4ter Th. p. 98. seq.

** Append. Vol. VII. A&A. Natur. Curios p. 110. seq.

portione SACCHARUM Saturni interne sumtum
sanitati restituendae conueniat, & veteranus
Auctor Medicus Philo-Chemicus, cui nomen
I. C. BERNHARDI, * ex traditione Praeceptoris
sui, methodum fungos venenatos, qui Germanico
idiomate (Fliegen-Schwämme) audiunt,
vſui medico adaptare docuit.

Eodem auspiciſſimo ſucceſſu craſſam, quā
ſalutaris interna obuoluta erat arſenici propi-
natio, caliginem, detecta genuina proportionē,
medicorum nonnulli penitus videntur diſſipaſ-
ſe, proſſigaſſe. Tranſeant commenta POPPII,
eiusque commentatoris, Agricolaë, de proficuo
interno Arſenici vſu in cancro, morſu canis ra-
bidi &c. qui arſenicum forma & eſſentia nimis
mutatum exhibent. De Excellentiff. potius
quondam Prof. Med. Ieneniſ. SLEVOGTIO mihi
ſermo eſt, qui peculiari Programmate inaugu-
rali ** virtutem Arſenici febrifugam, WEPFERI
temporibus non incognitam, magno commen-
dat opere, aſſeuerans; illud innumeris febrici-
tantibus medelam attuliſſe, debitaque pruden-
tia & circumſpectione adhibitum funeſti nihil
produxiſſe; cui ſententiae, ſi ab aliis compluri-
bus diſceſſeris, Clariſſ. D. FRICCIUS, *** apud
Ulmen-

* BERNH. Chymiſche und Erfahrungen p. 318. ſeq.

** de Arſenic. modeſt. excuſat. 1719.

*** Tr. de virtute venen. medica.

Ulmenses olim medicinam faciens, pollicem quoque premit.

Omnibus his audacter contradicunt, qui arsenici usum in febribus profligare, & ceu summe noxium & a Medico candido alienissimum, pronunciare non erubescunt, quos inter B. STAHLIUS,* magna illum comitante affeclarum caterua, agmen ducit, quam controuerfiam Celeberr. Consil. Aulicus WERLHOFFIUS, doctissimo de Febribus tractatu, succincte expositam exhibet.** Quum vero hi defensores propugnatoresque generaliter tantummodo pro salutari usu arsenici militent, Celeberr. quoque SLEVOGTIUS, in Programmate laudato, promissam ulteriolem huius materiae illustrationem publici iuris reddere oblitus sit, verae proportionis determinatio, qua vsibus medicis arsenicum domitum inseruire potest, inter problemata adhuc referenda est, cuius solutio ita instituenta, vt non laudata solum proportio & domitus dilucide exponatur, sed insimul aduersariorum obiectio remoueatur, contendentium: licet res eo deduci queat, vt arsenicum applicationis tempore innoxium sit, euitari tamen non posse, quin transactis aliquot annis, sinistros gignat effectus, lentique veneni more, morbos mortemque inducat.

Hicce

* Opuscul, Phys. Chem. Medic, Mens. Nov.

** p. 41. §. 3. not. a. & pag. 204. not. K.

Hisce praemissis, facili negotio Lectores mei perspicient, quo in praesenti collimem tractatione: rationem nempe indicaturus sum, qua arsenici usus esse queat salutaris, quaeque huic scopo inseruiant; deinde eiusmodi in scenam producā tentamina, quae euidenter certiores nos reddunt, arsenicum & eo tempore, quo in nostrum recipitur corpus, & sex octoque annorum interuallo, lethiferi nihil, & ne quidem mali quid, exseruisse. Ad primum quod attinet, id inprimis notandum, arsenicum in sicca forma plane praebendum non esse, verendum enim, ne quacunque exigua portione corpus nostrum ingrediatur, incommodis quibusdam ansam praebet: cum enim haud parum actuosarum particularum, in spatio infinito paruo inclusarum, foueat, hae omnes in paucissima nostri corporis puncta coniunctis viribus agunt, cumque hae impares resistendo sint, residua utique arsenicarum particularum vis, corpus nostrum, si non destruere, solidas tamen partes praeter naturam irritare, fluidasque vehementius mutare, hocque modo multorum malorum fons origoque existere potest.

Praestat potius, Arsenicum coquendo in aqua soluere, quod fieri posse B. NEUMANNUS, * Cl. POTTIUS, ** CRAMERUS *** alique satis euictum dede-

* Prael. Chem. edit. ZIMMERM. p. 1488.

** Diff. de auripigm. p. 59.

*** Anfangs-Gründe der Probier-Kunst, p. 16.

dedere; hoc nempe modo particulae arsenicales in magnum quaquaversum spatium aequaliter extenduntur, adeo, vt paucae tantummodo earundem versus vnum corporis nostri locum actiones suas, nec immediate quidem, sed aquae beneficio exserere possint; aqua enim, vndiqueque arsenicales circumdans particulas, multo rarior cum sit, multo quoque debiliorem cum particulis nostri corporis cohaesionem efficiet, adeoque arsenicale duplici modo virus infringet. Magnopere falleremur, statuentes, aquam arsenici naturam destruere, cum enim, si in aqua soluta fuerit, omnia exhibeat phaenomena, quae sicca in forma deprehenduntur, saluam incolumemque naturam eius permanere necesse est.

Conuenit quoque, aquae certam salis tartari quantitatem indere, siquidem NEUMANNI observationes* dudum edocuerunt, arsenicum a sale hoc non minus, quam a pura aqua solui, solutio vero supponit receptionem corporis cuiusdam in interstitia alterius, ita ut corpora soluta pristinam semper mixtionem conseruent: Hac igitur mixtione integra manente, aliqualem huic veneno, quod copia salium acidorum insigni, quae ob intimiorem affinitatem sali Tartari adhaerent, turget, mitigationem eo prope modo, quo Mercurio sublimato, addito Mer-

* l. c.



Mercurio, dulcedinem conciliare, eoque tutiorem eius vsum reddere valemus, conciliamus.

In Medicum nunc scopum inquisituri, trinae hae partes commodissime hoc modo sunt coniungendae. Si Arsenicum sit = I. erit numerus aquae = 168. salisque Tartari = 12. Haec dicta ratione commixta, continuo bullitu, ad dimidii aquae consumptionem, coquantur; facta refrigeratione pars aquae euaporata iterum additur, adiecto pauxillo spiritus vini ad meliorem conseruationem; sic adcommodaturn vsum internis arsenicale prodibit remedium.

Remota iam leni vomitorio, aut pro renata, purgante, in ventriculo & intestinis hospitante, medelamque febris impediante, impuritatum saburra, perque decens temporis spatium consuetis remediis, feбри debitis, propinatis, corticis Peruuiani vices remedium hocce supplet. Exhibentur adultis guttae 30; infantibus pro aetatis ratione 6. 8. 10. 16. diebus intercalaribus hora 7. matut. 3. & 5 pomerid. nonaque vespertina, quo facto conspiciuum euadet, post 3, subinde etiam 1½ vnciarum huius remedii vsum, febrem in fugam conuerti, sique fortassis accessionum febrilium quidpiam rursus emerferit, iteratis remediis vomitoriis & laxantibus, prout res postulat, huius medicamenti adhuc propinati vncia vna morbum profligabit. In acutis vero, accessiones habentibus, aut apoplexiam minitantibus

bus febribus, creber assiduusque remedii huius usus, fere necessarius esto. Notari autem meretur, nec ante, nec diu post remedii huius usum, vlllos angores, vomitus, cardialgiā aliaque symptomata in conspectum prodire; id quod iam sequentibus corroboratum ibo.

Observata ea sunt, annis iam praeterlapsis 1747. & 48. in hominibus adhuc superstitis, euentu tam felici, vt a febribus aliisque morbis postea immunes permanerint. Primam vero occasionem, remedium istud in usum vocandi, suppeditavit vir annorum 72, aliquot abhinc hebdomadibus inordinata continua febris afflictus, quae adeo inualuerat, vt accessio febrilis paucarum tantummodo horarum interuallamitteret. Medicus eius ipsi quaeuis hoc in morbo congrua remedia, irritum autem effectu, propinauerat, morbo autem ingrauescente, triumque horarum quietem tantum permitte, aeger viribus adeo exhaustus erat, vt quouis paroxysmo animi deliquia experiretur, illoque durante, omni priuatus sensu, mortui imaginem referret.

Cum Medico, cuius auxilio antea usus fuerat, iter quoddam necessarium instaret, rogatu eius, aegri suscepi curam. Visitans illum, ingenti calore aestuantem, sensuque omni destitutum, apoplectici speciem referentem, deprehendi; lingua cum collo prae continuo calore arida & faucia exiguum tantummodo cochleare iusculi admittebat: referebatur mihi, aegrum
iam

iam per duodecim horas in hoc statu decubuisse; elapsis 2 horis iterum obseruo illum, caloremque quadantenus imminutum sentio; affeuerabant adstantes, solere tres aut quatuor horas tantummodo paroxysmum cessare, postea vero calorem denuo incrementum. Suasor igitur aegro eram, ut decocto corticis PERUVIANI subinde vteretur; cum vero plane deglutire non posset, quid? quod, si tantillum dicti corticis assumeret, de intentiori faucium constrictione angoribusque statim querelas funderet, omniaque eius generis medicamenta auerfaretur, nihilo vero minus paucum, quod restabat, temporis, usus medicamentorum impendendum esset, ad vitam conservandam, periculum hoc anceps me eo audaciae impulit, ut 24. guttas huius ex Arsenico praeparati medicaminis, cochlearis aqua repleti ope, aegri faucibus immitterem.

Aeger hoc per dimidium horae retinebat, quo facto, totidem guttas, ad novum usque paroxysmi accessum propinabam, qui initio priori vehementia par erat, post bihorium vero caloris decrementum somno dulci succedente, sensibus integris illaesisque, succedebat; & transactis quinque horis, paroxysmus ad finem perductus erat, quod ubi audio, singulis horis totidem guttas iterum porrigo, paroxysmo per 12 horas cessante, postmodum vero mitius ingenium induente; cumque huius medicaminis 3 uncias deglutiisset, de casu
hoc-

hocce lethifero nihil penitus extimescendum erat; atque aeger aliis medicaminibus congruis corroboratus, Libitinaeque ereptus cum sanitate prorsus in gratiam rediit. Viuit adhuc athleticè vitam, villo sine incommodo, iis viribus, quibus aetate pares multis praecedat paraſangis, ſingulisque diebus equo vectus in publicum prodiit, negotiis ſuis ex aſſe vacans. Maſtum felici euentu cupido de nouo inceſſit vxori aliquot 30 annorum, eadem febre continua quotidiana per 14 dies decumbenti, idem exhibendi pharmacum.

Paroxyſmi aequali vehementia breuiſſimis-que interuallis ſeſe excipientes tandem ad incitas redegerant aegrotam. Horis itaque intercalaribus ſumebatur medicina laudata, acceſſione vero inuadente, antiphlogiſtica, diaſynoicis nupta, in auxilium vocabantur, quorum uſus hoſtem hunc inſenſum loco cedere coge-
bat. His obſeruatiſſimis ſuffultus, eadem medicina varias eiſdem indolis febres, eodem tempore ſimilem ſcenam ludentes, expugnaui, febribus intermittentiſſimis epidemi-
cis, tunc quoque late vagantiſſimis, dicto mediante remedio perfecte debellatis.

Illuſtris quaedam admodumque debilis texturac foemina annorum circiter 40, tertia-
na intermittente correpta, conſuetoque more liberata, cibis inſalubribus paſta, in recidiuam

incidit, quae vero, cortice Peruuiano in vsum vocato, iterum euanescebat: breui post iracundia exardescens, nouaque febris accessione vexata, enixe operam meam efflagitabat; nausea a diuturno chinchinae vsu contracta suadebat huius medicamenti periclitationem; effectumque voto respondente, diram adeo febrem depulsi. Insignis igitur eius efficacia facile coniecturae locum relinquit, aliis & delicatae & robustae constitutionis aegris, hoc medicamentum multoties à me fuisse propinatum, nimisque longum foret, si omnibus his fuisse recensendis, immorari vellem.

Hoc tantummodo monendum mihi restat, multis infantibus, ob nauseam corticem Peruuianum, aliaque febrem fugantia auersantibus, istud medicamentum in febribus, quibus tunc quoque corripiebantur, eximie profuisse; omnesque illo vsos, quae Dei gratia est, in sanitatis vigore constitutos, quotidie conspicio. Neque vero hic acquieui, sed vltius progrediendum ratus, innoxio huic remedio ex alienis tentaminibus maius robur conciliare tentavi. Quo fine illud quibusdam meorum confunctissimorum aperui, qui vno ore id, quod tentamina me edocuerant, confirmatum ibant.

Prae ceteris autem Medicus Ciuitatis Zwicauiensis Ordinarius. Experientiss. & Cl. GRENDINGIUS, casum memoratum maxime dignum
per

per literas mihi significauit, euincentem, morboſo ſuccisque ſcorbuticis repleto, corpori aliquando hoc remedium plane nihil detrimenti, ſed multum emolumenti attuliſſe. Explodamus igitur, ſed caute, obiectionem ſtatuentium, tunc demum proficere illud remedium, ſi aegrotorum viſcera ſint integerrima, ſanguisque parum impuritatis & acrimoniae contineat. Laudata vero hiſtoria ſic ſe habet.

Curatus infans biennis erat, qui, quamdiu vitam vixerat, nil niſi morbus fuerat, idque contaminato matris ſanguini, quae vtero illum geſtans, phthiſi tentata, illi ſuccubuit, dubio procul tribuendum. A teneris iam vnguiculis infans hic diſtentione neruorum, retentione vrinae, obſtructione glandularum colli & meſenterii, inflationeque abdominis infeſtabatur; atque vno abhinc, & quod excedit, anno, totum eius corpus, herpete eroſum, crudae carnis ſpeciem referebat, humorem rodentem, ad inſtar ſacci lixiuio repleti, continuo plorans; in quo ſtatu ad feſtum vsque Sancti Michaelis diem, A. 1749. perſeuerabat.

Haec ſymptomata ſubito euaneſcentia febris intermittens ſequebatur, quinto, interdum etiam ſexto die inuadens, & deinceps in quotidianam ſimplicem, porro in duplicatam, denique in tertianam mutata. Verbis vix ex-

primi potest, quantam medicamentorum, externorum non minus quam internorum farraginem, infans iste, frustra licet, deuorauerit.

Tribus abhinc circiter hebdomadibus vehementior tussis, grauedo, subpuratio oculorum febrisque singulis diebus ingenti adeo facuitie vrgebant, vt quouis momento in Libitinae rationem venire videretur. Spiritum aegre decebat, abdomine mirum in modum tumente. In summo igitur vitae discrimine constituto singulis horis 10 huius Essentiae guttas exhibui; quo facto, proxyfmi statim sistebantur, sed retentio vrinae illis succedebat. Neque vero hoc, neque reliqua symptomata atrocissima impedimento erant, quo minus medicamento vti pergerem, praesertim cum aeger lotium, epota aqua petroselini, iterum redderet; continuato tandem medicamento e febris reliquisque cruciatibus euadens, hilaris fiebat, cibumque appetebat, abdomine tantummodo adhuc inflato; cui methodo Sydenhamiana, praeparato vino diuretico, iuimus obuiam.

Licet igitur de vita infantis postea nihil certi rescierim, multis tamen antea memoratis casibus satis euictum dedi, septem abhinc circiter annis vsum huius medicamenti tot hominibus plurimum commodi attulisse; & huic posteriori casui ea cumprimis mente a me locus hic assignatus est, vt innoxium remedium

medii huius vsum in maxime impuris, & haudquaquam sanis hominibus, demonstratum irem.

Superuacaneum foret, plures casus cumulare, in quibus haec medicina aegris haud exiguo adiumento fuit; suffecerit tantummodo commemorasse, hominem quendam febre apoplectica, a Celeberrimo WERLHOFIO l. c. eruditissime descripta, correptum, ea vsum, pristinam recuperasse sanitatem.

Num igitur male, quaeso, ageretur, si quis Arsenico, praeter venenatam, insimul salutarem febrifugam indolem tribueret?

Cum de hac salutari Arsenici virtute a me prolatis obiici quidquam posse desperem, iniustum, credo, fuerit, si consuetae curae febrilis methodo vale vellemus dicere; quod enim facilem medelam admittit, eiusmodi non exposcit remedia, quae summa tantummodo *πρόνοια* adhibenda veniunt, quorum applicatio iustum tempus, quo cura inchoanda, illaque iterum ad colophonem deducenda est, desiderat, atque ubi omnia antecedentia & concomitantia curatius pensitare decet.

Quod si vero necessitas vsum remedii nostri vrgeat, noli aliam arsenici proportionem, aliamue cum iam recensitis compositionem in

communicatorum locum substituere, de aliis
enim ex Arsenico praeparatis remediis con-
stat, vsum eorum pessimis stipatum esse. Sym-
ptomatibus, manifesto indicio, indicatam a no-
bis rationem, quantum notum est, vnicè esse
genuinam. Neque etiam nimis diu, paroxys-
mo cessante, hocce medicamentum exhiben-
dum erit; ingens enim copia successu tempo-
ris in corpore coaceruata haud parum incom-
modi forsàn paritura esset.

Quod si igitur sanior Medicus hoc reme-
dium dictis conditionibus in vsum vocabit,
exoptato certè nunquam destituetur effectu;
in manibus vero empyricorum idem illud
erit, quod gladius in manibus
furiosi. •



EIUSDEM

DE

SULPHURE ANTIMONII
AURATO LIQUIDO,
TRACTATUS.

Sulphur auratum Antimonii, quamvis sicca exhibitum forma, heroicum iam constituat remedium; effectus tamen, quos de illo liquidant in formam redacto observare licuit, adeo insignes existunt, ut omnibus de sanitate aegrorum sollicitis saluam moueant, quo sulphuri huic aurato fluidam conciliare formam nitantur. Celeb. VATERO primum contigit, fausto quodam sidere Tincturam sulphuris huius inuenire, quae in vlceribus, speciatim cancris, lepra itidem, lueque Venerea, stupendos plano praestitit effectus. Quum vero genuinam dictae Tincturae praeparationem, in euulgata hac de materia dissertatione, silentii populo inuoluerit, desiderium tantummodo, eiusmodi efficaciae medicamentum vltiori scrutinio eliciendi, nobis reliquit. Cl. MANGOLDUS equidem (in tr. Chymische Erfahrungen und Vortheile) iacturam hanc sufficienti compensauit modo, tincturam Vaterianae conformem, ad eximium artis medicae incrementum, communicando, quam per abstractionem

spiritus spissatam, in liquorem è rubro fere nigrum, dulcem, & iucunde sulphureo sapore imbutum redegì, atque in multis, praesertim cutis pectorisque adfectibus, cum fructu in usum duxi. Sed insigne tincturae huius pretium, crebriorem eius usum impediens, non omnino sollicitos reddidit, sulphur auratum liquidum vilioris pretii producendi. Totius vero huius negotii cardo quum in eo vertatur, ut non ultimae solummodo, sed omnes sulphuris aurati Antimonii praecipitationes, a prima ad ultimam usque, huic scopo adaptentur, operam dedimus, ut solutionem sulphuris aurati e scoriis reguli Antimonii mediante aqua factam, observatis adpropriationis legibus, cum corpore quodam, alcalinam lixiui acrimoniam ex asse corrigente, sulphurique aurato soluto vim emeticam demente, illud tamen solutum seruante, coniungeremus, ut totum sulphur quantum quantum est, in nostros conuerteretur vsus.

Auctor Processuum, beati ROTHII Chemiae annexorum, in descriptione Arcani Tartari antimonii huc collimasse videtur, lixiuium sulphuris aurati Antimonii ad siccitatem euaporatum sensim, ut in Arcano Tartari fieri solet, cum aceto distillato saturare, perfecteque saturatum in spiritu vini soluere, iubens. Quod quidem modo & alcalici salis acredo & sulphuris aurati vis emetica minuuntur, solutioque partis cuiusdam sulphuris istius obtinetur.

tur. Sulphur enim in lixiuio euaporato haerens haud paucas alcalinas particulas obducit, ab iisque immediatum aceti particularum contactum arcet, eoque ipso debiliorem effervescentiam, quam in Arcani Tartari sibi relictī praeparatione, producit, quo fit, vt ob saturationem, lento peractam modo, praecipitatio sulphuris Antimonii perfecta, ex particularum alcalinarum amplexu, contingere nequeat.

Quanquam vero hoc modo particularum harum coniunctio non tollatur, fieri tamen non potest, vt totum, excepta subtilissima tantummodo sulphuris Antimonii parte, in spiritu vini solvatur, atque quin ingens distillati aceti copia pretium eius haud parum adaugeant. Nec etiam residuum, in aqua solubile, in usum vocare iuvat, cum corpus salinum, sulphuris aurati particulis continendis, impar sit, quin potius illae fundum petant, & sic liquidam non praebeant Tincturam. Quod si igitur perfectiori adhuc modo sulphur Antimonii liquidum obtinere velimus, corpus quoddam huic lixiuio iungere, necesse est, quod cum alcalico sale non minus quam cum latitante ibi sulphure intimam amicamque plane subeat iunctionem, hocque modo vtrumque soluat. Quo quidem in casu oleoso tantummodo corpori praecipuus assignandus erit locus, id quod etiam DIPPELIUM iam pridem eo induxit, vt eadem ratione sulphur auratum è scoriis Reguli Antimonii spiritu vini, addito oleo dest.

Iunip. scoriis affuso liquidum reddere allaboret; qua ratione saponaceum corpus produxit, quod saponis Chemici nomine insignitum, interne aequae ac externe ad hunc usque diem cum utilitate adhibetur. Negare equidem non possumus, finem desideratum hocce sapone quodam modo obtineri, tincturamque sulphure aurato impraegnatam prodire; sed non aethereum modo ibi latitans oleum eam nimis calidam reddit, ut in usum caute vocari debeat, sed etiam sulphuris aurati perfecta deficiens solutio impedit, quo minus intentioni poltrae ex asse respondeat.

Scopo vero nostro propius accedit illa Tinctura, quae in SCHULZII Prael. in Dispensator. Brandenburg. p. 635. memoriae prodita est, ubi spiritus vini cum sapone Alicantico aut Veneto in lixiuio alcalino forti, soluto, & ad pristinam crassitudinem rursus spissato, digeritur, donec flavo colore tinctus appareat, tumque demum scoriis reguli Antimonii calidis affunditur, & sic, adiuuante hoc spiritu saponaceo, solutio particularum sulphuris aurati obtinetur. Sed nec haec tinctura totum sulphur auratum solutum continet, ut adeoque de alia solliciti esse cogamur. Sequens vero obiectio nobis prius remouenda erit: ambagibus hisce quid opus? sumite vnciam 1. purissimi sulphuris aurati, hocque leniter cum expresso quodam vel destillato oleo coquite, prodibitne desiderata sulphuris aurati solutio? En responsio-

sponsionem ! Ququam facillime concedamus, atque in dubium plane reuocari non possit, solutionem hancce veritati consentaneam esse, odor tamen saporque, cum oleo expresso confectae, insignem ciet nauseam, vt ab aegris vsus eius respuatur; olei vero aetherei additamento parata, cui scopo ol. foeniculi apprime respondet, in morbis asthmaticis efficaciam insignem habet, suspena vero manu, ob qualitatem summe calidam porrigenda venit, hinc diu continuari nequit; sicque vsu polychresto caret.

Age igitur, reuertamur ad sulphur Antim. in lixiuio suo alcalico solutum; aptum illud reddamus, ad formam induendam saponis, purum oleum express. amygd. aut, quod viliori constat pretio, oleum papauer. expressum addendo, & ex his, vna coctis, nouum Chemicum saponem praeparemus. Hac ratione sulphur auratum valde subtile redditur, vt, ope menstrui aquosi, solutum, in illo mirifice diffundi queat. Acredo alcalium omnis, vna cum emetica sulphuris aurati vi sopitur, totaque huius copia scopo medicamentofo adaptatur, adeo vt ne minimum quidem eiusmodi relinquatur, quid? quod, commixtione cum corpore, saponem referente, resoluens sulphuris aurati, & aperiens vis multum exaltetur.

• Sequenti vero modo, vt procedamus, necesse est. Altera lixiui huius dimidia pars
tam

tandiu evaporationi subiicienda est, donec
oleum illi innatare possit; tum vero statim ae-
qualis quantitas olei express. papav. vel A-
mygd. admisceatur, & leniter coquatur, do-
nea oleum non amplius conspiciatur, & massa,
digito facillime obediens, prodeat; postea suc-
cessive altera lixivii dimidia pars affundatur
coctioque continetur, vsque dum alcalini sa-
poris nihil deprehendatur, nec oleum ampli-
us sibi relictum appareat. Mediante vero
haec coctura non compactum satis perfectum-
que saponem obtinemus, quia sulphur aura-
tum immediatum salis alcalici cum oleo con-
tactum impedit; sequenti ergo modo ad eius-
modi crassitudinem redigi debet. Nempe haec
pulti similis massa, saponem referens, cucur-
bitae indatur, & affuso spiritu vini alcool. ad
eminentiam s. digitorum per biduum dige-
stioni subiiciatur, tunc abstrahatur, & remane-
bit in fundo cucurbitae magna aquae copia,
quam spiritus vini extraxit, & cui materia in-
natat; hanc euaporare sinamus, siccamque
massam, crassitudinem communis saponis ha-
bentem, nauseosique odoris plane expertem,
obtinemus. Sapo hic cum arcano Tartari
perfectam dabit solutionem, eiusque sapor,
adhuc paululum nidore grauis, aliquot gut-
tis olei distill. Lign. Sassafr. corrigendus erit.
Haec vero methodus sulphur potabile aura-
tum obtinendi ea non est, quae hic nobis de-
scribenda venit, quanquam proposito nostro,
totum


totum sulphur liquidum reddendi, ex asse faciat satis. Sapo enim noster auxilio exoptato est, quo adiuuante, sulphur aurat. inibi haerens, lenissima digestionem cum Tinct. Antim. instituta, vna cum ipso in laudatam tincturam recipi potest, qua quidem re, perfecta sulphuris aurati Antim. solutio obtinetur, id quod antea, quantum mihi constat, non ita contigit, siquidem eiusmodi Tincturae cognitae, extractiones tantummodo quarundam particularum subtilissimarum sulphuris aurati fuerunt. Verum igitur sulphur liquidum Antimonii conficiendi modus est, qui sequitur.

Sumatur huius saponis, quantum lubet, portio quaedam, probe desiccet, & in vitreo lapideae mortario, cum tinctura acris Antimonii per abstractionem spiritus vini ad dimidium redacta, ad eminentiam 3 digitorum affusa, per horas aliquot probe teratur; postea cucurbitae indita per 24 horas digeratur, & peramoena omnis acredinis expers tinctura dulcis prodibit, quae totam saponis portionem vna cum sulphure aurato solutam sistit, nullo in cucurbita residuo relicto.

Cum tincturam hanc, ultimo loco memoratam, non ita pridem prima vice parauerim, nondum quidem adseuerare possum, eam omnes illos effectus praestare, quos Cel. VATERUS de sua literis prodidit; tempus enim tentamina eiusmodi non admisit; occasio tamen mihi nata fuit, fausto euentu in leproso morbo

be illam adhibendi, frustra prius sanguinem
mundantibus euacuantibusque remediis in
vsum vocatis: optimis nempe propinatis de-
coctis, quin Mercurio dulci ex methodo ab
ILLIARIO descripta, in pauca dosi, scilicet ad
gr. ʒ. mane & vesperi cum millepedibus, per
septem dies, exhibito; quin etiam Aethiopi An-
timonial Perill. ELLERI, Tincturae Antimonii
ILL. LUDOLFI, & denique remedio alteranti
ILLUMERI morbus cedere recusabat. Hanc
vero medicinam sequenti administrabam mo-
do, vt scilicet aeger mane & vesperi 5 grana
saponis ad formam pilularum redacti hora an-
temeridiana 10. & pomerid. 4ta, 40. guttas
tincturae huius sulphuris aurati vna cum deco-
cto quodam, ex radic. Iunip. sumere deberet,
quo facto, dictus leprosus habitus spatio bi-
mestri disparuit, aegerque pristinae sanitati
redditus est.

Vnicus hicce casus sufficere mihi videtur,
vt remedium hocce Vaterianae Tincturae fere
simile censeam; nec, quantum in me erit, vlli
studio parciam, quo, data occasione, instituen-
dis tentaminibus in cancro Lueque Vene-
rea vires remedii huius subii-
ciam.



EIUSDEM
DE
OPTIMA SAPORIS INGRATI
SPIRITUS FRUMENTI COR-
RECTIONE,
COMMENTARIOLUS.

Diu jam est, quod maxime nauseosus spiritus frumenti sapor compluribus tentaminibus ansam prae-buit, eum in finem institutis, vt dictus inamoenus sapor ipsi adimi, eiusque loco alius spiritui vini Gallico, quoad bonas eius qualitates, relictis alias, respondens, conciliari queat, vtpote, qui, quoniam palato blanditur, merito plerisque spiritibus ardentibus praefertur; quae causa etiam fuit, cur spiritus frumenti, a variis substantiis, superfluum eius oleum adimentibus, eoque ipso saporem palato magis acceptum reddentibus, destillando euocatus fuerit. Hinc Philo-Chemici illum per sal Ammoniacum, sal Alcalicum, nitrum fixum, sal commune, scorias reguli Antimonii, calcem viuam, crustam panis, cineres Iouis & aquam communem, destillando depurare faterunt. Quanquam igitur inficias ire nequeamus, omnes inter recensitos procedendi modos, permixtionem spiritus vini rectificatiss. cum tripla aquae purae parte omnino esse prae-

praeferendam, eo quod hoc pacto subtilem purumque spiritum manciscamus; sapor tamen spiritui vini Gallico, ratione exposita, similis hoc pacto illi conciliari non potuit.* Qui spiritum frumenti super vitriolum mart. calcinatum, praevia per biduum digestionem, rectificavit, propius metam attigere, quoniam hoc pacto acidi vitriolici quidpiam spiritui frumenti sese insinuat, spiritusque vitrioli dulcis generatur, qui ob exiguam quantitatem valde debili equidem, sed haud inamoeno odore totum spiritum imbuat, sed ad saporem spiritus vini Gallici minime accedit.

Quum vero Experimentis Cl. MANGOLDI (in tr. supra p. 231 cit.) compertum habeamus, massam nigram, à destillatione liquoris anodynii mineral. HOFMANNI residuam, resinam amoeni odoris saporisque fouere, hoc cum primis intentioni nostrae videtur congruere. Componitur nimirum illa ex oleolis spiritus vini particulis, quae beneficio acidi Vitriol. coagulatae

* Retulit mihi industrius amicus, KRAFTIUS, se quandoque spiritui frumenti, ope pomorum Borsdorffianorum, radula contritorum, spiritum inde semel vel bis, in vesica, peniculo stramineo & lapide illi imposito, ne empyreuma contraheret, in fundo munita, destillando; amoenum valde odorem & saporem, conciliaffe; atque quosdam artis peritos idem fecisse.

latae, inque crassitudinem resinofam redactae, atque eo ipso, à nauseoso sapore, acidi huius additamento, ex asse liberatae sunt.

Quandoquidem vero hae oleosae resinae particulae, cum oleosis in Spir. Vini contentis particulis, quam maxime sunt homogeneae, priores, ex appropriationis legibus, arctiorem plane cum posterioribus coniunctionem ubire, necesse est; quumque, ceu corpora homogenea, interstitia spiritus vini, antea a crassiori oleo vacuefacta, intrent, arcte adeo in ea penetrare debent, vt etiam in rectificatione spiritus frumenti, subtilissimae resinae huius particulae alembicum simul transcendere, nec a laudato spiritu seiunctae permanere queant. Sed huic scopo apprime conducit, nigram hancce massam residuam, iterata aquae purae affusione, penitus ab acido liberare; quo facto, spiritus frumenti, eo, qui iam sequitur, modo, venit corrigendus.

Sumantur circiter 8. congii spiritus frumenti, atque euocentur rectificatione à probe excatis cineribus clauellatis, quo oleum crassius interstitia spiritus relinquat; hicce spiritus cum atra illa edulcata massa iungatur & quidem huic quantitati spiritus, tantundem massae addatur, quantum obtinetur si 8 vnciae olei vitriol. & 32 vnciae Spir. Vin. pro liquore anodyno obtinendo, destillatae fuerint.

Q

Intra

Intra viginti igitur & quatuor horarum, rium, digestionem peracta, spiritus desuper stillatur, qui odore saporeque multo praestit spiritus vini Gallico, quam qui super enarratis modis habetur, accedit.

Vt potari possit hic spiritus, aequali purae aquae quantitate commiscetur. En igitur novam utilitatem atramentis & liquore anodyno residuae, quae non minus ac atramenti Indici ex eadem confectio, (de qua v. p. 165.) meretur annotari.



CONTINUATIO
EXPERIMENTORUM CHE-
MICORUM

CHRISTOPHORI ANDREAE
MANGOLDI.

§. 21.

In limine statim huius continuationis monere placet, me pleraque sequentia Experimenta cum iisdem amicis, supra indicatis, Academiae sociis, instituisse, partim, ut, repetitis iisdem, nullum dubium de illorum acuratione restaret, & ut Experimenta conuerterentur in Experientias; partim, ut unus posset monere alterum, & obiectionibus curiosis securitatem, hic valde nociuam, arcere; quibus rebus neglectis, iustum saepe oritur dubium, an Experimenta, in ipsis Academicarum Fastis relata, sincere communicata sint, nec ne. Spes animum subit, illa, licet eum in finem saltem instituta sint, ut veritas vel falsitas traditionum quarundam in apicum produceretur, Chemiam nonnihil esse illustratura. Plura vero, dum in poliendis complusculis Actorum horumce partibus, & translationibus, occupatum, tempus deficit, in parte secunda huius Operis, daturus sum.



§. 22.

EXPER. IV.

1. Vncias duas argenti viui, è cinnabari reuiuificati, per quatuor continuos dies, cum aqua pluuiæ terendam curaui, semperque, vbi aqua satis inde turbida esset reddita, & puluis cinerei coloris, illam turbidam efficiens, sponte & absque mora fundum peteret, turbidum effudi sollicitè, vt ne argentum viuum simul proreperet, recentemque affudi aquam pluuiam. Finitis 4 diebus ponderaui argentum viuum, & deprehendi, restare tantum drachmas 7 & semissem.
2. Ex aqua effusa, temporis mora, ingens vis pulueris cinerei subsedit, quem in vasis murrhinis planis leni calore siccandum curaui. Pendebat hic 7 drachmas, & 18 grana. Quod ponderi totius (n. 1.) deerat, drachma nempe, cum 12 granis, abstulerant sine dubio aquæ & vasa, pistillumque; pars etiam forte inter effundendum periit.
3. Residuo argento viuo (n. 1.) addidi iterum $4\frac{1}{2}$ vncias argenti viui, easque cum aqua dicta teri iussi; & idem fuit euentus; namque tempore 5 circiter hebdomadum, tritu omne argentum viuum

uum in puluerem eiusmodi mutatum erat, exceptis 7 drachmis; quod tritus non amplius continuaretur. Perit circiter vncia dimidia cum aliquot drachmis.

4. Quodsi quandoque, vltra signum (n. r.) expositum, tereretur Mercurius, non amplius tam cito subsedit, sed aquae firmitus immixtus fuit puluis siue calx Mercurii, haecque speciem quasi amalgamatis, quod tamen transit per corium, praebuit. Semper vero caudam, vt dicunt, exhibet, pulvisque semel productus, scabra sua superficie, tritu continuato, Mercurium citius & celerius in sui similem puluerem mutat. Nec si nimis cito effunderetur aqua turbida, debite subsedit puluis. Proiicienda vero prima aqua turbida, nisi Mercurius fuerit purissimus, & vel reuiuificatus, vel saltem per corium traiectus sit, neque caudam trahat amplius.
5. Loco pistilli, quandoque etiam rudicula Garayiana, quae celerius adhuc puluerem dictum producit, vsi sumus.
6. Calx illa Mercurii, crucibulo immissa, & candefacta, reliquit semper quartam partem pulueris fixi, coloris carnei; atque

que operculum crucibuli flauo & rubro, nonnihil purpureo colore fuit tinctum; euenit hoc simili modo, praesentibus quibusdam, Regiae Monspeliensis scientiarum Academiae, cum qua partem aliquam horum, cum calce Mercurii institutorum, Experimentorum, Monspe-
lii degens, communicaueram, arbitris clarissimis.

7. Plumbo etiam fuso, iniecta eadem, & pari quantitate (n. 6.) ibi remanens, ignem sustulit. Crucibulum enim, quod extus exiguis croceis maculis, intus vero colore carneo distinctum, ab hac operatione rediit, quodque $1\frac{1}{2}$ vncias; cum drachma 1 vero calcis, & drachmis 3 & gr. 16 plumbi, 2 vncias & 16 gr. pependerit, leuius quidem post fusionem $\frac{1}{4}$ horae, ubi illud impense canduerat, visum est, 18 nempe granis; sed restabant tamen 14 grana calcis coloris carnei.

8. Vncia vna eius calcis (n. 2.) cum aqua excocta perdidit drachmam semissem, & cum Mercurius viuus, illi adhaerens, fecerneretur, eadem quandoque quantitas, prout effusio, caute vel minus, facta esset, demenda fuit.

9. Ace-

9. Aceti destillati vncia 1, ex drachma vna eiusdem calcis, tempore aliquot ditorum, calore adcedente, nonnulla grana extrahit; Sal enim Tartari solutus, leuis quid & flocculenti ad fundum deiecit. Residuo pulueri addita de nouo vncia 1 aceti destillati, longiusculi temporis mora, tincturam extrahit flauam, syrupum violarum viridi saturo colore post aliquot dies tingentem.
10. Spiritus falis ex vncijs 4 calcis nihil extrahit notatu dignum, licet per longum temporis spatium illi infusus requieuisset; addito vero Nitri spiritu, paulo post liquor saturo flauo, ad rubrum vergente, colore tinctus fuit; simili fere ratione, ac, Cel. HOMBERGIO (Mem. de l'Ac. R. des Sciences, 1700) obseruante, argentum viuum in aqua, sic dicta, Regis, ope digestionis, diu continuatae, soluitur.
11. Euaporando spissauit 3 libras aquae pluuiiae, per hebdomadem cum Mercurio tritae; & in fundo vasis nil nisi terram, vel salem, deprehendi calcareum album, paulo flauum, fere nullo sapore praeditum, pondere 3 tantummodo granorum.

12. Cl. SCHREIBERUS, Episcopo quondam Herbipolitano à consiliis aulicis, qui nobis plurà Experimenta vtilia, subinde etiam non succedentia, ab alio edoctus, indicauit, apud Cl. IACOBI, è 2 vnciis calcis exiccatae, (n. 2.) oleo lini purissimo, in crucibulo feruenti reddito, immisiss, & cum eo per aliquod temporis spatium coctis, oleo plane deflagrato, obtinuit aliquot grana metalli albi, instar argenti. Dixit SCHREIBERUS, calcem istam nondum satis a Mercurio viuo adhaerente, fuisse separatam, eamque plus daturam, si auferretur Mercurius. Alia vice Cl. IACOBI nil eius metalli vidit prouenire, quod nimius adplicatus esset ignis, ita, vt oleum, simul ac ingereretur calx ista, se prorueret è crucibulo, & magnam calcis copiam secum raperet; in residuo autem nil metalli deprehendit. Plura igitur prius instituenda sunt experimenta, quam certi quid hac de re dare possimus.

13. Zincum, cum Mercurio amalgamatum, eousque cum pluuia aqua, perinde, vt Mercurium solum, teri iussi, dum calx cinerei coloris inde oriretur. Euenit hoc multo facilius, ac breuiori temporis spatio, quam cum Mercurius solus tereretur.

14. a)

14. a) Inieci^mus drachmas 2 huius calcis (n. 13.) partite, in argenti fluentis Brunsvicensis drachmas tres cum semisse; post dimidiam horam restabat adhuc drachma vna & dimidia calcis spongiosae, cinerei coloris; lapis sub crucibulo positus, vt & operculum crucibuli in scoriam, vitro similem, conuersa erant, & operculum curuum redditum fuit. Argentum ab hac operatione, multis poris distinctum, rediit; supra illud vero pauxillum vitri cinerei coloris, cum stella, adparuit.

b) Argentum hoc, quod pondus pristinum retinebat, cum Mercurii sublimati tribus partibus tritum; statim flauum colorem, instar auri, in quibusdam partibus, induebat; cum vero Mercurius inde sublimaretur, argentum quidem rubrum & è violaceo fuscum adparebat, sed miculae tamen aurei coloris adhuc melius, quam in mistura nondum in sublima lata, cernebantur. Mercurius sublimatus pendebat tum, vna cum Argento, drachmas $15\frac{1}{2}$; pars vero sublimati in deliquium abierat; alia autem pars talci formam referebat. Argentum, cum oleo lini & sale Tartari reductum, nonnihil flauum, subtus vero violaceum erat, & valde ductile; ruptumque la-



mellas violaceas ostendebat. Hoc in aquâ forti præcipitata solutum, multum dimisit calcis nigrae, quæ aqua calida edulcata & ficcata, 9 pependit grana; cum 2 nempe granis, quæ in aqua ablutionis subsederant. Calx vero hac cum borace & nitro reducta, album erat metallum, facile ab aqua forti solvendum; & in aqua Regis soluta colorem quidem nonnihil flavum, sed simul viridem dabat; oleumque Tartari per del. nil fere inde ad fundum deiiciebat.

c) Vncia dimidia salis mirabilis GLAUBERIANI ficcati, & in pulverem redacti, cum vncia semisse calcis zincinae, (n. 14. a) & drachmis 3 & dimidia argenti, fusa, adiectis 2 drachmis salis Tartari, & paucis inflammabili, dedit argentum nonnihil flavum, malleo resistens, & intus colore ferreo distinctum. Argentum hoc in fusione viridem præ se ferebat colorem, instar auri fusi; & in aqua forti solutum dabat idem calcis, ad fundum deiectæ, pondus, ac n. 14, b. Calx hæc in charta quidem notam auri exhibebat, sed cum borace & Nitro reducta, album itidem erat metallum.

15. Sumsi 3 grana pulveris mercurialis (n. 2.) tempore matutino, & ter inde aluum

aluum deieci, notabilemque inter deiectiones hanc sensu acrimoniam, fere, vt Cl. HUNDERTMARCKIUS de suo puluere, cinerei coloris, tacito habito, quem in Epistola ad Cardinalem QUIRINUM, huic tantopere commendat, notauit. * Idem dein obseruau pluries.

§. 23.

COROLLARIUM I.

Igitur aqua pluuiæ, adcedente tritu, mutat quodammodo argentum viuum; namque prae-ter conuerſionem in calcem siue puluerem, quam communem cum aliis corporibus, Mercurio in tritu additis, e.g. cum Saccharo, can-
craurum lapidibus, sulphure & salina, habet, quacque etiam absque alio corpore addito, so-
la celeri rotatione in vase vitreo, probe clau-
so, Boerhauiana, aliisque modis, contingit, et-
iam Mercurius ruber & fixus magis, aliquam
partem, redditus fuit, & fumi eius, qui albi
alias sunt, in operculo colorati adparuerunt
(n. 6 & 7.) variaque soluentia inde aliquid
tincturae extraxerunt; vt vere dixerit BOER-
HAAVIUS, à natura Mercurio esse, sub specie-
rum

* Responſa seu conſilia praestantium Medicinæ Do-
ctorum, de morbo, qui Card. A. M. QUIRINUM
per 5 & amplius menses lectulo affixum detinuit.
Brix. 1750.

rum simulacris stultos ludere, atque iocosas perpetuo, nouasque semper induere figuras, dum interim in imo maneat corde vnus semper & idem (Elem. Chem. P. I. p. 551, Edit. Lipf.) Similis vero quodammodo videtur calx rubra Mercurii, illi, quam BOERHAAVIUS obtinuit tritu, digestionibus, & destillationibus, saepissime repetitis; (v. Eiusd. Experimenta de Mercurio.) praeterquam, quod noster maiori copia fixior fuerit redditus, & coloratos dederit fumos.

§. 24.

COROLLARIUM II.

Igitur iusta oritur dubitatio, an Sal Mercurii, quem Illustriss. Comes de Garaye, tritum cum aqua, parari posse, contendit, (Chymie hydraulique, p. 232. Edit. German.) verus fuerit sal eiusdem; neque enim paucissimus ille sal calcareus, quem obtinui, ruber extitit, (n. 12.) quem tamen colorem Comes sali Mercurii adscribit; neque, quod aqua coquendo extraxit, rubrum fuit, sed turbidum cinerei coloris (n. 8.) Inquirendum igitur, an apparatus Comitissae, paulo à nostro diuersus, mutationem quandam producat. Vero valde est simile, salem calcareum, qui fere expers saporis erat, terrae calcariae, in aqua pluuiæ, ab acido nitroso & salino, solutæ, quam Cel. MARGGRAFIUS (Mem. de l'Ac. R. des Sc. & des belles

les Lettres, 1752. p. 136. & sequ.) in eadem adeste, solide demonstravit, originem suam debere; aliquid forte etiam contribuerunt eo, abrasa instrumenta, quibuscum tritus peractus fuit. Forsan etiam acidum nitrosum, è crystallis nitrosis, quas MARGGRAFIUS, ex aqua pluviæ, ope olei Tartari per deliquium obtinuit, coniiciendum, colorem leuiter rubrum in calce candefacta, & plumbo fluenti injecta (n. 6 & 7.) atque in extractionibus (n. 9. & g) nec non fixitatem eiusdem, produxit, vel certe promouit; namque eadem fere mutationes in conspectum prodeunt, si Mercurius, ope acidi nitrosi, in Mercurium præcipitatum rubrum, fixitate tamen paulo diuersum, mutetur.

§. 25.

SCHOLIUM I.

Quod si experientia vltior fixationem calcis Mercurii in metallum album (§. 22. Exper. IV. n. 12.) confirmaret, vero similis inde redderetur illa coagulatio Mercurii cum oleo lini, quam tradit B. 10. MAURITIUS HOFMANNUS (Act. Laborat. Chemici Altdorfini, p. 246.) qui Mercurium viuum inter candentes prunas in crucibulo calefieri iubet, vsque dum copiosum fumum emittat, & instar aquae bullientis subsiliens strepitum edat, quo facto eum in oleum lini affundi & extinguere iubet. Sponder mal-leabi-

leabilem sic Mercurium acquirere texturam, si haec calefactio & effusio in oleum lini subinde repetatur: (verbis eius utor); non tamen spondet fixitatem. Ceterum Experimentum BECCHERI, de ferro ex oleo lini & limo vulgari, licet solummodo reductionem ferri è terra martiali limi, non vero generationem metalli arguere videatur, cum hoc (n. 12.) comparatum, probabile reddit, esse quid in Mercurio, quod metallum fixius praebere possit; & terram siue calcem fixam (n. 6. & 7.) ad hanc mutationem subeundam, aptam esse.

§. 26.

SCHOLIUM II.

Cum calx Mercurii non fluat, metallis fuffis ingesta, igne verò continuato, praesertim solari, conuertatur in vitrum, quod Geoffroyus, * quoque Experimentis demonstravit; videtur, basin Mercurii esse calcem, siue terram calcariam, peculiarem, grauissimam, non prius in vitrum redigendam, quam aliquid inde abierit, vel illi adpositum fuerit. Si verum esset, quod idem dixit, de pondere Mercurii, ope digestionis, paulo fixioris reddit, aucto, aliquatenus probabile fieret, aliquid adponi; sed abigi etiam quidpiam ex eo, è BOERHAAVII & GEOFFROYII Experimentis, collatis, concludi potest,

nam,

* (v. eius *Traité de la Matière Médicale* T. I. p. 432.)

nam, si calx mercurialis leuiter cum puluere carbonum candescat, Mercurius iterum currens redditur; idemque accidit, si summo igne in vase quodam vrgeatur, qui forte non dari potest, absque phlogisti subtilissimi in vasa, in quibus haeret Mercurius, penetratione. Eadem calx notante GEOFFROIO, (ibid.) lenti, colligendis radiis solaribus aptae, in latere exposita, funditur in materiam vitrescibilem, quae celerrime in fumos abit, restante puluere fusco, qui in vitrum eiusdem coloris conuerti potest; carboni vero, in eodem igne, imposita, mutatur in vitrum, & fluit; reduci tamen statim videtur, cum GEOFFROIUS dicat: vitrum hoc in aerem, instar fumi, abire, & ibi in paruas guttas augenti viui mutari. Non vero rite inde concludit, Mercurium terram esse vitrescibilem; namque terra proprie vitrescibilis non soluitur in acidis, vel adfinibus his, soluentibus, calx vero Mercurii, & magis adhuc ipse Mercurius, facile soluitur in quibusdam liquoribus, teste experientia, & quoad calcem, nro. 10. Exper. IV. Nec oritur (per dicta) vitrum, nisi mutato quadantenus Mercurio; abacta scilicet parte quadam phlogisti externi eiusdem, (v. p. 181.) quod illi inesse Experimentum vaporis sulphurei, è commisto cum Mercurio vitrioli oleo, & inde destillato, extra omnem dubitationis aleam ponit. Vitrum quoque inde ortum videtur indicare, salinas quasdam partes inhaerere Mercurio, vel saltem terram
quan-

quandam, facile transiturem in salem & vitrum, quam primum ignis, vel alia corpuscula actiua, sub quibusdam circumstantiis, adcesserint. Non enim ostendi potest, vitrum oriri absque sale, occulto saltem; cum ex omnibus corporibus, vitrum dare aptis, elici possit sal quidam, & ad vitrorum confectionem requirantur sales, nisi hi iam latitent in istis corporibus.

§. 27.

SCHOLIUM III.

Annon etiam è numero 15. Exp. IV. concludi potest, salini quid in calce Mercurii late-re, praesertim si conferantur, quae BOERHAAVIUS de pulvere rubro, in quavis destillatione remanente, dicit: quod nempe nauseosum metallicum praebeat saporem, cum Mercurius nullo antea sapore praeditus fuerit? Vidi etiam vim eius resoluentem & stimulantem in foemina quadam, vlcere cacoethico, foetido & cancroso muscoli pectoralis & partis mammae, adflicta, quod ad arteriam vsque axillarem proferperat, quodque ob labia dura & callosa omnia vasa nervosque, ibi sitos, comprimebat, ita, vt non solum brachium totum valde intumesceret, sed etiam ipsi tendines, multis in locis, nodis essent obfiti, sensusque in brachio hebesceret; à pulvere hoc dosi indicata, cum aequis partibus cinnabaris, quouis die dato, omnes

omnes excretiones mirum in modum proritatae; transpiratio nempe aucta reddita, urina copiosa turbida, instar feri lactis, expulsa, & alvi dejectiones plures secutae; tumore post aliquot dies valde subsidente, & doloribus minutis, atque effluvio ichoris ex ulcere primum valde aucto, dein vero indies imminuto; cum vero diaetae & transpirationis plane non studiosa esset aegra, vsum pulveris dicti non continuavi. In phthisico quodam, in quo post haemoptoen vomica in loco quodam, ubi pulmo contingit pleuram, rupta erat, atque, praeter summum suffocationis periculum, etiam titillationem in faucibus, & constrictionem earundem, sine dubio ob neruum simul adfectum, produxerat, ita, ut loqui non posset; mirros etiam inde vidi effectus; a granis enim tribus mane, & decem florum sulphuris post meridiem & vesperi datis, ingens urinae, coagulato pure plenae, profluuium excitatum; sudor vero, qui prius erat nimius, moderatus, & aequalis redditus, remittente difficili respiratione, & tussi, loquela, & agilitate, restituta, excreatione promota, atque urina pallidiori reddita; quae tamen, cum per aliquot horas requievisset, multo coloratior euasit. Non noui, Medicum quendam Mercurium in phthiseos curatione, in vsum duxisse, praeter Anglum, Douer (Legs d'un ancien Medecin à la patrie. Hag. Com. 1734. p. 180.) qui argumento a curatione ulcerum venereorum ducto,

vim eius balsamicam & pulmonibus saluberrimam, obseruationibus confirmatus, adstruere conatur. Monendum tamen, in quibusdam aegrotis, quibus diu datus fuit hic puluis, (n. 2.) ptyalissimum fuisse secutum; & vanas esse plerasque eorum pollicitationes, qui Mercurio vim, saliuam mouendi, quouis modo, siue per sulphur, siue per corpora terrestria, siue denique per depurationem, demere conantur, quod expertus adseuerare possum, cum ipsum purissimum, atque pluries cum sale ammoniaco & aceto destillato tritum, Mercurium, quem tamen Cl. Louis, Mercurio non mouenti saliuam, sed sudorem, Torresii, Hispani, substitui posse credit, ptyalissimum excitare viderim. Non nego vero, alio quodam modo Mercurium esse posse perducere, ut saliuam inde non proritetur, atque eos effectus, quos TORRESIUS de suo praeedicat, exhibeat; de quo vero alio forsitan tempore plura.

§. 28.

SCHOLIUM IV.

Cum metalla, in amalgamata redacta, tritu-
adcedente, itidem in calces, tumque in vitra
mutentur, teste STAHLIO,* BORRICCHIO,** MO-
DELIO

* im Bedenken über BECCHERS Naturkündigung, passim; ubi tamen in dubium reuocat Mercurii in vitrum conuersionem, cum illi GEOFFROI. Experimenta non essent nota.

** Tr. de Sapiencia Hermetis & Aegyptiorum. Hic,
si

DELIO * & **HOMBERGIO** **; probabile fit, metalla & ipsum Mercurium, obtinere, saltem quoad partem, alcalinam quandam quasi indolem, & metalla quidem, vario gradu fixiorem, Mercurium vero volatiliorem; atque eam indolem ea tenus ad naturam accedere calcis viuae, quae etiam fixiora habet principia, terram nempe salinam, quae quoque in aqua calcis viuae euaporata restat; simul vero volatilia, quae, si eadem aqua destilletur, saporem linguae imprimunt, & dulcedinem illius aquae, dulcedini salis alcalici, vel boracis similem, ex aqua auferunt; quaeque;

si

si illi fides habenda est, aurum cum Mercurio amalgamatum & digestum, atque cum Mercurio inde destillato diu tritum in puluerem nigrum, tumque in vitrum smaragdi colore fulgens, reductione tentata per sal commune, Nitrum & Tartarum; argentum vero in puluerem minus nigrum, & in vitrum flavi vel hyacinthini coloris; stannum in puluerem itidem nigrum, cuprum vero in flauum, mutauit.

* *Commerc. litter. Norimb. 1745. p. 147. & seq.* Hic ex argento & Mercurio puluerem, non fluentem cum metallis, leuissimum, & ex hoc, maximo dato igne vitrum etiam obtinuit.

** *Mem. de l'Acad. R. des Sc. 1700.* Huius Experimentum monstrat idem, & regulo Antimonii ferreo & cupreo, cum Mercurio amalgamato.

si Mercurificatio metallorum per calcem viuam & salia alcalica, per experientiam aliquando confirmari posset; & si applicatio terrae calcariae ad fixationem, metallisationem, & reductionem mineralium, quam Cel. POTTIUS in Lithogeognos. P. I. p. 13. & 14, tantopere dignam inquisitione esse, censet; atque extinctio metallorum in aqua calcis vivae quam WESSEL van der LINDEN commendat, quaque aliquot adeo auri grana produci adseuerat, si argentum subinde in eadem extingatur, satis iam indagata esset, forsân aliquam hisce tenebris, in inuestiganda occulta & quasi inuoluta mineralium natura, lucem adfundere posset, praefertim, si Experimenta HENCKELII, de creta cum pyrite arsenicali tractata, vnde argentum spondet, vltius prouherentur, vbi calx mineralis, arsenicum nempe, quod praeter acidam substantiam, etiam aliam, calci minerali volatili, igne in vitrum fixius redigendae, similem, adeoque naturae calcis metallicaе, minimum volatilis, declarandae adhuc magis idoneam, habet, simul concurrit.

Si etiam consideretur, quod Cl. GELLERTUS (Metallurgische Chymie P. I. p. 290.) monuerit, lunam cornuam sale alcalico fixo, absque inflammabili quodam, & calcem plumbi & Antimonii per terram alcalinam e. g. cretam reduci posse; quod Ill. Iusti mineras alcalicas detexerit; quod arsenicum, cum Tartaro & inflammabili quodam fusum, in regulum splendens argentei coloris abeat,

abeat, atque quod summus STAHLIUS (Specim. BECCHER. p. 180.) vitrificationem metallorum, exemplo reguli Antimonii caustici, scoriam succineam praebentis, & plumbi, cum Nitro in vitrum conuertendi, nixus, alcalico sali tribuat; probabilia saltem fient, quae de natura calcaria alcalina metallorum & mineralium dixi, ne-
tquam tamen alia excludens principia. Nec impossibilem esse ipsius calcis viuae, adeo ta-
men adhuc a metallica natura alienae, in vi-
trefcibilem terram, saltem quoad partem, mu-
tationem, Cel. GEOFFROI Experimenta de fili-
cis artificialis formatione è calce quadam viua,
(Mem. de l'Ac. R. des Sc. 1746. p. 284.) &
POTTII in Lithogegnosia argumenta, (p. 25.
P. II. & alibi) Experimentis confirmata, pro-
babile reddunt; quin lapides etiam quosdam
& terras calcarias in vitrum igne solari mutari,
vel fundi saltem, docuit Cl. CHRISTIANUS GOTT-
HOLDUS HOFFMANNUS (vol. 5, p. 279. & 282,
Prompt. Hamb.)

§. 29.

SCHOLIUM V.

E numero 14, lit. b & c, adparere etiam
videtur, quasdam calces in aqua forti ad fun-
dum deiectas, nil esse, nisi argentum vel me-
tallum album, à phlogisto quorundam corpo-
rum, cum quibus funditur, quodque nonnul-
las eius partes nigras reddit, ita defensum, vt
solui nequeat; quod magis adhuc confirmabi-
tur aliis Experimentis.

S. 30.

EXPER. V.

Ante plufculos annos incidit in mentem, Mercurium, cum auro & argento, amalgamare, & per plures hebdomades in phiala, igne gradatim aucto, figere. In fine digeftionum datus maximus fublimationis ignis; Mercurius tamen permanfit fixus; fed cum aperto dein igne urgèretur maffa, fere omnis Mercurius abiit in auras. Ex avimo vero iam effluxit, quantum fuèrit materiarum pondus, & quot hebdomades in hanc operationem fuerit infumtae.

S. 31.

COROLLARIUM.

Patet igitur faltem, digeftionem Mercurii cum metallis nobilebus cum figere quodammodo, fed non ita, vt in igne aperto maneat; & feruiunt haec, atque quae ftatim fequentur, augendis BOERHAAVII Experimentis de Mercurio, qui quidem nonnulla metalla, plumbum nempe & ftannum, cum Mercurio digeffit, & deftillauit; fed alia non attigit. Stannum, per Experimentum BOERHAAVII, comparatum cum noftro, magis conuenit cum auro & argento quoad vim figendi nonnihil Mercurium, quam plumbum cum iisdem; remanfit enim cum eo in fortiffimo fuppreffionis igne, $\frac{1}{4}$ & quod excedit Mercurii per 4 horas, atque arena tota

can-

canduit. (v. p. 27. vol. IV. Promptuar. Hamb.)
 STAHLIUS in tr. de Materia Medica, sermone
 patrio edito, quendam tantundem auri é mi-
 stura 3 partium Mercurii & 1 auri, annuo spa-
 tio, lenissimo igne, produxisse, quantum fuerit
 tertiae partis Mercurii pondus, reliqua vero
 abiisse in auras, adfirmat; qua fide, docebit
 tempus.

§. 32.

EXPER. VI.

1. Mercurii vnciae 8, cum zinci vnciiis 4,
 amalgamatae, indeque destillatae, multo
 maiorem ignis gradum exegerunt, ac
 eadem Mercurii, é Cinnabari reuiuifican-
 di, quantitas.
2. Mercurius distillatus iterum cum nova
 zinci portione amalgamatus, septiesque
 inde destillando auocatus, septies etiam
 quidpiam suae materiae reliquit in re-
 siduo; Mercurius transgressus magis
 magisque segnis redditus, cuticulam sa-
 tis ipsam, splendens & radiantem,
 praesertim, cum concuteretur, monstra-
 bat; quae tamen post septimam coho-
 bationem non adeo erat splendens ac te-
 nax, vti post tertiam, sed magis pulue-
 rulenta cinerea.
3. Restiterant in prima operatione 3 vn-
 ciae Mercurii in residuo; in altera, vbi

R 4
adde-

addebantur 3. vnciae Mercurii sublimatis, vncia 1; & in tertia, qua nil addebatur Mercurii, vncia dimidia.

4. Omnia vero reliqua collecta dederunt in noua quadam, octana nempe destillatione, fortissima; vncias 1½ Mercurii; atque collectae eo modo fuerunt 3 vnciae Mercurii Zincini.

S. 23.

COROLLARIUM.

Igitur (per Exper. hoc & V.) magis videtur cohaerere Mercurius cum auro & argento, minus cum Zinco & minime cum sulphure, cum quantitas carbonum, eo infusorum, gradus ignis, & tempus diuersa fuerint; vt adeo quadamtenus inde confirmaretur ea sententia, qua leuiora corpora minus cohaerent cum grauioribus, quam ea, quae grauitate magis sunt aequalia. Sed multa adhuc obstant, quo minus in dubium nullum eam venire credamus, cum stantem etiam fortius retinuerit Mercurium, quam plumbum; atque hoc, licet grauius sit argento, & Mercurio quoad grauitatem propinquius, in amalgamatione tamen plumbi, argento iuncti, digestionem & ablutionem, facilius longe abigatur e vinculis Mercurii, quam argentum; nec in coniunctione sulphuris, vel hepatis sulphuris cum metallis & mineralibus, ea lex semper obtineat; nec ignis adhaerens diuer-

diuerſis valde grauitate corporibus, Mercurio, aquae, oleo, vinique ſpiritui eam ſequatur, demonſtrante B. RICHMANNO in Comment. Ac. Imper. Petropolit. A. 1750. & 1751.; & aurum fuſum adhaereat ferri baculo, vt oſtendi facile poteſt. Igitur illam legem tantum pro particula principii cuiusdam vtilioris habeo, quod principium ſimilitudinis & aequalitatis, hiſque contrariae diſſimilitudinis & inaequalitatis, vocare lubet, deque quo alia vice acturus ſum; multa enim nos credere cogunt, non ſolam quantitatem, ſed etiam qualitates ſimiles vel diſſimiles facere, vt corpora ſibi inuicem magis vel minus adhaereant, vel vt vnum attrahatur ab altero.

§. 34.

EXPER. VII.

1. Uncia ſemis argenti cum vnciiſ 2 biſmuthi in crucibulo duplici, cui interiectum erat vitrum cum borace, cupellata, poſt repetitionem eiſdem operationis vigefimam quartam, additiſ ſcilicet, quauis vice, 2 vnciiſ biſmuthi, perdidit $\frac{1}{8}$ ſui ponderis. Maxime vero cautum fuit, ne quid per poros crucibuli ſe proriperet, aut hic fiſſuras contraheret.
2. In igne colorem hoc argentum decimā octauā vice monſtrauit viridem, inſtar

R 5

ſma-



smaragdi, & instar auri in cupella fluentis, igne nempe paulatim imminuto; & indies maiorem illud nactum est splendorem. Circuli interiores fluentis metalli adhuc viridiores erant exterioribus. Argentum hoc soluebatur quidem in aqua forti; at 3 tamen grana, & drachma vna, experimento facto, remanserunt non soluta.

3. Drachmae duae huius argenti cum tribus partibus Antimonii fusae, dederunt 3 exiguos regulos; qui 5 horarum spatio, ignis & follis ope dissipati, pulcherrimos virides & rubros monstrarunt colores; remanente a dissipatione ista drachma vna, cum 15 granis argenti optimi fluentis.

§. 35.

COROLLARIUM.

Eatenus igitur argentum, hac ratione tractatum, accessit ad auri naturam, cum aliàs argentum ab antimonio mutetur in scoriàm; sed falleretur, qui putaret, omne argentum non pati dissipationem reguli Antimonii, cum illo fusi.

§. 36.

SCHOLION.

Inseruiunt haec confirmandis Cel. de Iusti Observationibus de bismuthi adplicatione ad
con-

conciliandam argento maiorem ductilitatem & candorem, quas in Nouis verit. (Germ. Neue Wahrheiten) communicauit. Quod vero plus perditum fuerit argenti in nostro Exper. quam in Iustiano, & operationibus pluries repetitis, & ponderi bismuthi, eo insumpti, maiori, & vasi diuerso adscribendum esse videtur; nam, vt adparet, Cel. de Iusti cupellam duxit in vsum, nos crucibulum; ille perdidit è drachma dimidia argenti puri cupellati vnica operatione cum octo partibus bismuthi $\frac{1}{2\frac{1}{3}}$ argenti. Facile etiam indutor, vt credam, plus adhuc argenti in nostra operatione, nos perdituros fuisse, nisi è bismutho aliquid accreuisset; continet enim sæpe argentum.

§. 37.

EXPER. VIII.

Minera bismuthi cobaltina, tessellata quoad maximam partem, punctis etiam quibusdam rubris, violaceis & flauis, microscopio praeferim conspiciendis, notata, cum dimidia parte salis mirabilis GLAUBERIANI non crystallati, sed spissati, in igne reuerberii per 12. & quod excurrit, horas, detenta, dedit in summitate vasis vitrei sublimatum puluerulentum, ad fornicem vero cucurbitae splendens radiatum. Cucurbita, quae arenae imposita erat, dehiscibat, cum, experimento finito, eam ex arena extraheremus, & residuum totius massae,
quae



quae $1\frac{1}{2}$ libras pependerit, pendebat adhuc 1 libram, 2 vncias & drachmam 1. Sabulum cucurbitae circumiectum variis coloribus, rubro scilicet, viridi & violaceo, infectum conspiciebatur, & vitrum fere instar vasis murrhini, semi opacum, lacteum, fere vt opalus, & nonnihil viride erat redditum, sic tamen, vt luci obuersum flauum videretur, & vitri instar acutum esset, ubi frangeretur.

§. 38.

SCHOLIUM I.

An ingreditur haec minera compositionem vasorum murrhinorum, siue porcellanae optimae? Certè peritus quidam Chemicus mihi asseueravit, mineram quandam vilis pretii illam ingredi, seque tria talia vasa cupellasse, & calculo subducto, deprehendisse, porcellanam istam in centenariò continere 2 libras argenti, quod parum dederit auri. Iam vero constat, mineram bismuthi esse vilis pretii, & argentum illi inesse. Igitur Exper. VIII. & hoc, obscuritates hasce quodammodo in lucem ponunt.

§. 39.

SCHOLIUM II.

Ex hoc & sequentibus 2 experimentis, quae ob conuenientiam mox subiungam, clarum fiet, nihil aequè figere phlogiston externum mineralium (v. p. 181. & 198.) siue volatiles eorum

im tingentes spiritus & tincturas, quam vitra vitrescibiles substantias.

§. 40.

EXPER. IX.

1. Sulphuris rubri vnciae 5 cum totidem vnciis salis armoniaci, & 10 vnciis calicis viuae, pro exploranda diuersitate sulphuris rubri à flauo, distillatae dederunt spiritum omnium, quos noui, maxime penetrabilem, nullis enim lutis potuit coërceri, ne totam fere domum fumis repleret densissimis; horis 5 exactis, & postquam retortum vas diu iam excanduisset, nebulaeque adparuissent albae,prehendimus in recipiente vase pauculas vncias spiritus perpetuo fumantis, ruberrimi, & in fundo magma quoddam nigrum, sub spiritu haerens.
2. Vt extraheremus, quod lateribus vitri adhaerebat, vncias 2 spiritus vini rectificati, qui tinctus fuit colore valde rubro, dein vero adhuc 2 vncias spiritus vini tartarisati, infudimus, qui sulphur praecipitabat, & residuo in recipiente vase colorem demebat; ipse vero nullum inde adsciscebat colorem.
3. Residuum in retorto vase valde bulliebat cum aqua frigida, valdeque inalefcebatur.

missum cucurbitam in ignem arenae, & pedetentim gradus ignis usque ad summum ibi obtinendum, administraui. Sublimatus fuit Mercurius coloribus variis, inferius cinnabarino, vasi arctissime adhaerente, nec fere inde separando, superius diluto rubro, viridi & flavo; verbo, pavonis caudam, ut solet, referebat. In fine applicavi carbones circum cucurbitam; & reducta fuit pars quaedam argenti, quaedam vero distinctis maculis aurea egregie adparuit; & vitrum, quod album erat, sub his maculis in tota sua crassitudine colore rubro tinctum fuit. Arctissime vero adhaerebant hae maculae vitro, ita ut separari inde possent nequaquam.

§. 43.

COROLLARIUM.

Confirmantur inde dicta (Schol. II. Exper. VIII.) & adparet, non esse contemnendam phlogisti Mercurio sociati vim penetrantem, atque tingendi, si vitro fixum redditum sit, potestatem.

§. 44.

EXPER. XI.

- I. A Salis Tartari, libra dimidia, oleo vitrioli saturata, humido omni abacto, abstraximus pluries spiritum vini rectificatum. Post decimam abstractionem Tar-

Tartarus hic Vitriolatus peculiaris, fundi coepit igne longe minori, quam est ille, qui requiritur pro fundendo communi; namque ne cucurbita quidem canduit, sed arena tantum. Post undecimam & duodecimam abstractionem adhuc magis fusilis erat & instar nigrae pultis fluebat; exemptus vero valde erat compactus, statim enim solidescibat, & ceram albam intuenti quasi repraesentabat.

2. Candenti laminae cupreae iniectus non fumat; penetrat vero in cuprum, fouea parua in eo relictā, vestigio tamen nullo, praeter colorem cupri purpureum, instar cupri Iapanici, ibi restante.
3. Argento fuso iniectus, flauum nonnihil & valde ductile illud reddidit.
4. Ferrum candens colore tinxit viridi.
5. Pluries dein adhuc abstractus ab hoc sale fuit vini Spiritus, & magis indies fusilis & foliaceus, instar terrae Tartari foliatae, redditus fuit.
6. Dixerat BECCHERUS, qui passim huius salis mentionem facit, magma hoc dare flores siue sublimatum, si, post plures abstractiones, ignis adplicaretur vehementissimus; multaque de his floribus promiserat. Sed nullus ignis per se potuit inde flores elicere; licet enim vel quinquagesies inde abstraheretur vini spiritus, semper tamen ille sal fluebat,

absque sublimatione. Spiritus hic omni nota referebat liquorem anodynum mineralem HOFFMANNI siue potius liquorem aethereum FROBENII; in quinquagesimâ enim abstractione spiritui dicto oleum quoddam siue NAPHTHA supernatabat, penetrantissimi, sed suavis, odoris. Residuum redolebat spiritum salis ammoniaci absque empyreumate. Videtur BECCHERUS, vel, quem citat, Chemicus eleuationem massae huius, quae, in nostris experimentis, spongiae instar intumit, habuisse pro sublimatione; uti quidam etiam terram foliatam Tartari, spiritu vini rectificatissimo bis, pro conciliando candore & subtilitate, solutam, & iterum, relictis faecibus spissatam, sublimari aiunt.

§. 45.

Confirmatur hoc experimento seiunctio salium contrariorum per intermedium oleosum, quae hîc tanta fuit, ut & oleum vitrioli, saltem quoad partem, a spiritu vini sui redderetur iuris, & alcalicus sal fixus in residuo spiritum exhiberet volatilem; adeoque ipse quodammodo redditus fuerit volatilis. Monstrat simul idem Exp. quantum conducat spiritus vini siue potius oleum eiusdem ad reddenda fusilia, quae refractaria nonnihil sunt.

§. 46.

§. 46.

EXPER. XII.

1. Naphtha dicta (n. 6. Exp. XI.) cum luna cornua fusa, facilem reddidit argenti, addito in igne pulvere reducente, qui fuliginem exceperat, reductionem. Erat hoc argentum reductum coloris egregie flavi; & tam hoc quam prius (n. 3. Exper. XI.) in Aqua forti solutum, aliquid monstravit calcis, quam vero tum non vterius, cum eius parum esset, examinavimus.

2. Tartarus vero vitriolatus fusilis, (n. 1. Exp. XI.) cum aequa quantitate argenti cornui fusus, dedit regulum quasi quendam valde fusilem, ceram quodammodo referentem, qui flammae admotus é flavo ruber redditus fuit; pars vero statim reducta adparuit. Supra hunc conspicuus erat sal quidam, salem communem referens.

3. Dimidium huius massae ponderosae, cerae similis, (n. 3.) fustum cum tribus Nitri partibus, mutatum fuit in speciem quandam scoriae valde rubrae, quae iniecta altero dimidio massae ponderosae (n. eod.) super quam parum sebi prius deflagrauerat, argenti reductionem iu-



uit. Argentum hoc externe videbatur valde purum, sed interius regulo Antimonii simile erat; & addita drachma vna argenti, ad duas huius argenti fragilis, in igne formam metallicam demum perfecte recipiebat.

4. Hoc in-aqua forti solutum calcem quandam auri ad fundum demisit, quae abluta & exsiccata pendeat grana 4, & chartae adfricta colorem dilutum flauum monstrabat; sed reducta erat alba, vt argentum, & tum iterum aquae forti indita, ab ea solui non poterat; inque nigrum puluerem fatiscebat, qui cum aqua forti excoctus, & post ablutionem exiccatus dedit granum vnum calcis egregiae auri; chartae, cui adfricabatur, genuinum auri colorem imprimetis.

§. 47.

COROLLARIUM.

Adparet inde, etiam phlogiston spiritus vini salibus quibusdam mediis iunctum, colorem, stabilem quoque, & alias proprietates memorabiles metallis posse tribuere; patet hoc ex omnibus num. huius Exp. Repetituri vero sumus vltimum Exper. (n. 4.) cum argento cupellato & purissimo; nam, licet purum admodum fuerit nostrum; non tamen prius

prius illud examinauimus, an contineret aurum. Caeterum confirmantur etiam numero 4to, dicta: p. 261. (§. 29.)

§. 48.

SCHOLIUM.

Sal scoriae instar supernatans, salı communi similis (n. 3.) videtur tribuendus alcalico salı Tartari vitriolati fusilis, in quem acidum salis ab oleo vitrioli in argento cornuo expulsum, sese receperat; oleum enim vitrioli sub his circumstantiis facile sese argento iungit, & illud in cornuum alius speciei redigit.

§. 49.

EXPER. XIII.

Tartari vitriolati fusilis (Exper. XI. n. 1.) vncia dimidia cum salis armoniaci tantundem sublimata, dedit sublimatum valde odoratum; Hoc cum residuo iterum mistum, & sublimatum, magis adhuc odorem adfecit; accepimusque drachmas tres salis volatilis veri, cum portione tamen salis armoniaci, nondum destructi. Parum materiei cuiusdam cinerei coloris ad finem colli retorti vasis adhaerebat. Residuum erat paululum viride, & odorem spirabat acidum,

§. 50.

SCHOLIUM.

Confirmantur inde dicta (Schol. Exp. XI.) & adparet, Tartarum illum vitriolatum fusilem esse salern planè peculiarem, cuius principia ita ad se inuicem distent, vt facile inde principia salis armoniaci á se possint disiungi.

§. 51.

EXPER. XIV.

1. Sublimauimus aliquando flores salis armoniaci martiales & residui partem dimidiam miscuimus cum aequali quantitate Mercurii sublimati, & in cella deliquescere curauimus; alteram vero partem, etiam per deliquium solutam, praecipitauimus ope olei Tartari per deliquium; crocum inde obtentum digessimus cum liquore priori, in cellâ parato, & tres liquoris vncias miscuimus cum vncia dimidia lunae cornuae per vices, & exsiccauimus mixtum. In sublimatione leni crocus hic retinuit volatile mixti, ita vt parum eius sublimaretur. Reduximus argentum hoc cornuum cum puluere é fuligine, Nitro, Tartaro & Sale, & obtinuimus inde vnciam dimidiam argenti purissimi, & candidissimi.

2. Argen-

2. Argentum dictum (n. 1.) in aqua forti magno igne & ope bullitus fortis solutum, (nam leni solui recusabat) dedit calcem quandam, quae forti igne excocta, & post exiccationem, ope boracis reducta, metallum dabat album, supernatantibus scoriis valde rubris. Metallum hoc, solutum iterum, parum calcis flavae monstrabat; postquam ipsum reditum fuerat flavum.

§. 52.

COROLLARIUM.


Cum igitur in luna cornua tantum tres quartae partes sint argentum, reliquum vero salinum, cumque accurate idem argenti pondus, $\frac{3}{4}$ nempe in vncia dimidia lunae nostrae cornuae aliasprehenderimus; adparet, aliquid ferri, drachmam nimirum vnam in argentum fuisse mutatum, & ferrum tinxisse quadantenus partes quasdam argenti. Non cupellauimus quidem illud; at alius tamen aurificum notis tale adparuit.

§. 53.

SCHOLIUM.

Videtur inde confirmari ortus metallorum nobiliorum é terra ferri, tanquam prima & vbiuis propemodum reperiunda terra metallica; si scilicet per actionem soluentium subter-

raneorum & motum quendam intestinum, maxime ponderosum illius, quod in plurimis punctis sese contingit, praecipitur & firmissime coalescat. Non nego, alia etiam metalla eam continere terram, e qua nobiliora produci possint metalla; potius ipse experimenta, hoc stabilientia, in medium sum adlaturus; sed ferrum tamen non raro pleraque continere metalla deprehenditur, quod nuper etiam ostendit Cl. LEHMANNUS (Abh. von den Metall-Müttern, p. 204.) & RUDOLPHI (in Elementis amalgamationis, ARNSTADII, 1712.) qui e plurimorum fluuiorum & riuulorum arena, limo, talco, mica & aliis vilibus mineralibus, ope amalgamationis, & variorum salium, eduxit ferrum, ex hoc cuprum, tum e cupro argentum, & ex hoc denique aurum.





FRIDERICI AUGUSTI CARTHEUSERI

DOCTORIS MEDICI

OBSERVATIO CHEMICA

DE

DEPURATIONE SALIS
VOLATILIS SUCCINI.

Sal volatile succini, destillationis ministerio separatum, particulis oleosis empyreumaticis abundare, notissimum est. Hae particulae saporem & odorem empyreumaticum & fuscum aut subfuscum colorem illi inducunt, principium acidum inuoluunt atque inquinant & naturam eius magis minusue occultant ac transformant, ita quidem, ut sal succini in hoc statu impuriori ad varia experimenta chemica, certosque usus medicos, minus idoneum existat. Eam ob rem superfluae partes oleosae rectificatione secerni debent. Huius rectificationis seu depurationis duo inprimis modi usu inualuerunt: Alter sublimatione, & quidem in cucurbita vitrea humiliori, arenae imponenda, leni ignis gradu adhibito, absoluitur. Ita enim sal purius, multis partibus heterogeneis oleosis in fundo cucurbitae relictis, alembicum ascendit. Alter modus ad crystallisationem maxime redit; nimirum sal volatile

latile succini in sufficienti aquae simplicis quantitate caloris auxilio soluitur, partes oleosae sub solutione separatae percolatione remouentur, & liquor clarus blanda euaporatione ad formam siccam crystallinam redigitur.

Et si autem duplex hic sal succini depurandi modus laude sua neutiquam priuandus sit, vix tamen ac ne vix quidem sal istud debitam puritatem acquirit, sed in eodem, vtrovis modo rectificato, multae adhuc partes oleosae remanent, vti odor aequae ac sapor bituminosus empyreumaticus satis sensibilis & color vt plurimum flauus euincunt. In aliam igitur methodum, qua sal succini ad maiorem puritatis gradum transferri, & ab oleo adhaerente, ac citra salis acidi destructionem separando, plane liberum reddi posset, inquisiui, & voto meo sequens modus satisfecit: Immisi sal volatile succini impurius in spiritum vini rectificatissimum, & adiuuante leni calore, solutionem inde adeptus sum claram, diaphanam & aureo colore praeditam. Vni huius solutionis parti affudi sex partes aquae vulgaris frigidae. Ita solutio clara momento temporis turbida euasit, & lacteum colorem assumpsit, non secus ac fieri solet, si spiritus vini oleo quodam aethereo aut resina praeditus aqua miscetur. Cognoui inde, particulas oleosas salis succini per aquam affusam e nexu eius & spiritus vini eiectas ac separatas esse, ideoque mixturam

ram turbidam, ad remouendas impuritates istas fluido tenaciter adhaerentes, per colum chartarium crassum traieci. Liquorem colatum, qui aquam puram colore ac pelluciditate referebat, in vase vitreo arenae calidae ad lenem euaporationem imposui. Fluido sensim ablato restitit sal volatile succini purissimum, album, nitens, lamellas referens, crystallinum, quod sapore & odore parum aut nihil bituminosi empyreumatici amplius manifestabat.

Descripta methodo iteratis vicibus ad depurandum & rectificandum sal succini vsus sum, idque semper purissimum memoratisque qualitatibus instructum prodiit. Quo maior aquae portio solutioni admiscetur, eo purius deinde sal euadit; plerumque tamen sex aquae partes ad vnam solutionis partem sufficiunt. Imminuta aquae proportionem plures particulae oleosae remanent, vnde sal succini flauescit, & plus minusue indolis empyreumaticae retinet. Ad maiorem tamen puritatem euehi potest, si denuo spiritu vini solutum aqua miscetur & mixtura colata caloris beneficio ad formam solidam & siccam transfertur. Plenae puritatis signum est, quando solutio eius salis spirituosae affusione aquae non amplius turbida fit, aut lactescit, sed clara ac limpida manet. Monendum adhuc est, quod sal succini perfecte sic depuratum lentius ac difficilius quam antea, cum

cum partibus oleosis onustum esset, in spiritu vini rectificatissimo solvatur.

Ratio, qua nititur descripta depurandi methodus, in aprico est. Sal nempe succini impurum duabus constat partibus, acido-salina & oleosa, quae ambae spiritus inflammabilis coniunctionem subeunt. Simulac aqua copiosa solutioni affunditur, spiritus vini ad sustinendam partem oleosam infirmus redditur, unde illa secedit, & solutionem antea claram turbat; qualem effectum aqua in solutionibus oleorum & resinarum spiritu vini paratis semper producit. Pars acida contra ea, quae aequae facile in aqua ac in spiritu vini solubilis est, aqua affusa haud praecipitatur, sed soluta remanet, & particulis oleosis colo segregatis, fluidoque per euaporationem absumto, in sal volatile succini purissimum abit. Notandum hic, quod separabilis tantum olei pars, hoc est, quae acido salis succini laxius iuncta, non autem intime immixta est, tali modo remoueat. Quaedam enim olei pars subtilior cum acido arctius combinata est, hinc ad mixturem salis succini spectat, eique formam solidam & siccam, solubilitatem in spiritibus vinosis, inflammabilitatem, aliasque proprietates conciliat. Haec igitur olei portio principium salis succini essentielle existit, nec citra destructionem eius disiungi potest: quae res exemplo spiritus vini modice rectificati optime illustra-

lustratur. Hic enim duplex phlegma in se continet; alterum per alcalia fixa separari potest, ita, vt spiritus inde purissimus ac fortissimus euadat, & in Alcohol mutetur; alterum vero ad intimam spiritus vini seu Alcoholis mixtionem pertinet, eidemque, partes nempe phlogistas sustinendo ac inuoluendo, fluiditatem largitur, ideoque sine perfecta spiritus destructione auferri nequit.

SCHOLIUM.

Eodem fere modo, ope spiritus vini, & phlegmate plane liberati, depurari posse: saccharum lactis; quod operatione hac peracta album fit & pellucidum, cum prius fuerit pingue, & nonnihil empyreumaticum; terram Tartari foliatam, & quaeuis salia volatilia, mutatis tamen mutandis, experientia docuit. C. A. M.



VIM ELECTRICAM
PALPEBRARUM SUPERIORUM
LAPSUM AUFERENTEM

PROPOSUIT

D. IOAN. GUIL. BAUMER,

PATHOL. THERAP. ET PHYSICES PROF.

§. I.

Quam in programme de electricitatis effectibus in corpore animali de casibus quibusdam exponendis fidem dedi, iam pro viribus firmaturus sum: dum actorum Acad. Electoralis collectio officii mei me admonet. Me quidem non fugit, viros eruditione clarissimos respectu huius medelae generis in diuersas ire sententias, aliis scilicet ei permultum attribuentibus, aliis vero exiguam spem in illud collocantibus. . Tantum abest, vt arbitri partes in hanc rem mihi deponcam; vt potius, ingenii mei imbellicitatis conscius, ad doctissimorum quorumque arbitrium rem ponderare, paratissimus sim. Promissis tamen staturus, non nisi ea in medium afferam, quae, experientia duce, cognoscere, & ex cognitis, inter se collatis, iudicando elicere mihi contingit; doctorum quorundam de hoc morbo sententiis breuiter summatisque annexis.

§. 2.

§. 2.

Literatus quidam, annum quadragesimum superans, motus hæmorrhoidales experiebatur. Sanguine autem exitum non habente, & transpiratione sub ioue pluuiæ simul cohibita, hemicrania corripiebatur. Rure degens, & medici consilium non expectans, balsamo SCHAUERI locum inungebat affectum, inuadentem incognitumque hostem pulsurus. Inclinata dein in frontem materia, dolore eius obtuso & ponderoso afficiebatur, tumore palpebrarum superiorum quoque accedente. Hic quidem nonnullis diebus post iterum disparuit, relicto tamen frontis pondere grauabili, frigoris in eodem sensu, & palpebrarum conspicuo lapsu, ita ut supercilia non solum descenderent, sed etiam superaccederet impotentia pro lubitu eadem mouendi. Per interualla, coelo in primis nubilo, & post potum, torpore palpebrae affligebantur insignique spasmo, sero acri ex oculis simul effluente. Sub tali statu renisus palpebrarum cutisque frontalis tantus erat, ut digitorum vi maxima nequirent attolli. Interdum tamen, aegrotante scilicet ex improviso in obiectum aliquod allidente, sermonem clara voce continuante, fidibus canente, diutius masticante, vel mane in lecto euigilante, oculus sinister sponte aperiiebatur, sed tantum conuiebat magis affectus. At post unum alterumue momentum redibat palpebrarum collapsus & impotentia mouendi.

§. 3.

§. 3.

Rebus tam misere comparatis, munerisque vices subire nequiens, consilia medicorum complurium, doctrina vsuque peritissimorum, flagitauit aeger. Hi partim in eandem, partim in diuersas medendi vias procedentes, nihil intactum reliquerunt, quidquid medicina aegrotantibus promittit. Sed vim medicamentorum morbi elusit pertinacia.

§. 4.

Hoc malo annum & nonnullos menses aetatus aeger, brevi ante solstitium hibernum consilium a me exquisiuit atque operam. Spe dubia ad morbum profligandum animum appuli, & nonnullos menses interne medicamentis resoluentibus, laxantibus, diaphoreticis atque tonicis, & externe resoluentibus & roborantibus, interpositis sanguinis ventilationibus, praescriptisque diaeta & regimine, in cassum pugnaui. Spe frustratus, animum ad cogitandum vltius institui, & mutato consilio, vim electricam in morbo adeo refractario tentandam esse, iudicaui. Quo autem res ex sententia succederet, & hoc medelae genus adhibita ratione atque industria applicaretur, aegrotantem hospitio inuitatum, vt quotidie aliquoties vi electrica vteretur, commonui.

§. 5.

Sub commotione electrica, per vices vnā alteramue horam continuata, scintillas in fronte

te & circa palpebras saepius elicere, non destitit. Quae nam igitur phaenomena sub hac medendi comparuerint methodo, nunc ordine & citra fictionem commemorabo singula. Vi electrica non nullos dies in usum vocata, pulso frigore, calor fronti redibat & palpebris. Spasms praeter ea eodem tempore paulatim mitigatis, superiores palpebrae frontisque cutis, digitorum ope, facillimo negotio sursum tolli poterant. Serum ex oculis viscidum profluebat largiter. Sudor in loco affecto primo viscidior, dein etiam in tota corporis superficie eliciebatur. Fronte & palpebris madentibus, scintillae attactu non aequae proliciebantur, quam antea.

§. 6.

Sub experimentis electricis oculi saepius atque diutius aperiebantur, quam ante haec consueverant, in primis si ex improviso aeger in loco affecto tangebatur ab adstantibus. Sudor noctu per inuisibilia cutis foramina copiose prosequabatur iter suum, & sensum scintillarum circa locum affectum experiebatur aeger, quasi quis illas de nouo excitaret data opera. Interdiu atmosphaera aegrotantis ingratum spargebat odorem, illi consimilem, qui obseruatur in quibusdam febre quartana laborantibus.

§. 7.

Excretio aluina, ante haec interdum cessans,

T

sans, nunc erat multo liberior, ita ut plerumque aluum bis quotidie deponeret. Sub ipso & quidem continuato electricitatis usu aliquoties profluxit sanguis ex vasis haemorrhoidalibus, & aegrotus luminis usu, annuente gratia diuina, iterum donatus, consuetas suas vires iam subire assolet. Dextra tamen palpebra non tam alte ut sinistra, inprimis coelo humido frigido, tollitur. Qua de causa consilium dedi, ut, comparata machina electrica, hoc auxilii genus, re exigente, repeteret, nec nouas morbi causas admitteret. Dicto obediens valetudine secunda fruitur, & haud ita pridem per literas sciscitanti respondit: Weil ich von andern Medicamenten keine Besserung gespürt; so habe ich weiter nichts, als meine electrische Machine, gebraucht, und ich kan mein Amt ohne die geringste Hindernis verrichten.

§. 8.

Morbo eiusque curatione enumeratis, nunc dispiciendum est, quanam ex allatis possint erui consequentiae. Quod de vniuersa medicinali arte praedicari potest, quod scil. vix. vlla perpetua praecepta recipiat, id quoque valet de vi electrica, non nisi relatiuum spondente auxilium. A vero igitur aberrare videntur, ab illa nullam sperandam esse salutem, qui contendunt acriter. Corporis praeparationem legitimamque applicandi modum ad salutarem plurimorum medicamentorum usum per mul-

multum facere, communi consensu affirmant periti artis medicae; eadem requiruntur a tentaturis vim electricam. .

§. 9.

In palpebrarum lapsu & affectibus consimilibus e. g. paralyticis, obstructionibus catarrhalibus frigidis prudens non susque deque habenda electricitatis applicatio. Partium solidarum elasticitatem, fluidarumque motum progressivum, adeoque motum in tota animali machina adauget vis electrica, & quidem pro diuersa subiectorum sensibilitate, varia connexorum ratione, diuersoque ipsius administrationis gradu; id quod experimentum Leidense & Parisiense extra dubitationis aleam ponunt. Prout vero ipse sanguinis circuitus variat, diuersimode etiam submittunt se arteriae & attollunt. Diuersus motuum producendorum gradus in electricitatis usu magis ab arbitrio medentis pendet, quam in multorum medicaminum usu. In quibusdam morbis chronicis, vim aliorum medicamentorum eludentibus, electricitas opem ferre potest admirabili efficacia.

§. 10.

Motus a vi electrica productus materiam viscidam stagnantem resoluit, stasesque aufert, fluiditate illi redita. Pellit frigoris materiae stagnanti debitum, partesque affectas

refocillat calore gratissimo. Eiusdem opera, materia peccante expulsa, sopiuntur spasmi, vitalis humorum affluxus liberque transitus per minima etiam vascula partibus redditur antea obstructis. Vasis apertis vi elastica agentibus, materia mobili motuique progressui obtemperante, multum iuuantur secretiones cum excretionibus: Ergo motus, vi electrica rationali modo productus, naturali non contrarius, sed potius est proficiuus, & hunc excitat languentem. Reliquas autem inter excretiones periphericam, seu vniuersalem, maxime elicit, ita vt etiam particulae solito viscidiores eliminantur sudoris beneficio. In morbis, motu nimio, humorum vitiosa resolutione, nimiaque excretionem vel viscerum laesione peccantibus & in obstructionibus cedere nesciis, damnum electricitatem inferre posse, vel me non monente, satis est perspicuum.

§. II.

Cum motus vniuersaliter auctus particulares excretionem quoque promoueat; non experientiae solum, verum etiam rationi videtur consentaneum, alui deiectiones, lotii excretionem, quid quod haemorrhagias naturales promoueri electricitatis beneficio in subiectis idoneis. Ex iisdem vero elucet rationibus, hoc medelae genus illis non conuenire, qui haemorrhagiis praeter naturam contingentibus e. g. haemoptysi, vomitui vel mictu cruento sunt obnoxii.

§. II.

§. 12.

Electricitatis effectus non sub ipsa solum experimenti administratione sese produnt, sed etiam post illam perdurant ad tempus notabile. Quemadmodum autem non ab vna alteraue dosi optimorum quorumcunque medicaminum expectari potest, vt aeger cum valetudine secunda actutum redeat in gratiam; sic diu saepe experimenta electrica, imprimis in morbis refractariis, continuanda sunt, antequam finem intentum possimus consequi. Nec electricitatis vtilitati quidquam detrahit, si, ex medentis inscitia, in morbis haud convenientibus in vsum vocatur, vel irrationali methodo, aut ex culpa aegrotantis, nouas morbi causas admittentis, salutaris nos destituit effectus.

§. 13.

Vis electrica per totum quidem corpus animale vim suam dimittit, hoc tamen non obstante, effectus in vna parte magis sese exerunt quam in altera. Crines lumen quidem spargunt, sed scintilla attactu prolecta obseruatur admodum debilis. Sanguis scintillas vibrat visui tactuique valde sensibiles; bilis adhuc vehementiores. Ossa permagnam electricitatis vim admittunt, tamquam corpora elastica. Os ex catena electrica pendens in loco, vbi tangebatur, scintillam spargebat & aliam in ipsa catena, vbi os erat contigua, ob-

seruavi eodem tempore. Nec dubito, nervos tamquam partes maxime sensibiles ab hoc naturae arcano valde ad motum incitari.

§. 14.

Super est, vt de morbo hoc iudicia veterum recentiorumque nonnulla attingam breuiter, alios etiam in malo hoc superando desudasse, omnemque lapidem, vt pateat, mouisse. Quale remedium Celsus l. 7. de medicina c. 7. n. 8. ex chirurgicis huic malo praescribat, neminem fugere arbitror. De eodem morbo Galenus l. 4. de loc. affect. c. 2. exponit suam sententiam. Varia eruditorum de indole & curatione huius morbi iudicia collegit B. T. von Güldenkle in epistolis & consiliis medicorum p. 3. vbi quid LAZ. RIVERIUS, PETRUS SANCHIUS, Professores Monspel. IOH. MICHAELIS Prof. Lips. & WERNERUS ROLFINCKIUS Prof. Ien. de hoc malo senserunt, vberius exponitur. In hoc autem illorum conspirant sententiae, quod sit affectus paralyticus a materia stagnante trahens originem, multumque faceffens operae, curationisque spem relinquens paucissimam.

§. 15.

D. I. Allen in synopsis medic. pract. c. 10. p. 83. append. Atonia ton blepharon est affectus, inquit, palpebrae superioris ex impotentia musculi attollentis ortus, & malum prorsus incurabile; neque curatio sectione, vt nonnulli

nulli suadent, tentanda est; ne grauius malum, nempe Lagophthalmia arcessatur. Licet autem, me iudice, hoc malum operatione circumspecta possit praecaueri; attamen non video, quo modo hac via musculi eleuantis resolutio, vel saltem insignis debilitatio, remoueatur. Vt taceam dolorificum operationis modum, quem aegrotantium plerique respuunt.

§. 16.

Cel. 10. ZACH. PLATNERUS in chirurgiae rationalis institutionibus hoc vitium, inquit, oritur, si musculus ille, quo superior palpebra tollitur, resolutus vel transuersa plaga dissectus est, cui malo iam a vetustissimis auctoribus inuenta curatio, qua cutis, quae in palpebra abundare videtur, exciditur & glutinatur. Si oculus aperiri nequit, quia musculus resolutus est; expedit, prius imponere medicamenta roborantia, linimenta ex spiritu expressa & his superdare saccellos ex herbis roborantibus. Si haec parum proficiunt, experiendae catharides sunt; minimum enim emplastrum ex iis compositum, imponi potest mediae palpebrae. Cel. BOERHAAVE in tract. de morbis oculorum p. 11. rem ita proponit: lapsus ille dicitur, cum palpebra eo usque laxata & adeo elongata est; ut actione musculi eleuantis palpebram ita eleuari non possit, uti alterius oculi palpebra, neque totus oculus nunc detegatur, vnde aliquando caecitas fit;

nisi palpebra manu continuo eleuetur. Vitium hocce non pendet a paralyfi palpebrarum, quae non mouentur, sed a fibrarum laxitate. Idem in hoc malo commendat operationem chirurgicam.

§. 17.

His in medium positis, tuum B. L. iudicium facio, an vis electrica, cum grano salis adhibita, in praxi clinica locum habeat, an sit exigenda potius. Ad meam sententiam corroborandam alium casum breuissimis adhuc subiuncturus sum, ex quo operae in illa adhibenda constabit fuisse pretium. Mulier quaedam triginta annorum, cum affectibus arthriticis diu multumque conflictata, ita, vt super articulos ex callo quaedam innascerentur tubercula, & manuum genuumque subsequeretur ancylosis, adeo inueterato laborauit morbo, vt neque manus neque pedes officium suum satis facerent.

Huic post medicamentorum resoluentium & euacuantium vsum satis diu continuatum, cum non satis voto responderet curatio; electricitate vt vteretur, praecepi bono omine. Nec spe frustratus sum, morbo enim superato, pro lubitu incedere manusque mouere potest.

Oleo animali DIPPELII insuper resolutae disparuerunt collectiones istae topheae.



DE
OLEO ANIMALI DIPPELII,
MORBOQUE COMITIALI OBSER-
VATIONES QUÆDAM,

A

D. IOAN. GUIL. BAUMER
PROPOSITAE.

§. I.

Quod de methodo, oleum animale DIPPE-
LII destillatione purificandi, auctores
paululum inter se dissentiant, res est in-
ter eruditos notissima: alii enim, ad inuen-
toris exemplum, illud sibi relictum destil-
latione multoties repetita depurant. Alii
ex labore toties reiterando taedium capien-
tes, additione C. C. vsti; calcis, capitis
mort. vitriol. salis alcalici, aquae aliorum-
que viam depurandi ingrediuntur compen-
diariam. Oleum tamen pro additamenti
diuersitate variam adsciscere indolem, nonnul-
li vltro perhibent. Mutato etiam saepius va-
se recipiente, citius obtineri oleum limpidum
atque pellucidum, eundemque conseruari co-
lorem in vasculis vitreis minoribus ad sum-
mum vsque impletis, probeque, vt aeris ac-
cessus arceatur, obthuratis, experientia com-
probat.

T 5

§. 2

§. 2.

In praxi clinica obseruauī, illud quod per se multoties destillando depurgatum, & ab aëris accessione colorisque mutatione defensum, tam in vsu externo quam interno esse præstantissimum. Odorem spargit aromaticum. Satisque gratum. Saporem præstat penetrantem, aromaticum, dulcem; quod de minus depurato non æque affirmari poterit. Hoc nauseam, & in nonnullis vomitum, somnumque vigilia vel anxiis insomniis interruptum excitat. Illud vero placidum solitoque diuturniorem somnum inuitat, largo sudore non raro subsequente.

§. 3.

Post morbos arthriticos ex callo super articulos nata tubercula oleo animali externe illito sæpius abstuli. Exostoses tres ossis frontalis dimidiam partem nucis iuglandis magnitudine æquantes, quarumque vna exulcerata fuit, in femina quadam, nonnullos annos hoc malo mactata, sat cito, vt penitus disparerent, eodem effeci remedio, coniunctis tamen interne medicamentis resoluentibus atque euacuantibus. In topho radii & tibiae multo maiori in alia femina resolutionis effectum quoque vidi expectatissimum. Hoc tamen cum discrimine, vt oleum limpidum multum illo deprehenderetur efficacius, quod, propter aeris accessum, ex albo pellu-

pellucido in subrubrum, fuscum vel prorsus nigricantem colorem degenerauerat-

§. 4-

In indurationibus glandularum recentibus hoc medicamen auxilium adfert promptissimum, id quod in puerpera vidi, cuius mamma, post sinistram inflammationis tractationem, induruerat, sed intra nonnullos dies statum recuperauerat pristinum. Longe autem aliter se res habet in glandularum inueteratis tumoribus, valde enim pertinaces sunt & vim medicamentorum internorum & externorum resolutoriam vt plurimum eludunt; id quod in parotide sinistra, & glandulis WARTHONIANIS diu multumque obthuratis virginis cuiusdam vidi, oleum animale externe & resoluentia nec non euacuantia interne assumpta eludentibus: tumor enim paululum quidem mollior, sed & maior factus fuerat, vt opus esset operatione chirurgica.

§. 5.

In mammis quarundam virginum, ante male menstruatarum, paruas obseruavi glandularum indurationes, pisum vel nucem aequalan aequantes magnitudine. Hae quidem vsu laudati olei, subiunctis emmenagogis resoluentibusque medicaminibus, multo minores & vix tactui sensibiles factae sunt, sed circa tempus sufficientis etiam fluxus menstrui, apparuerunt iterum, veteremque propemodum

dum acquisiuerunt magnitudinem. In vicibus chronicis labia callosa ab olei animalis usu externo disparent, vt, propter nouum combuſtionem, admittant consolidationem.

§. 6.

Quid in epilepsia ab hoc medicamento sit expectandum, tentavi aliquoties, & vnum alterumue casum in medium afferre libitum est. Inter adminicula, quae recte specificis praemitti solent, generalia, venaeſectionem perutilem vidi nec non laxantia, in multis enim accessiones rariores breuioresque vel sanguinis missione vel alui subductione factae sunt, prout scilicet alterutrius vsum causae suadebat diuersitas.

§. 7.

His medicamentis generalibus & dosi olei animalis vnica XXVIII annorum iuueni, binos annos, post graue corpori admissum frigus, epilepsia laboranti periodica, efficacem medelam attuli. In huius pollice dextro venientis accessions tempus praesentiebatur accuratissime. In duabus puellis fluxus menstrui emissionem laborantibus emmenagoga cum oleo animali auxilium attulerunt firmissimum.

§. 8.

A scabie retropulsa aliquoties morbum comitalem ortum fuisse, expertus sum. v. c. in XIV annorum puero & duodeuigesimum annum

num agente virgine. In illo elapsis annis quatuor, post vsum decocti rasurae ligni Guaiaci, Sulph. Antimon. Aurat. & olei nostri, scabies redibat cum accessionum mitigatione notabili. In hac, praeter morbum maiorem, scabies male tractata in scenam produxit visus habetudinem. Generalium & olei animalis vsus adeo accessiones coercuit, vt vix per annum semel vel bis comparuerint. Rite quidem interea semper fluxerunt menstrua, haec vero sub ipso fluxu suppressa ab improvide admissio frigore, integrum annum quiescentem paroxysmum arcesserunt grauissimum. Qui, post efficacem emmenagogorum & olei animalis vsum, per hos sex menses iterum nouas turbas mouere destitit. Quod autem ab accessionibus edoctus fui praeteritis, venaesectionem in plethorica vltra tres quatuorue menses vix differre licitum est. Somnus profundissimus partiumque extremarum dormienti accidentis spasmi certissimum, sanguinis mittendi tempus esse, praesagium constituunt; id nisi fiat, noua accessio breui sine dubio illam occupat. Peracta autem ventilatione sanguinis, somnus naturalis redit, & spasmi cum nouo accessionis metu disparent.

§. 9.

In puellula sex annos nata morbus comitialis a graui terrore originem duxerat, humi enim iacentem equus currens transilauerat, ita
tamen

citer. Lectulo mandatum infuso theae tepido & Essentia Scordii atque Vincetoxici ad diapnoën disposui. Proxima nocte totum occupat obfidebatur porrigine, & morbus nullum sui per integros hos quinque annos reliquit vestigium.

§. 12.

Noctu paroxysmi epilepticorum frequentiores sunt quam interdiu. Aliis citius, aliis tardius accessiones redeunt. Alii paroxysmos breues tantum sentiunt, alii mactantur multo grauioribus. Sub horum insigni mitigatione spes curationis non vana affulget. Quidam subito concidunt, nullo signo praemoniti. Alii in parte quadam corporis instantem praesentiunt accessionem. In quibusdam morbus est periodicus, in aliis ordine caret omni. Nonnulli facultatum mentis detrimentum capiunt, quos scilicet morbus grauior & longus torquet. Alii, in quibus ratione contraria se habet, mentem serenam retinent; si breue tempus excipias post accessionem. Diuersae motuum epilepticorum sunt causae antecedentes, nec aer intestinis crassus inclusus, vt Cl. quidam Doctor Medicus affirmat, causa proxima semper esse videtur.

§. 13.

Denique meminisse iuuabit, iuuenem vigesimo tertio aetatis anno emprosthotono sub cursu

curſu incitato correptum fuiſſe. Acceſſio huius morbi integrum iam decennium ſingulis menſibus ſemel, interdum etiam bis, rediens drama ſequens luſit: ingruente paroxyſmo, ſe Moſchi odorem naribus attrahere, terram coaceruari, lapidesque ſubſtratos ſaltare, ipſi videtur. Humum procidens & antrorſum incuruatus capite ad alterutrum latus reclinato, internis aequae ac externis priuatur ſenſationibus. In tali ſitu per horae quadrantem detento mens redit, cum frigoris ſenſu, aequae diu durante. Hoc excipit inſignis laſſitudo ſomnusque bihorium continuatus. Praemiſſis medicamentis generalibus, ſanguinisque ventilatione inſtituta, oleum animale ſumere iuſſi. Veſpere bis vomebat, et integram noctem ad ſummum mane ſomno explens, largum in toto corpore, cum primis autem in facie, ſudorem experiebatur. Sequentē die hora octaua matutina febris totum corpus afficiebat, incipiens ab horrore, dimidium horae durante, deinde calor erupit ſumens horam integram, cephalalgia ſimul coniuncta. Finita febre, ſudor, oris exulceratio ſequebantur & vnus dies integer. Tercio die febris hora ſeptima, quinto hora ſexta matutina eodem modo reuertebatur, & hoc die finiebatur ſub uſu medicamentorum febrilium. Paroxyſmus morbi praeteriti ultra conſuetum tempus ceſſans, admiſſo regiminis & diaetae vitio rediit quidem, ſed multo mitior,

tior, & nunc vsus docebit, an repetita medicamina dirum hunc hostem prorsus profligatura sint.

EMBRYONIS OSSA
PER. MULIEBRIA CUM FECIBUS
ALVINIS EXCRETA

OBSERVAVIT
D. IOAN. GUIL. BAUMER.

Ossa embryonis per aluum interdum excerni, ill. Eques I. S. WINTHRÖP, Cl. I. SIMON, Cl. Littre aliique literati passim annotarunt. Cum autem eiusmodi casus non adeo frequenter occurrant; illum qui se in praxi clinica mihi obtulit, breuibus enarrabo: Mulier quaedam temperamenti melancholici annumque quadragesimum primum agens, sanguinis ventilatione nonnullos annos neglecta, pedum dolore & tumore inflammatorio laborauit. Huic paulo post accesserunt hypochondrii sinistri dolor acerbus, febris inflammatoria & purpura alba. Morbo acuto superato, dolorificus ille lateris sinistri sensus ad obitum vsque recrudit per certa temporis interualla. Anno aetatis quadragesimo secundo menstrua fluere cessarunt, sed illorum loco ora vasorum sanguiferorum intestini recti sub excretionem aluina quotidie sanguinem fuderunt.

derunt. Praeter sanguinem finctum, etiam materia loturam carniū aemulans, nec non gelatinosa alba, per vices in conspectum prodierunt. Talis morbi per integrum annum erat conditio. Postea non sub alui, tardius officium suum facientis, depositione solum, verum etiam praeter illam, materia profluxit mucida, viribus corporis interea languentibus, eiusque contabescencia defectuque caloris augmentum fumentibus. Sex mensibus iterum elapsis, fragorem insignem, in imo ventre contingentem, percipiebat; quo facto, excrementa aluina per muliebria effluebant quotidie. Orificio intestini recti indies arctius contracto, cum ponderis sensu molestique tenesmi, per illud nonnisi parum materiae mucidae acris atque foetidae excernebat. Durante bimestri tempore proxime elapso, fecibus aluinis admixta fragmenta foetidissima ossium cariosorum & vertebrae embryonis ex genitalibus prodierunt. Hae pisum magnitudine superabant. Fragmenta haec ossia calculorum concrementa esse arbitrans, aniculae cuiusdam suasu, contusa, medicamento lithontriptici loco, deglutiuit. Reliqua autem postea excreta poscenti mihi cognoscenda asseruandaque tradidit. Vna alteraue hebdomade ante extrema, quo scilicet tempore ad auxilium ferendum arcessitus fueram, praeter consueta hecticæ determinatae symptomata, de tumore circa os sacrum et intestini recti orificium,

cium, sensuque tensorio et quam maxime dolorifico perinaei, adeo extensi, ut diruptionem timeret, querebatur; quae forte ossibus embryonis maioribus, exitum haud inuenientibus, adscribenda fuerunt. Nec operationem chirurgicam admittere voluit, nec ob summam corporis emaciati debilitatem illi ferendae par videbatur. Paucis diebus elapsis, & in statu conclamato medicamentis in cassum adhibitis, miseram, quam ducebat vitam, cum morte, toties exoptata diuque expectata, commutauit.



CONSTITUTIO
EPIDEMICA

△
FINE AUTUMNI ANNI MDCCLIV IN VER VSQUE
ANNI MDCCLV,

MOGUNTIAE OBSERVATA

△
CAROLO STRACKIO,
M. D.

EMIN. ELECT. MOGUNT. A CONSILIIS IUDICII
AULICI, ACAD. ELECT. SOCIO.

*Verumque est, ad ipsam curandi rationem nihil
plus conferre, quam experientiam*

AUR. CORN. CELSUS DE MEDICINA LIB. I.
IN PRÆFATIONE.

Si medici in ipsa morborum curatione paulo magis obseruationibus dediti essent; emolumenti plus Reipublicae afferrent.

Hac agendi ratione modoque HIPPOCRATEM COUM artem sanandi perfectam adeo reddidisse, vt orthodoxorum medicorum princeps merito habeatur; itaque certas illum posuisse regulas, secundum quas morbos curare liceat, commodumque, quod inde est, multiplicasse, nomenque suum semper colendum reliquisse, nunquam satis repeti inculcarique potest.

Hac ipsa industria, vt notum est, alter superioris saeculi HIPPOCRATES SYDENHAMIUS, testas multorum morborum causas & genium detexit, noua malorum genera dilucidauit, qua ratione eisdem medendum sit, docuit; atque mala, quae a morbi indole sunt, & quae ab aduersa medendi methodo fieri queunt, optime diiudicauit: duplici vero hac ratione Auctor est, vt innumeri post illum homines sani saluique reddantur.

In scholis, & dum Tyrones salutarem artem addiscimus, iis rebus paulo magis adhaerescimus, quae maxime splendent, mentem suauiter fallunt, disputandi libidini potissimum fauent, atque hypothesibus ludere concedunt. Iusto quoque maiorem fidem artis nostrae praeceptoribus saepe damus; potissimum vero, si hosmet ipsos aut popularis rumor commendauit, aut horum praecepta eruditionis
fucus

fucus ornauit, ea tum sancta, nec quidquam falsa, putamus. Morbum ex signis facile nosse, auertere quidquid malorum inde fieri possit, iplique morbo mederi, res parui momenti, nec ardui laboris esse nobis videtur. Verum dum aegroti lectulo assidemus; tristes miramur, saepe morborum indolem cum hypothesium nostrarum luxurie nequaquam conuenire, eandemque artis nostrae iussibus neutiquam obtemperare.

Non equidem medicam artem vsu tantum addiscendam velim: sed omnem potius industriam in id (praecipue vero in Anatomicam & Mechanicam) impendendam reor, quidquid ad scientiam, remque medicam conferre potest: quo melius morborum causae pernosci possint, iisdemque secundo pharmaco obuiam ire liceat. Namque: *Cuius autem rei non est certa notitia, eius opinio certum reperire remedium non potest.* * Sed velim potius, ut praeuiis his scientiis bene imbuti medici, si non toti, multi tamen sint in obseruandis iis, quae circa morbos sunt: eo quod horum non pauca saepe sunt, quae a communi doctorum sententia, atque a vulgari opinione longissime ab sunt; nec theoriae praeeptis obtemperant; sed pro quibus ipsam curandi methodum flectere fas est; quaeque omnem saepe in ipsa curatione lucem praefereunt; atque ipretis quibus,

U 4

* Aur. Corb. Celsus de med. Lib. I. in praefat.

bus, nec bene peruestigatis, aeger saepe moritur inuito atque inscio medico.

Hanc autem bene obseruandi facultatem non nisi omni industria habemus studioque in id, quod vel minimum in morbis esse potest; certumque est, ad ipsam obseruandi artem nihil plus conferre, quam ipsam obseruationum frequentiam.

Hac in re antiquissimus olim HIPPOCRATES omnes, quotquot hucusque erant, medicos longe superauit: & a superiori saeculo ad nos vsque hac arte pauci ad SYDENHAMIIUM accesserunt. Atque ideo maiores aliis fuerunt medici: horumque scripta vera sunt, aeternaque erunt.

Verum si vnquam, certe tum omni opus est in obseruando industria studioque, vbi nouus morbus est. Nam cum idem veteranis exercitatusque medicis nouus plane, ignotusque est; eius certum reperiri remedium non potest, antequam huiusgenius, & indoles (non absque priorum aegrotantium saepe damno) nota atque perspecta sit. *Vita breuis, ars longa, tempus praeceps, experimentum periculosum, iudicium difficile sunt.**

Sunt morbi populares noui, & ignoti plane: sunt quoque populares morbi noti, qui certo anni tempore saepe esse solent: sunt denique communes, familiaresque morbi; ve-

* HIPPOCRAT. Lib. Aphor. Sect. I. A.

rum qui, communi licet larua inter se conuenire videantur, testa tamen, atque singulari indole multum a se discrepant.

De posterioribus his ea, quae hac hyeme obseruare licuit, iam describere iuuat. Et licet hic labor, hocque opus plurimum conferre non videatur, idem tamen non inutile plane esse reor.

Qui epidemicos morbos describere aggreditur, omnes is æris tempestatumque vicissitudines notare solet. Hoc equidem ego (non infiteor) neutiquam egi: tum quia gerendarum rerum & aegrorum multitudo ita agere negarunt; tum vero praecipue, quod morbum esse epidemicum nescimus prius, quam horum plures agitandos habuerimus; interea dum & temporis, & prioris tempestatis plus transiuit. Verum tamen nec nobis tantum, sed omnibus notum est; variam fine autumni, hacque hyeme & mutatam saepe fuisse æris temperiem; post multos longosque imbres ingens fuisse frigus; paulo dein post tempestatem fuisse perhumidam; tum vero ab hac diu multumque fuisse frigoris. Erat praeterea nix plurima, summumque frigus. Paucis post haec diebus benignior aura niuem colliquefecit; subitoque summum frigus, quidquid niuis in aquam fusum fuerat; in glaciem durissimam redegit. Sic, ut multa fuerit tempestatis humidae benigniorisque & frigidae siccaeque vicissitudo.

Populæres hoc tempore morbi erant *Catarrhus*, *Arthritis vaga*, *uteri Haemorrhagia*,
 • *Erysipelas*, *Tabes* atque *Icterus*. Hos ego, quo
 fuerunt, ordine proponam

CATARRHUS. Fine superioris Autumni tem-
 pestas erat humida, quam summum fri-
 gus excepit; quod tantum, quantum
 Anno 1740. aut Anno 1709. fuerat, esse
 videbatur. Breue hoc fuit frigus, 24
 scilicet horarum, quod densa nebula mi-
 tius factum est. Hac tempestate, hoc-
 que anni tempore, licet multae, more
 solito, fuissent pleuritides, erat tamen *Catarrhus*
 communis omnino, perquam
 difficilis, & maxime longus. Quibus
 foris gerendarum rerum causa tussis nul-
 li curae erat, hi 4 aut 5 mēsium spa-
 tio acriter tussierunt. Qui vero domi
 erant, hos eadem fere tussis adficiebat.
 Quique pharmacis vti sunt, his ea nulli
 praesidio erant. Fuerunt, qui se phthi-
 licos ideo putarent. Neque ab his, quo-
 rum guttur oleo Amygdalarum, sper-
 mate ceti, canis axungia, pro malo &
 antiquo medendi modo, probe inun-
 ctum fuit, *Catarrhus* facile promoueri
 potuit.

Observando attigi, a vino ut ut generoso
 vetustoque plus tussis fuisse; hosque, quibus
 altior, maiorque fuit concio, acrius tussisse.
 Nonnullos vero e pectore multum doluisse.

Erat

Erat autem tussis diu sicca, antequam phlegmatis quidquam redditum fuit. Neque ipsa siccandi facultas leuaminis multum attulit.

Iussi aegros diaeta tenui vti: nec nisi iura cum hordeo, oriza, aut auena, aut radicibus cocta esse, per me licuit. Horum potus erat cocta cum aqua Althaea, tussilago, hederæ terrestres herba, & papaueris erratici flores cum melle multo mista. Praeterea dilutas, cum destillata aqua Oxymellis vncias duas, Syrupum Althaeae, & kermes mineralis grana tria quotidie partitis vicibus sumenda volui. His vero, quibus febris vesperi erat, indies Nitri drachmam addidi.

Posteaquam igitur haec diu sumta fuissent, prodiit tandem post dies 14. sputum multum, graue, flauum, atque coctum. Verum neque hoc (secus ac in familiari catarrho esse solet) vel minimum leuaminis attulit. Et licet his ipsis pharmacis haec sputi copia multa diu fuerit, eandemque addito Olibano, floribus benzoes, puluere radices squillae & bulbi ari plurimam esse voluissem; fuit nihilominus 8. ioue septimanis eadem & tussis diuturnitas, & pertinacia. Nisi quod febris, quae antea vesperi fuerat, nunc nulla esset.

Hi aegri, priusquam sputi quidquam reddere potuissent, diu, multumque sicca tussi vexabantur. Horum quoque nonnullis vana pridie erat tussis, atque postridie, sputum tussiendo reddiderunt. Has tussis vexas
gummi

gummi tragacanthae mucilago nec lenire potuit, nec cynoglossi pilulae sopire.

Pertinacia huius catarrhi, qua omnem usque huc medicinam vanam reddiderat, & quod ingens sputi copia nullum tamen leuamen attulerat, ad credendum me adduxerunt, mucum non laryngi, pulmonique solis inhaerere, sed omni vniuersi corporis sanguinis massae inesse; eundemque inde ad pulmones circulando afferri; ibidemque separari, atque tussiendo, screandoque reddi. Perinde ac in Peripneumonia notha esse consuevit.

Quare aegrorum quibusdam venam secari iussi, istorumque sanguinem vidi foedum, glutinosum; quasi gelatina carniū esset; sic ut missus ē vena eorum est, qui aut Peripneumonia notha aut Chlorosi laborant. Imo & quorum sanguis olim, dum sani erant, belle rutilus fuerat; horum is, cum catarrho laborassent, nunc ita glutinosus, decolorque erat. Praeterea obseruando attigi, dolorem, qui quorundam pectus occupabat, subito a venae sectione euanuisse; id quod etiam in me ipso expertus sum.

Cum igitur certam esse sententiam meam nouissem; iussi aegros solutas Mannae uncias tres quinto aut sexto quouis die bibere: quois nimium mucum & sanguinis massa ad intestina non deriuarem tantum, sed & eundem his ipsis quodammodo dissoluerem: notum namque est, partem catharticonum in ipsa corporis

ris interiora intrare. Hanc ipsam ob causam tres tantum Mannae vncias, nec plus, propinaui; ne soluta nimium aluo omne pharmacum cito elaberetur; sed vt paulo diutius corpori inhaerens dissolueret plus, quam purgaret.

Haec medendi ratio fausta omnino fuit; namque inde sputi plus, idque maxime facile fuit. Neque timui hocce laxans in ipso fere morbi principio dare; modo a paucis iam diebus sputi quidquam redditum esset.

Atque sic longum hoc & pertinax Catharri genus facile citoque 14 intra dies medicabile fuit. Quibus autem alia Medicina fuit, hi ver tussiendo attigerunt. Erantque multi, qui tussientes aestatem expectarunt, spe, miti hoc anni tempore coeli clementiam praesidio fore, quibus nullum a medicina iuuamen erat.

ARTHRITIS VAGA. Hoc ipso anni tempore, & quamdiu hyems erat, multi laborabant Arthritide vaga. Saepissime dolor a coxendice & crure initium duxit. Quorundam membra dolor cito pertransiuit, rediitque. Multorum vero artus idem diutius occupauit. Maxime autem diutiusque (atque hoc omnibus fere aegris commune fuit) ibi dolor saeuuit, vnde ortus est. Quorundam (verum paucorum) caput dolor scandit, ibidemque maxime saeuuit;
sic

fic vt aegri non longe a nervorum distentionibus abesse viderentur. Quorum vero pectus occupavit, his difficilis erat spiritus; peiusque se habuerunt, ac qui vera pleuritide laborant. Dum vero cruciatus in imum ventrem descendit, saevius ibidem erat dolor colicus.

Fine hyemis hoc tormenti genus exultatum iuit. Nec nisi perpauci erant, qui proximo vere ita vexabantur.

Praesidio fuit decoctum lignorum largiter epotum, & comesta mane vesperique antimonii crudi puluerisati grana octo.

HAEMORRHAGIA VTERI. Initio hyemis, & posteaquam a pluuiis superioris autumnii coelo tempestas perfrigida subito fuisset, crebra erat foemineo sexui uteri Haemorrhagia. Haec non iuencas solum, quibus pro more parca fuerant catamenia, occupavit: sed & has, quae quadragesimum annum aetate superarunt, & quibus menstruus sanguis esse desiit, aut rarior fuit. Quin sexagenariae tum sanguinis tantum reddiderunt, quantum iuvenes plethoricae quot mensibus stillare consuecunt. Mulier supra septuagesimum aetatis annum debilis decubuit, eo quod eiusdem vterus sanguinis nimium effudit. Et Anus, quae octuagesimum secundum annum aetate

aetate attigit, multum sanguinis vtero redidit.

Quae ita se habebant, decubuerunt tribus, & quatuor septimanis, non raro etiam diutius: erant viribus fractae; pulsus vero freuens. Praesidio fuerunt medicamenta regerantia, narcotica, & summa corporis ius.

ABES. A fine autumnus, totaque hyeme in ver usque multi occurrebant tabidi, quorum viscera integra non erant. Mali fomes in imo ventre fuit, unde & ortum duxit, & potissimum seculi prodidit. Dura erant hisce viscera, praecipue autem iecur. Multis cutis liuida, flauiorue. Hos febris impetebat continua, vesperi exandescens. Flauorum vrina erat rubra, facile putrescens. Quorum vero cutis color liuidus, siue plumbi instar erat; hi pallidum, turbidumque minxere lotium, quod foetens pus praecipitauit. Verum quorum viscera obstructa esse non tactu, sed coniectura affecti sumus, hi multum muci & alui & vrina & saepe vomitu reddiderunt. Omnes hi carnes maxime nausearunt; nec ullus saluatus est: & qui fine hyemis male se habere inceperunt, hi vere recti obambularunt, & aestate mortui sunt. Omnes, quotquot erant, mor-

morbus iugulauit; quidquid acidum est, his leuamini fuit, non Medicinae.

Non longe a recto aberit, qui asseuerabit, perhumida haec autumnī tempestate omnes vniuersi corporis fibrasita laxas redditasuisse; vt impares inde fuerint, serum in sanguinem conuertendo, aut suam sanguini densitatem conseruando: sed mucum potius sic factum fuisse. Hunc vero ipsum mucum (cum constrictis subito frigore fibris vasisque ad pectus ascendisset) catarrhum generasse: Tabem vero, dum idem mucus viscera occupasset: hac vero fibrarum laxitate locum nimis humoribus concessum fuisse, queis vteri quoque vasa intumere. Itaque, dum vniuersum corpus summo frigore constrictum erat, ipsa simul compressa vteri vasa liquidum abundantius plorasse.

ICTERVS. A media hyeme in ver vsque medium multi Aurigine tincti sunt. Horum plurimi quibusdam diebus frigerunt, incalueruntque; antequam flauī facti essent. Quosdam vero tum demum Icterus occupauit, dum priori morbo, febrique liberi, erecte obambulantes, saluos se existimabant.

Fuit hoc morbi genus familiare magis foeminis quam Viris.

Secundam valetudinem facile his reddidit Medicina acida, refrigerans; Nitrum, sal polychrestus, terra foliata tartari, Roob ribesiorum,

rum, acetum destillatum vini, mixta cum aqua stillatitia. Horum potui additum fuit oxymel. Diaeta erat tenuis, & aluus saepe laxa purgante sale medio.

ERYSIPELAS. A medio hyemis in ver vsque frequens erat Erysipelas; quod, si suppuratum non fuit, mortem attulit.

Non erat haec inflammatio communis ordinis, sed metastasis materiae morbosae; quam qui resolvere aut retroagere studuit, aegrum iugulauit. Quin, si forte intus reuersa sponte fuisset, omni eandem studio atque labore ad exteriora reuocare fas erat; ad saluandam aegroti vitam.

Occupauit autem haec inflammatio, labia, fauces, guttur, faciem, inguina, pedes, atque manus.

Horum aegrorum plurimis erant exanthemata ad oris labia. Multorum quoque faciem eadem occuparunt. Quibusdam vero erant ambustiones ad pedes; nec nisi in vnus aegri inguen mala haec materies descendit.

Omnibus his aegris primum multumque fuit frigus, post quod magnus calor accensus est, qui biduo, triduoue magis excandescens vagis saepe horroribus interstinctus fuit. Tum rubor visus est ad labia, indeque refrigerium, atque leuamen erat. Atque prout labiorum vlcera suppurarunt, ea ratione modoque secunda rediit valetudo.

Quorundam in collo malum prima posuit fundamenta; febrimque, quae maxime exarsit, accendit. Altero vero die labia Exanthematibus floruerunt; atque angina (vix horribilis eadem fuerit) subito euauit.

Haec morbi materia, nisi suppurando foras effusa, sed intus reuersa esset, aegro febrim ardentem reddidit; eundem conuulsionibus agitauit, atque praecipitauit: nisi forte (namque in hoc vnica salutis spes erat) eadem ad externas corporis partes denuo delata fuisset, ibidemque vlcerano effusa.

Vir 50 annos natus friguit, & paulo post incaluit; erat ei febris, quae magis magisque exardescens triduo eundem lectulo affixerat. Visa est 4to die in pede dextro & sinistra manu rubedo; quae indies assurgens intumuit, & qua aeger doluit: verum & nunc aeger bene habuit, e lecto surrexit, atque e foco sedit.

Huic tumori inflammato imposuit medicamenta repellentia Empirius. Euanit itaque & rubor & tumor: aegerque aegrior factus est medendo.

Namque subito maxime intumuit, doluitque scrotum. Inde malum in imum ventrem ascendit; atque scrotum, quod iam concidit, deseruit. Dira erant aliquamdiu in abdomine tormenta. Tandem altius scandens malum pectus impetiuit; atque omnem fere spirandi facultatem praecepit. Denique caput occupauit; idemque dextrorsum conuulsus est;
illuc

illuc quoque versi sunt oculi, & rigida inferior maxilla dentes dentibus ita apposuit, vt eosdem nullo molimine ab inuicem diducere licuisset. Interea, a quo tempore intus reuersa est morbi materies, erat febris ardens.

Nec venae sectione, nec refrigerantibus pharmacis, nec decocto emolliente calor potuit temperari; neque emplastris velicantibus, nec impositis supra primam mali sedem acribus cataplasmatibus morbi materies foras reuocari. Altera equidem, post hanc medendi methodum operamque, die, nullae amplius erant conuulsiones; verum paralyticus e sinistro corporis latere factus acger, mortuusque est.

Quamdiu maligna haec materies sanguini inhaeret, tamdiu frigent prius aegri, posteaque calent. Quae si morbi causa ad externas corporis partes delata est, omnis abest febris. Verum si haec ipsa materies denuo introuertitur, fit nouum denique frigus; post hoc calor nouus; & denuo febris; eademque tam diu ardet, quamdiu haec ipsa materies denuo sanguini inest; nec est febris finis prius, quam omnis mali fomes exteriora occupet. Atque haec & morbi & bonae valetudinis altercatio toties erit, quoties haec ipsa materies nunc ad exteriora migrat, nunc intus reuertitur.

Mulier sexagenaria friguit primum, tum ncaluit, sitiuit, & cibos nauseauit. 24, ab his, horis prodiit in gena dextra macula rubra

magnitudine maioris monetae argenteae; nunc bene habuit mulier; erat ei denuo edendi desiderium, atque e lecto surrexit. Altero, post hunc, die euauit rubor; & mulier tum aequè male se habuit, ac primo die. Demum altera vice prodit ibidem haec macula rubra, sed paulo propius ad auriculam: atque & nunc denuo optime se habuit mulier. Medicamenta sudorem elicientia nec potuerant hanc materiam magis promouere, nec rubedinem cuti altius firmiterque infigere. Namque omnis denuo euauit rubor, & maligna materia in sanguinem reuersa est; atque iterum iterumque mulier pessime aegrotauit. Tandem prodit haec materia, atque rubedo ad nucham: atque iterum more solito bene habuit aegra. Ne vero malum diutius nos luderet, iussi subito Emplastrum vesicatorium parti inflammatae imponi; quo pus factum, quidquid mali erat, suppurando eliminatum est, & secunda rediit valetudo.

Est ubi partitis vicibus haec morbi materies ad cutim defertur, ibidemque saepe suppurando eliminatur. Atque his aegris continua est febris, quae noua semper deposita materia magis excandescit.

Ita puerum 16 annorum vidi, qui 14 dierum spatio febre laborabat, quae quot diebus exacerbata fuit, deposita scilicet noua indies ad faciem materia, ibidemque toties exulcerata.

Crede-

Credere fas est, materiam hanc esse pessimae sane indolis, & pestiferam plane; cum, ut ut exiguae molis eadem sit, malignum tamen morbum causet, mortemque minetur.

Faeminae 54 annos natae superius oris labium subito intumuit. Ita a summo frigore, in quo aliquamdiu mulier versabatur, esse putabat. Quare accensi mastichis fumo labium calefecit; quod & facile concidit. Duabus post haec diebus friguit mulier, deinde incaluit; eratque ei febris magna. Huic secta est vena; data sunt medicamenta refrigerantia; & magnum subito acreque emplastrum vesicatorium nuchae applicatum est, quo malignam materiam foras reuocare liceret.

Calor interea, reliquaque, quae circa febrim esse solent, symptomata creuerunt; eratque aegra delira. Die tandem septima idem superius labium denuo intumuit, rubuitque exanthemate, subitoque ita erat aegrae & recta mens, & corpus sanum.

Notandum autem, nec minus mirandum simul est; haec exanthemata cum maxime & floruiscent; & exulcerata essent, non nisi tria lini semina magnitudine aequasse.

Haec ipsa materia, ubi suppurando foras non educitur, sed interea cuti diutius inhaerendo mitescit, dira, si aegrum non iugulat, mala tamen post se relinquit.

Mulier 50 annorum, posteaquam per quosdam dies frigisset, caluissetque, ambobus pedibus doluit, tumuitque cum rubore. Verum hic rubor nec inflammatus magis est, neque omnino in suppurationem abiit. Interea temporis caluit aegra, & febre laborauit.

Consului vt rubris pedis partibus imponerentur epispastica acria, largusque esset decocti lignorum potus: queis materia magis magisque ad externas partes & moueretur, & in suppurationem ageretur.

Bibit equidem aegra decoctum; non vero his, quae volui, epispasticis vsa; sed horum vice, consilio muliercularum obtemperans, calidum siccumque muscum pedibus imposuit. Euanuit equidem non ita pridem rubor: verum aegra pedum impotens sextam ante hebdomadem è lecto surgere non potuit. Postea vero baculis suffulta talis male firma inhaesit; pedibusque multum tumida, quibus aqua erat intercus. Concidit tandem, queis nescio pharmacis iussus, pedum tumor: Verum hoc ipso tempore aegrae pectus asthma corripuit, quod saepe trium quatuorue horarum spatio id occupauit, aegramque misere anhelantem reddidit.

Credere licet, hancce morbi materiem epoto diutius lignorum decocto attenuatam fuisse, eandemque excitato inde sudore aliquantum è corpore effusam fuisse: utroque vero modo & copia & acore multum perdidisse.

Hoc

Hoc exanthematum genus non nisi suppu-
rando secundam reddit valetudinem. Non est
eius pus communis generis, sed est Ichor fla-
uus, qui, dum ficior fit, crassus est, atque
viscidus. E pedibus, manibusque (quibus
hoc genus exanthematum magis commune est)
assurgunt ampullae flauo Ichore plenae; quae
his, quae amburendo fiunt, simillimae sunt.
Vnde & has HIPPOCRATES: *Ambustiones* no-
minauit; iisdemque morbum solui scriptum
nobis reliquit: *at amburentes statim ad ma-
num soluuntur semper**: atque alibi** *at am-
burentes ad manum torpidae, siticulosae, anxio-
sae; in his aluo suppressa grauati exoluuntur.*
*Quandoque vero & rubicundae in pedibus am-
bustiones eadem significant.*

Est equidem hic HIPPOCRATI sermo de
febris intermittentibus. Verum in hoc ipso
morbi genere ea inueni intermittentis Febris
signa; quae nullum post se dubium relin-
quunt. Verum de quibus alio loco dicam;
praecipue vbi sermo erit, demonstraboque,
quantum febris intermittens cum continua,
imo & cum ardente conueniat genere & natu-
ra, easdemque sibi esse proximas. Fortassis
(neque vana haec coniectura est) si materia
externas corporis partes non petat, nec tamen
ita multa sit, vt mortem afferre omnino queat;
X 4 potest

* De morbis populi. Lib. VI. Sect. VIII.

** Coac. Praenot. Sect. I.

potest tamen febrim reddere malignam, diuturnamque. Huius generis non paucas hac ipsa hyeme agitaui 20 dies excedentes, nec manifesta crisi solutas. Erant his aegris Aphthae, tussis quidquam, sputum quandoque tenax: nec ulli erat respiratio aut densa, aut difficilis. Horum plurimi 14 aut 18 dierum tempore a recta ratione aberant: nec nisi post 21mum morbi diem in vado erant.

Est haec exanthematum species vera crisis nulla tenus perturbanda. Quia ea medendi ratio, quae communi inflammationi competit, hic aduersa est. Hanc salutarī naturae conamini relinquere fas est; vt, quam bene coepit, eandem optime perficere possit. Praestatque nihil moliri priusquam malum omne foras prolatum sit, nec de eo quidquam de nouo intus reuerti possit.

Ita monialem virginem annos forte 40 natam curaui: cui, posteaquam triduo & friguisset & incaluisset, ingens in sinistro pede fuit ambustio. Omne ego molimen Naturae perficiendum reliqui: & licet pes ad genu vsque maxime intumuisset, ruberrimus & ardens fuisset, rubraque zona pedem ad inguina vsque emensa fuisset; nihil tamen medendo egi prius, quam ampullae Ichore plenae omnem pedem occupassent; queis didici, malam omnem materiem ita foras prolatam fuisse, vt nihil ad interiora reuerti posset. Quemadmodum praeceptum HIPPOCRATIS est: *quae iudicantur &*
quae

*quae perfecte iudicata sunt, neque mouere, neque innouare oportet, nec medicamentis, neque aliis irritamentis, sed finire. **

Verum si forte maligna haec materies cuti inhaereat tantum, nec foras magis progrediat, hanc omni studio, atque arte, acribus potissimum applicatis euocare salus aegri postulat; quemadmodum supra proposui: eo quod, ubi intus reuertitur, haec aegrum iugulat.

Iuuat vnam adhuc addere morbi historiam; quae, si quis hanc eiusdem non esse generis putabit, digna tamen est, quae describatur, nec ab his multum distare videtur.

Iuuenis 28 annos natus sub finem mensis Martii laborabat quartana, cuius paroxysmi mitēs erant, nec nisi sex horarum spatium implebant, & frigus & calor leuia ita erant, vt aeger in sedili sedere facile potuerit; nec decubuerit. Erat praeterea illi appetitus ciborum integer; nec ita male habere videbatur; sed consueta peragebat munia.

Febrim hanc, quod leuis & praeterea vernalis esset, sponte abituram spes erat; atque hac ipsa sanguinem (quem mucosum valde esse priore labe & iam olim nouimus) februari atque purificari plane putabamus: itaque febrim ipsam praesidio fore; vti HIPPOCRA-

X 5

TES

* Lib. spher. Sect. I. sph. 20.

RES * promittit, & CELSUS ** quare & haec nullis pharmacis agitata fuit.

Quatuor erant aegro febris paroxyfmi. Altero post quartum paroxyfimum die, ingruerat dolor in dextro inguine, ibidemque tertio die erat & doloris incrementum, & cuiusdam inguinalis glandulae tumor.

Erat hic tumor bubo (non venericus, certus loquor) a materia febrili hic deponenda. Hanc suppurantis cataplasmatibus ope huc magis magisque deriuare, eandem colligere ibidem, atque omnem suppurando inde effundere allaboravi; quod rectae medendi rationi maxime consentaneum atque, perquam salutare esse putavi.

Verum noctu euauit tumor; & omnia ferre vniuersi corporis membra conuulsionibus tentabantur. Neque potuit mala materia fermentis aeribus ad locum priorem reuocari, nec vesicantibus ad corporis superficiem educi, neque etiam forti enematum stimulo a capite auerti; nec epotis aromaticis decoctis calidis foras agi. Erat namque idem semper conuulsionum modus. Neque verum erat, quod

* De morb. popul. Lib. I. Sect. III. Lib. VI. Sect. VI. de morb. Lib. I. cap. 4. Coac. Praenot. Lib. de iudicat. Lib. aphor. Sect. IV. aph. 57. Sect. V. aph. 5. & 70. Sect. VI. aph. 40. 44. & 51. Sect. VII. aph. 52.

** Lib. II. cap. 8. Lib. III. cap. 9.

quod HIPPOCRATES dixit * *a quartana correpti, a magno morbo non corripiuntur. Si vero corripiantur prius, & succedat quartana, liberantur.*

Quare cum omnis medendi labor, industriaque vana essent, triste solatium auidaue spes erat, proximum febris proximum optato praesidio fore; uti HIPPOCRATES promittit ** *a conuulsione aut distensione neruorum vexato febris accedens morbum soluit.*

Verum proh vanam febris spem, opemque! rediit namque consueto tempore proximus paroxysmus; fuit inde conuulsionum plus; iisdemque maxime agitatus aeger in ipsa febre exspirauit.

Mense Aprili erat tempestas sicca, ær purus, calidiorque, aura serena, non flabat ventus, erat tempestas peramoena, sic vt Iunio mense esse solet. Posterioribus diebus erat & ventorum & frigoris & pluuiæ quidquam: & horum morborum finis.

Atque hæc sunt ea morborum genera, quæ superiori anni tempore communia maxime erant. Horum quosdam olim depinxit
HIP-

* de morb. popul. Lib. VI. Sect. VI. & Lib. aph. Sect. V. aph. 70.

** Lib. aphor. Sect. IV. aph. 57.

HIPPOCRATES * hosque non leui cura studioque profecutus sum. Putoque operam meam, licet maximi non sit momenti, non tamen esse minimi.

SCHOLIUM.


Experientiae fide adseuerare possum, me in constitutionibus quibusdam epidemicis Methodum ab Ill. **STRACKIO**, morbis ab illo descriptis medendi, adhibitam, exceptis iis casibus, quorum occasio mihi non fuit oblata, veram deprehendisse, licet, cum in Medicina, nisi spectes genera & species, sed individua saltem, nil sit perpetuum, nec Ill. **STRACKIUS**, nec ego in vniuersum ea sic se habere credamus. Praesertim vero in catarrho, etiam cum febre iuncto, praeter lenia laxantia, & maxime mannam, profuit sal volatile ex tempore paratum **Perill. GORTERI**, quod in Descriptione & Curatione morbi epidemici per diaphoresin (**HARDEROVICI** 1733.) cum orbe medico communicauit, quodque pro re nata cum aliis medicinis, acidis nempe, diaphoreticis, laxantibus dulcibusque, quorum tamen vsus nimius, fluxiones, quin tandem ichorem producendo nocet, cum parcus liquefaciendo proflit, nubi potest. Magnopere vero fallitur is, qui eadem Methodo, & medicina, eosdem fere, quoad quae-

* de morb. popul. Lib. III. Sect. III. constit. temporis pestil.

quaedam symptomata, morbos curare aggr-
ditur; isque demum recte curaturus est, mo-
nente CELSE, quem prima origo causae, addo:
praesertim proximae, non fefellerit; quod ve-
ro magnam sagacitatem, scientiam & atten-
tionem requirit. Confirmant haec vberius
III. STRACKII de erysipelate obseruationes, &
vero videtur simile, quandoque in erysipela-
tis quibusdam speciebus nil externi moliri de-
bere Medicum; quandoque vero, si morbi
epidemicus ingenium id ita postulauerit, plane
suppurationem esse optandam, vel saltem
non inhibendam. Consentientem in prio-
ri re habet STRACKIUS Cl. Ruellanus, & Mau-
roy, Medicos Parisinos, qui in Diss. An Erysi-
pelati topica? vltro citroque agitatatis omni-
bus, concludunt, topica plus damni inferre,
quam emolumenti. In posteriori vero re,
propter ea in obseruatoris nostri sententiam
lubens eo, quod plures homines, erysipelate
pedum subinde adfectos, pingui carne, quin
ipso lardo recenti tenuiter scisso, & foliis nu-
cis impositis, a Gallico quodam praesidiario
Medico, aliisque, qui hunc imitati erant, cura-
tos sciam; licet ipse huius remedi generis,
paradoxi sane, periculum facere, nondum vo-
luerim, cum aliis & internis praesertim, me-
dicinis feliciter hoc malum debellauerim, &
exulceratio nunquam sit praefenda curationi
securiori. Notandum tamen, post vsum hu-
ius remedii, quod post aliquot dies multum
ichoris

ichoris flauī, quem graphice descripsit STRACKIUS, e partibus, quibus adhibitum fuerat, eduxit, aliquot hebdomadum, quandoque etiam quaternarum, spatio, exulcerationem, absque recidiua, finitam fuisse. Quos vero sic curatos vidi, hi quidem succi & pinguedinis erant pleni; inque his, vt autumo, materies erysipelatis perspirare non rite poterat; qua re sine dubio recidiuae plures productae fuerant. In aliis, qui erysipelate faciei saepe tentabantur, quandoque scarificationem ceruicis, singulis binis hebdomadibus, repetitam, impositis simul faciei sacculis paregoricis, profuisse noui. Hi vero sanguinis magis abundantia laborabant.

C. A. M.



CL. MOR.

CL. MORGENSTERNII,
DOCTORIS MEDICI, AC. SOCI
O B S E R V A T I O
DE CUTIS EXTERNAE, ET ORIS
ETIAM INTERNAE,

SUGILLATIONE ATQUE ECCHYMOSE,
CUM EFFLUVIO SANGUINIS EX ORE, POST
SUBITAM CORPORIS EXAESTUATI REFRI-
GERATIONEM.

Tornatoris cuiusdam filiulus novem an-
nos natus, strictioris corporis habitus,
ratione actionum suarum satis alacris,
die 20 Sept. anni 1753. me cum parentibus suis
adiit. Hi enarrabant, se ante duo dies filioli
cutim maculis rubris sparsim conspersam ob-
servasse, quarum aliae pulicum morsibus simi-
les, aliae autem latioris ambitus fuerint: cum
puerulus ad caetera sanus ipsis visus fuerit,
has maculas illis nullas mouisse aerumnas:
nocte prima post macularum eruptionem, san-
guinem sincerum ex ore profluxisse, ipso pue-
rulo inscio absque vlla tussi: sanguinis efflu-
uium non nisi mane, conspurcato lectulo &
coagulatis sanguinis striis, faciem & os oscu-
pantibus, visis, detectum fuisse: puerulum
praeter has, aduersae valetudinis molestias,
nullas sentire: somnum, ciborum potulen-
torumque appetitum, vti alias vigere. Accu-
ratus

rati^{us} agrotum adspiciens, inueni maculas, praecipue nates, lumbos & dorsum occupantes, quarum nonnullae ad pulicum stigmata accedebant; pleraeque autem ne^utiquam regularis figurae & maioris ambitus erant & sanguinem sub cute extra vasa haerentem exhibebant, ac si quis virgulis vehementer castigatus fuisset: nec interiores oris partes, vt gingiuas, linguam atque fauces, hae maculae non obsidebant. In sinistra & interiori genarum parte conspiciebatur vesicula sanguine, extra vasa posita, turgens, caerulea, ad duorum pilorum magnitudinem accedens, quae digito tacta sanguinem dimittebat, ex qua sine dubio sanguinis profluium praecipue deriuandum est. Gingivae forte simul riuulos suppeditauere, quippe quae digitis admotis etiam sanguinem stillabant. Cum aeger maculas quasdam latiores in pedibus scalperet, & ex his quaedam sanguinis guttulae promanabant. Pulsus inueni paululum celeriore^m. Aluus erat aperta. Neque parentes neque ipse puerulus aliam singularis huius phaenomeni caus^sam indicare poterant, quam quod aegro fuerit moris, post vehementes corporis exercitationes vestimenta exuere, immo frigida potulenta auide ingurgitare, quod & nunc factum fuisse, affirmabant. Remedia, quae ordinaui, ex absorbentium antimoniatorum fixorum, nitrosorum & acidorum numero erant, cum regi^{mine}

mine exacte obseruando. Cum altero mane aegrotum vitium iuisssem, audiui, noctem tranquillam fuisse cum aucta transpiratione absque sanguinis effluuio. Maculae vero rubicundae, caeruleum colorem induerant. Quarta luce, a morbosa afflictione, sanguinem iterum aeger exspuerat, nouaeque conspicuae erant macula, ab iis, quae iam ante aliquot dies prodierant, in eo differentes, quod illae rubicundi, haec vero caerulei, viridis ac liuidi coloris essent, quas non accuratius depingere valeo, ac si post factam quandam contusionem cutis varios imitatur colores. Aeger interdum obambulabat. Diebus aliquot praeterlapsis omnes maculae euanuerant, exsiccauerant quaedam.

Expositus casus inter rariores referendus mihi visus fuit. Enolui varios auctores practicos, sed perfecte similem iis non occurrisset, ex silentio eorum colligo. Queritur vero, quo nomine ille designandus & quae causa eiusdem fuerit? Quamuis vel ecchymoses vel sugillationes plerumque externae cuidam vi, vel ab instrumento obtuso vel a casu illatae, ortum suum debeant, non possum tamen non, quin descriptum morbum ad has referam. Obseruabantur enim non tantum rubrae quaedam maculae, quae sine dubio inde eueniunt, dum sanguis per laterales quosdam canales, alii fluido transuehendo destinatos, transitum quaesiuit; sed & inueniebatur san-

guis extra vasa sub cute constitutus. Prior mutatio sugillatio, haec autem ecchymosis vocatur. Hos utrosque affectus a repentina corporis exaestuantis refrigeratione vel ab aëris liberioris ac frigidi accessu, vel a potu frigido productos esse, omnino affirmare licet. Constat enim, frigus cutim constringere, & hanc constrictionem eo magis fonticam ac periculosam esse, quo maior fuerit cutis sensibilitas. Nunc concipiamus nobis filiolum ob vehemens corporis exercitium quasi ardentem, & sanguinem ad cutem fortissime adpulsum. Nonne inde fieri potuit, ut vestibis exutis, aëreque frigido admisso, vasa minima sanguinem ferentia peripherica contricta sint? Hic, vasis contractis & praesente adhuc directione humorum ad peripheriam, sanguis laterales quosdam canales dilatauit ac introiit; qui cum tenerioris texturae sint, nonnullorum horum vasculorum diruptio facile potuit euenire. Et mirum sane est, quod nec internorum viscerum labem expertus sit puerulus, praecipue si frigidum potum simul assumerit. Vnum adhuc memorabile mihi videtur, quod nempe nonnullae maculae, quarto die demum, in conspectum prodierint, reliquis iam longe aliam faciem induentibus. Verum & his posteris eundem natalem uti prioribus adscribo. Quod vero non simul cum reliquis ad summam cutim peruenerint, vel vasorum teneritati, fluido vero multo grauiori, vel situi vasorum & longiori

giori eorundem tractui tribuendum esse, arbitror. Quod mihi creditu haud difficile videtur, cum obseruetur, mercurium viuum pro detegendis & implendis exilissimis fluidorum receptaculis, non statim ejusmodi canales transire, sed horas atque dies consumere, antequam iter ad finem perducatur, imo saepius externa vi eo cogi debere.


SCHOLIUM.

Adferuntur huius adfectus exempla quaedam in Ephem. Nat. Curios. e. g. Dec. III. Ann. VI. & VII, Obs. 121. de miris maculis & vesiculis in cute sanguineis, vbi tamen non ex ore profluxit sanguis, sed per vrinam copiose emissus fuit; & est error loci BOERHAAVII, qui etiam obseruationes habet similes, sed non adeo distinctas, vt est haec (Tom. VI. Praelect. in proprias Instit. p. 83.)

Cel. BAUMERUS quoque in homine phthisi adfecto & sub ioue frigido non consultis viribus equitante velocius, tales guttulas sanguineas, instar coagulati sanguinis, in omni fere corpore obseruauit. Vixit etiam posthac aliquot adhuc menses & maculae istae disparuerunt, postquam primum liuidae, tum vero flauae redditae fuissent. Retulit nobis quoque Cl. ADELUNGIIUS, Academiae Socius solertissimus, sese, post febrem acutam, a cruditate ortam, pessimis symptomatibus, & deliriis stipatam. conualescentem, & nil nisi vinum ad-

petentem, caeterum vero cibos vel optimos, & cupedias nauseantem, vino largius impleuisse; atque se, hoc facto, lectum petentem innumeras per totum corpus bullas sanguineas, ciceris magnitudinem exaequantes, & parum a se inuicem distantes, observasse. Abierunt eae pedetentim, sola perspiratione, tecto praesertim noctu corpore, probe elicita; adpetitum ciborum inde restituto, & viribus plane geminatis, sic, ut melius nunc valeat illis, ac antea. Videntur haec bullae quaedam quodam modo fuisse crisis, & hanc crisis speciem esse rariorem.

C.A.M.



**PHÆNOMENA
NON NULLA PECULIARIA,
IN HYDROPHOBO QUODAM,
ET EIUS DISSECTIONE,
OBSERVATA**

A

**IOANNE CHRISTOPHORO RIEDELIO,
EMIN. ELECT. MOGUNT. A CONSILIIS, ANATO-
MES, CHIRURGIÆ ET BOTANICES PROF. PUBL.
ORDIN. ORDINIS MED. ET ACAD. ELECT. SCIENT.
UTIL. ADSESS. ORDIN. ET ACAD. IMP. DICTÆ
NATUR. CUR. SODALI.**

§. 1.

Vir quidam, annos 45. natus, perfecte prius sanus, a rabido cane mordebatur in vola manus dextrae, eo loco, quo venter musculi abducentis minimi digiti est. Vulnus calido vino, vinique Spiritu eluebatur, variis simul, quae ad inflammationes, & ab inflammatione febres, valent, remediis in usum ductis. Irrepebat, his non obstantibus, pedetentim aquae & fluidorum omnium, quin tandem ciborum, auersatio, quae quidem primitus ore tenere, deglutire vero minime poterat. Vesperam versus febricula, cum pauco horrore, capitis dolore, & leui delirio, aderat. Notabile vero est, cum ne aëris quidem adflatum, si vel pallio, vel toga aut cycladibus is commoueretur paulo vehementius, versus extrema praesertim, ferre potuisse; inde enim dolor cum suffocationis periculo. Quadragesimo denique a morfu die, absque acribus nimium conuulsionibus, secuta mors.

§. 2.

In dissectione, secundo post mortem die facta, vulnus fere adhuc recens, nondum sanatum, & ne per adiposam quidem membranam perfecte penetrans deprehensum; circa illud vero obscurus rubor, & liuentes quaedam maculae, magnitudinis respectu canis dentibus proportionem respondentes, quales etiam in ventre abducentis minimi digiti musculi inque dorso manus conspiciendae erant,

erant, atque itidem dentibus canis proportionem conueniebant, visae sunt.

§. 3.

Collum extrinsecus notabili valde modo tumidum, & larynx eodem modo in altum sublatus erat; quod posterius, post mortem praecipue, sic euenisse adfirmabatur.

§. 4.

Odor cadaueris, tam ante, quam post institutam dissectionem, idem erat, ac qui in canibus, summa putredine corruptis, apprehenditur; id quod eam ob rationem certo adseuerare possum, quod scelesta pararim canum, atque putredinis ope ossa a carnibus & aliis partibus separauerim.

§. 5.

Musculi omnes colli, faciei, laryngis, pharyngis, thoracis & abdominis, vt & intestina tenuia, inflammata erant; in dextro tamen latere, manifesto admodum, & euidenter magis, quam in sinistro. Platysma myoides musculus, qui communiter multo est tenuior charta rarissima, in dextro latere $\frac{1}{3}$ pollicis Rhenani, in sinistro vero latere $\frac{1}{4}$ pollicis, crassitudine exaequabat; atque sic etiam reliqui dextri lateris musculi crassiores erant musculis sinistri lateris.

§. 6.

Vuulae quoque, ossis hyoidis & praesertim laryngis musculi, tam communes, quam proprii, maxime tamen proprii, inque his nulli

magis, quam arytaenoidei & aryarytaenoidei, valde crant inflammati.

§. 7.

Arytaenoideae cartilagines, quae fere gutturnii speciem praebent, atque oesophagum versus diriguntur, pollicis crassitudine intumuerant, & ad perpendiculum in sublime lata, glottidem fere totam claudebant; praeter ea plumbeo pallido colore erant praeditae, & quasi liquor quidam iniectus esset, granis & punctis nigris talibusque vasis, rubris tamen etiam quibusdam, oblitae. Ab hisce cartilaginibus adeo comprimebatur oesophagus, vt totus clauderetur, & cartilagines integrum eius spatium replerent, in ipso plane haerentes, & tam quoad crassitudinem, quam quoad longitudinem magnitudine insigniter auctae; quo fiebat, vt & rima ligamentorum istorum duorum, quae veram constituunt glottidem, tota clauderetur. Ex ipso larynge ichor effluebat detestabilis odoris, qualis initio statim disseccationis nares feriebat. (§. 4.) In aspera arteria idem ichor, multa cum salina deprehensus.

§. 8.

Quoad larynx contegit oesophagum, etiam hic valde erat inflammatus; paulo magis vero deorsum, minus. In toto pharynge atque in faucibus multa nigra & plumbei coloris granula visa sunt, omnesque, modo dictae, partes obscuro rubro & fusco colore erant praeditae;

ditae; cephalopharyngaeus vero musculus totus adparebat niger & sphacelo corruptus. In fornice pharyngis aderat maxima vis ductuum & ingentium sinuum, alias plane ignotorum, qui foetidum ichorem plorabant. Ductus mucosus in fornice pharyngis, a Celeb. HEISTERO in Compend. Anatom. p. 110, not. 58, descriptus, sextuplo maior erat, quam ibi indicatur; aderantque simul ibidem 10 vel 12 alii ductus in fornice, inque lateribus pharyngis, qui valde profunde, & partim versus sinum sphaenoidalem manifeste penetrabant. In quosdam ex his, absque vi adhibita, 1 - 2 crassa tritici grana intrudi poterant, & adspectu sentiebatur, eos non esse vlcera, sed naturales, dilatatos tamen, sinus, perfecte vt in tonsillis.

§. 9.

Palatum, velum palati, thyreoidea glandula, epiglottis, glottis vera, maxillares glandulae, & parotides grauiter erant inflammatae, tumidae, vasis adeo refertae, vt viderentur esse injectae, fuscae & obscure rubrae; omnes tamen hae partes, perinde vt supra (§. 5.) dictae, in dextro latere magis, quam in sinistro ita erant adfectae. Nec linguae musculis sua deerat inflammatio, minor licet, ac in reliquis partibus.

§. 10.

COROLLARIUM.

Igitur potissima & maxima inflammatio existerat in partibus. praecipue membranaceis.

ceis, arytaenoideas cartilagine succingentibus.

SCHOLIUM.

- 1) Cum alii homines, quos idem momorderat canis, referente itidem Ill. RIEDELIO, ad fine necessitudine & benevolentia mihi coniunctissimo, hoc malo non adfecti fuerint, forte, quod omnem, ut perhibebant, exstillare e vulnere sanguinem curauissent; cumque hydrophobus noster liquida & cibos quidem ore tenere, deglutire vero minime potuerit, & ab ipso aëris motu laesus fuerit, (§. 1); vero fit simile, volatile rabidi canis venenum e sanguine aliisque in vulnere contentis, succis, (§. 2.) magna satis celeritate penetrasse in partes etiam remotas, salivam, vel & mucum fecernentes; ibique maximam produxisse sensibilitatem & irritabilitatem; atque ex his omnia explicari posse mali phaenomena.
- 2) Namque praecipue inflammatae, tumidae & corruptae fuerunt partes, quae facillime acrimoniam similem illi, quae in rabidis canibus saevit, quaeque putrescentis & viscidae indolis est, teste odore (§. 4. & 7.) & visu, quo canum talium lingua sicca, & exserta est, oculi vero squalore obsessi sunt, adquirunt; id enim patet conferenti sum 7, 8, & 9; cum ex iis adpareat, eas praecipue partes, quae tales humores ob fabricam suam fecernunt, qui cum saliva & mu-

& muco ex ore rabidi canis mordentis, profluente, proxime conueniunt, fuille adfectas; namque eandem secretionis huius acrimoniae rationem esse puto, quae in secretionem ipsius salinae & muci, tam naturalium, quam in morbis vitiatorum, & saporem tum in biliosum, salinum, foetidum, dulcem & alium mutantium, locum habet; quod nempe simile quodam modo quoad qualitatem & aequale quoad quantitatem ibi secernatur, vti alio loco, cum principium supra (p. 265.) digito tantum monstratum, reapse demonstraturus & ad explicationem plurium naturae phaenomenorum, adplicaturus sum, magis clarum fiet.

- 3) Non vero requiritur perfecta similitudo & aequalitas, sed quae edendis sufficit effectibus, & quae concipi potest e mutatione praecedente, eiusque gradu. Cum igitur, per priora, acrimonia ista (n. 2.) quandoque subito, quandoque vero lente admodum, & post annos demum, abeat in alios etiam humores & partes; mirum non est, si quoque partes fluidae & solidae encephali & neruorum valde inde mutantur, & phaenomena quaedam, plane peculiaria, producant; cumque talis acrimonia in neruis & cerebro maiorem motum, sensibus certo modo respondentem, in fibris vero musculosis maiorem contractilitatem

litem progignat, adeoque spasmos, inflammationem demum, cum vasa constringantur, febrem, deliria, doloresque varios producentes, (§. 1.) procreet; hocque, per dicta, praecipue fiat in partibus, salivam secernentibus & mucum, facile patet, cur aegri quandoque nec ipsum aeris adflatum (§. 1.) nec Mercurium, nec potum, ori, incisui ipsi, admotum (ut Cl. observavit RATHLAUUS) nec ipsa denique in fine solida ferre possint, cum statim omnes partes, praesertim vero dictae, in summum tremorem, oscillationem, & ipsas demum conuulsiones abripiantur. (ibid.)

- 4) Laryngis & cartilaginum in primis arytaenoidearum, situs mutatus (§. 3. & 7.) spasmos; & odor cadaueris, atque laryngis praesertim detestabilis, acrimoniam in putredinem procliuem, extra omnem dubitationis aleam ponunt.
- 5) Cum igitur in partibus membranaceis, & glandulosis, (testibus periculosis ibi saepe orientibus inflammationibus, & exulcerationibus, quin gangraena,) humor, qui salivae quodam modo similis est, & mucosus, ad acrimoniam istam concipiendam maxime sit aptus, & quo magis subtilia sunt vasa, illarum humores secernentia, a rubrorum ordine remota, adque nerueorum vasorum subtilitatem adcedentia, eo magis illa spasmi & inflammationi, pateant; atque

que cum cartilagine arytaenoideae, alias laryngem motu suo mutant, arytaenoidique recti, & aryarytaenoidi siue decussantes se muscoli, glottidem in statu sano constringentes, plus, quam omnes aliae partes fuerint inflammatae, tumidi, & mutati; (§. 6. & 7.) duo illa ligamenta, veram glottidem constituentia, itidem summe inflammata (§. 7.) oesophagus vero à cartilaginibus arytaenoidis & à propriorum musculorum & aliarum partium tumore (§. 8. & 9.) clausus; patet, cur deglutitio summe fuerit impedita, atque cur suffocatio ab ipso aëris adflatu ingruere visa sit.

- 6) Quod vero à dextro praesertim latere omnes fere partes magis fuerint inflammatae, & tumidae; id quidem viciniori veneni in dextra manu demorsa, tribuendum.
- 7) Quod si vera sunt, quae passim circumferuntur hydrophiae absque morfu rabidi canis exempla; ea non alia ratione evenire posse censendum est, quam quod itidem acrimonia quaedam & irritabilitas sensilitas, à Perill. HALLERO in larga luce posita, in hisce partibus (n. 1.) genitae fuerint, ex qua phaenomena explicari queant. Sic e. g. perhibetur, eos, qui saltem halitum animantis rabidi admiserint, vel instrumenta, quibus cum confossus fuit, vel alio modo necatus, canis rabidus, ori applicaverint, hydrophobia tactos fuisse; quin extat



tat in Ephem. N. C. exemplum hominis, qui á pastillis farinaceis nimis calidis, & quasi feruentibus, superbibita aqua glaciali, comeltis, in horrendum hoc malum incidit, quique ne lucis quidem & linteaminum alborum conspectum ferre potuit, & ubi in dissectione corporis musculi tum externi, tum interni pharyngis & laryngis, vna cum glandulis, inflammati deprehensi sunt, in tertio vero cerebri ventriculo circa pinealem glandulam materia quaedam compacta, solida ac duriuscula; & alia, vbi melancholica adfuerunt deliria, respirandue difficultas, & anxietates; vel cholera cum siti intolerabili quae vix copiosissimis antea potulentis extinguere potuit; atque vbi á vermibus, & ab herniotomia adcessit hydrophobia. Cum enim ex omnibus hisce caulis perinde nausea ideae molesta oriri possit, ac neruorum partibus hisce (n. 1.) aequae in cerebro respondentium, quam praecipue recurrentium, quaedam mutatio; mirum non est, si aegri, sic adfecti, quandoque ne aquae quidem, vel corporum lucidorum aut alborum, vel æris adflatum ferre possint.

- 8) Maxime quoque notabile est, Medicum quandam Italum, Scaramuccium, in foemina quadam hydrophoba, obseruasse singulatum, & alios rabidi veneni effectus, á radio quodam quasi, cum inflammationis sensu per

per brachium versus pectus moto, quem se percipere foemina adferebat; (Dec. III. Ann. IX. & X. Ephem. N. C. App. p. 253.) quod naturam huius veneni acrem (n. 2.) & quasi igneam, magis adhuc in apricum profert.

-) Quod vero in quibusdam aegris, solidi cibi eo adhuc tempore, quo fluida admitti amplius non possunt, deglutiri, licet difficulter, possint; versus mortem vero neutiquam; id quidem adscribendum videtur perpetuo nisi fluidorum ad motum, quem satis demonstratum dedit III. HAMBERGERUS, (Elem. Phys. Edit. III. §. CCX.) quin ipsi eorundem inter deglutiendum majori & celeriori per oesophagum motui; quo magis irritantur partes summa irritabilitate adfectae (n. 1.) & nervi, praecipue a parvi octavo, ei sensum impertientes. Confirmatur hoc inde: quod quidam hydrophoborum, praeter aquam, etiam alia fluida, ignem nempe & aërem, cuius prioris rei etiam laudatus SCARAMUCCIUS (ibid.) exemplum habet, ferre neutiquam possint.
- o) Irritabilitatem quoque musculosam in hydrophobis maxime auctam esse, praeter alia euincit notabilis illa Cl. ZWINGERI (in Ephem. N. C. Dec. III. Ann. II. p. 132. & 136.) observatio: ubi demorsum quendam, clamores & eiulatus edentem, atque perpetuo membra artusque mouentem, &
ad

ad aëris quoque vel leuem motum trementem, cum tendinum continuis subsultantibus agitationibus, & ad vomendum conatibus, sistit. Urina in hoc fuit lixivia & pauca, id quod acrimoniam supra (n.8.) traditam, quoque confirmat; & illam alcalicam esse, probabile reddit. In hujus dissectione praeter circulos asperae arteriae cartilagines, & humerum scapulasque lateris commorfi, & dorsum, sphacelo adfecta, pulmo praecipue sanguine extra vasa in cellulis posito veliculisque, suffarcinatus fuit deprehensus. Itaque peripneumonico modo plerique hydrophoborum perire videntur. Diaphragmatis etiam sphacelus incipiens hoc in corpore visus, ad quaedam phaenomena singultumque (n.8.) in primis, explicanda valet.

- 10) Cum Ill. RIEDELIUS, qui demorsum dissectuit, morbi historiam (§. 1.) é relatione solum imperfecta uxoris defuncti, quam dein, alio morbo adfectam, curavit, sciat, placet ex aliorum adhuc de eodem morbo historiis, quaedam, quae ad explicationem phaenomenorum faciunt, adducere. Cl. Nungent, qui omnium optime de eo scripsit, vt tamen quaedam ob dissectionis defectum, & alias ob causas, aliter, ac nos, explicaret, (*Essay on the hydrophobia, to which is prefixed the case of a person*

son who was bit by a mad dog) obseruauit in demorsa quadam femina: nausea eam tætam fuisse, id, quod probat, hoc symptoma sæpe in partes venire causarum metus aquæ; cum, licet summa quandoque adsit fitis, aqua tamen ob illud aequæ, ac alias ob causas, sumi nequeat; notum vero est, putridum vel alcalicum quid adpetitum valde imminuere, & nauseam procreare; quale adesse, licet specie ab aliis valde diuersum, é n. 2. & 9. probabile fit: eam in somniis de conflictu cum canibus, atque de profundis aquis territam fuisse, maximeque metuisset canum conspectum latratumue; vnde per neruos brachiales ad prouincias quasdam cerebri, hisce perceptionibus respondentes, effectum veneni propagatum fuisse, concludo: pustulas rubras cum albis apicibus in loco morsu tacto, adparuisse, fere, vt Celeb. BOERHAAVIUS de signis acrimoniae alcalicae tradidit (Instit. Med. §. 917.); pulsus quidem fuisse naturalem & fortem, sed tamen celeriores (p. 18.): id, quod arteriarum etiam irritationem, vt in nostro casu (§. 1.) febris, arguit. Caetera symptomata, vt animi inquietas, & modo morositas, modo nimia alacritas, stupor atque dolor humeri & brachii,

chii, lateris demorſi, conuulſui motus, & acerrimus dolor per totum hoc brachium ad fauces vsque adſcendens, haſque partes, cultri vel ſagittae ad inſtar, quaſi tranſfigens, faucesque conſtringens, atque loquela abolita, confirmant ea, quae dixi de irritabilitate & ſenſilitate ſumme auctis, vt tamen viſciditas veneni (n. 2.) in partes veniat cauſarum ſtuporis. Notandum vero, feminam iſtam ſenſum cuiuſdam quaſi boli in faucibus haerentis, & deglutitionem impediētis, quin ſuffocationem minitantis, indicauiffe; quod quidem Cl. NUNGENTIUS, vt alia omnia ſymptomata, ſpasmis quaſi hyſtericis tribuit; ſed quod, ſi noſtra & aliorum conferantur diſſectiones, magis haerentibus hic mucoſis & ſaliuae naturam habentibus humoribus ſanguinique, videtur tribuendum, licet ſpasmus, pro ſua parte, humorum hanc collectionem adiuuare potuerit. Quod denique neque febris, neque litis, neque alia inflammationis ſigna in illa adfuerint; id quidem leuitati vulnuſculorum videtur eſſe adſcribendum; cum aliquot tantum ſanguinis ſtillae ex vno profluxerint; ex altero vero plane nullae; cumque cutis in hoc tantum vexata fuerit; quin, ipſam temperiem demorſi hominis,
& mor-

& mordentis canis, multasque alias circumstantias variare posse morbi phaenomena, & Cl. Auctor & alii concedunt. Adridet vero, & maxime nostrae conuenire sententiae videtur Cl. Auctoris Theoria, qua essentiam hydrophobiae in serie exiguarum é vulnere oriundarum distentionum nervorum, quae pedetentim augeantur, dum *imperantes* nervos ad similes excitent conuulsiones, ponit; quod vero ab acrimonia (n. 2.) secus, ac idem putat, ea propter prouenire credimus, quod Cl. le Comte, Medicus Parisinus, obseruauit, puluerem ostrearum in calcem redactarum, cum haustu albi vini, acidi scilicet, propinatum, hydrophobiam, syncope, spasms, & aliis horrendis symptomatibus, itipatam, feliciter profligasse; (Hist. & Mem. de l'Ac.R. des Sc. 1749, in Obs. Anat. n.4.) quod peritissimus RATHLAVIUS oleum vitrioli, aqua, oleo, & sale alcalico non nihil domitum, cum moscho & theriaca, cum fructu dederit; (v. cl. VOGELII Biblioth. Med. nov. Vol. I. p. 84.) quodque denique Turpethum minerale & alia Mercurio iuncta acida fortia, ab aliis vtiliter adhibita fuerint; vnde constat, alcalinae acrimoniae peculiari, quidquid hic



symptomatum est, adscribi debere. Omni-
 bus hisce fauet quoque Cl. THOMAE WIL-
 BRAHAM. Observatio: de hydrophobo
 quodam, in quo praeter vomitum, pulsum
 celerrimum, neutiquam tamen debilem,
 fauciumque, viuento eo adhuc, inflamma-
 tionem, deliria perpetua, & spumosa ex
 ore profluentem salivam, post mortem san-
 guis in-utroque cordis ventriculo fluidus,
 ut é vena missus in NUNGENII observa-
 tione naturalis, fuit deprehensus; quod illi,
 qui effectum alcalicorum salium in corpus
 nostrum, probe callet, non erit mirum;
 atque in quo, ut in ZWINGERI observatione
 (n. 8.) pulmones sanguine fuerunt pleni,
 asperaue arteria spumoso humore, salivae
 simili, & ventriculus liquore adfluens fuit
 repertus. (Philosophical Transactions,
 Vol. XLVII. 1751. and 1752. Art. 68.
 p. 412. & sequ.) Quin, bilem etiam pu-
 tridam, & nigram, & abundantem esse, &
 acrimoniam dictam augere posse, Cl. Mo-
 randi suadet Observatio (della cura pre-
 servatiua della rabbia canina. In Ancona,
 1755.); qua etiam intercostales, subcla-
 vium, dentatum superiorem dorsi, superio-
 rem & anteriorem eiusdem nominis, &
 nonnullos sternocostales musculos, ventri-
 culum,

culum, intestina, vesicam & cauernosa penis corpora inflammata fuisse constat. Caeterum ex omnibus hisce, atque é NUNGEN-TII Obseruationibus, simul adparet: hydrophobiae primum gradum antiphlogistica & antispasmodica Methodo profligari posse, cum experientia hoc docuerit, ea quae temperant & inuoluunt acrimoniam hanc peculiarem, quaeque irritabilitatem sensilitatemque nimiam tollunt, hic profuisse; quod ultimum ea re adhuc confirmatur, quod laudatus WILBRAHAMUS, quindecim opii grana sumsisse aegrum, neque tamen stuporem inde fuisse inductum obseruauit. Notum vero nouissimis Experimentis Göttingensibus est, quantum tollat opium hasce proprietates. C. A. M.





AD
NARRATIONEM TACITI
DE
EXPEDITIONIBUS GERMANICI
CAESARIS TRANSRHENANIS

ANIMADVERSIONES,
FERD. GUIL. BEER.

§. I.

Vt ea quae Tacitus de Germanici bello in
populos transrhenanos sumto, memo-
riae prodidit, lucem aliquam accipiant,
duae potissimum res curae nobis erunt. Nam
& nomina populorum fluminumque quantum
per ingenii mediocritatem licet, explicare &
quibus locis Germanorum populi a Caesare
bello

bello petiti illis temporibus habitauerint, demon-
strare conabimur. At, quoniam vel ipsius
Auctoris, vel librariorum culpa accidit, vt ex
nominibus nonnulla perperam tradita appa-
reant, nobis auctoritate tanti viri interim sepo-
sita, ea quae tum rerum gestarum ordo, tum
locorum natura magis probat, deligere animus
est.

§. 2.

Subactis Galliis, cum Rhenus ad tutelam
earum sufficere minime videretur, Romani
de proferendo imperii limite cogitantes, bel-
lum in Germanos atrox & diuturnum suscepe-
re, quod longe alium ac illi sperauerant, exi-
tum habuit. Nam licet vi summa illud gere-
rent, nullisque sumtibus parcerent, accidit ta-
men, vt duces quidem sibi ipsis magnam ex-
inde rei militaris gloriam, reipublicae vero
exiguam admodum vtilitatem parauerint. Au-
gusto enim rebus humanis exento, missus a
TIBERIO Germanicus, neque castra vlla in ho-
stico posita reperit, neque limitem vllum, nisi
quem TIBERIUS modice protensum, Veteribus
olim obiecerat.

§. 3.

Erant autem *Vetera* in laeua Rheni ripa, ad
caput insulae Batauorum, quae gens & virtute
bellica & fide in Romanos praestabat. Itaque,
cum ea esset loci opportunitas, vt tum com-

meatus, sociorumque auxilia facile reciperet, tum in omnes partes expeditionem facere, ipsumque oceanum classibus petere permetteret, motus ea re TIBERIUS, Vetera bello quali sedem delegit, ac limite aggeribusque, quam potuit firmissime muniuit.

§. 4.

Ex his veteribus, Caesar Germanicus, postquam Rhenum ponte iunxisset, legiones in hostem duxit, "qui tunc, ut Tacitus refert,* *haud procul*, & ob noctem epulis ludicram, laetus agebat. Castra eo die in ipso limite posita; proxima vero nocte, ventum ad vicus Marforum; iuuitque ipsa sideribus inlustris. Circumdatae igitur stationes: stratis etiam tum per cubilia hostibus &c."

§. 5.

Caesar cum eodem die & copias ponte traiecerit, & castra in ipso limite posuerit, limitem hunc modico sane spatio a veteribus remotum fuisse, intelligitur. Quod autem ad *Marfos* attinet, eadem est nominis huius ratio, quae plerorumque quibus germanorum populi a Romanis censentur. Nam quod loca fertilia atque pascuis maxime laeta significat, de regione explicandum est, de gente aliqua minime. Hinc fit, ut aliis atque aliis in locis Marfos inuenia-

* C. Annal. I. cap. 50. 1.

ueniamus. Simile quid *Sicambri* accidit. His enim traductis ab AUGUSTO in Gallias, pristinum nomen *Sigae* accolae significans, periit, & ad illos qui in locum illorum successerant, transiit. Hanc ob rem PTOLEMAEO Sicambri ad laeuam Rheni ripam nulli memorantur, sed ad dextram, Bufactoris paruis, proximi.

§. 6.

Pergit TACITUS: "Germanicus 50. millium
"spatium ferro flammisque peruaftat. - - pro-
"fana simul & sacra, & celeberrimum illis gen-
"tibus templum; quod *Tanfanae* vocabant,
"solo aequantur. Exciuit ea caedes *Bructeros*,
"Tubantes, *Vsipetes* &c.

§. 7.

De *Tanfana* sententiam olim diximus. Summa eo redit: antiquissimam vocem *Tan*, siue *Dan*, pluribus & Scytharum & Celtarum populis olim communem, nunc a nonnullis eorum adhiberi; significare vero, *terram* aut *regionem*; *Daniam* proinde, regionem aut patriam esse, *Iutorum* puta, aut *Iotarnorum*, *Danemarcam* vero, fines limitesue regionis illius. His, similibusque olim prolatis, nunc addere placet antiqui cuiusdam scriptoris verba, ab OLAVO in Lex. Run. p. 64. ex *Knitlingu Sogu* recitata, *Vier* inquit ille: *IOTARNER hofum leingi haft valld, til at kïösa Kong yfer Dana Vellde.* "Nobis Iotarnis ab antiquis inde tem-

"poribus potestas est, eligendi regem, qui patriis oris quantum illae patent, imperet." Dixerunt esse populi nomen a regionis appellatione, & Daniam a Jotarnis habitari, nemo non intelligit. Quare, cum *Fan* imperium siue potestatem significet, facile apparet, quae Tacito gentibus illis celeberrimum Tanfanae templum dicuntur, aedes conuentibus publicis sacras, pluribusque gentibus communes fuisse. Iisdem vero communes fuisse intelligimus, quas caedes illa exciuit, Marfis, Tubantibus, Bructeris & Usipetibus.

§. 8.

Ex his Marfi, Tubantes ac Bructeri, societatem inter se primi coluisse, deinde vero, in eandem & *Usipetes* recepisse videntur. Quod enim ex historiis colligere nobis licet, grauissimae semper simultates Sueuorum inter gentes atque Cattorum intercessere. Et has quidem, grauissimo bello a Romanis petitas, nullo illarum auxilio usas legimus. Abscedentibus deinde Romanis, Chatti Cherusciue vetus Arminii miles, bellum in Maraboduum sumserunt. Mox Chatti ab Hermunduris ad internecionem fere deleti. Itaque Caesaris Dictatoris tempestate, cum res Sueuorum praeualerent, transgressa Moenum pars eorum, quae inter illum & Rhenum habitabat, proximam sibi gentem, Usaeque fluuio vicinam, grauiter afflixit, solumque tandem vertere coegit. *Usipetes*

petes Rhenum transgressi, reiecti a Caesare & a Sicambri cognata videlicet gente, recepti fuere. Translatis deinde ab AUGUSTO Sicambri in Galliam, longius illi progressi, in eandem cum Bructeris ceterisque gentibus rempublicam coaluisse videntur, ita tamen, vt separatas sedes non acciperent, sed sociis mixti, passim inter illos colerent. Hinc, factum fuisse autumo, vt & pluribus locis, & pristino nomine memorentur.

§. 9.

Bructeros latius patuisse, nemini mirum videbitur, qui cogitauerit vastum illud Rhenum inter atque Visurgin, terrarum spatium, multis magnisque paludibus refertum esse, paludem vero, antiquo vocabulo, & illis locis hodiernum vsitato, *Bruck*, appellari. *Tubantum* nomen ea maxime obscuritate premitur, quod sonus ille, S. dubium exprimens, Anglisque admodum familiaris, apud nos iam dudam antiquatus sit, & in alterutrum ex cognatis sibi sonis, transierit. Itaque quod olim per sibilum quendam obscurius efferebatur, nos quidem nunc validiore nisu *Sud*, dicimus. De reliquo nulla haesitatio. *Bant*, idem est ac regio certis limitibus descripta, neque fugere quemquam possunt, vulgata Teisterbantiac, Brabantiae & quae his similia sunt, nomina.

§. 10.

§. 10.

Apparet itaque (I.) frustra laborare, qui *Tanfanam* numen aliquod diuinis honoribus cultum, fuisse autumant. Tacitus enim, aedes concilio publico dicatas, templum appellans, pro linguae patriae genio, romanorumque more locutus est. Nam & senatus in templo numini cuidam sacro cogeatur, & Romani cuncta quae apud barbaros fieri videbant, ad mores suos referre solebant.

§. 11.

Deinde apparet & hoc: (II.) nomina populorum apud Tacitum hucusque obuia, ex natura locorum petita, eamque ob causam, nequaquam genti alicui, sed regionibus propria fuisse; Errare itaque (III.) eos, qui nomina ista ab initio nonnisi singulis familiis, quae procedente tempore in populi frequentiam creuerint, propria fuisse, perhibent. Quod si quis existimet, nos properantius quam par sit agere, paucisque exemplis in medium adductis, quae multis demonstrari deberent, exinde colligere, eum quidem, quam primum nomina deinceps a nobis explicanda, eadem conditione ac priora illa modo explicata, vti cognouerit, sententiam facile mutaturum confidimus. Nunc ad Tacitum reuertimur.

§. 12.

"Druso Caesare, C. NORBANO Coss. Germa-
"ni-

"nicus bellum quod in aestatem summa vi para-
 "bat, *repentino in Chattos* excursu praecepit.
 "- - - Polito enim castello super vestigia pater-
 "ni in monte *Tauno*, expeditum exercitum in
 "Chattos rapuit, C. APRONIO ad munitiones
 "viarum & fluminum relicto. Nam rarum illi
 "coelo, siccitate & amnibus modicis inoffen-
 "sum iter properauerat; imbresque & flumi-
 "num auctus regredienti metuebantur. Sed
 "Chattis adeo improuisus aduenit, vt quod
 "imbecillum aetate ac sexu, statim captum aut
 "trucidatum sit, iuuentus flumen *Adranam*
 "nando tramiserit; Romanosque pontem coe-
 "ptanteis arcebant, dein tormentis sagittisque
 "pulli, omissis pagis vicisque in *filuas disper-*
 "*guntur*. Caesar incenso *Mattio*, *aperta po-*
 "*pulatus*, vertit ad Rhenum. Fuerat animus
 "Cheruscis iuuare Chattos, sed exterruit Cae-
 "cina, huc illuc ferens arma. - - - Nec multum
 "post legati a *Segeſte* venerunt, auxilium oran-
 "tes aduersus vim popularium a quis circum-
 "sidebatur. Germanico pretium fuit conuer-
 "tere agmen, pugnatumque in obſidentes, &
 "ereptus *Segeſtes* - - cui Caesar sedem *petere**
 "in prouincia pollicetur."

§. 13.

Primo loco, de monte *Tauno* nobis dicen-
dum est. \

Hunc

* Sic legendum esse arbitror. Nam sedem petere Germanici erat, concedere TIBERII.

Hunc aio ad laeuam Rheni positum, & Alshemiorum agris a meridie obiectum, abesse ab vrbe Moguntia milliar. germ. circiter tria, pristinumque nomen* adhuc hodie seruare.

§. 14.

Novi equidem, montem Taunum a quibusdam ad dextram Rheni collocari, sed ea de re testimonium dicat ipse Tacitus. sic enim ille Ann. L. XII. c. 27. 28. "Iisdem, inquit, (CLAUDII) temporibus in *superiore Germania* trepidatum, aduentu Chattorum latrocinia agitantium. Deinde C. POMPONIUS legatus auxiliares Vangiones & Nemetas monuit, ut anteirent populatores vel delapsis improuisi circumfunderentur - - diuisique in duo agmina, qui laeuum iter petiuerant, recens reuersos circumuenere. At qui dextris & propioribus compendiis ierant, obuio hosti & aciem auso, plus cladis faciunt, & praeda famaque onusti ad *montem Taunum* reuertuntur ubi POMPONIUS cum legionibus opperiebatur." Ait TACITUS, trepidatum esse in *superiore Germania*; ad *laeuam* ergo Rheni: Ait, populatores ab auxiliaribus circumuentos proelioque superatos esse, victores autem ad montem Taunum reuersos: proelium itaque in superiore Germania, Rhenum inter & montem Taunum com-

* Qui olim *Mons Taunus*, nunc *Donnersberg* appellatur.

commissum fuit, eamque ob rem necesse est mons Taunus a Rheno ablit spatio aliquo, tanto scilicet, quanto per imperatorias artes licet. Drusus enim vt latrocinia Germanorum arceret, ipsam Rheni ripam multis castellis muniuerat, praeterea autem mediis in terris extruxerat complura alia, quae suis receptui forent, si forte Germanorum vis perruptis Rheni munitionibus, in solum romanum effunderetur. Horum ex numero fuit & illud in monte Tauno positum, restitutum a filio. Quae quidem adeo plana sunt, vt absurdum dictu statim intelligas, Caesarem in ipsis Chattorum finibus castellum muniuisse, vt tamen illi non senserint? Nam communito illo improuisus ipsis aderat. His adde, quod a TIBERII inde temporibus nulla ad dextram Rheni legionum statua fuerint, quodque CLAUDIUS ipse, tribus ante quam Chatti latrocinia agerent annis, Corbuloni castra in hostili solo molienti, mandauerit, referret praelidia.

§. 15.

Malunt alii legere: in *monte Tauro*. Adest ille * *medius Gernsſprinsam* inter, *Moenumque* fluuios, atque oppidis *Vmstatt*, *Hering* & *Neustatt* vicinus; ad dextram itaque Rheni, inque ipsis Chattorum, aut si mauis, Suevorum finibus. Vtrum horum eligas, de muniendo
ibi

* Der Dorn.

ibi castello Germanicus excursum in Chattos moliens, ne per somnium quidem cogitare poterat. In easdem difficultates incidunt & illi, qui Taunum patrio sermone *die Hoehe* interpretantes, castellum ipsi a DRUSO impositum, fontibus *Wilae* fluuii proximum, in mediis Chattorum finibus, inter Rhenum, Moenum atque Niddam quaerunt.

§. 16.

De *Adrana* flumine maior haesitatio. Hoc enim, quod Caesar Chattis improuisus adesset, iuuentus illorum nando tramisit. Proximum igitur. At *Edera* fluuius a Rheno abest non minus 25. mill. germ. Qui igitur factum esset? vt gens pugnacissima, hostem tot dierum itinere remotum, per ipsos fluminum vortices fugerit? At, Germanicum copias raptim egisse credibile est? Fecit itaque, quod illis locis ne expedito quidem viatori facere licet. Quamprimum enim a Rheno fluuio modicum discedis, in loca iniqua incidis. Superanda tibi sunt continua montium iuga siluis densissimis horrida; calcandae viae angustis impeditae, saxis asperae; amnes traiciendi, quam plures. Quibus difficultatibus Caesar exercitum si implicuisset, ecquid Chattos tunc maxime fugitasse autumas? ne hostes vndique circumuentos cernerent. Longe alia Tacitus. Refert enim, I. Germanicum tanta celeritate Rhenum traiecisse, vt Chattis omnino impro-

improuifus adfuerit, ac inuentus eorum flumen quoddam nando tranfierit. II. Caefarem deinde illud ipfum flumen tranfiffe, fed ponte, Chattos autem pugnae fe impares fenfiffe, & ob eam rem difperfos fuiſſe in filuas. III. Has Caefarem minime tentaffe, fed aperta populatum, incenſoque *Mattio*, quod genti caput, vertiſſe ad Rhenum. Haec cum ita ſint, quiuis perſpicit, Germanico, locis ab illa Rheni parte longe diuerſis bellum in aeſtatem paranti, neutiquam in animo fuiſſe, vt Chattos peragratis eorum finibus ad deditio-nem cogeret, ſed vt *repentino incurſu* terre-ret, ac quibus ad aliud bellum properans poſſet, damnis afficeret. Nec alia aut ab his diuerſa molitum fuiſſe apparet: nam vitatis ſiluarum auiſis, Mattium deleuit & aperta vaſtauit, quae vt diximus, modico ſpatio interiecto montibus excipiuntur. Deinde, ad Rhenum vertit. Aberat autem Mattium haud longe a Rheno, quod ex Marcellino diſcimus, * qui SEVERUM contra Mattiacas aquas Rhenum tranſiſſe ſcribit, & Tacitus ipſe libro de moribus: "Eſt, "inquit, in eodem obſequio & Mattiacorum "gens, protulit enim magnitudo P. R. vltra "Rhenum vltraque veteres terminos imperii "reuerentiam. Ita ſede finibusque in ſua ripa, "mente animoque nobiſcum agunt." Mitto iam, Caefarem traiecto Edera, ad Rhenum vertere nullum potuiſſe, niſi Tacito vertere idem eſſe, ac veſtigia relegere exiſtimes.

Aa

§. 17.

* L. XXIX. c. 4.

§. 17.

De Adrana igitur quid statuemus? satis ut opinor, manifestum est, misso Edera, alium nobis fluuium quaerendum esse. Ait autem TACITUS, properatum Caesari iter, quod rarum illi coelo siccitate & amnibus modicis fuerit. Sed Adrana Chàttis nando, Caesari ponte traiectus, vado, quamuis modicus, transiri uon poterat. Altum itaque & aquarum mole grauem circumspicere oportet. At quoniam Chatti Romanos transitu arcentes, sagittis pelli poterant, latitudinem fluuii modicam fuisse necesse est, nec Moenum pro Adrana, Taurum pro monte Tauno legere licet. Quod superest, quoniam Caesar fluuii illo non nisi semel traiecto ad Rhenum vertit, huic ipsi misceri intelligitur, neque amnem cui haec omnia conueniant alium nouimus, nisi aut *Lanam*, quem ratio magis probat, aut *Acranam*, quem lectio promptius admittit.

§. 18.

Lanam & vicinia montis Tauni, ubi castellum Caesar condiderat, & aquarum copia commendat. Adde quod thermarum indicium Matiacos illis locis coluisse prodit. Emserianae enim Lanae proximae sunt; Wisianae modicum ab illo remotae; Vtraeque calidae, nisi quod haec longe feruidiores, Plinio cognitae videntur. Sed priscum Lanae nomen *Langana*

na aut *Lacana* fuit ab Adrana longius recedens. *Acrana** mole aquarum satis conspicuus, Sigae miscetur, & ab hoc per milliare circiter vnum raptus, Rhenio inuehitur. Nec Caesar a Rheno longius discessisse existimandus. Muniuit itaque, si Acrana magis placet, castellum in monte Tauno & copiarum partem eo conuenire iussit, vt Chatti ab illis partibus irrupturum timerent; deinde vero, cum copiis quae ad Coloniam Agrippinam conuenerant, Rhenum ibi transiit, quo factum, vt Chattis improuisus adesset, & iuuentus eorum Acranam nando tramiserit. Hunc traiecit & ipse, sed ponte, & vastatis apertis ad Rhenum vertit, traiecturus illum ad confluentes; accepto autem nuntio obsideri Segesten, pretium illi fuit conuertere agmen, & pugnare in obsidentes.

§. 19.

Certo profecto certius est, propria fluminibus nostris nomina, tum a Tacito, tum ab aliis scriptoribus prolata pleraque siue ipsorum siue librariorum culpa, pessimum in modum se habere, paucisque exceptis, vel corrupta vel omnino falsa esse. Cuius rei testimonia quoniam deinceps plura aderunt, nunc pauca, sufficiant. Per ignorantiam certe scriptorum accidit, vt quae regionum erant nomina, fluminibus tribuerentur. Sic *Visurgis* minime

A a 2

fluum,

* Agger-Fluss.

fluuium, sed pagum fluuiio adiacentem (*We-
sergen*) significat. Similis Visurgi, *Obrincus*
PTOLEMAEI. Ait enim cap. IX. "Regio quae
"circa Rhenum fluuium est, a mari ad *Obrin-
"cum fluuium* vsque, *inferior Germania* ap-
"pellatur, quod autem ab Obrinco fluuiio ad
"meridiem tenditur, Germania superior appel-
"latur, in qua ciuitates sunt ab Obrinco si mi-
"tium numerandi facimus: Nemetorum: Neo-
"magus, &c." Debebat ex animi sui senten-
tia dixisse: *Inferior Germania* a mari ad Na-
uum * vsque fluuium, & qui ab ipso nomen ha-
bent Nemetes, protenditur. Apud hos enim
est pagus qui illorum sermone *Obrincus*, id
est superioris Rheni appellatur. Sane miran-
dum, abreptos fuisse hoc PTOLEMAEI errore,
viros quosdam doctissimos, vt *Obrincum flu-
uium* quaererent, qui nusquam erat.

§. 20.

Locum vbi Segestes obsidionem tolerabat,
Tacitus non indicat. Si hariolari licet, vici-
num illum *Segae* fluuiio fuisse autumo. Nam
apud Germanos terrae a fluuiis quibus adiace-
bant, nomina trahere saepe solebant, eaque
consuetudo ad hunc vsque diem durauit; a
terra nomen deinde sibi capit cuius in patri-
monio aut imperio ea est. Erat autem *Sege-
sti* frater *Segimer*, filius *Segimundus*, ex fratre
nepos

nepos *Sesitacus*. Haec itaque familia nomen a Segā trahebat, quod pagum illum in patri-
monio, certe in imperio habebat. Sunt enim
mer, & *gest*, nomina dignitatis, quorum hoc
iudicem, illud praefectum aut Ducem signifi-
cat; *mund* filium familias dicit. Sesitacum eu-
phoniae gratia, pro Segsitacum a Tacito scri-
ptum, atque Sittach praedium quoddam ex
quo vitam ille sustentabat fuisse, existimo. Sed
de his iudicium cuiuslibet integrum esto. Re-
periuntur apud Tacitum plures Cattorum
principes, iisdem temporibus imperantes, quo-
rum ex numero sunt *Adgandester*, *Arpus*, *Ca-
tumer*, & *Acrumer*, ut facile intelligas omnem
Cattorum regionem in pagos diuisam, pagis
quibusdam nomen a fluuiis, unicuique autem
pago rectorem suum fuisse. Quod si recto-
rum quorundam nomina apud Tacitum obuia,
a pagis quibus praeerant, desumpta puto, id
quidem ea ratione ductus facio, quod Segimer
lingua nostra praefectus sit prouinciae ad Seg-
gam, Acrumer, praefectus prouinciae ad Acrum
fluuium, neque de hac nominum istorum ex-
plicatione dubium moueri possit. Noui equi-
dem, multos in ea opinione esse, cognomina,
quod in subscriptionibus tardius occurrunt,
Germanis antiquitus nulla fuisse; sed vim ar-
gumenti non perspicio. Arabes igitur, quod
cibum capientes non nisi dextra utuntur, sini-
stra carere dixeris? Sed de his alio loco.

§. 21.

Tacitus postquam benigne exceptum a Caesare Segesten retulit, cetera hoc anno gesta persequitur. Sed, quoniam illa ex rebus proximo anno gestis, lucem aliquam accipiunt, visum est nobis, ut posthabita temporis ratione, de illis quidem secundo loco agamus, nunc autem ad tertiam Germanici expeditionem pergamus.

§. 22.

Hanc igitur aggressuris nobis venia praefanda est, quod nonnulla aliter ac a multis doctissimisque viris factum fuisse videmus, explicanda duximus. Ne autem aliquis existimet, nos siue contradicendi studio, siue notitiae dulcedine captos, ab aliorum sententia discessisse, constituimus animo, ut allatas in medium rationes quibus ducti in alias partes iuimus, vnius cuiusque arbitrio submittamus; quam ob causam lectores aequo in nos animo fore, confidimus.

§. 23.

Decreuit Caesar, exercitum navibus impositum, per lacus ipsumque oceanum oris alueisque fluminum iuuehere. Dum adiguntur naues, Silium cum expedita manu in Chattos mittit; ipse audito castellum Luppiae flumini adpositum obsideri, sex legiones (ex veteribus) eo ducit. Sed obsessores ad famam

"famam aduentus eius dilapsi, tumulum tamen
 "nuper Varianis legionibus structum, & ve-
 "terem aram Druso sitam, disiecerant. Re-
 "stituit aram; tumulum iterare haud visum,
 "& cuncta inter castellum Alifonem & Rhe-
 "num nouis limitibus aggeribusque per-
 "munita."

§. 24.

Haec vt explicationem accipiant, dispici-
 endum nobis est, quibus locis castellum illud
 Luppiae appositum fuerit? tunc enim & lo-
 cum cladis Varianae & sylvam Teutoburgicam
 & plura alia indicare poterimus. At quoni-
 am nonnulli castellum quod diximus, pro illo
 habent quod Drusum aedificasse Dio scriptum
 reliquit, praeterea vero, iisdem fere locis vbi
 nunc vrbs Paderborna visitur, extitisse illud
 contendunt, liceat nobis de vtraque huius
 opinionis parte sententiam dicere.

§. 25.

Et *primo* quidem castellum cuius Tacitus
 meminit, iis locis vbi nunc est *Paderborna*
 fuisse, negamus. Caesar enim, quod auis
 montium atque sylvarum in medios Germa-
 norum fines irrumpere, hisque peragris ad
 Visurgin vsque penetrare prohibitus fuerat,
 decreuit copias nauibus impositas per ipsum
 oceanum, oris alueisque fluminum inuhere.
 Haec moliens expeditionem, cuncta inter ca-

Stellum & Rhenum aggeribus permuniuit. Quae cum ita sint, qui quaeso castellum quod Angriuarios, Bructeros, Cheruscos per Oceani & fluminum ambages aggressurus Caesar communiuit, in mediis eorum finibus esse potuit? Nam si facile Germanico fuit, ab vrbe Paderborna ad Rhenum vsque, limitem communire, pacata inter urbem istam Rhenumque erant omnia; superata viarum aspera, auia sylvarum; peruentum erat ad loca aequa, ad fines Angriuatorum Bructerorumque, quos bello petere decreuerat; ad Visurgin: Quid igitur copias tunc quidem abduxit, statim vero naui-
bus impositas per oceanum & Amisiam ad eundem illos Bructeros vexit? Scilicet ut Vlysses ageret. Quae quam absurda dicta sint, quilibet perspicit. Adde, quod limes ille ad 25. mill. germ. longitudinem protensus, intra paucos dies communiendus fuisset. Muniebatur enim dum naues adigebantur.

§. 26.

Deinde negamus, castellum a Druso constructum vrbi quae nunc est, Paderbornae, vicinum fuisse. Audiamus ea de re Dionem ipsum. "Initio, inquit, veris rursus in bellum profectus, Rhenum transiit, Vlipetes subiugauit, ~~Lupiae~~ ^{Lupiae}que fluminis ripis ponte iunctis, in Sicambros irrupit, perque eos in Cheruscorum regionem, vsque ad Visurgin

”processit. Id vt ei liceret, Sicambrorum
 ”in Chattos, qui soli finitimorum auxilia ne-
 ”gauerant, totius populi viribus facta expe-
 ”ditio effecerat. Quo tempore Drusus, iis
 ”imprudentibus, regionem peragrauit. *Visur-*
 ”*gin* etiam transiturus, ni eum inopia alimen-
 ”torum, ac hyemis propinquitas, praeterea
 ”examen apum, in castris visum, deterruif-
 ”set. Ingressus igitur in sociorum terram, in
 ”summum deuenit periculum, insidiis hosti-
 ”um frequenter laesus, & aliquando in loco
 ”angusto concauoque circumclusus, haud pro-
 ”cul absuit, quin caperetur. A qua eum per-
 ”nicie nihil aliud eripuit, nisi hostium teme-
 ”ritas. Qui cum contemptis Romanis, quasi
 ”iam captis, & vno velut ictu concidendis,
 ”nullo ordine eos aggressi essent, victi inde,
 ”ferociaque sua fracta, discessere. Ex eo nem-
 ”pe barbari propius adire veriti, eminustan-
 ”tum hostem infestauere, ita vt Drusus iis vi-
 ”cissim contemptis, castellum contra eos ad
 ”*Luppiae* & *Elifonis* confluentes, aliudque in
 ”Chattis ad ipsum Rhenum extruxerit.” ⁴ Ha-
 ctenus Dio.

§. 25.

Ex hac narratione colligimus, I. Chattos
 eo tempore in societate Romanorum fuisse;
 II. Drusum traiecto Luppia, & peragratis Si-
 cambrorum finibus, peruenisse ad flumen
 quod Dio Visurgin nominat; III. flumen hos

Caesarem minime traiecisse, sed in sociorum, Chattorum puta, terras ingressum, ibique infidiis petitem, vix tandem euasisse; IV. insectos fuisse abscedentem hostes, sed congregi non ausos, V. contemptis itaque illis, Drusum extruxisse castellum *contra eos*, ad Luppiae ac Alifonis confluentes. Quinam vero hostes illi fuerint, ex Floro atque Orosio discimus. Erant *Sicambri, Tencteri, Cherusci, Chauci, Bructeri, Sueui*. Cum itaque castellum *contra eos* extruxerit, castellum illud minime in ipsis eorum finibus, sed ad coercendos illorum interitus, in solo pacato extructum fuit. Neque Dio aliter. Disertissime enim refert, gestum fuisse bellum illud in Chattis; intrasse peragratis Sicambriis terras eorum Drusum, quod commeatus inopia premebatur, *adde*, quod sociis grauiter periclitantibus auxilium ferre debebat; aedificasse deinde rebus in tuto collocatis, castella. Quae cum ita sint, unde quaeso apparet, castellum illud in hostilis soli medio, ad Cheruscorum Chaucorumque confinia, urbemque Paderbornam esse quaerendum?

§. 27.

At, aedificatum fuit ad Luppiae & Elifonis fluuiorum confluentes? (Sane argumento tam leui nunquam nisi essent viri eruditi, si vim vocis cognitam habuissent. *Iffe*, quod a quibusdam *Is*, & *isch* pronunciatur, aquam signi-

significat, rium, aut nominis haud magni amnem; *el* prisca lingua pronominum quorundam vice fungitur, vt idem sit ac *quidam*, *ipse*; *ille*. Hinc Sueuis *eller*, *ipse*, *totus*, dicitur; *ellin*, illuc, eo; *s'ellet*, repositum ibi; *elles*, omne, totum. Ab hac consuetudine dialectus Franconica, rusticam loquor, aliquantulum recedit, totus enim aut ipse, illis est *aller*; e. g. *s'is aller noti*, *aller kranget*; ipsa rebus illis indiget, tota aegrotat. Sed haec fusius prosequi animus nunc non est, sufficit indicasse, *el* aut *al* nostro explicando; domestica subsidia adesse. Intelligimus ergo, castellum Drusi appositum fuisse riuo cuidam aut amniculo, qui proprium sibi nomen non habebat. Eiusmodi vero amnium ingens in Germania nostra numerus est. Quod si Elifonem minime vocem ex duabus compositam, sed omnino simplicem esse contendas, significabit *alneum*; veluti alnetum, locum alnis laetum, rium alnis vmbrosum &c. Igitur, siue compositam vocem dicas, siue simplicem malis, apparebit tibi ratio, cur *Else* toties occurrat, vt aut ammis aut loci alicuius nomen sit. Quam in rem testimonia ex regionibus Rheno proximis aliqua petemus.

Elfen, vicus est medius inter oppida *Ryfsen* & *Goor*, in terris Twenthae.

Over Elfen, & *Neer Elfen*, oppida ad diuertigium Rheni & caput insulae Batavorum.

Else,

Else, amnis, ad quam vrbs *Hadamar*. Miscetur deinde *Lanae*.

Else, pagus amni adiacens.

His addamus pagum *Else*, Paderbornae vrbi vicinum, amnique eiusdem nominis appositum. Plura perquirat qui volet. Nobis sufficit vim nominis indicasse, ne quis castellum loco caruisse putet, aut ibi quaerat vbi nunquam extitisse existimandum est.

§. 27.

Sed vt omnis de Paderborna deque vicinia castelli dubitatio facessat, dicendum nobis est de flumine illo quod nisi hyems obstitisset & com meatuum inopia, transiturus erat Drusus. Dio *Visurgin* appellat. Haecenus bene. Duo autem sunt fluuii eiusdem nominis, *Wesera* & *Wettera*. Supra monuimus, sibilum illum priscum, Anglis familiarem, transiisse apud nos in cognatos sibi sonos. Quemadmodum igitur antiquum *Mether* nunc a quibusdam *Messer* enunciatur, ab aliis *Metter*, rursus ab aliis, transalbianis maxime populis, *Mezer*; ita & antiquum *Wether*, nunc aut *Weser* aut *Wetter* aut denique *Wezer* profertur; nec aliquis linguae nostrae vel mediocriter peritus negabit, *Weferam* si vim vocis spectes, a *Wettera* plane nihil differre. Superest, vt dispiciamus vtrum ex ambobus fluuiis traiciendum Drusus existimauerit? Fingamus *Weferam*: ergo affirmandum erit, parum imperatorie
cum

eum egisse. Posthabita enim omni cura de fociorum, deque exercitus sui salute, censuit illis quidem grauiter periclitantibus opem minime esse ferendam, Visurgin vero traiciendum, interque illum atque Albim fluuium tantisper deambulandum, donec sociis ab hoste deletis aut ad deditionem coactis, ipse reditu excluderetur. Quae cum de tanto imperatore fingere omnino absurdum sit, nos misso Wesera, ad *Wetteram* accessisse Drusum contendimus. Transire animus erat, & in Cheruscos irrumpere, vt vim hostium in se conuersam a sociis Chattis distraheret; sed timebatur hyems & inopia com meatuum. Qua quidem in re ab exploratoribus deceptus minime fuit. Nam si transiisset, incidisset profecto, quod a nemine regionis illius gnaro negabitur, in loca vbi maxima alimentorum inopia laborandum ipsi fuisset. Itaque ab incoepto destitit, & in fociorum terras ingressus est. Tantum abest, vt proxima Paderbornae loca tentauerit, ibique castellum extruxerit. Sane si quis animo expendat, Romanos illo tempore summa rei militaris laude claruisse, ipsique Druso, ne ductu illius auspici domus Augustae turbarentur, praestantissimos duces adfuisse, stupeat is, necesse est, portenta castelli ad Luppiae fontes, inter auia sylvarum, in medio hostium structi.

§. 29.

Quam plurima profecto castella tum ab
aliis

aliis Romanorum imperatoribus, tum ab ipso Druso contra Germanos munita fuere, quorum situm si explores, eiusmodi fuisse deprehendes, qualem usus belli & ferocia hostium postulabat; ut commeatus de proximo suppeteret; ut facile subueniri posset. Vtrique opportunitate castellum illud carebat. Aberat a Rheno multorum dierum itinere; submitti auxilia nulla poterant nisi per socios male fidos, & ferocissimos hostes, per praerupta montium & sylvarum insidias; praesidiarium militem glande vesci oportebat: nam si rapto vivere jaberet, quod raperet nusquam erat; & constat annalium fide, eandem Paderbornam quae nunc vrbs est, CAROLI MAGNI tempestate, vix villam * fuisse vastis nemoribus undique septam. His ita se habentibus, locum istum a Druso esse delectum, ut suum ibi castellum conderet, minime dicendum arbitramur, nisi quis incredibilia & prorsus inaudita proferre cupiat.

§. 30.

Nunc, si quispiam ex me locum quaerat, ubi conditum fuerit, quid ex Dione responderem, vix esset. *Iulius enim Obsequens*, libro

* *Porta anon. Saxo.*

Tanto concilio locus est electus agendo
Quem *Pasbalbronnem* vocitant - -

Tunc ibi *villa* fuit tantum, nunc pontificalis
Ecclesiae consueta nitet clarissima sedes.

bro de prodigiis primo: "in Germania, inquit, "in castris Drusi, examen apum in tabernaculo Hostilii Rutilii confedit - - multitudo "Romanorum per insidias subacta est." Praeterea ex ipso Dione colligitur, Drusum eo bello hostibus haudquaquam superiorem extitisse, sed amissa parte exercitus & urgente hoste, tum suae tum sociorum salutem consuluisse, Quapropter credibile non est, iter eum, quo venerat, per Sicambros dico, remensum fuisse, sed copias ea via quae proxima patebat, per socios Chattos, romano solo reddidisse; castella vero, in pacato solo struxisse existimandus. Ex his alterum, quo transitus in protestate foret, ad ipsum Rhenum in Chattis positum, Dio memorat; alterum ambiguae positionis esse, aio. Potuit enim fieri, ut absens aut ab expeditione redux condi curaret ad Luppiam, quo Sicambros arceret; potuit fieri, ut in ipsa expeditione conderet, quo socios in officio contineret, ac contra hostium vim tutiores redderet. Hoc si magis placet, ad Luppiam minime condidit; sed ad Lanam; Ideo pro Luppia *Laugana* legas, & eo loco ubi nunc est vicus *Staffel*, ad confluentes Alifonis illius & Lanae, castellum quaeras: Sin illud; ad alium Alifonem qui oppida *Altschermbek* & *Neuschermbek* alluens, mox Luppiae miscetur, descendas. Et tunc quidem castelli a Tacito prolati, conditorem dicere Drusum, nihil prohibet. Quod si iudicium secundum

Dio-

§. 32.

Summa disputationis nostrae eo redit: castellum cuius Tacitus meminit, a Druso conditum videri, si ex duobus illis Dionis, alterum appositum erat Luppiae. Huic enim fluuio imminebat illud, inter quod, Alifonem & Rhenum, Germanicus cuncta nouis aggeribus limitibusque muniuit. Factum id fuisse dum naues adigebantur, paucis diebus, refert Tacitus, eaque narratione, spatium quod munitione firmabatur, modicum fuisse innuit. Supra monuimus, vocem *Iffe* significare flumen, ac reperiri complures in Germania nostra amnes solo hoc nomine contentos. Horum in numero fuit tum Ysala tum amnis ille ad cuius & Luppiae confluens castellum ponimus; spatium quod castello & Ysala vtrinque clauditur, ad milliare germanicum fere vnum cum dimidio protensum, montibus ac siluis paene totum repletur, eamque ob causam partim aggeribus partim concaedibus intra paucos dies muniri poterat. Hoc enim Tacitum & aggeres & limites memorantem, velle existimo. Obiciebatur itaque Veteribus ac Rheno a borea, Ysala; ab oriente sole munitiones quas diximus; a meridie Luppia; ager his limitibus definitus, militumque vsibus & alendis eorum equis pecoribusque sepositus, Neronis tempore, quod maximam partem vacuus & incultus iacebat, primo a Frisiis, deinde ab Ansibariis, sed frustra, tentatus fuit.

§. 33.

§. 33.

Huic limiti vicinum fuisse *Teutoburgiensem* saltum, tumulumque Varianis legionibus structum, Tacito auctore contendimus. Saltus ad huuc vsque diem superest. Initia illi ad oppidum *Ratingen* vrbi *Kayserswerthae* vicinum. Mox priscum nomen seruans, vrbi *Duysbergae* imminet; a duobus deinde fluuiis *Rora*, & *Emsera* diuisus, ambit vastas paludes; * tandem Luppiae proximus, atque oppidis pagisue *Kruidenberg*, *Gardrop*, *Galen* vicinus in aperta loca definit.

§. 34.

” Iamque classis advenerat, cum praemisso
 ” com meatu & distributis in legiones & socios
 ” nauibus fossam cui Drusianae nomen ingressus,
 ” lacus inde & Oceanum vsque ad *Amisiam*
 ” flumen, secunda nauigatione peruehitur.
 ” Classis *Amisiae* relicta, lacuo amne,
 ” erratumque in eo, quod non subuexit, (sed)
 ” transposuit militem dextris in terras iturum,
 ” ita vt plures dies efficiendis pontibus
 ” absumpti.”

§. 35.

Habebant tum Romani in *Chaucis* & praesidium & hiberna ipsis *Amisiae* ripis imposita. Refert Tacitus, „ vexillarios praesidium in
 ” *Chaucis* agentes, anno qui expeditionem
 ” hanc Germanici proxime praecesserat, seditionem
 ” coepisse, praefectum vero castro-
 ” rum

B b 2

* Dingslaecker Brock.

” rum, Mennium, raptum vexillum ad ripam
 ” vertisse, & tumultuantes milites ex praefi-
 ” dio in hiberna reduxisse.” Itaque, cum ca-
 stra romana vallo fossaque circumdata noue-
 rimus, credibile est, loco nomen a fluuio fuisse,
 Caesaremque eo tanquam tutissimo, classem
 reliquisse. Extat *Amisia* apud Ptolemaeum,
 cuius latitudo est 51. 30; longitudo 31. 30.
 Facit autem ille lat. ostiorum 55. 0. vt oppi-
 dum *Amisia* distet ab ostiis fluuii gr. 3. m. 30.
 Errore grauissimo. Est enim latitudo *Lupfur-*
di oppidi aut loci, Luppiae flumini absque
 dubio adiacentis, gr. 51, 40; qua ex re apparet,
 latitudinem *Amaliae* illius iusta minorem esse
 positam. Meminit Ptolemaeus oppidi *Asca-*
lingii quod ad *Amisiam* fuisse suspicor. Nam
 in litore maris non erat, quia non in climate
 Germaniae maxime boreali, sed in secundo
 ab illo; ad fluuium igitur, quia vox ista *sta-*
tionem nauium dicit: Romanis vero; praeter
Amisiam flumen, si quorundam ostia excipias,
 aliud tentatum nunquam fuit. Ergo ad *Ami-*
siam fuisse videtur *Ascalingium* istud, vt dixi-
 mus. Distat vero ab ostiis fluuii Ptolemaeo
 auctore gr. 1. min. 15. Qua proportionem
 seruata, incidimus in urbem *Lingiam*, *Amisiae*
 vtique appositam. Habent enim in mappa
 Frisiae orientalis, a *Coldewego* edita, ostia flu-
 minis orientalia lat. 53. 43. *Lingium* vero
 vrbs, in mappa Maieriana, 52. 30. Differen-
 tia inter vtramque latitudinem, est 1. gr. 13.
 min.

min. Afcalingiam proxime praecedit *Tuliphur* oppidum; hoc, *Amisia* cujus situm quaerimus. Ostendit vrbs *Emdena* aliquam nominis similitudinem, qua ne tangamur duplex ratio prohibet. Primo enim, neque Tacitus neque Ptolemaeus *Amasiduni* cuiusdam, sed *Amisiae* siue *Amasiae* meminit; deinde *Emdena* ad clima Germaniae maxime boreale referenda, Ptolemaeus vero *Amasiam* suam in proximo ab illo, climate ponit. Factum itaque fuisse suspicamur vt Ptolemaeus de illo fluminis diuertigio locutus sit, cuius in vicinia terrae nomen a fluuiio trahunt. Quamuis enim *Amisia* per vasta terrarum spatia decurrit, nullis tamen, nisi cum descendens a meridie in ortum aestiuum flectitur, nomen relinquit. Neque absonum est, *Amisiam* Taciti eo loco quaerere; nam & fluuius, (quod ex *Schenkiana Monasteriensis* episcopatus mappa discimus,) nauigatur quamprimum *Beuera* amne auctus fuit; & Caesar vt paludes & avia vitaret, copias hostico classe inuexit. Adiacent fluuiio *Emsbaren* & *Emstetten* oppida, sed in occidentali ripa, & ab vrbe *Lingio* meridiem versus nimis remota, extra *Chaucos* igitur, & iis locis quae aut classi praesidio esse non poterant, aut nauibus Oceani spatia emensis, adiri fortasse nequibant.

§. 36.

Summa sententiae nostrae haec est: Conatus erat Caesar, per *Rhenum* in *Chattos* *Cherus-*

rus cosque irrumpere, sed frustra. Mutato igitur consilio, copias nauibus impositas, per Oceanum & Amisiae alueum terris inuexit, quo vires equosque neque onere commestuum tormentorumque fractos, neque filuis paludibusque mulcatos, sed viribus integros, in hostem duceret. Classem reliquit in Chaucis quod hiberna ibi, castraque munita Romani habebant; copias autem in dexteris terras, in ripa occidenti soli oppositam ponte traduxit. Ratio erat, quod in dextris terris & iter nullis fluminibus impeditum, in solo pacato patebat, & latus vnde hostis timeri posset, obstructo flumine Amisia, munebatur. Alterum latus claudabant, aut socii aut in deditionem accepti, Frisii & Tubantes. Vix nobis pretium est monere, dexteris sinistrasque partes, ex illis in quas respicitur, aestimari. A Borea autem Germanicus meridiem versus tendebat.

§. 37.

- ” Metanti castra Caesari Angriuariorum
 ” defectio a tergo nuntiatur. Missus illico
 ” Stertinius cum equite & armatura levi, igne
 ” & caedibus perfidiam vltus est.”

Legendum esse *Ampsiuarios* aut *Amisuariorios*, facile vt opinor perspectu est. Hi enim Caesari a tergo erant, quia Chaucis finitimi & ad flumen Amisiam colentes. In eodem Germanicus a Cheruscis reuertens Stertini bellum mandarāt, ni deditionem maturantes
 veniam

veniam accepissent. Idem naufragium deinde passos Romanorum multos ab interioribus redemptos reddidere, quod de Angriuariis intelligi inprimis nequit. Idem denique Neronis tempore a Chaucis pulsi, vacuos agros & militum vsui sepositos, duce Boiocalo occupauere. " Huic quod rebellione Cherusca vincula passus, mox Tiberio & Germanico ducibus stipendia meruerat, Auitus agros dare promisit, populo negauit." Amisuaril igitur eodem quo ipsorum Dux in Romanos animo haud semper fuere.

§. 38.

Peruenit Caesar ad *Visurgin*. Hoc enim flumen Romanos Cheruscosque interfluebat. Narrat deinde Tacitus praelium ibi commissum.

Germanicus complures jam annos bellum contra Cheruscos Chattosque gesserat. Et prioribus quidem annis per Rhenum irrumperere conatus erat, proximo, per Amisiam. Decertatum acie fuerat saepius, sed quod res ipsa ioquitur, certaminibus istis tam parum profectum, ut hostes aut cladibus attritos bellum timere, aut poenitentia actos amicitiam malle, ne Caesar quidem ipse sperare auderet, eamque ob causam bellum in hanc aestatem visumma pararet. Adactae mille naues, impositae octo legiones, additus auxiliarium equitumque ingens numerus, nec quod ad difficile bellum eunti vsui esse potest, quidquam omis-
sum.

Bb 4

§. 39.

§. 39.

Haec cum ita sint, portenti instar habeo, tot viros & ingenii & doctrinae laude clarissimos, Visurigin hunc Taciti pro nobilissimo illo Germaniae fluuio accepisse. Sane si explicationem hanc dubitatione aliqua dignam habuissent, facile perspexissent, eam nulla ex parte vel veri aliquam speciem prae se ferre, vel veram esse omnino posse; Germanicum vero de traiciendo Wesera nunquam cogitasse, nisi mente captum aut proditorem exercitus. Et profecto non imperatorie sed stolide egisset, si hostibus infenso animo, audacia, numero terribilibus, post tergum relictis, in populos locorum natura munitos, numero infinitos, bello audacissimos, sibi vero nulla iniuria cognitos, duxisset, ut noua hostium multitudine in se concitata ab omni parte circumueniretur. A qua insania tantum ille absuit, ut populos inter Rhenum & Visurigin bello aggressurus, nihil earum rerum omiserit, quibus aliquos eorum ad amicitiam & belli societatem permoueret. Quod si populis inter Visurigin Albimque colentibus arma Romana ostendere animus erat, quid quaeso Amisiam classe petebat? Visurigin petere oportebat. Sed haec eiusmodi sunt, ut vel a quouis diiudicari queant: quod autem proferre pudet, hac Germanici traiectione ad eam necessitatem redigimur, ut Cheruscos & Angriuarios inter Visurigin & Albim fluuios coluisse dicendum sit.

§. 40.

§. 40.

At auctoritas Taciti? Imo Tacitum ego neque reprehendo, neque falsi arguo. Tu autem, quo iure fretus ab ipso contendis, ut Germanorum linguam, populos, nomina fluviorum melius nosse, intelligere, in litteras referre eum oportuerit, quam haec omnia nos ipsos facere oportet qui Germanis orti parentibus, eadem qua maiores lingua utimur, eandem patriam incolimus, quibus nec regionum nec fluminum pristina nomina interiere? Numnam per auctoritatem Taciti nobis non licet res nostras cognitatas habere?

§. 41.

Sunt ex fluminibus nostris haud pauci, quibus nomen quodammodo non proprium sed pluribus commune est. Vox *Werraha* in *Werram* arctata, fluuium in montanis ortum significat: pluribus itaque fluuiis conuenit. Sed *Werra* ex Thuringorum montibus descendens, postquam *Fuldaha* auctus fuit, pristino nomine deposito, *Weßera* vocatur, quasi collectam aquarum copiam diceret. *Wetherae* voci eadem vis; itemque *Witherae* in *Vidrum* corruptae: quemadmodum *Werissae* in *Wersam* abeunti idem ac *Werrahae* significatus est. En tibi quatuor flumina, quibus ob nominum similitudinem facile accidit, ut a Romanis linguae nostrae imperitis, imo res nostras exigua cura prosequentibus, communi aliquo nomine, cuilibet eorum ex aliqua parte simili dicerentur.

tur. De *Wesera*, res notissima est; *Wetteram* a Romanis itidem *Visurgis* nomen accepisse, supra démonstrauimus; parem *Vidro* fortunam fuisse, Lipsius dudum obseruauit, & ex rerum gestarum ordine cuius haud difficulter apparet. " Germanicus enim, ab Arminio
 " recedens, exercitum ad Amisiam reductum,
 " classe vt aduexerat reportat. Sed postquam
 " ad ostia fluminis deuentum est, legionum
 " quas nauibus vexerat, duas Vitellio itinere
 " terrestri ducendas tradit, quo leuior clas-
 " sis vadoso mari innaret, vel reciproco fide-
 " ret. Vitellius tandem penetrat ad amnem
 " *Visurgin* quo *Caesar* classe contenderat; im-
 " positae deinde legiones & in hyberna redu-
 " ctæ." Pro *Visurgi* vir quidam celeberrimus, *Vnsingin* legit. At *Vnsingis* Amisiae ostiis proximus est. Qui itaque *Caesar* ad illum contendisset? vt in naues reciperet legiones, quas vt leuior classis mari innaret, pedestri itinere ire iusserat. Duo fluuii *Vitellio* occurrebant, *Vidrus* & *Yssala*. Horum vterque in lacus effunditur, vterque Romanis ponte traiciendus erat. Itaque ne milites viarum difficultatibus fracti, eo labore onerentur, *Caesar* mare emensus ad proximiorē sibi classe contendit, quo receptas ibi legiones, per *Yssalam* & fossam *Drusianam* hybernis redderet.

§. 42.

Possēt quis existimare, Arminium dum legiones per Oceanum classe aduehuntur, collectis

lectis copiis, hosti obuiam processisse, eoque factum ut ad Vidrum fluuium pugnaretur. " Obstant autem quae Tacitus narrat, militem " in loco proelii aggerem struxisse & in mo- " dum trophaeorum arma subscriptis victa- " rum gentium nominibus imposuisse; hanc " speciem dolore & ira adfecisse Germanos, ut " raptis armis Romanum agmen repente in- " cursauerint, turbauerintque." Haec in- quam, obstant, quo minus proelium in ripa Vidri commissum existimemus. Haud pe- rinde Germanos vulnera, luctus, excidia quam ea species dolore & ira affecit: affecisse ne cre- das, quia species ea trophaeum erat, sed quia in ipsis eorum finibus excitata. Nec apparet, qui eo dolore incensibilebes, primores, iuuen- tus senesque agmen romanum repente incur- sare potuerint, nisi in ipsorum solo haerens. His addantur excidia. . Itaque praelium illud alium sibi fluuium deponere existimo. Nam Vidrus per terras eo tempore pacatas in la- cum Fleuum defertur, poterantque excitata ibi trophaea inter cetera inania titulorum a Germanis contemni; patrio solo imposita, fer- uitutem exprobrabant.

§. 43.

Ad *Werissam* pugnatum fuisse autumo. Oritur is in extremis Strombergensium, plu- ribusque amnibus auctus, ad oppidum *Han- dorp* Amiliae iungitur. Modicum esse fate- mur; modicum Tacitus innuit. Nam & Ar-
mini

minium cum fratre ex ripa collocutum fuisse, & Caesarem nisi pontibus praefidiisque dispositis legiones in discrimen dare, haud imperatorium duxisse refert. Tramitti ergo legiones absque pontibus potuissent, dummodo imperatorium fuisset.

§. 44.

Series rerum gestarum ex nostra sententia haec est: Caesar ut paludes vitaret quibus Amisia ab utroque latere clauditur, copias classe in terris inuexit, & ad eum circiter locum, ubi nunc est urbs Lingium exposuit. Relicta ibi classe, exercitum in dextris terris duxit, ut hosti fluvium ab oriente sole obiceret. Sic procedens & hosticum ingressus, peruenit ad Werissam fluvium, eoque tramisso, proelio conflictavit. Refert Tacitus, anxio eum animo fuisse, propinquo summae rei discrimine, nocteque coepta, egressum augurali, ut omen caperet. Nec vana sollicitudo animum inceserat. Claudebatur enim, hinc Werissa, inde montibus aut siluis, a tergo Amisia flumine, ut ab omni parte circumuentus videretur. Et Germani catenas in Romanos, ut non dubio euentu, portauerant. Victi, alii siluas petiere, quae pugnantibus a tergo erant; alii Werissam quae sinistrum cornu muniuerat, tranare conati sunt; reliqui aliam fugae viam quaesiuere, ut decem millia passuum cadaueribus & armis opplerentur.

§. 45.

§. 45.

Nominis *Idistauisi* quatenam vera sit ratio, parum comperi. Et *visum* quidem nostra lingua campum esse, Germanus nemo ignorat. Cetera ambigua. Nam fieri potuit, ut campus ab Hercule cui nemus sacrum erat, nomen traxerit; fieri potuit, ut ab amne aliquo, imo ab aliis rebus, quarum memoria dudum periit. Si Celeb. *Wachterum* consulas, doceberis: *Idis* esse solitarium quid, separatum, quod sacrum interpretari commode possis. Esset itaque *Idistauisus*, aut campus ab aliis separatus, siue facer; aut campus fluuio limitaneo adiacens; *ah* enim, quod supra monuimus, fluuium significat. Sed de his liberum cuique iudicium esto.

§. 46.

” Romanos ad vltiora progredientes,
 ” Germani repente incurſant, turbantque.
 ” Postremo deligunt locum flumine & siluis
 ” clauſum, arta intus planitie & humida, siluas
 ” quoque profunda palus ambibat, niſi quod
 ” latus vnum Angriuarii lato aggere extule-
 ” rant, quo a Cheruscis dirimerentur.

Flumen cum a Tacito editum non ſit, nec nos edere illud audemus. Erat autem in confinio Cheruscorum & Angriuariorum, limitique qui vtroſque ſeparabat, proximum. Haec in eos dicta putes, qui Weſeram traieciſſe Germanicum affirmant, ut in *Idistauiso* campo pugnaret. Nam ab eo campo longius
 pro-

hibuisse haud videtur. Caesar enim a flumine longius discedere veritus, agmen ad ultimos Bructerorum duxit, puta meridiem versus; nam si ad ultimos orientem versus, duxisset cuncta inter Amisiam & Visurgin vastasset; sed Tacitus depopulatum omnia inter Amisiam & Luppiam refert, id est aperta Angriuariorum, ultimis Bructerorum ad Boream, confinia. Quo facto, haud longe aberat, a saltu Teutoburgiensi, quem Luppiae vicinum fuisse, supra demonstrauimus.

§. 50.

” Igitur cupido Caesarem inuadit, soluen-
 ” di suprema caesis ibi militibus.” Et ha-
 ctenus nihil de Arminio; postquam vero
 primum extruendo tumulo cespitem a Ger-
 manico positum, idque Tiberio minime pro-
 batum fuisse Tacitus retulit, statim ita pergit.
 ” Sed Germanicus cedentem in auia Armini-
 ” um secutus, vbi primum copia fuit, inuehi
 ” equites, campumque quem hostis infederat
 eripi iubet.” Dum itaque ferali officio Ger-
 manicus perfungitur, Arminium collecto in-
 terim exercitu, in eum mouisse, pugnae vero
 copiam non statim fecisse, sed puido & ce-
 denti similem, Romanos in locum ipsis iniquum
 adduxisse, intelligimus. Refert Tacitus, prae-
 lio commisso ” fusum equitem, impulsas & in
 ” paludem trusas cohortes subsidiarias; de-
 ” inde vero, postquam legiones pugnam ex-
 ” ceperint, manibus aequis abcessum esse,
 mox-

”moxque Germanicum reducto ad Amisiam
”exercitu, legiones classe vt aduexerat, re-
”portasse.”

§. 51.

Haec cum ita sint, quo pacto rebus a Ta-
cito narratis integritas sua constare queat, si
Varus Visurgi fluuio proximus occubuiſſet, il-
lorum curae permittimus, quibus ea senten-
tia placet. Supra demonstratum est, saltum
Teutoburgienſem limiti romano proximum
fuisse: nec cuiquam Tacitum attentius legen-
ti, ea de re dubitare licet. Germani enim,
castellum quod ad Luppiae ripam erat, obli-
dione aggredientes, & veterem aram Druso
ſitam, & tumultum legionibus positum. disie-
cerant. Germanicus vero aram, quod nempe
limite continebatur, restituit, tumultum in
hostico positum, iterare haud visum, cuncta
vero nouo limite aggeribusque firmavit, di-
gressus deinde naues petiit & per Oceanum
in Amisiam enauigauit. Quod si tumultus Vi-
surgi proximus erat, Visurgin Germanicus
classe petere debebat, Amisiam minime. Nam
Chauci in eo bello gerendo Romanos adiuua-
bant; ceterae autem gentes, a tumulo & Vi-
surgi ad Rhenum vsque colentes, quoniam
limite nuperrime firmato comprehendeban-
tur, in deditionem venerant, eamque obrem
Germanicus, bellum minime cum hoste ali-
quo, sed cum sociis gentibus aut pacatis ge-
sturus, exercitum ad Amisiam duxisset. Quae

Cc

quam

quam absurda dictu sint, nemo tam habes est, quin perspiciat. Quantulum vero obstat?

Varum in media Germania ius dixisse. Quippe rhetoris haec sunt, qui ius Germanis a Varo in ipso eorum solo redditum fuisse dicit. Longe alia Dio. "Loca quadam inquit, Germaniae Romani tenebant, non continua, sed ut forte subacta fuerant hinc inde. Iis in locis hiberna romani milites habebant, & oppida condebant, barbari vero mores eorum imitati in forum confluebant, & pacate cum ipsis agebant. Deinde vero, cum Q. Varus Germanis tanquam Mancipiis superbe imperare, ac perinde ac si imperio eius subiecti essent, pecunias extorqnere coepisset exacerbatu illi, conatus eius aequo animo minime tulere." etc. Loca ista, Dioni oppida, Tacito castella appellata, proxima finibus imperii, Amisiae & Rheno, ubique deprehendimus. Neque enim Romani tanta stultitia agebant, ut iis locis quibus subueniri non poterat, castella imponerent. Sed iuuat ipsum *Velleium* audire. "Intrata, inquit, protinus Germania, subacti *Caninefates*, (Chamaui) *Attuarii*, *Brueteri*, receptae *Cheruscae* gentes & amnis mox nostra clade nobilis; transitu Visurgis, penetrata ulteriora." Refert cunctos ad amnem illum colentes, Chamauos nempe, Attuarios, Brueteros, Cheruscos, aut vi subactos, aut in amicitiam receptos esse, amnem itaque ipsum, ab ostio

ostio ad fontes vsque receptum dicit; his vero rebus gestis Tiberium transisse Visurgin & vltiora penetrasse. Amnis ille ad quem Chamaui, Attuarii, caeterique populi colebant, erat Luppia; clades itaque minime ad Visurgin sed ad Luppiam accepta, iis locis quos scriptorum testimonia demonstrant.

§. 52.

” Caesar legiones classe reportaturus, monuit Caecinam, quanquam notis itineribus regrederetur, pontes longos quam maturime superare. Angustus is trames erat, vastas inter paludes, & quondam a L. Domitio aggeratus, cetera limosa, tenaci graui coeno, aut riuus incerta erant, circum siluae paulatim accliuēs, quas tum Arminius impleuit, compendiis viarum & cito agmine onustum sarcinis armisque militem, cum anteuertisset.”

Pontes isti eo tempore confecti videntur, quo Drusus Caesar deuictis Bructeris ad laeuam Amisiae colentibus, bellum in Chaucos & dextros Bructeros mouebat. Arbitror enim, molestum omnino, nec satis tutum fuisse, gentes illas non nisi classibus adire, aut auxilia praefidiis missa, Oceano credere. Itaque de breuioribus viis cogitatum fuit. Et quoniam Romani Vetera primariam bellis germanicis sedem delegerant, isque praeterea locus in Bructeros Chaucosque mouentibus maxime opportunus erat, viam de qua sermo est, a

Veteribus ad castellum, quoddam Amisiae ap-
positum, duxisse arbitror. Nam plura ad eun-
dem fluuium castella munita fuisse, veritati
maxime consentaneum tibi videbitur, si ra-
tionem, qua ducti Romanorum imperatores
extruendis illis operam dabant, spectare vo-
lueris. Oportebat id agi, ut flumen classibus
pateret, socii in officio continerentur, & con-
tra hostium incursiones auxilium haberent:
pluribus ergo castellis opus erat, quorum aliud
ipsis ostiis imminebat, aliud confiniis Bructe-
rorum etc. Sane, cum Caesar classem Amisiae
reliquerit, deinde vero legiones illi impositas
per Amisiam flumen Oceano inuexerit, castel-
lum illud flumini aequiuorum, minime ostiis,
sed superioribus ripis appositum erat. His
accedit quod saepe monuimus, Caesarem quo
paludes vitaret, legiones terris inuexisse. Re-
fert praeterea Tacitus, tum a Caesare moni-
tum Caecinam, cum legiones aut classi iam
imposuerat, aut proxime impositurus erat.
Addit, Caecinam notis itineribus regredi de-
buisse. Rediit itaque iisdem quibus venerat,
a Veteribus nempe ad Amisiam. Quod castel-
lum si eo circiter loco, quo nunc est vrbs Lin-
gium exitisse singas, non deerunt profecto,
ad Vetera exinde proficiscenti, paludes, riu-
colles, & cetera quorum Tacitus meminit.

§. 53.

Nunc, quibus locis populi bello a Germa-
nico petiti, coluerint, dispiciendum nobis est

Che.

Cheruscorum mentionem primus facit Dictator Caesar. Hic enim *Ubiis* in deditiōem acceptis, contendit in *Sicambros*, qui ab ipso inter Sueuorum gentes referuntur, ac vastatis illorum finibus, in Galliam rediit. Cum autem Ubii quod in Romanorum amicitiam venissent, a vicinis Sueuis grauiter premerentur, nec vim eorum diutius ferre possent, Caesar Rhenum rursus traiecit. Ab exploratoribus Ubiis certior fit: "Sueuos (*Sicambros*) omnes ad extremos fines se recepisse. Siluam ibi esse infinitae magnitudinis; quae *Bacenis* appellatur, hanc longe introrsus pertinere, & pro natuo muro obiectam, Cheruscis a Sueuis, Sueuosque a Cheruscis iniuriis incurfionibusque prohibere; ad eius initium siluae Sueuos aduentum Romanorum expectare constituisse."

Ubios quondam in dextra Rheni ripa, e regione Coloniae Agrippinae egisse, satis notum est. Habebant itaque ad orientem solum Sigam fluuium & *Sicambros*; hi vero *Baceni* sylua a Cheruscis dirimebantur.

§. 54.

Nomen *Bacenis* diuersis modis, qui tamen ad idem redeunt, declarari potest. Caesaris Dictatoris tempore, littera C licet vocales E & J, praecederet, vim litterae K habebat. *Ken* (e producta) lignum aut syluam dicit; *Bac*, quod satis notum, aquam viuam. Quamobrem *Bacenis*, sylua aquis irrigua, est. Porro,

fi ken, a *kennan*, generare, deducas, ut sit quod verbale appellatur, ab imperatiuo defumtum; interpretabimur Bacenin *matrem aut Principium aquarum*. Itaque res eodem redit, ut diximus. Idem ergo hodie, si vim spectes, nomen sylvae illi est, quod olim; nunc enim *Westerwald* appellatur, corrupta ex antiquo *Wether* aliquantulum voce. Et pulcherrime quidem rei nomen congruit. Vix enim in Germania nostra siluam reperiās, quae tantam vim aquarum & amnium ex se dimittat.

§. 55.

Oritur autem Bacenis sylua in Sicambriis, inter Sigam Lanamque fluuios, & ingenti flexu in ortum aestiuum tendit. *Cheruscii* itaque supra Sicambros septentrionem versus colebant, totumque illum tractum montibus siluisque horridum ad Werram usque tenebant. Quod vel ex ipso nomine patet. *Hersch* enim lingua nostra, *ferum*, *siluestre* denotat; inde ceruus *Herschbeck*, caper siluestris, aut breuiore voce der *Hersch* appellatur; *Herschhorn*, granum siluestre, quasi frumentum spurium dicas. Neque praetereundum nobis est, ipsis iis quas Cherusci olim habitabant vicinisque Franconiae regionibus, ceruum miliumque vulgari lingua minime *Hirsch* & *Hirs*, sed *Hersch*, ipsam quoque regionem Cattorum principibus nunc permissam *Herschfeld*, appellari. Eadem constantia linguae ceteris austrum versus colentibus Germaniae populis est. Inde
tot

tot nomina oppidorum locorumque, quorum situm si quis examinauerit, inter nemora rupesque sita fuisse reperiēt. Quod igitur regionis nomen erat *Herschgen*, id Romani more suo ad incolas retulere. Elifum vero U, nemini, qui Otfridum legerit, aut priscae linguae studiosus sit, offendiculo fore, confido.

§. 56.

Hinc, factum est, ut Drusus, Dione referente, per Sicambros in Cheruscorum regionem ad Wetteram usque processerit. Sicambros enim excipiebat regio ista montium iugis & perpetuis siluis referta, cui exinde nomen erat. Per hanc penetrare Drusus periculosum ratus, in socios sibi Chattos deflexit, qui Dictatori Caesari perinde ac Sicambri, Sueui sunt.

§. 57.

Translatis deinde in Galliam Sicambriis, pristinas eorum sedes occupauere *Chatti*, ita ut Taciti aetate, quantum ex ipso colligere licet, ab *Acrana* fluuio, ad *Hermunduros* usque colerent. Medii inter Chattos Chaucosque degebant Cherusci; occidentem versus, *Angriuarii* obtendebantur. Cum autem Cherusci nimiam ac marcentem pacem diu nutriuissent, a Chattis victi sunt; quo factum, ut Chaucorum gens, ab orientalibus nempe Visurgis partibus, ad Chattos usque sinuaretur. *Angriuarii* habitata iis camporum aperta nomen dedere. *Dulgibini*, *Chasuari*, *Chamaui* &

Ampsiuarii, quod pars eorum essent, Tacito bella Germanici prosequenti, memorati haud fuisse. *Amsuarios*, ad Amisiam nempe colentes, defecisse, deinde immisso Stertinio statos, ac tandem ad deditionem coactos refert.

S. 58.

Ab his diuersi *Ampsiuarii* siue *Amsuarii* ad *Emserum* fluminem colentes, Angriuariorum pars. *Chasuaros* ad amnem *Hesse* coluisse existimo. *Dalgibinorum* memoriam ab oppido *Dulmen*, vico *Dulmenhuys* & toto isto tractu cui nomen *Dulman* seruari crediderim. *Gebinne* idem dicit quod recepto nunc vocabulo, Territorium; terras nempe limitibus suis circumscriptas. His locis forsitan quaerendum esset *Tulifurdum* Ptolemaei, item *Tulifurgium*. Vtrumque ad clima Germaniae secundam ab eo refertur. Propiores austro, in altera Luppiae. ripa *Chamaui* colebant, & deinde ad *Emserum* amnem, *Amsuarii*.

Angriuariorum gentes a fronte excipiebant *Frisii*, aut quod perinde est, ad laeuam Amisiae habitantes *Bructeri* illi quos consensu vicinarum gentium deletos fuisse Tacitus narrat. Nam & iuxta Tencteros olim, in ripa Rheni occurrisse scribit, & Deos ne spectaculo quidem praelii Romanis inuidisse exultat. Romani vero cum ea tempestate trans Rhenum neque vlla castella, neque alio quam quo diximus loco limitem haberent, spectaculo proelii

lii ad dextram Amisiae commissi, frui minime poterant. Ibi autem *Brucleri* Cheruscorum focii agebant, a septentrione & oriente Chaucis finitimi, ab austro Cheruscis & Angriuariis. Occidentale latus flumen Amisia claudebat.

§. 59.

Itaque fides sua Vellejo constat, narranti subactos esse a Tiberio Chamauos, Attuarios, Brucleros, receptum annum mox Romanorum clade nobilem, receptos Cheruscos, transitum Visurgim. Gentes enim ad Luppiam colentes, aut armis victi aut in societatem recepti omnes fuerant. Chamaui australem fluminis ripam colebant; vtramque Cherusci, sed capiti amnis proximam; Attuarii longius remoti, tangebant Brucleros, per quos ad Visurgin itum. Omnes itaque Angriuariorum gentes subactae, quoniam ab vtraque parte vltimae.

§. 60.

Amsuarii a nobis modo dicti, iidem sunt, in quos multis postea aetatibus *Arbogastes* duxisse Gregorius Turonensis ex Sulpitio refert. "Transgressus Rhenum Brucleros ripae proximos, pagum etiam quem Chamaui incolunt depopulatus est, nullo vnquam occurrente, nisi quod pauci ex Ampsiuariis & Chattis in vltioribus collium iugis apparuere. En tibi Brucleros Rheno proximos! a quibus digressus Arbogastes cuncta ad Emserum vsque & vltra, depopulatus est.

§. 61.

Diuerſi ab his Amſiuarii, ad Amifiā, co-
 lentes & a Chaucis pulſi, quos duce Boiocalo
 limitem Romanum occupaffe Tacitus narrat.
 Nam ad Emſerum habitantes, pelli a Chaucis
 non poterant, niſi pulſis antea dextris Bructe-
 ris, aut in ſocietatem belli venientibus: Sed
 Bructeris illis animus erat Amſiuarios bello
 contra Romanos iuuare. Ergo Amifiæ ripas
 coluiſſe eos, neceſſe eſt. Videntur populus
 Friſiorum fuiſſe, a Chaucis ob veteris iniuriæ
 memoriā bello petitus. Eo enim tempore
 quo Romani in Chaucos mouebant, Friſii auxi-
 lio ipliſ ſ fuerant. Boiocalus ipſe, Tiberio &
 Germanico ducibus, ſtipendia meritis, nec cum
 Friſii deficerent, animo mutatus, quinquā-
 ginta annorum obſequium præſtiterat. Inui-
 ſa itaque Germanis gens, reiecta a Romanis,
 retro ad Uſipios & Tubantes conceſſit, Chatts
 deinde & Cheruſcos petiit, tandem deleta, &
 imbellis ætas in prædam diuiſa. Qua quidem
 in re grauiter a Romanis peccatum fuiſſe, arbi-
 tror, quod ſociam gentem, de ſe optime me-
 ritam, nec ſedibus nec armis iuuerint. Et
 patebit hiſtorias legenti, ex eo tempore trans-
 rhenanos Germanorum populos, neque arma
 Romanorum veritos fuiſſe, nec amicitiam eorum
 curaffe.

Intelligitur itaque, qui Amſiuariorum gen-
 te penitus deleta, Amſiuarii tamen ab Arboga-
 ſte bello peti, imo ab imperatoribus inter auxi-
 lia

lia palatina referri potuerint? Nam & duo flumina, situ diuersa, nomine signilia, adiacentibus terris nomen commodauere, & nomen istud, quod neutiquam populi, sed terrae erat, deletis pristinis habitatoribus, ad successores transibat.

§. 62.

Illis temporibus Germania inter Rhenum, Oceanum & Visurgin, tribus populis habitabatur. Et *Frisii* quidem propter exiguas vires & facile victi fuere, & diu in officio permansere. *Chauci*, quos Saxonum gentem fuisse *Zosimus* prodit, societate quam cum Tiberio inierant, integra seruata, & a legionum caede immunes se praestitere, & Germanico Arminium bello persequenti auxilia, nec inualida misere. *Tertius* populus, sociorum erat. Licet enim in plurimas gentes diuideretur, commune tamen omnibus initium & commune nomen fuisse, multis rationibus probari potest. Nam neque Chaucis neque Frisiis opem vnquam ferebant, neque ab illis auxilia vicissim accipiebant, sed res suas sibi habebant, quemadmodum & illi. Praeterea bello gerendo ducem qui omnibus praecesset, Arminium puta, eligentes, illi parebant; deinde vero, cum tradita sibi temporaria potestate decedere nollet, perpetuoque imperio & regio frui cuperet, de medio eum tollebant. Quamuis autem socii magna saepe damna acciperent, ii praesertim, qui Romanorum finibus proximi erant.

erant, & locorum situ minus iuuabantur; nulla tamen gens, quamdiu bellum istud durauit, a societate recessit, aut committendum sibi existimauit, vt ipsa quidem laboris & periculorum immunis esset, ceterae vero hostium consiliis relinquerentur; sed coniunctis semper viribus communi saluti studuere. Quod si aliqua earum propter repentinam vim, aut quia socii auxilium ferre tunc nequibant, pacem facere coacta fuerat, vitato tamen periculo, ad societatem statim rediit. Itaque, cum socii sibi quidem inuicem tanta virtute & animi constantia opem ferentes, nullum pro communi libertate periculum subire recusauerint, proximas autem gentes alias, a Romanis vinciparum curauerint; necesse profecto est, vt communi nomine permoti, & necessitudinis quae inter ipsos intercedebat, memores, ita se gesserint. Et haec omnino vera esse, eo minus dubitari potest, quod singula gentium sociarum nomina aut a natura regionis quam incolebant, aut a flumine quo terrae ipsarum alluebantur, desumpta appareant, quorum neutrum accidere potuisset; nisi aliud ipsis nomen & omnibus commune fuisset. Nam nullum fuisse, quia Romanis haud cognitum, aut a scriptoribus eorum tunc non proditum, minime dicere debemus. Quin ceteras saepe gentes, quibuscum bellum gerebant Romani, profecto non minus fortiter ignorabant. Diu enim barbarorum omnium maxime barbari, neque

neque historiis delectabantur, neque scientiis operam dabant; sed alienis opibus inhiantes, libertati populorum insidiabantur. Deinde, cum ad Graecorum litteras accessissent, & historias scribere conati essent, parum feliciter in eo negotio versati sunt; tum quidem, quod rationem eius rei minime intelligebant, tum, quod in prouincias missi, aut sua sponte illuc profecti, summam laudem in explenda libidine & auaritia sua positam esse arbitrabantur, linguam vero populi illius, apud quem degabant, & cetera antiquitatis monumenta adeo flocci faciebant, ut mores & instituta, quibus ille viveret, curiosius nosse, grauitate sua indignum iudicarent. Quo factum est, ut non solum ipsi, quibus locis essent, quocum bellum aut negotia gererent, puerili aliqua scientia scirent, sed scriptores quoque eorum, quando necessitate coacti, res externas attingunt, pudendam sane ignorantiam prodant, & in turpissimos errores, digna moribus suis frequentia, prolabantur.

Haec eam ob causam dicta sunt, quod Germanorum populos, eadem illa quibus hodie celebrantur nomina, multis post Tiberium aetatibus assumisse, parum probabile nobis videtur. Augusti quidem & primis Tiberii temporibus, Germani Rhenum inter & Visurgim habitantes, asperrimis bellis exagitati fuerunt; deinde vero, quod pacari nullo modo poterant, quiescere permitti. Ex eo tempore
Roma-

Romani nunquam, nisi laceſſiti, neque vt Germanorum gentes imperio adiicerent, ſed vt, prouinciis eas arcerent, bellum in eas ſumſſe. Qui igitur dicimus? tunc maxime factum eſſe, vt de propulſanda Romanorum vi Germani cogitarent. Quod ſi metu non impellebantur, an igitur accidit? vt nulla vrgente neceſſitate, ſed per laſciuiam, priſtina vitæ conſuetudine relicta, moribusque maiorum abolitis, qui origine, lingua, moribus diuerſi erant, in vnum populum coaleſcerent, & illorum imperio ſubeſſent, quibuſcum ipsis aut leuis amicitia aut omnino nulla intercedeſſet: Tunc ſcilicet ſaluti ſuæ pulcherrime conſultum iri exiſtimantes. Quod ſi omnia illa collectis in eandem rempublicam gentibus eadem fuerant, idem ergo plures gentes populus erant, populumque iſtum nomine aliquo vocitatum fuiſſe oportet, niſi quis aut parentes non habuiſſe, aut populos nomine facile carere, & fieri ſolere, arbitretur.



DE
GERMANIS
HERODIS M.
PRIMARIIS
INTER ALIOS MILITIBUS
DISSERTATIO

CHRISTIANI GOTTLOB KAENDLERI.

§. I.

Herodis Character.

Herodem M. infamatum a plerisque multis eluxisse virtutibus, nemo temere ibit inficias, si modo a partium studio fuerit alienus. Negari quidem non potest eum, ob insidias Soteri adhuc in cunis vagienti structas, * infantes in agro Bethlemi e medio sublato, variasque & extra & in familiam perpetratas caedes utique mereri, ut inter tyrannos summo numeretur iure. Verum enim vero, si quis insignem ejus prudentiam, rei militaris scientiam, annonae subleuatam caritatem, templum Hierosolymis magnifice exstructum ** aequo considerauerit animo; facile ad Herodem applicauerit illud, quod vulgo de Purpurato Richelieu dici solet:

Il a trop fait de bien, pour en dire du mal.

Il a trop fait de mal, pour en dire du bien.

§. 2.

* Ζητῶν τὴν Ψυχὴν τῆ παιδία. Matth. II. 20.

** Vellem, ut quis τὰ τεσσάροντα καὶ ἑξ ἑτη, quibus templum Herodianum Ioh. II, 20. exstructum perhibetur, nobis exponat perspicue, cum ad tot annos imperium Herodis non affurgat. Neque nobis, neque aduersariis nostris sufficit, quando Celeb. WOLFIUS ad hunc locum obseruat: *diffensire interpretes, & Judaeos prae imperu contradicendi, tanquam homines plebeios & historiae perum gnaros vel errorem vel mendacium commisisse.* Seruatori certe non cum plebe, sed cum principibus

• §. 2.

Herodis funus.

Illud silentio minime videtur praetereundum, principem nostrum splendore ac dignitate vitae facile superasse reliquos, quare etiam funus eius tanto fuit celebratum apparatu, ut res digna videatur, de qua differatur fufius, imprimis cum ab aliis hanc circumstantiam annotatam fuisse vix meminerim.

• §. 3.

Iosephi de eo narratio.

Producam igitur in medium verba Iosephi, edit. HAUERKAMP. pag. 848. HUDSONI vero 771. ex Lib. XVII. C. VIII. §. 3. Ant. Iud.

ΕΥΤΕΥ-

pibus ciuitatis erat sermo, quorum mendacium certe non tulisset aequo animo, & quicquid de perfidia Iudaeorum dici possit, certe non apparet, quare hoc quidem in loco & in re memoriae recentioris a veritate voluissent proferre aliena. De Serubabelis vero templo, praeter alias difficultates, illa verba intelligi non posse, inde apparet, quia Herodes istud plane destruxerat, ut nimirum magnificentius aliud restitueret. HOLBERG. Hist. Iud. T. II. p. 129. Vid. interim, quae praeclare monuit Celeb. BAUMGARTEN H. E. Sec. I. p. 33. seq.

† Quidam e nostratibus in ea versatur opinio, huic loco difficillimo, ex antiquitatibus Iosephi, lucem accendi posse splendidissimam. Iosephus enim, cuius historiae iustum hodie pretium magis magisque statuitur. lib. XV. c. 14. antiquit. Iudaic. commemorat,

Ἐντεῦθεν δὲ τὰ φονή-
 τήματα τῷ βασιλεῖ
 μελήσαντ Ἀρχελάω
 πολυτελεσάτην γενέσθαι
 τὴν ἐκχομιδὴν τῷ πατρὸς
 καὶ πάντα τὸν κόσμον
 προκομίσαντος εἰς ὃ
 συμπομπώσιν τῷ νε-
 κρῷ.

Ἐφέρετο δὲ ἐπὶ κλίνης
 χρυσῆς λίθοις πολυτε-
 λέσι ποικίλδεις διαπε-
 πασμένοις.

Στρωμνὴ τε ἦν ἀλκυ-
 ρῆς καὶ ἡμπίσχετο πορ-
 φυρίσιν ὁ νεκρὸς διαδη-
 ματι ἡσκημένος ὑπερ-
 κείμενος σεφάνῃ χρυσῇ,
 σκηπτρον τε τῇ δεξιᾷ
 παρακείμενον. Περὶ δὲ

At post haec funus
 parabant Regi, id agen-
 te Archelao, ut pater
 splendidissime efferre-
 tur, atque omnem or-
 natum proferente, ut
 magna cum pompa
 comitaretur mor-
 tuum.

Ferebatur igitur in
 lectica aurea multis &
 variis ingentis pretii
 lapidibus distincta.

Stragula murice ful-
 gebat & corpus pur-
 pura erat amictum,
 cuius vertici adhaere-
 bat diadema, supraque
 corona aurea, & dex-
 tra sceptrum gerebat.

τὴν

morat, Herodem M. per octo annos templum, in-
 stauratōne facta, multis modis mīrifice exornauisse;
 deinde etiam mandasse sacerdotibus, ut ὡρ
 ὡρ quoniam ipsi aditus negabatur, instaura-
 rent. Cui rei unum dimidiumque annum impende-
 runt. Hoc tempus, si addas illi, quod Zerubabel
 adhibuit templo aedificando, utpote quod Herodes
 M. non funditus evertit, sed muris relictis, magni-
 ficentius extruxit, τεσσαράκοντα ἔτη ἐν τῇ
 habebimus negotio.

τὴν κλίνην οἶτε υἱεῖς *
καὶ τὸ πλῆθος ἦν τῶν
συγγενῶν, ἐπὶ δὲ τέτοιον
τὸ στρατιωτικὸν κατὰ
οὐαίᾳ ἔθνη καὶ προση-
γορίας διέκλυτο ἕτως νε-
μεθέντες.

Πρῶτοι μὲν δορυφόροι,
μετὰ δὲ τὸ Θράκιον, ἐπὶ
δὲ τέτοις ὁ πόσοι Γερ-
μανοὶ καὶ τὸ Γαλατικὸν
μετ' αὐτὰς ἐν κόσμῳ
πάντες τῷ πολεπιστη-
ρίῳ. Τέτον δὲ κατόπιν
ἡδὴ πᾶς ὁ στρατὸς ὡς
ἐς πόλεμον ἐξοδευόντες,
ὥσπερ ὑπὸ λοχαγῶν
ἀγόμενοι καὶ τοῖς ταξι-
αρχεῦσιν αὐτῶν. Τέτοις
εἶποντο πεντακόσιοι τῶν
οἰκετῶν ἀραματοφόροι.
Ἦσαν δὲ ἐπὶ Ἡρώδῃ **

Lectum stipabant filii
& cognatorum multi-
tudo. His proximi
erant milites per gen-
tes suas distributi, ea-
rumque nominibus di-
stincti, in hunc mo-
dum dispositi.

Primi incedebant
satellites, deinde a-
gmen Thracium, po-
stea Germani, & Gala-
ticum agmen cum
ipsis, ornatu omnes
militari: reliqua de-
inde exercitus multi-
tudo, ac si in bellum
iretur, sub suis ducibus
eorumque centurioni-
bus. Hos sequeban-
tur quingenti famuli.
Ibant autem versus
Herodium octo stadia,

Dd 2

σάδια

* Sciat lector, cui fortasse mihi videri potest, He-
rodi, qui tres filios captivum amnauerat, plures ad-
huc fuisse superstites, tyranno nostro fuisse novem
uxores, ex quibus Mariamne Simonis Boethi Sa-
cerdotis filia, maxime notatu digna viderur. Vid.
HOLBERG. Hist. Ind. T. II. p. 131. seqq.

** Cum in plerisque terrae sanctae tabulis atque de-
scriptionibus frustra quaesiveris Herodium oppi-
dum

ἡδὲ οὕτως. Τῇδε γὰρ ibi enim, vt ipse man-
 αὐτῷ ἐγένοντο αἱ ταφῆαι dauerat, sepultus est.
 κελύσματι τῷ αὐτοῦ. Et Herodēs quidem
 Ἡρώδης δὴ τῶτον ἐτε hoc modo . ex vita
 πάντα τὸν τρόπον. * excessit.

§. 4.

Contradictio Iosephi apparens.

Idem locus iisdem ferme verbis legitur
 L. I. de B. I. Cap. XXXII. §. 9. p. 142. edit.
 HAUERKAMP & p. 1043. edit. HUDSON. vbi
 Iosephus videtur sibi contradicere, dum ita
 verba eius fluunt: ἡδὲ ἐκομίσθη τὸ σῶμα
 δια-

dum, hic notasse iuuabit, situm illud fuisse in eo
 loco, quo Herodes Parthos atque Iudaeos debella-
 uerat, aberatque ab Vrbe duos lapides. Arx sita
 erat in editissimo monte, ad cuius radices varia ex-
 structa erant munimenta atque aedificia, vt haec
 oppidum constituerent non contemnendum. Vid.
 HOLBERG. p. 125. Non confundenda est haec arx
 cum palatio Herodis, quod Hierosolymis con-
 spiciebatur. †

* Ex hoc funeris apparatu lucem aliquam accipit ista
 controuersia, quae dudum sub iudice est, num ni-
 mirum Herodes Iudaeorum vel Romanorum sacris
 fuerit addictus?

† Liquido satis constat, hanc eandem esse urbem,
 quae postea Caesarea appellata fuit in honorem
 Caesaris, & cuius in N. T. saepe numero mentio
 fit. Caeterum probe illa distinguenda est a Caesa-
 rea Philippi, vtpote quae in Galilaea a Philippe,
 Herodis filio, in honorem Tiberii Caesaris, sic fuit
 conpellata.

διακοσίους εἰς Ἡρώδιον, ὅπερ κατὰ τῶς ἐντολὰς ἐτάφη. Octo nimirum stadia, quibus funus deducendum erat, in priori indicauerat loco, in posteriori vero ducenta. Sed, quod iam HAUERKAMPIUS atque HUDSONIUS praeclare monuerunt, fieri facile potuit, ut tantum agmen octo modo per stadia secutum sit capulum, quod emensi, reliqui redierunt domum, paucioribus saltem relictis cadaueris comitibus.

§. 5.

Germani milites funus prosequentes.

Eruditis permitto arbitris pompam tanti regis funebrem considerare penitius, mihi enim patriae amore ducto atque maiorum nostrorum, Germani tantum memoria digni videntur. Omnino enim notatu dignum existimo, Germanos iam eotempore, quo Soter noster vix lucem huius aspexit orbis, in terra sancta in honore fuisse. Missos igitur facio *δορυφόρους* * Thracas Galatasque cum militari agmine splendidissimoque reliquo comitatu.

Dd 3

§. 6.

* Hi iam apud Persas in magna erant dignitate, soliti excipere vestem regalem, currum regis ante ibant, quo ipse eminens vehebatur, teste CURTIO L. III. Cap. 3. §. 15. ad quem locum obseruat Pitiscus, *quod fuerint bastati iique fortissimi ac praestantissimi, quodque aurea mala praefixa bastis tulissent, melophori fuisse appellati.* Vbi simul allegat

§. 6.

Cur Herodes externo usus sit milite?

Verum enim vero quo minus Thraces Germanos atque Galatas in gregariorum militum referam numerum, videtur obstare ipse JOSEPHUS, qui illos a reliqua exercitus multitudine, παντός τῆ στρατῦ, sollicite distinctos voluit. Neque causa in obscuro est, quae Herodem permouerit, ut externum sibi comparauerit militem, cuius nimirum ope, ob bella cum finitimis Parthis atque Arabibus, ut etiam aduersus Iudacos subinde res notantes, opus erat, ubi legionibus domi conscriptis non vsquequaque licet confidere.

§. 7.

Cur praecipue Germanos mercede conduxerit? Ratio prima.

Cur vero inter tot gentes maxime Germani fuerint electi, huius rei ratio prima quaerenda est in incredibili eorum fortitudine. Si enim Romanos, qui virtutem etiam in hostibus iustis efferendam esse laudibus, probe sciebant, audire iuvat, *nihil erat maioribus nostris*
ani-

POLYAEN. STRATEG. IV. 3. 24. ita scribentem:
Πέρσαι μὲν πρῶτοι πεντακόσιοι μηλοφόροι
περὶ τὴν σκυμὴν ἐντὸς ἴσαντο πορφυραῖς
καὶ μιλίνης ἐοῦσιν ἐξησκημένοι. Hi satellites
hastati sine dubio, cum reliquo luxu, ex Persia
transierunt ad Alexandrum, eiusque Successores,
& tandem ex Syria in Palaestinam.

animosius, nihil ad incursum acrius, nihil armorum cupidius, quibus innascebantur, innutriebanturque; quorum unica illis erat cura, cetera negligentibus; nihil induratius ad omnem patientiam. * Hinc fiebat, *ut puer in Germania natus protinus tenerum hostile vibraret ** ut ignavis & imbellibus maneret squalor **** neque a bellandi abstraherentur studio, donec *ex sanguis senectus tam durae virtuti redderet impares.* † Agnouit illud etiam expertus IULIUS CAESAR, at quantus heros! *dum vitam eorum omnem in studiis rei militaris consistere.* †† *Summamque eorum esse bellicae laudis opinionem* ††† memoriae prodidit sempiternae.

§. 8.

Ratio secunda.

Alteram quaerenda est ratio in summa eorum fide, ut enim IOH. BARCLAIUS, homo Gallus, quae natio nimis alias in ornandis Germanis parca esse deprehenditur, pronuntiat, * *ignota est in Germania perfidia stipendium merentium, ne ingenium quidem fraudis, aut odia sub amicitiae titulis latent.* Atque

D d 4 iterum

* SENECA de Ira L. I. p. 13. edit. Lips.

** SENECA Ep. 36. p. 109.

*** TACITUS de Germ. C. 31.

† Ibidem.

†† de B. G. L. VI. C. 21.

††† Id. ib. C. XXIV.

* ICON ANIM. C. V. p. 155. edit. Bpshh.

iterum * *omnem speciem reconditi astus odere.*
 Quis igitur quaeso princeps non sibi eiusmodi
 exoptaret milites vel ex dissitis arcessendos
 finibus?

§. 9.

Ratio Tertia.

Accedit, quod etiam Romanorum Imperatores nullam gentem potiore habuerint, cui corporis crederent custodiam, quam Germanos. Augustus, qui, teste Tacito, primus cuncta discordiis civilibus fessa nomine principis sub imperium accepit, *Germanorum manum, usque ad cladem Varianam inter armigeros circa se habuit.* ** Caligula vero Germanorum corporis custodum fidem moribundus etiam fuit expertus, qui perpetrata a Romanis caede *accurrentes nonnullos ex percussoribus interemerunt.* *** Inde factum est haud dubie, ut cum Claudii aetate † *Germanorum legati in popularia deducti, cum animaduertissent Parthos & Armenios sedentes in senatu, ad eadem loca sponte transfirent, nihilo deteriorem virtutem aut conditionem suam praedicantes, permissum iis fuerit in orchestra capere locum honoratiorem.*

§. 10.

* Id. ib. p. 153.

** SUET. AUG. C. 49.

*** SUET. CAL. C. 58.

† SUET. CLAUD. C. 25.

S. 10.

Quomodo Germani innotuerint Herodi?

Illud fortè non adeo difficile fuerit explicatu, quo casu vel occasione euenerit, vt Germani Herodi innotuerint? Nimirum notus est eximius ille, quo Herodem Augustus tantum non semper complexus fuit fauor. Cum ille, auctoritate senatus populique Romani, Rex atque amicus publice erat salutandus in Capitolio, haec solennia peragebantur praesentibus Antonio atque Augusto; * quem etiam conuenit Antiochiae ** & ad minimum tribus vicibus in Italia ipsa. *** Huc accedit filios eius Alexandrum atque Aristobulum, ex Mariamne prognatos, Romae omnibus studiis, quibus puerilis aetas impertiri debet, fuisse imbutos, vbi primo domicilium inueniebant in aedibus Pollionis, amici paterni, donec ipse Caesar eis locum concederet in palatio suo, vt scilicet eo felicius sub oculis tanti hostitis adolescerent. † Quae cum ita sint, nemo temere sibi persuadebit, Herodem eiusque principes iuuentutis aliquid temere praetermisisse, quod ad statum aulae, imperii atque urbis penitus cognoscendum facere potuit. Non potuit non igitur fieri, vt eorum in con-

D d . 5 spectum

* BAUMGARTEN Hist. Eccl. N. T. Sec. I. p. p. 28.

** Ibid. p. 29.

*** Ibid.

† BRIDEAUX P. II. p. 747. HOLBERG Hist. Iud. P. II. p. 125.

spectum etiam venerint Germani, satellites Augusti, quorum forma, fide atque fortitudine cognita, facile fieri potuit, ut tam egregiam manum in suam deducerent regionem, variasque destinarent eam usibus.

§. 11.

Ex quo pago Germaniae suos euocauerit
Satellites?

Cum Germania in tot olim diuisa fuerit gentes, illud determinare vix aulam, ex qua gente cohors Herodis Germanica fuerit oriunda? Facile tamen crediderim Rheno praecipue accolae, eorumque finitimos, fortasse Triboccos, Bructeros, Catts, Cheruscos, Nemetes, Sicambros, Treuiros atque Vangiones fuisse euocatos, cum hi praecipue Romanis fuerint cogniti.

§. 12.

An ad Herodianos pertineant?

Cum in tribus Scripturae sacrae locis occurrant Herodiani, anceps diu fuit quaestio, quales potissimum homines sub hoc lateant titulo? Decem Sententias ex Serario recenset WOLFIIUS ** ex quibus nulla magis ridicula est, quam HUETHI, qui sectam hic inuenisse se credidit haereticorum, qui Herodem pro Messia habuissent, secutus in hac opinione Tertullianum, Hieronymum, Chrysostomum, alias-

* Matth. XXII. 16. Marc. III. 6. XII. 13. .

** In Curis ad h. l.

aliosque ex patribus in exponendis oraculis diuinis non vsque quaque felices. Neque magis ad rem facere videtur iudicium Scaligeri * qui societatem in Herodis honorem institutam hic intelligi vult, forte vti Romani habebant suos Augustales, Adrianales, & sic porro. Profecto cum optime rem tetigisse videantur illi, qui Herodianos exponunt per domesticos Herodis, forsan ex eorum numero non excludendi sunt Germanici illi milites, qui etiam, tanquam externi ad negotium, quod, iuncti Phariseis, exsequi debebant, videbantur maxime idonei, vt nimirum Seruatorem, si vel verbulum ei contra auctoritatem Caesaris atque Regis excideret, protinus darent in custodiam. *

§. 13.

Aliud Iosephi de Germanis testimonium.

Conclusio.

Caeterum non adeo honorifice alibi de maioribus nostris sentire videtur Iosephus noster, quando L. VII. de B. J. C. IV. §. 2. p. 409. edit. HAUERKAMP. & p. 1301. edit. HUDS. ita verba eius fluunt:

Ἐπεὶ

* In Anim. ad EUSEBII Chron. N. 1882.

** Sic etiam στρατεύμασιν Ἡρώδου, quorum Luc. XXIII. 11. mentio fit, Germani sunt adnumerandi. Ad eam sententiam accedere videtur cel. HUMANUS, qui haec verba transtulit, Herodes und seine Leibwacht. Iunius & Trem. Herodes & milites eius.

Ἐπεὶ δὲ αὐτὰς Γερμανίας ἀΐσασθαι τῆς ἀποστάσεως καὶ τὸν πόλεμον ἐξουγάζειν πρῶτον μὲν ἡ φύσις ἔσα λογισμῶν ἱερμὸς ἀγαθῶν &c.

Ipsos autem Germanos ad defectionem bellumque inferendum extulit quidem primo natura bonis cogitationibus vacua &c.

Non ignoro, quae de ignorantia & stupore nostrorum traduntur ab auctoribus, neque excutere vacat in praesenti, quo sensu illi tribuat Tacitus: quod litterarum secreta viri pariter ac feminae ignorauerint. Certe nostra aetate nemo temere Germaniam nostram ἱερμὸς λογισμῶν ἀγαθῶν appellare ausurus est, cui rei, praeter alia, documento sunt tot societates litterariae, ex quibus prae aliis Illustrissimae, quae Erfurti flores, Moguntinae omnia in emolumentum Academiae atque orbis eruditi cedere volo, voti mei

- redditus compos impense laetaturus.



DE
DUOBUS NUMIS
BRACTEATIS

COMMENTATIO

AD

INLUSTR. ELECT. MOGUNT. ERFURT. ACAD.
SCIENT. VTIL.

I. A. FABRICII.

§. 1.


TENVITATIS meae mihi ipse probe conscius, vtrum ad commentarios IN-
LVSTR. E. M. E. ACAD. SC. VT.
meum quaecumque adiicerem symbolum,
diu multumque dubitavi. Haesitanti vero
de ea re mihi, scrupulum non exemit
solum, sed calcar etiam addidit, singularis
EDM. erga me benevolentia, qua me & suis
scripsit, & adscriptum iussu SVO ad hoc
ipsum excitavit. CVM vero ex feculis meis,
in praesentiarum, nihil quadam attentione
dignum, IPSIque obferendum occurrat, prae-
ter *quos numos bracteatos*, eos ipsos, cum
eorum levi descriptione, exhibendos putavi.
FIGVRAM eorum ostendunt praesentes ima-
gunculae:

§. 2.

Non est, vt iam in iucunditatem & utilita-
tem rei numariae, praecipue antiqui & maxi-
me medii aevi, vbi bracteati potissimum cu-
riosorum excitant attentionem; excurram;
hanc enim negare puto posse neminem. ET
qui

p. 430.

TAB. II



UNIV.
OF
MICH.



qui HISTORIAE operam nauant, & qui in
 IVS PVBLICVM studium suum, laborem at-
 que aetatem conferunt omnem, ii adscribent,
 ad hoc de re numaria iudicium, non aliorum
 modo, sed suum ipsorum etiam sententiam.
 INTERIM non nego, maiorem saepe numero
 a quibusdam tribui studio rei numariae vtili-
 tatem, quam ex rei veritate illud secum fert,
 & non numquam ipsius cultores a numis se
 videre praeter opinionem destitutos. SCRI-
 PTORES rei numariae fere omnes enumerant
 ANSELMUS BANDURI, BURC. GOTTH. STRUV,
 MART. LIPENIUS, & IO. BURC. MENCKE *

§. 3.

SED ne per ambages & longe exorsa le-
 ctorem teneam, ad bracteatos meos propius
 adcedo, quos tenui ad modum lamella argen-
 tea, ex vno tantum latere cusa signataque con-
 stantes esse numos, docet oculorum inspectio.
 SCRIPTORES de *numis bracteatis* enumerant
 itidem I. B. MENCKE, recensent ACTA ERU-
 DITORUM LIPS. WILH. ERNESTUS TENZELI-
 US, & IO. ALEX. DOEDERLINUS, qui IO. CHRISTO.

OLEA-

* BANDURI *bibliotheca numaria* cum adnot. IO.
 ALB. FABRICII Haemb. 1719. 4. STRUV. *biblioth.*
numismatum Jenae 1693. 12. LIPENIUS *bibl. Philos.*
 voce *numi*. MENCKE *bibliotheca* p. 220-228. add.
Abriß einer allgemeinen Historia der Gelehrsamkeit,
 tomo I. p. 328. & *Monatl. Auszüge* 1700. m.
 Majo p. 189. seq.

OLERARIUM, W. E. TENZELIUM, C. SCHLEGE-
 LIUM, I. A. SCHMIDIUM, IO. GEO. LIEBKNECHTIUM,
 OTTO. SPERLINGIUM, IO. PET. DE LUDWIG, I. M.
 HEINECCIUM, DAVIDEM HOTTINGERUM, IO. GEO.
 ERUCKFELDIUM laudat, ex quibus pauca quae-
 dam, quae ad nostros facere videntur descri-
 bendos, eorum explicationi liceat mihi prae-
 stare. *

§. 4.

SUNT & *bracteati*, a quibusdam, *pellicula-*
si dicti aliqui, in quibus aes tenax argenti
 bractea obducitur, quae fraus ingenua, iam
 in AUGUSTI triumviratu coepit, & eximen-
 tia auctoris *de la science des medailles*. CLAUD.
 ROBERT cuius opus denuo prodit Paris 1740.
 12. 2 Voll. LATINITATE donatum a C. IUN-
 GERO, Lips. 1695. 8. & GERMANICO idio-
 mate inductum a I. NEGELEIN, Norimb. 1737.
 8: antiquitatis in numo nota est certissima, **
 sed horum consideratio iam ad nos non spe-
 ctat.

§. 5.

- * MENCKE l. c. p. 233. ACTA ERVD. 1694. p.
 218. 1709. p. 345. 1717. p. 21. 1715. p. 297.
 1719. p. 470. 1721. p. 541. 1725. p. 526. 1729.
 p. 143. 1730. p. 333. &c. TENZEL *Monast. Unter-*
red. 1689. p. 441. 1694. p. 403. 1695. p. 867.
 952. 972. &c. DOEDERLIN *de numis GERM.*
mod. bract. & canis &c. Norimb. 1729. 4. Vid.
 ACTA ERVD. 1730. p. 331. *Monast. Auszüge* l. c.
 ** Vid. ACTA ERVD. 1694. p. 218. TENZEL l. c.
 1695. p. 867.

§. 5.

ANTE GERMANOS, saeculo IUSTINIANI imperatoris, CONSTANTINOPOLI simile monetae genus vsurpatum fuisse, quod exemplum dehinc GOTHI, plurimique ex septentrione populi, ANGLI itidem imitati sint, a quibus nostrates didicisse probabili ad modum ratione videantur, docet IO. ALEX. DOEDERLIN d).

§. 6.

TILEMANNVM FRISIVM iam saeculo tertio eius generis monetam inualuisse statuentem, adducit, celeberrimus, mihi & bonis omnibus nimis cito beata morte ereptus, FRID. CHRISTI. LESSER, cui tamen ad modum dubium videtur, vtrum temporibus trium priorum OTTONVM bracteati fuerint in vsu, nec ne? e) EVMDem FRISIVM variorum errorum in re monetaria arguit WILH. ERN. TENZELIVS, & bracteatos tempore HENRICI AVCPIS & OTTONVM, cum detectis metalli fodinis SAXONICIS, ortum coepisse, autumat. f)

§. 7.

E contrario IO. GEO. LIEBKNECHT *epist. ad*
S. R. ABB. IO. ANDR. SCHMIDIVM *de nonnullis*
bractea-

d) L. c. not. b)

e) FRISIVS *im Münzspiegel*, Franckf. 1593. 4. LESSER, *von Nordhauffischen Bracteaten oder Blechmünzen*, inserta *disquisitione dem curiösen Welt- und Staats Cabinete Wabrenburgii* 1734. p. 505. 562. 622.

f) TENZEL l. c. 1695. p. 83. 972. seq.

Ec

bracteatis numis HASSIACIS &c. Helmst. 1716.

4. probare nititur, iam iam CAROLINGORVM tempore bracteatorum vsum in WETTERA-VIA inualuisse, IS inquit, ad evitandas, vt creditur, latentes sub numis spissioribus metalli vilioris adcellione adulteratis, fraudes, percussos bracteatos, a solis ferme nostris maioribus, vno tantum in latere signatos, quorum nullus determinatum ortus sui annum prae se fert. g)

§. 8.

VEXATISSIMAE quaestionis de prima bracteatorum aetate meminit 10. GEO. LEVCK-FELD, in *Historische Beschreibung vieler alten Blechmünzen*, Lips. & Wolfenb. 1721. 4. vtrum tempore iam OTTONVM, an saec. demum XII. bracteati sint cusi? & illam sub iudice relinquit; at *num.* 32. ab illo adductorum adparent aliquot numi *bilaterales*, quales cufos esse & cudi potuisse in bracteis aliqui dubitarunt. h)

§. 9.

BRACTEATORVM originem OTTO SPERLINGIVS, de *numorum bracteatorum & cautorum nostrae ac superioris aetatis, origine & progressu* ad R. IAC. A MELLENI epistola Lubec. 1710. 4. saec. XIII. adscribere auctori historiae numismatum novorum I. G. (10. GROENINGIO) in *geöffneten Ritterplatze*, tom. I.

P.

g) Vid. ACTA ERVD. 1717. p. 21.

h) Vid. ACTA ERVD. 1721. p. 541.

p. 32. temere videtur, i) huic enim opinioni refragantur, quos iam adduxi auctores & praeter hos summus ille SCALIGER, qui se ante CHRISTVM natum cufos bracteatos vidisse adserit, IO. DAN. MAIOR, qui ex HENRICI MEIBOMII de aurea bulla tom. I. rerum Germ. p. 483. bracteatum HENRICI LEONIS A. C. CIOCLXXX. profert, k) nec non IO, ANDR. SCHMIDIVS, qui numum bracteatum quemdam HENRICO II. comiti BLANKENB. saec. XIII. vindicat, l) ipse etiam SPERLINGIVS expressis verbis saec. XII. primos apud GERMANOS protulisse bracteatos, putat. m)

Ee 2

§. 10

i) Vid. *Monatl. Auszüge* 1700. p. 189. vbi simul scripta tam edita quam promissa, de re numaria & praesertim de bracteis IAC. A MELLE, aliorumque recensentur, v. g. OLEARII, SAGITTARIORVM, WAGENSELII, IO AND. SCHMIDII, C. SCHLEGELII, TENZELII, IO. DAN. MAIORIS, CAR. DV FRESNE, &c. & nescio, qui factum sit, vt GROENINGIVS SPERLINGIO longe aliam mentem tribuerit. De OLEARIO vid. *Monatl. Auszüge* 1700. p. 202.

k) Vid. TENZEL *Monatl. Unterred.* 1695. p. 954. seq. ex IO. DAN. MAIORIS *bevölkerzem Cimbrien, Plön* 1692. f. libro egregio.

l) Vid ACTA ERVD. 1719. p. 470. prodiit scriptum hoc Helmst. 1718. 4. add. ei. SCHMIDII *numi bracteati Numburgo - Cizenses Pegauensesque*, Jenae 1695. 4.

m) Vid. *Monatl. Auszüge* 1700. p. 200. seq.

§. 10.

INLVSTRIS IO. PET. A LVDEWIG in *Eingleitung zum Teutschen Münzwesen mittler Zeiten*, Halae Vened. 1709. 8. cap. III. historiam recenset bracteatorum mense Octobri 1708. effossorum in area agricolae, pago GOERIZ adscripti, in vicinia HALENSI, vbi sexcenti numi bracteati fuerant generis eiusdem, cap. V. falsas causas ridet confutatque eorum, qui fraudis cauendae ergo factum esse existimant vt bracteae tenuissimae in vno tantum latere fuerint excusae & efformatae, cap. VI. nouam aperit, tribuitque bracteatos ignorantiae medii aevi in arte sculptoria & aeris maximae tum penuriae. Cap. VII. originem adfert bracteatorum a temporibus OTTONVM, tum enim monetandi iure, ex leuissima quaque causa ordinibus concessio, immanes procuratos horum numorum abortus, quosdam etiam memoriae causa factos fuisse, docet. Cap. XVI. de imagine s. MAVRICII & iure monetandi antistitis summi MAGDEBVRGICI HALAE, plura adfert notatu digna n).

§. 11.

CHRISTI. SCHLEGELIVS qui *de numis antiquis* SALFELDENSIBVS ARNSTADENSIBVS & IENENSIBVS, Dresdae 1697. 4. schediasma ediderat, dissertatione *de numis antiquis* GO-
THANIS, CYGNEIS, COBVRGENSIBVS,
VINA-

n) DE LVDEWIG vid. ACTA ERVD. 1709. p. 345.

VINARIENSIBVS & MERSEBVRGENSIBVS, in qua simul obiter de numis quibusdam prisca aevi ALTENBVRGENSIBVS, AVGVSTANIS, HALENSIBVS, FRANCOFVRTENSIBVS, NORIMBERGENSIBVS & VLMENSIBVS agitur, Francof. & Lips. 1717. 4. braëteatorum genus post OTTONVM demum caesarum aeuum inualluisse scribit o).

§. 12.

IO. ZACH. GLEICHMANN in *Spicilegio scriptorum reformationis historiam inlustrantium cum recensione variorum librorum rariorum*, Gothae 1723 - 1727. 8. edito refert rariores veteris & iunioris aevi, quos ipse possidet, numos, in quibus sunt duodecim braëteati aenei, adeo rari, ut b. C. SCHLEGELIVS, qui numquam tales viderat, ne existere quidem aeneos sibi persuaserit p).

§. 13.

QVEM supra laudavi, IO. ALEX. DOEDERLIN, ad stipulatur inlustri LVDEWIGIO ad saec. X. originem braëteatorum apud GERMANOS referenti. CAVSSA ipsi videtur braëteatorum, non probitas GERMANORVM ad fraudem euitandam, nec incitia melioris notae numos ferendi, nec penuria metalli nobilioris atque argenti, sed sordida parsimonia maiorum, qua ducti contenti maxime fuerint simili monetae genere, quod minima opera, minimaque ar-

E e 3

tificis

o) Vid. ACTA ERVD. 1717. p. 297.

p) Vid. ACTA ERVD. 1729. p. 141. 143.

tificis monetarii industria constaret. MAIOR ex ipsius sententia longe copia superat inferiorum statuum, ecclesiae praesulum, episcoporum, monasteriorum, addo & ciuitatum, quam imperatorum atque principum, quod hi, in impensis faciundis largiores, maluerint splendidiore solidos nempe ferire numos, & istam bractealium turpitudinem dedecori sibi futuram putauerint. NVM etiam aurum, atque aes? in vtramque partem disceptata quaestio est, ad quam *πτεχ* vir clarissimus. NON nisi orbicularem figuram illas ostendere arbitratus est celeb. DE LVDEWIG, alii tamen quadratos etiam se vidisse adfirmant, quod & auctor noster confirmat, qui insuper contra eundem virum inlustrem numos illos *αξισ* & in quibus nulla plane conspicitur impressa effigies bracteatorum censu habendos esse existimantem, contrarium operose adserit. ANNO 1729. WEISSENBURGI, in veteris cuiusdam aedificii ruinis, casu quodam, cum vrna aliqua detegeretur, quae non contemnendam huius modi bracteatorum copiam contineret, ipsi vero ad ignotae rei spectaculum obstupescerent inuentores, & ethnicae superstitionis reliquias, immo quiduis aliud potius, quam medii aevi numos existimarent, meliora ipsos hac de re edocere voluit auctor suo commentario q).

§. 14.

q) Vid. ACTA ERVD. 1730. p. 333. & supra not b).

§. 14.

ANNO 1725. innotuerunt inter arandum singulis annis in BORNHOLMIA insula nonnullae bracteolae aureae, variis figuris humanis signatae a rusticis inuentae, quae bono fato in doctissimi MELLII manus peruenere. EXSTANTIORES is aeri. incisās commentatiunculae suae adiecit, ex quibus auctores ACTOR. ERVDITOR. dicto anno aliquas selegerunt, quas etiam tabula quadam ob oculos posuerunt, & vberius explicarunt. EX his, quae figura 7 & 5 conspiciuntur, exacte cum numi nostri maioris figuris conueniunt, & quamuis auctores CHRISTI. DEMOCRITVM recte refutent, qui hic sacerdotes AEGYPTIORVM, OSIRIDI sacra parantes, capite canino, deprehendisse sibi visus est, DISAM tamen deam, SCANDIS FREIAM dictam & ISAM hac imagine notari, non negauerim r).

§. 15.

EGO vero tandem ex his omnibus colligo & sentio, numos bracteatos a prima monetandi origine apud omnes omnino gentes in vsu fuisse, (§. V. VI. VIII.) bilaterales, (§. VIII.) aureos, argenteos, aeneos, (§. XII.) maxime tamen eos ex GERMANIS superesse, (§. VII. VIII. VIII. X. IX.) rotundos, quadratos, immo varia figura, (§. XIII. XIII.) vel sine addito anno, vel cum eo, non ex probi-

Ee 4

tate.

r) Vid. ACTA ERVD. 1725. p. 520. 526.

tate GERMANORVM ad fraudem euitandam, nec inciticia melioris notae numos ferendi, nec penuria metalli nobilioris atque argenti, nec sordida parsimonia, nec ignorantia artis sculptoriae, (§. X. XIII.) quamuis hanc non causam sed tantum addidens bracteatorum putem, sed ex mero arbitrio & lubitu, vnde distinctio in numos *solidos* & *bracteatos* invaluit, vti nostris temporibus distincto, in numos ex puro argento (fein Silber) & admixto alio metallo conflatos, satis nota est, licet maxima sit bracteatorum & nostrorum ex argento puro differentia, & denique bracteatos non numquam memoriae causa esse cufos, (§. X.) saluo tamen dissentientium iudicio.

§. 16.

HIS praemissis ad explicationem nostrorum bracteatorum me conuerto. EX his maiorem puto antiquiorem, refert enim duplices imagines, inuentis in insula *Bornholmenfi* ex asse similes, (§. XIII.) ex utroque latere virumculum medium tenentes. CVM nulum christiani cultus, in hoc numo, ad modum rudi, vestigium adpareat, & is potius deam SCANDIAE, dictam, DISAM, referat, vel aliam quamdam, si placet, diuinitatem, eum saec. X. cufum esse a deorum cultoribus, paucis, ante christianam religionem a SAXONIBVS in CIMBRIAM introductam, temporibus, quod ipsa eius conditio suadet, coniicio. Ad modum enim vero simile videtur, eum a SAXONE

nostris numum, qui s. MAVRICIVM refert sedentem, nimbo sanctorum ornatum, dextra manu pedum episcopale, sinistra clauam militarem tenentem, addita epigraphe: SANT MAVRICIVS. HVNC MAVRICIVM signum summi praefulis MAGDEBVRGENSIS esse, inter omnes constat. (§. X.) EVMDEM a DOCTISSIMO atque EXPERIENTISSIMO artis salutaris DOCTORE MOSDORFIO, adfinitate mihi iuncto, de decem fere ab hinc annis, dono accepi, qui eum ex sexcentis aliis, in agro MAGDEBVRGICO, prope IERSLEBEN effossis, & a rusticorum manibus diltractis, forte fortuna seruauerat.

§. 19.

QVO anno vel saeculo vero cusus sit? nulum in eo exstat vestigium, interim ex notis quibusdam circa effossionem obuiis haud obscure conligitur, eum auspiciis THEODORICI KOGELOWID, summi MAGDEBVRGENSIVM praefulis, saec. XIII. prodiisse, is enim ab anno 1361. ad annum vsque 1367. d. 16. Decembris, sedem archiepiscopalem summa cum laude tenuit. Eius vitam & effigiem exhibet de re litteraria insigniter meritis GEO. GOTTFRIED KVSTER, in denuo edita quondam rarissima MARTINI FRIDERICI SEIDELII conlectione imaginum centum ex MARCHIA oriundorum clarissimorum virorum s).

§. 20.

s) Prodiit Berolini 1751. f.

§. 20.

CVM notatu dignissimum summi huius sacrorum antistitis opus sit dedicatio templi cathedralis MAGDEBURGENSIS, quam A. C. 1363. perfecit, non inepte conicere mihi videtur, qui hunc numum in memoriam tantae cusum putauerit dedicationis. Sistit s. MAVRICIVM, patronum ecclesiae archiepiscopalis, (§. X.) sedentem, in signum imperii, cum summa dignitate archipraefulis coniuncti, quod idem confirmat pedum episcopale manu dextra S. MAURICII, clava vero militaris in manu sinistra, ipsius S. MAVRICII vitae genus, qui dux legionis christianae martyrium subiit A. C. cclxxxvii, iussu MAXIMIANI HERCVLEI, propter OCTODVRVM in VERA-GRIS in AGAVNO, nunc fano S. MAVRICII, t) a SIGISMUNDO BVRGVNDORVM rege A. C. 15 con-dito, denotare videtur. De nimbo sanctorum signo, caput s. MAVRICII ambiente, non est vt plura hic adferam, quippe signo notissimo, quem pictores & sculptores non a deorum cultoribus, sed ex historia sacra sumsisse, vult IO. NICOLAI u). Leue denique est, in hoc numo

t) Vid. AEGIDII SCHVDT de prisca & vera alpina RHAETIA, Basil. 1560. 4. p. 100. Gottfried Gengenbach Beschreibung der Stadt Magdeburg 1678. 4. p. 11. ex DRESSERI Sächsischen Chronick p. 252. seq.

u) NICOLAI de nimbis antiquorum, 1699. 12. p. 108. seq.



numo adparere nomen MAVRICII per C, non MAVRITII per T, quam orthographiam probat C. CELLARIVS & GALLORVM S. MORICE ex LATINO deriuatum.

§- 21.

SED haec fufficiant de his duobus numis braſſeatis, in quorum explicatione lubens volensque, meliora me docenti, cedo. VTI vero THEODORICI, archiepiscopi immortalis, praecipuum opus dedicationem splendidissimi templi cathedralis MAGDEBVRGI fuisse, iure meo adseruisse mihi videor, ita renouatam eius rei memoriam, ACADEMIAE SCIENTIARVM VTILIVM, auspiciis SVMMI nostra aetate sacrorum in GERMANIA PRAEVSULIS PRINCIPIS ELECTORIS IMMORTALIS, omnes hominum laudes supergressi, QEVM DEVS orbi litterario totique GERMANIAE, laude numquam intermoritura, feruet! conditae atque dedicatae, utpote praecipuo TANTI PRINCIPIS operi, quam aeternum florentem auguror & precor duraturam! obferendam putavi. EO magis, quod simul ista amorem patriae meae, quondam dulcissimae, mihi in memoriam reuocet, quae ut sub REGE SAPIENTISSIMO orbisque miraculo, fausta sit diu & felicissima in votis habeo!



FRI.

FRIDERICI GOTTHILF. FREITAGII

ADVOC. SAXON. SOCIETT. ELECTOR. MOGVNT.
DVICAL. IENENS. TEVTONICAE PARITER ATQVE LA-
TINAE, SOCIET. LIPSIENS. LIBERAL,
ART. COLLEGAE

CVR BACCHVS A GRAECIS
MORYCHVS DICTVS

AD

MVSEVM CORTONENSE

OBSERVATIO.

Incidit nuper in manus meas, splendidissimum monumentorum veterum, anaglyphorum, toreumatum; gemmarum rel. collectio, quam haud ita pridem nonnulli Itali, viri, singularis eruditionis fama non solum, apud populares suos, sed etiam apud externos conspicui, *Musei cortonensis* a) titulo, cum republica literaria communicarunt. Et si quidem opus egregium ita comparatum est, ut splendore, rerum antiquarum varietate, ingenii atque doctrinae praestantia, quae ex omni fere pagina elucet, quemlibet ad se adlicere, & inuitare possit; multa tamen sedulus lector, & illi inesse animaduertet, quae noui, inauditi, & paradoxi aliquid omnino prae se ferre videntur. PAVSANIAE b) enim ut vnum tantum modo, heic in transitu proferam exemplum, repugnant auctoritati, quae de

a) Opus splendidum talem prae se fert. titulum: *Museum Cortonense, in quo vetera monumenta comprehenduntur anaglypha toreumata, gemmae insculptae, insculptaeque, quae in Academia Etrusca Ceterisque nobilium virorum domibus adseruantur. In plurimis tabulis aereis distributum atque a FRANCISCO VALESIO, Romano, ANTONIO FRANCISCO GORIO, Florentino, & RODOLPHINO VENUTI Cortonense, notis illustratum Romae MDCCCL. sumptibus Fausti Amidei, Bibliopolae in via cursus. Typis Joannis Generosi Salomoni in Foro S. Ignatii, superiorum permisso, in fol.*

b) In Laconicis p. 97. edit. GVIL. XYLANDRI, Francof. 1573, in fol.

de ornatu, quem Veneris, apud Lacedaemonios cultae μορφοῦς, simulacrum, in capite gestabat, hęc c) referuntur. Καλύπτρα enim, qua hoc simulacrum ornatum fuisse perhibetur, non galericuli *duabus alis*, vt Mercurii pileus pingi solet, instructi, prae se ferebat, formam, sed flammeum potius, siue muliebri velum erat, quod Venus Morpho, tanquam fidei vxoriae erga maritos symbolum, in capite gestabat. Non nullis certe veterum auctorum testimoniis comprobare possem καλύπτραν tegumenti fuisse genus, quo mulieres in vetere Græcia, ad arcendam pluuiam utebantur. d) Sed haec, aliaque his similia, quae viris, omnis antiquitatis scientia

c) Museum cortonense p. 18.

d) Conf. IACOB. PERIZONII notae ad AELIANI *Var. histor.* L. VII. Cap. VIII. qui CALLIMACHI citat fragmentum II. ex quo adparet formam pilei pastoralis καλύπτραν nonnunquam habuisse:

Ἐπρεπέ τοι πρόχουσα χάρις ἑρῆια
καλύπτρη

Ποιμνικόν πῖλημα.

FRIDERICVS SYLVRGIUS in Notis, in ROMVLI AMASAEI versionem latin. PAVSANIAE p. 316. edit. supra citat. reprehendit AMASAEVM quod καλύπτραν, galericulum dixerit, & καλύπτραν Veneris μορφοῦς velum fuisse scripsit, siue velamen capitis, quale Latinis erat flammeum.

tia instructissimis, obrepisse videntur, nullo fere negotio proferre possem, si Critici partes suscipere constituissem. Id verò in primis mecum animo constitutum habeo, vte ea, quae ANTONIVS FRANCISCVS GORIVS, vir ad eruendas illustrandasque antiquitates quasi natus, de nomine Bacchi τοῦ Μοῦϋου retulit, non solum veterum scriptorum, qui Bacchi τοῦ Μοῦϋου fecerunt in scriptis suis mentionem, auctoritati aduersari; sed ipsi etiam analogiae grammaticae repugnare demonstrarem. Cum enim VIR CLARISS. Bacchi statuam, nobilissimo artificio, ex aere effictam, in agro cortonensi, prope Castrum Veliani, mense Ianuario, anno MDCCXXXIIIX. detectam, atque effossam describeret e) his vsus est inter alia verbis: *Vultus Bacchi videntis specie, egregia arte expressus, ob quam oris hilaritatem, Μαυρομένον, vel QVOD STVLTO SIMILIS RIDEAT, in vindemia musto, & ficubus illinitus, & minio Μοῦϋου EVM DIXERE, virum referre videtur, ideoque eius caput, hedera ornatum, capilli etiam breues sunt, quales viris conueniunt.* Quis, quaeso, veterum auctorum vnquam dixerit Bacchum Μοῦϋου adpellatum fuisse, QVOD STVLTO SIMILIS RIDEAT? Euolui svdam quem CL. GORIVS sententiae suae fauere dicit, sed ingens animum subiit admiratio, cum omnia, apud illum, loco citato, inuenirem alia. Μοῦϋος, ait f) ille, ἐπίθετον ἔστι

e) Museum Cortonense Tab. IIX. pag. 13, sqq.

ἔστι τοῦ Διονύσου, non QUOD STULTO SIMILIS RIDEAT, sed ἀπὸ τοῦ μορῦξαι. δ' ἔστι μολύναι. In more enim positum fuisse veteribus, ut Bacchi, quem vitis & vini, fingeant inuentorem, statuae, vindemiarum tempore, cum uvas legerent, vuarum mustum, recentesque ficus inlinerent, omnemque eius vultum, hac ratione foedarent, atque inquinarent, idem retulit SUIDAS, cum ἐπειδὴν, scribit, g) τρυγῶσι τῶν βοτρυῶν τῷ γλεύκει, καὶ τοῖς χλωροῖς σύκοις. Quid? alio loco h) difertis verbis, eadem confirmat, & verbum τὸ μορῦξαι pro inquinare, polluere, foedare, ab HOMERO, iam usurpatum fuisse, demonstrat: Μορύχως, inquit, παρ' αὐτοῖς, apud Siculos scilicet, de quibus sermonem instituerat, ὁ Δίονυσος, κατ' ἐπίθετον. διὰ τὸ μολύνεσθαι αὐτοῦ τὸ πρόσωπον ἐν τῇ τρυγῇ γλεύκει τε καὶ σύκοις. μορῦξαι γὰρ, τὸ μολύναι. Ομηροῦ γοῦν τὸ μεμολυσμένος μεμορυγμένος φησίν. Respexit sine dubio SUIDAS ad illum HOMERI locum, i) quo Vlysses, a Minerva, ne a quopiam dignosceretur, deformatum, sordidisque & squallentibus vestibus, indutum describit:

Ἀμφὶ δὲ μιν ῥάκος ἄλλο κακὸν βάλεν ἦδ' ἔ-
 χιτῶνα
 Ῥωγαλῖα ρυτίωντα, κακῶ μεμορυγμένῃ
 καπνῶ.

Vetus

g) Loco cit.

h) In voce Μωρότερος Μορύχου, Tom. II. p. 582.

i) Odyss. XIII. v. 435. 499.

FF

Vetus autem HOMERI interpres qui DIDYMA nomine vulgo excitatur τὸ μμορυμίνα, per μμολυμίνα, πιφυμίνα hoc loco, explicuit, voces, quibus Graeci vtuntur scriptores, cum rem inquinatam, squallidam, scordidam, atque commaculatam describunt, quod EUSTATHIUS etiam confirmare videtur eiusmodi verbis: k) μμορυμίνα δὲ ἢ μμορυμίνα. δι-
χῶς γὰρ φερεται καθά καὶ τὸ βριχμὸς καὶ
βρίγμα, τὰ μμολυμίνα καὶ πιφυμίνα κα-
τὰ τοὺς παλαιούς. κρεῖττον δὲ, ἡφανισμένα,
ἱππεῖν, παρὰ τὸν μόρον ἐξ οὗ τὸ μορίσσω. AN-
NÁ igitur DACERIA HOMERI locum satis adcu-
rate expressisse videtur, cum Ulyssis vestes
pretiosas a Minerua transformatas esse scri-
bit l) *en vieux haillons, enfumez & rapetassez.*
HOMERVM autem in describendo Ulyssis ha-
bitu, vestes sordidas, & laceratas ante oculos
habuisse, existimat m) doctissima HOMERI in-
terpres, quibus mendici tunc temporis vt
consueuerint. HOMERE, *pour nous peindre ce
déguisement d'Ulysse, nous remet sans doute
devant les yeux l'équipage des gueux de ce temps-
là. C'est un Portrait fait d'après nature.*
Quae cum ita sint, caussam plane conspicio
nullam, qua CL. GORIVS adductus fuerit, vt
Bacchum

k) Ad citat. HOMERI loc. Tom. III. p. 524. edit. ba-
silens. froben.

l) In l' *Odyssée* d' HOMERE traduite en François, Tom.
II. Amsterd. 1732. in 12. p. 261.

m) In Remarqu. 42. ad citat. HOMERI locum. p. 260.

Bacchum Μόρυχον adpellatum scriberet, quon-
STULTO SIMILIS RIDEAT. A me enim neuti-
quam impetrare possum, vt mihi persuadeam,
virum Clariss. vocem Μόρυχος ἀπὸ τοῦ μώρου
deduxisse, quod cum analogia grammatica, nul-
la prorsus ratione conciliari poterit. Si con-
iecturae meae locus fuerit, prouerbium grae-
cum Siculis vsitatissimum μωρότερος Μορυχον,
viro alioquin perspicacissimo, errandi occasio-
nem subministravit. Primus qui istius pro-
uerbii mentionem fecit, est ZENODOTUS, qui
ex POLEMONIS epistola ad DIOPHILUM id ex-
cerpseret. n) Si vero in originem istius pro-
uerbii inquirimus, non inde iHam traxisse de-
prehendimus, quod Bacchus Siculorum STUL-
TO SIMILIS RISERIT, sed inde natum esse ZE-
NODOTVS disertis prodidit verbis, quod Bac-
chi statua, apud Siculos, extra fanum, ad ve-
stibulum sub dio collocata fuerit, ex lapide
psello, siue phellate lapide, vt apud CLEMEN-
TEM ALEXANDRINUM o) est, a Simmio, siue
Simone quodam Eupalami filio efficta: κατα-
γνωσθῆναι δὲ αὐτῇ ἐνέθειαν παρόσον ἔξω τῆ νε-
ξ το ἀγαλμα αὐτοῦ ἐστὶ παρὰ τὴν εἰσοδον ἐν
ὑπαίδρῳ κατασκύεασται δὲ ἀπὸ ψέλλακαλουμέ-
Ff 2 nou

n) Centuria V. παροιμ. num. 13. in ANDREAE
SCHOTTI Collectione παροιμ. ἑλληνικῶν Ant-
verp. 1612. in 4. p. 117.

o) In Protrepic. p. 14. edit. FRIDER. SYLBURGII.

του λίθου ὑπὸ Σιμίου τοῦ Ἐυπαλάμου. p)
 Quod si igitur hominem, Siculi perstringere
 volebant stultum, & desipientem, qui, vt
 DESIDERIUS ERASMUS ait, q) *domesticorum*
negotiorum negligens, foris agit, & aliena cu-
rat, hoc eum compellabant prouerbio: Μα-
 ρτύρος ἱ Μορύχου, ὃς τὰ ἑνδοῦ ἀφ' οὗ ἐξω τῆς
 οἰκίας κάθηται. Inuehitur hac occasione ERAS-
 MUS in hominem Italum, adrogantem & super-
 ciliosum criticum, quem ANDREAS SCHOTTUS r)
 JOANNEM BAPTISTAM PIUM, quem etiam
 FRANCISCUS FLORIDUS SABINUS multis conui-
 ciis,

p) CLEMENS ALEXANDRINUS l. cit. Bacchi τοῦ
 Μορύχου statuem, a Sicone, vt illum vocat,
 Eupalami filio effigiatam, Athenis fuisse confirmat;
 παραθήσομα, ait, τοῦ Μορύχου Διονύσου
 τὸ ἀγαλμα Ἀθήνῃσι γεγονέναι μὲν τοῦ
 φελλάτα καλουμένου λίθου, Ἔργον τὸ
 εἶναι Σίκωνος τοῦ Ἐυπαλάμου ὡς φησὶ
 πολέμων ἐν τινι Ἐπιστολῇ Mauult autem
 FRIDERIC. SYLBURGIUS in Adnot. ad citat. CLE-
 MENTIS ALEXANDRINI loc. p. 351. legi pro
 Σίκωνος, Σίμωνος, quam etiam lectionem se-
 quutus est FRANCISC. JUNIUS in *Catalogo Archi-*
tectorum, Mechanicor. sed praecipue Pictorum sta-
tuarior. &c. quem addidit JO. GEORG. GRAEVIUS
 FRANC. JUNII *de pictura veterum libr. III.* Ro-
 terod. 1694. in fol. p. 199.

q) *Adagior. Chiliad. II, Centur. VIII.* p. 586. edit.
 froben 1541.

r) In Adnotat. ad citat. ZENODOTI loc. l. cit.

ciis, & scommatibus consperlit, s) fuisse existimat. Is sane, quisquis ille demum fuerit, qui ab ERASMO perstringitur, in explicando illo Siculorum prouerbio, tot admiserat errores, ut nemo facile, qui linguae graecae rudimenta, a limine tantum, ut aiunt, salutaerit, sibi a risu temperare queat, cum flosculos illos, ab ERASMO decerptos conspexerit. Et nisi omnino fallor, in eundem is lapidem impigisse videtur, qui CL. GORIO offendiculo fuit. Teste enim ERASMO Μορῦξαι γὰρ τὸ μολύναι, sic interpretatus fuerat, ut Μορῦξαι scriberet, *idem est, quod μολύναι, hoc est, ineptire, hoc est desipere.* Sed audiamus ERASMUM ipsum, qui Itali hominis inscitiam, hac ratione iocum risumque facit: *Quam quam alienissimum est, ab ingenio moribusque meis, vestigandis aut insectandis aliorum erratis operam conterere, tamen non possum hoc loco mihi temperare, quin videndi magis quam insectandi causa proferam cuiusdam apud Italos uon infimi nominis, inscitiam, ne dicam, an socordiam: praesertim cum is τὴν λεοντὴν ἐνδύσας, tantum sibi sumat, in literis, ut arrepta veluti censoriq; virgula, non solum de scriptoribus caeteris magna pronunciet autoritate, verum etiam ANGELUM POLITIANUM virum modis omnibus & incomparabilem & inimitabilem, ceu praeceptor quispiam flagellet,*
Ff 3 atque

s) In subseciuis lectionibus quae exstant in JANI GRUTERI *Lampade siue face arrium liberalium* Tom. I. Francof. 1602. in 8. p. 996. 199.

atque emendet. Cui cum non pauca concedat homo candidus, tamen delicatae illae, & meris atticismis assuetae aures, transmarinae Veneris sensum, in eodem desiderant, quod οὐδ' ἀρχὴν verterit ne initio quidem. Audiamus igitur in hoc Aristarcho Venerem illam transmari-
nam, ac germane graecanicam. Principio pro-
uerbium hoc e vulgatissimis ZENOBIi collectaneis
enarrans POLEMONEM perinde citat, quasi lo-
cum ipse legerit. Id quod suo more facit, vide-
licet ut in abstrusis, minimeque vulgatis auto-
ribus versari videatur. Deinde graeca —
ὅς τὰ ἑνδοῦ ἀφίς, ἔξω τῆς οἰκίας κάθηται reddi-
dit ad hunc modum: Qui relinquens habita-
tionem interiorē, extra positam quaerebat.
Rursum quod habetur in iisdem collectaneis:
μορύχος δὲ διονύσου ἐπίθετον ἀπο τοῦ τὸ πρόσω-
πον αὐτῆ μολύνεσθαι ἐπειδὴν τρυγῶσι, τῷ ἀπὸ
τῶν βοτρυῶν γλεύκει, καὶ τοῖς χλωροῖς σύκοις
expressit hoc pacto: Morychus sane epitheton
est Bacchi ἀπὸ τοῦ προσώπου αὐτοῦ μολύνεσθαι,
id est, ab inquinando videlicet propriam fa-
ciem. Inquinare namque solet eam Bacchus
racemis, & viridibus ficis. Deinde quod idem
coaceruator etymologiam nominis reddens scri-
psit, μορύξαι γὰρ τὸ μολύναι, sic interpretatus
est lepos atticus nostri temporis. Μορύξαι, in-
quit, porro idem est quod μολύναι, hoc est,
ineptire, hoc est desipere. Jam illud quanto
est, ταντὸς μορύχου μωροτέρου quod de Bacchi
statua reddidit. Graeca sic habent παρόσον
ἔξω

ἔκω τὸν νεῦ τὸ ἀγαλμα αὐτοῦ ἔστι παρὰ τῇ
ἱσοδοῦ ἐν ὑπαίθρῳ. *Ea sic extulit transmarina*
Venus. Praeterea dicitur a simplicitate Bacchi,
cuius simulachrum, in aperto statuitur apud
HESIODUM. Vide quot Veneres in uno eoque
perbreui capite prodidit hic venustus. Primum
Bacchus fastiditis penetratibus aedium suarum,
peregrinas sectatus domos: deinde cum saxeus
sit, sit enim de statua mentio, tamen ipse sibi fa-
ciem racemis & ficis oblini, quo vindemiatores
delectet. Ad haec cum idem significant μορῦχος
& μολύναι, utrunque declarat ineptire & de-
sipere, verum his duntaxat, qui Venerem illam
transmarinam usque quaque percalluerint. De-
nique quod est omnium venustissimum, e vestibulo
siquidem autore POLLUCE ἱσοδοῦς templi vo-
catur, quod & προπύλαιον dicitur, HESODUM
fecit, hoc est e mutis saxis, eloquentissimum
poetam. Et tamen habet hic talis artifex, qui-
bis sit admirationi, hoc est, similes habent la-
bra lactucas: cum innumera sint in huius com-
mentariis, pari flore reddita graeca, ὡς
Ὀυρανῶν quod aiunt, ὅς τις γῆς ἀπτόμενα, quae
vel ipse saxeus Morychus rideat. Homo me
hercle suauit, atque adeo Moriae beneficio felix,
qui transmarinae Veneris sensum, requirat in
aliis, ipse communicarens, & ut videtur, mari-
*nae quam transmaniae Veneri familiarior. **

Ff 4

Memo.

* Jam haec a me scripta erant, cum inciderem in
JOANN. BAPTIST. PII, bononiensis Adnotation. po-
sterior.

Memoratum Sicularum proverbium, e ZENODOTI Centuriis, in MICHAELIS APOSTOLII t) & SUIDAE u) libros postea transmigravit, & iisdem fere, quibus ZENODOTUS usus est, verbis, explicatum fuit. Sed omnes, quos nominavimus scriptores, communi quasi quodam consensu, in eo conspirant, ut Bacchum, ab inquinata, ficibus, musto, & faece, facie *μορῶχον* cognominatum fuisse scriberent, minime vero QUOD STULTO SIMILIS RIDEAT.

Series. Syllog. III. Cap. CL. in JANI GRUTERI Lampade sive Facie artium liberalium p. 506. & ANDREAM SCHOTTUM opinione non esse deceptum animadverterem, cum JOANNEM BAPTISTAM PIUM his verbis exagitarum scriberet. Ipsa enim illa verba, quae ERASMUS multo saepe perstrinxit, l. cit. legantur.

t) *Παροιμ.* Centur. XIII. p. 165. edit. PETRI Pantini, Tiletani, Lugd. Bat. 1653. in 4.

u) Tom. II. p. 582.



DE
PLATONE ET CICERONE
PRAECLARIS ANIMORVM IMMORTALI-
TATIS VINDICIBVS COMMENTATVR
ADVERSVS
WARBVRTONIVM ANGLVM
FR. CHR. OETTELTVS,
AC. ELECT. SODALIS, V. D. M.

§. 1.

Inter audacia aequae ac infelicia inuenta, quibus liber Warburtonii, Angli, qui *Missa Mosi diuina* inscribitur referta est, iure referri potest & illud, quo adseritur, immortalitatem animorum abs tota antiquitate reprobata, neque vllum ex philosophis Graeci & Romani orbis fuisse, qui de animorum immortali vita persuasus eam vere crediderit.

§. 2.

Warburtonius autem, dum adserit, immortalitatem animorum a veteribus philosophis nunquam fuisse creditam, non respicit nudam animorum post mortem corporis existentiam eorumque incorruptibilitatem, quam fere omnes statuebant. Plurimi enim ex illis adfirmabant, animam in τὸ Ἐν reuerti, vnde decerpta fingebatur; & alii somniabant μεταμύχωσιν quandam, qua anima purgari & post longius iter, per complura animantium corpora factum, in τὸ Ἐν remeare dicebatur. Sed res agitur de statu illo proprie sic dicto praemiorum, quae in altera vita recte factis ideo debentur, quod summum numen, quod omnia sua iustissima & sanctissima voluntate moderatur, sic voluit, ut in loco quodam a Deo adsignato animis propter virtutem in aeternum bene sit. Hunc animae post mortem statum a nemine veterum philosophorum creditum fuisse, perhibet W. In primis Platoni & Ciceroni exprobrat, quod, etiamsi de immortalitate animae magnifice

fice loquuti sint, eorum tamen sermones nisi fucum faciant imperitis. Quae itaque sunt, quae in hac commentatione mihi impugnanda sumsi.

§. 3.

Enunciatum, *Philosophi immortales. animos non crediderunt*, idem valere potest, ac

α.) philosophi fabulas istas poetarum de inferis reiecerunt.

β.) Philosophi immortalitatem animae ex rationibus metaphysicis eulentissime, ut nulla super sit dubitatio, demonstrari posse non crediderunt.

γ.) Immortalitati ideo suum adiecerunt calculum, quod verisimillimum esse videtur, animos aeternum vivere. Quae tria non temere sunt confundenda, nisi velis difficultatibus implicari insuperabilibus.

§. 4.

Quaeritur igitur α.) *Virum philosophi omnibus illis adstipulati fuerint, quae poetarum fabula de Styge, Acheronte, Furis finxerant, annon?* Non credo, vllum fore, qui sibi persuadeat, illos philosophiae principes his & talibus potuisse assentiri. Quid mirum, si has poetarum ineptias exploserint. Quod si vero has reiiciunt, non inde sequitur, eos quoque animorum immortalitatem ipsam risisse. Cicero hinc ibi, ubi totus in eo est, ut perennitatem animorum exquisitissimis confirmet argumentis, portenta poetarum false deridet,

adeo-

adeoque ex adolescente quærit: "Dic, quæ-
 " so, num te illa terrent, triceps apud inferos
 " Cerberus, Cocyti fremitus" - - Cui re-
 spondet adolescens: "Adeone me delirare
 " censes, vt ita esse credam?" Quæst. Tusc.
 I. & ibidem alio loco docet, ignorantiam
 finxisse inferos. Ex quibus patet, philoso-
 phos separasse commenta ista de inferis ab im-
 mortalitate ipsa. Quæst. Tusc. L. I.

§. 5.

Quæritur porro, *Num philosophi rationi-
 bus metaphysicis eo adducti fuerint, vt firmiter
 crederent animos esse immortales?* Adfere-
 bant quidem rationes ab ipsius animæ natura
 ac viribus petitas, quæ immortalitatem de-
 monstrarent. Et Plato primus dicitur fuisse,
 qui rationem immortalitati attulerit, (Quæst.
 Tusc. L. I. §. 39.) quam Plato in Phædro
 exposuit & Cicero, interpres Platonis, in ser-
 monem transtulit latinum: "Quod semper
 " mouetur, aïens, id æternum est." - - -
 (Quæst. Tusc. L. I. §. 53. & 55.) & §. 71.
 ita disputat: "In animi autem cognitione,
 " dubitare non possumus, nisi plane in phy-
 " cis plumbei sumus, quin nihil sit animis
 " admixtum, nil concretum, nil copulatum,
 " nil coagmentatum, nil duplex. Quod cum
 " ita sit, certe nec secerni, nec dividi, nec
 " discerpi nec distrahi potest: nec interire
 " igitur." - - En virum Wolffianum in Tus-
 culano demonstrantem! Animæ enim simpli-
 cita-

citatem, vt aiunt, ex eo, quod de anima cognoscimus, & porro ex eius simplicitate immortalitatem elicit; quietiam more nostratium philosophorum in §. subsequenti praeclare docet, animam & molis & mortis expertem esse.

§. 6.

Noli autem in animum inducere, vt his & talibus argumentis adducti plane de immortalitate persuasi philosophi abierint, ita, vt nulla remaneret formido oppositi. Bene enim intelligebant, his tantum rationibus immortalitatem fieri veri simillimam. Cum enim viderent, Deum esse, in cuius potestate situm sit, animum aut ad sortem immortalem euehi, aut morte addici: quodammodo adhuc fluctuabant. Cicero proinde l. c. §. 53. existimat: Deum scire & videre, quae sententiarum de anima vera sit. Et Plato in Phaedro ἐπὶ λόγῳ θεῷ τινός in spe sua confirmari exoptat. Socrates quoque, qui moribundus de immortalitate ad amicos tam eleganter disseruerat, plenam certitudinem a Diis expetit. Cic. l. c. p. 99. Hinc adolescens Ciceroni quaerenti: Num Platonis librum (de anima) euoluisset, respondet: "Feci & quidem saepius, sed
 "nescio, quomodo, dum lego, adsentior:
 "cum posui librum & mecum ipse de mortalitate animorum coepi cogitare, assensio
 "omnis illa (sc. quae ex lectis rationibus
 "Platonis metaphysicis oriebatur) elabitur."

§. 7.

Neutiquam tamen inde consequitur, eos omnino reiecisse doctrinam immortalitatis, quae a vetustissima traditione accepta, a tot tantisque viris, quin populis adserta, quae mentes virtutis stimulis concitat praestantibus, quae mortem contemnere grauius suadet, quae denique maiestati diuinæ naturæque singulari animorum consentanea putanda est. Nonne hæc ipsis videri verisimillima debebat; quam approbare nefas esset?

§. 8.

Quibus præmissis nunc progredior, diligentiùs in veram Platonis & Ciceronis sententiam inquirens. Statuerunt autem, ut rem ordine persequar, hi duumviri Plato & Cicero de rebus ad immortalitatem pertinentibus sequentia.

a.) *Animis a corpore distinctam naturam esse.* "Animorum, ait Cicero Quæst. Tusc. L. I. §. 66. nulla in his terris origo inueniri potest: nil enim est in animis mixtum, atque concretum, & quod ex terra natum atque fictum esse videtur - - His enim naturis nihil inest, quod vim memoriae, mentis cogitationisque habeat - - Singularis igitur est quaedam natura, atque vis animis, seiuncta ab his vilitatis naturis."

β.) *Naturam animorum esse simplicissimam.* "In animi cognitione, ait Tullius l. c. §. 71., dubitare non possumus nisi plane in physici-

cis

” cis plumbei fumus, quin nil sit animis ad-
 ” mixtum, nil copulatum, nil coagmentatum,
 ” nil duplex. - -

γ.) *Animam non solum non corrumpi posse, sed & vere post fata viuere, ita, ut vim memoriae, mentis, cogitationisque seruet.* Ita enim Cicero de senect. §. 85. ” Profecto, inquit, ” beati erimus cum corporibus relictis, & cupiditatum & emulationum erimus expertes: ” quodque nunc facimus, cum laxati curis ” sumus, ut spectare aliquid velimus & visere: ” totosque nos in contemplandis rebus perspicendiisque ponamus, propterea quod & ” natura inest mentibus nostris insatiabilis ” quaedam cupiditas veri videndi & orae ” ipsae locorum illorum, quo peruenerimus, ” quo faciliorem nobis cognitionem rerum ” caelestium, eo maiorem cognoscendi cupiditatem dabunt.”

δ.) *Animam in certum locum euehi, ubi animae post mortem bene sit.* Locum hunc Socrates apud Platonem, quo anima post fata discendat, appellat *ᾠδην*, quod in Cratylo inde deriuat, quod in eo liceat *πάντα τὰ καλὰ ἰδεῖναι*. Plato ipse in Phaedone §. 88. nominat *καθαρὰν οἰκισιν*, item l. c. §. 77. *οἰκίσεις καλλίεις*, ubi dii reuera habitent. Hinc etiam mortem praedicat *μετοίκισιν τῆς ψυχῆς τὸ πῶς τὴν ἐνθάδε εἰς ἄλλον τόπον*, quod Cicero (de Senect. §. 84.) interpretari videtur
 per

per discessum ex hac vita tanquam ex hospitio, non tanquam ex domo.

1.) *Haec animae futura habitacula supra nostram atmosphæram esse.* Ad quod pertinet illud Ciceronis in Quæst. Tusc. L. I. §. 74. "Video inquietis, te alta spectare & velle in coelum migrare." Et Plato pronunciat, illos, qui ex vita hac, tanquam ex carcere, soluti discedunt, ad puram peruenisse habitationem supra terram habitantes.

2.) *Beatos ibi etiam alios noscere & conuiscere, atque ex eorum consuetudine dulcissimam capere voluptatem.* "O praeclarum diem, inquit Cicero de Senect. §. 85. cum ad illud diuinum animorum concilium coetumque proficiscar, & cum ex hac turba & colluue descendam! Proficiscar enim non ad eos solum viros, de quibus ante dixi: sed etiam ad Catonem meum, quo nemo vir melius est natus." Et in Quæst. Tusc. L. I. §. 98. "Vt vero colloqui cum Orpheo, Musæo, Homero, Hesiodo liceat, quanti tandem aestimatis? Equidem sæpe mori, si fieri posset, vellem, ut ea, quae dico, mihi licerent. Inuenies, quanta delectatione" - - -

3.) *Animis sic in coelo propter virtutem bene fore.* Censebat enim Cicero Quæst. Tusc. L. I. §. 72. "Duas esse vias, duplicesque cursus animorum e corpore excedentium. Nam qui se humanis vitiis contaminassent & se totos libidinibus dedissent, quibus caecati velut

” velut domesticis vitiis atque flagitiis se inquinassent, vel in republica violanda fraudes inexpiabiles concepissent, iis demum quoddam iter esse seclulum a concilio Deorum. Qui autem se integros - - Ad quae accedunt, quae Plato in Phaedone §. 30. adseruit. Quae cum ita sint, quis est, qui non miretur, quod W. statuere potuerit, immortalitatem neque a Platone neque a Cicerone vere fuisse creditam?

§. 8.

Sed quae argumenta W. attulit, quibus sententiam suam stabilire conatus est? Primo auctoritatem & nobilitatem omnium philosophorum valde suspectam & dubiam reddit in dicto libro *de missione Moysi diuina* pr. I. edit. Germ. p. 476. Vult enim nobis persuaderi, fidem dictis eorum nullam esse adhibendam, quod aliter cogitare, & aliter loqui soliti fuissent.

Equidem non inficior, philosophos saepe, licet animo saepe perspexerint, ea quae religio patriae communis de diis maiorum & minorum gentium docebat, commenta esse & portenta poetarum, quae inter priuatos parietes rideri possent, istas tamen fabulas publice oppugnatum ire, earumque absurditatem omnibus ac singulis detegere, neque prudentis (facile enim is odium ciuium capitale incurrebat, qui eas aperte oppugnabat) neque patriam amantis viri esse putasse, quia existi-

stimabant, patriam religionem reipublicae esse fulcrum, quo sublato, haec nec seruari nec augeri posset. Hinc fiebat, ut saepius aliter loquuti sint & aliter cogitarint. Sed haec tantum, si verum quaerimus, valebat de istis fabularum ineptiis, in quas dogma istud graue immortalitatis haudquaquam referri poterat, cui, teste Cicerone Qu aest. Tusc. L. I. §. 21, Plato tot rationes attulit, ut velle ceteris, sibi certe persuasisse videatur. Et quid pluribus? Tempore & Platonis & Ciceronis complures erant, qui in castris Epicuri militantes disertis verbis mortem animorum statuebant. Et perinde erat, si quis in sententiam Epicuri accedere, aut dogma de immortalitate animae tueri vellet. Quae ergo causa fuisset philosophis, ut sententiam de morte animorum celassent, quum iis, qui de ista persuasi erant, eam publice adserere & defendere licebat?

§. 9.

W. porro totus in eo est, ut demonstret, philosophos quoque nullo pacto immortalitati adfentiri potuisse. Dogmata prout cuiuslibet sectae philosophicae propria enarrat, eo quidem consilio, ut probet, necesse fuisse, ut vitam animorum perennem deluderent. Et inprimis de Platone vult nobis persuaderi, eum quidem de animorum incorruptibilitate, minime vero de vera immortalitate disseruisse, *quod nimirum ratio, quam attulit, metaphysica*
nil

nil nisi indissolubilitatem, nequaquam vero vitam animae perennem argueret.

Ex iis, quae supra ex Platone & Cicerone protuli, plus satis, puto, adparet, hos philosophiae principes plus, quam nudam existentiam animae post mortem corporis, docere voluisse. Nam animus, cui vis memoriae cogitationisque remanet, & qui ex consuetudine beatorum summam percipit voluptatem, certe post funera vere & proprie vivit. Equidem largior, absolutam, quam vocant, animorum immortalitatem ex eo, quod sit nil coagmentatum, nil duplex, non fluere. Sed quid inde? Ergo eam non credidit? Certe eam demonstrare voluit, & ratio, quam adtulit, ei sufficere visa est ad demonstrationem vitae animorum perennis. Si quidam ex nostratibus philosophis immortalitatem animae demonstrare ausi sunt, demonstrationemque suam argumentis fulciunt ex natura & vi animorum singulari collectis, quae re vera nil nisi eorum incorruptibilitatem communiant, quis est, qui dicat, eos animo inimico parum favere immortalitati?

§. 10.

W. denique praesidium opinionis suae ex eo quaerit, *quod Plato quandam animorum migrationem post funera statuisse videatur*; unde concludit, Platonem ergo non veram animorum immortalitatem credere potuisse. Concedo quidem, Platonem in scriptis de genere

quodam μετεμψυχώσεως loquutum esse. Sed hac μετεμψυχώσεως fabula tantum lusisse eò consilio, ut poenis istis, quas scelerati sic post fata daturi essent, civium animos magis terreat, mihi còmpertum habeo. Hunc autem Platoni animum fuisse, facili demonstràri potest negotio. Nam Plato in Timaeo sub fin. postea quam multa de migratione animorum disseruerat, docet, animos hominum, sicuti saepius corpora "remediis morbofis (ὑποσώδεις) " sanamus, nisi cedant saluberrimis, ita & *falsis sermonibus* coërcendos esse, nisi ducantur veris. Inter hos ψεύδης λόγος diserte refert eos sermones, quos de animarum commigratione habuit: sicuti quoque Plato ubique locorum non secus de μετεμψυχώσει loquitur, ac de fabula ideo ficta. quod animos ad virtutem excitare valeret. In Phaedone, postquam Socrates moribundus de immortalitate praeclare disseruerat ad amicos, sermones de ea habitos fabula quadam se condire velle ait. Qua mente Simmiam ita adloquitur: "Fortasse *fabulam* quoque narrare " oportet, pulcràm eamque dignam, quae " audiatur; " quae fabula fuit de animis commigrantibus. Et postquam hanc μετεμψυχώσεως fabulam ornate exposuerat, proficitur, "reim se hoc pacto habere, quo enarrasset, non decere virum sanae mentis adserere. Cur autem eam enarrarat? Id intendit, quo, uti Simmiae periuaderi vult, in

hac vitā ad virtutem omni studio adnitamur.
 " Praemium enim, inquit, pulcrum est & spes
 ingens. " Eadem ratione sub finem Libri X.
 de Republica Plato μετεμψύχωσιν adpellat fa-
 bulam, quae ficta sit animorum ad virtutem
 excitandorum ergo: quibus subiicit: " Quam-
 " obrem si sermonibus meis obtemperabimus,
 " *immortalem fore animam arbitantes*, viam
 " ad superiora ducentem semper ibimus - -
 " vt & nobis ipsis simus & diis amici non so-
 " lum in hac vita, sed etiam in altera, vbi
 " praemia virtutis reportabimus tanquam po-
 " titi victoria & triumphis - - felicissimum
 " agamus aeternum. " Tantum igitur adest, vt
 Plato narrationibus istis μετεμψύχωσιν olen-
 tibus, immortalitati animorum nocere volue-
 rit, vt potius ea fuerit mente, vt his & talibus
 fabulis, quibus ludebat, animos doctrina im-
 mortalitatis magis imbueret. Nam, vti in
 Epinomi Plato docet, & cum ludat, & cum
 serio dicat (παίζων καὶ σπευδάζων) ei ani-
 mum fuisse adfirmandi nos post funera ad
 immortalitatem euehi.

§. ii.

At obiicere posses: *Num ad virtutis studium
 fictis narrationibus excitauit Plato?* Ita fieri
 posse certe censuit. Libro enim II. de republ.
 ita: " Nescis, ait, quod pueris fabulas prius
 " narramus? Haec quidem, si summam rei
 " dicamus, falsa sunt; insunt tamen etiam
 " vera. Fabulis enim, vt ait in subsequen-

” tibus, puerorum animi multo magis infor-
 ” mantur, quam corpora manibus.” Quae
 cum ita sint, quis est, qui ex eo, quod Plato
 saepius de *μετεμψυχώσεω* loquutus sit, collige-
 re possit, Platonem veram animorum immor-
 talitatem statuere non potuisse? Neque autem
 nego, Platonem his & talibus sermonibus in-
 caute loquutum esse. Warburtonium autem
 eiusmodi incautas loquutiones, ut solet, vrge-
 re, ut eas domesticae suae opinioni accomo-
 det, viri cordati non duco. Probi enim est,
 obscurius dicta ex clarioribus illustrare, &
 incautos sermones ita interpretari, ut cum
 scopo, quem autor sibi praefixerat, consen-
 tiant.

§. 12.

Quod superest, ex hucusque de Platone
 dictis abunde adparet, eum haudquaquam tam
 plumbeum fuisse, ut ea vera consuerit, quae
 poetae de inferis, de animarum migratione
 &c. iusserunt. Quid ergo? Si vel Chry-
 sippus apud Plutarchum, vel Strabo, quos
 W. p. 553. idoneos causae suae testes laudat,
 confirmarunt, Platonem haudquaquam quae
 de inferis &c. dicuntur, vera putasse. Supra
 enim (§. 4.) prolixè ostendi, philosophos
 istas de inferis fabulas sollicitè ab immortalitatis
 doctrina ipsa separasse. Audacior pro-
 inde, quam par est, mihi videtur W. horum
 testimoniis nixus, cum ex his colligit, Plato-
 nem nunquam verum fuisse immortalitatis pa-
 tronum

tronum, quia, quod quidam testati sunt, nunquam fabulas istas de inferis veras censuit.

§. 13.

Sed Anglus acrius instat, Nam omnem dat operam, ut in sequentibus demonstret, veteres philosophos, adeoque Platonem non modo non credidisse, sed etiam ne censere quidem potuisse animos esse immortales. Rationes, quas attulit hae sunt: *Quia fere omnes philosophi duo amplexi sunt principia metaphysica, quae regnum futurarum poenarum & praemiorum funditus euertere valent.* Prius est: *Nunquam nec irascitur Deus nec nocet;* posterius: *Animi a natura Dei hausti & libati sunt.*

§. 14.

Prius quod attinet, concedo quidem complures philosophos ita loquutos esse & statuisse nec irasci Deum nec nocere; sed non omnes idem innuisse dum adferebant, Deum nec irasci nec nocere, mihi compertum est. Quidam, ut Epicurei, censebant Deum plane non irasci hominibus, nec ipsis nocere. Quod consequebatur ex eo, quod putarent, Deos certe nil curare omnino. Alii philosophi aliter intelligi voluerunt. Putabant quidem, irasci maxime indignum Deo esse, sed ita potissimum contra Poëtas disseruerunt, qui Deos iracundos & nocentes fingeant. Plato enim L. II. de Republ. contra eos, qui figmentis poëtarum de Diis iratis, bellum gerentibus

bus, insidiantibus &c. fidem adhibent, comprobare studet, Deum non nocere. Nil itaque aliud adfirmare voluerunt, quam Deum non iracunde, libidine vindictae concitatum, agere posse. Et quis est, qui dicere ausit, talia in Deum O. M. cadere posse. Complures porro ex Stoicis eo quoque adduci non potuerunt, ut crederent, Deum a sceleratis poenas sumere aeternas, eosque summis adficere cruciatibus; non tamen adserere ausi sunt, Deum prorsus erga impios immobilem manere, sed statuerunt, eum quidem malos punire, sed non alia ratione, quam, ut eos prorsus interire sinat, eorumque animos omni omnino sensu post funera carere iubeat. Iste autem ipse interitus impiorum in morte poena est: ita tuebant ergo quodam modo poenas futuras, sed tantum poenas damni, non vero poenas sensus, quas summe beneficae maiestati Dei minime consentaneas putabant. Cum vero & poenae sensus religionem mirum in modum communiant, optime sane causae religionis consuluisse videtur Lactantius, qui in libro quodam, qui inscribitur *De ira Dei* & Epicureos & Stoicos refellere studuit. Quum ad hunc Lactantii librum Warburtonius saepius iterumque prouocet, mearum duxi partium, finem & argumentum eius curatius inspicere & considerare.

§. 15.

Lactantius finem & argumentum totius
libri

libri statim sub initium ita describit: " Ani-
 " maduerti saepe, aiens, plurimos id existi-
 " mare, quod etiam *nonnulli* philosophorum
 " putauerunt, non irasci Deum, quoniam vel
 " beneficia sit tantummodo natura diuina,
 " nec cuiquam nocere, praestantissimae con-
 " gruat potestati; vel certe nil curet omni-
 " no, ut neque ex beneficentia eius quidquam
 " boni perueniat ad nos, neque ex malefi-
 " centia quidquam mali " - - Lactantius

itaque statim in initio dicendi testimonium in
 Warburtonium dicit perhibentem omnes phi-
 losophos & quidem teste Lactantio existimasse,
 Deum non irasci. Hi nonnulli philosophorum
 quos nominatim coarguit, sunt Epicurei &
 Stoici. Stoicos Lactantius describit, " Dari,
 " inquam, qui putant non irasci Deum, quo-
 " niam benefica sit tantummodo natura diui-
 " na nec cuiquam nocere praestantissimae &
 " optimae congruat potestati." Ad Epicu-
 reos pertinet illud, quo dicitur, " Dari non-
 " nullos, qui putant, non irasci Deum, quo-
 " niam Deus certe nihil curet omnino, ut " - -

Illos refellit C. III. hos a Capite V. usque ad
 finem libri. Quem ad modum autem Epicurei
 somniabant, Deum nec bene pro meritis ca-
 pi, nec tangi ira, Stoici vero tantum autuma-
 bant, non irasci Deum, quoniam benefica tan-
 tum modo sit natura: ita de ira consentiebant,
 de gratia discrepabant. Id quod & scite ex-
 plicat Lactantius L. II. " Aiunt, inquam, qui-

G g § " data

meditatione animos efficacissime a vitio deter-
reret. Summus enim rerum rector summam
justitiam in rebus mundi exercet, quibus
prospicit gubernatione, & malos puniens &
bonos remunerans. Id quod est argumen-
tum fere totius Libri X. de republica Platoni,
ubi egregie de iustitia disseruit remunerantem.
Et quam magnifice quam digne tanto viro
sensit Cicero ubique in scriptis suis de Dei pro-
videntia omnibus prospiciente, de iustitia eius
singulis merita retribuente, de amore eius
in bonos, odioque in malos maxime: quae
certe omnia hac ratione existimare minime
potuisset, si in sententiam eorum descendisset,
qui cum Anglo iurant, Deum quod non
irascatur, etiam non punire malos omnino.
Quae cum ita sint, cuilibet perspectum facile
est, id, quod Philosophi censuerint, Deum
non irasci, haudquaquam impedimento fuisse,
quo minus credere potuissent, animos fore
immortales, qui in altera vita praemia meri-
torum reportaturi essent.

§. 17.

Sed progredimur ad alterum dogma, quo
imbuti philosophi immortalitatem etiam non
credere potuerunt, ut W. perhibet. Illud
est de anima particula divina, quae etiam
post funera in ^{τὸ} ^ἄΕξ, unde decerpta diceba-
tur, reuertitur. Platoni hoc quidem dogma
fuisse, ex libris eius constat: eum autem id
eo consilio arripuisse, ut eo magis stabiliret
immor-

immortalitatem animorum, neutiquam vero, ut eam destrueret, facile demonstrari potest. Cognoscebat nimirum animorum naturam praestantiorē esse, quam ut ex terra ficta sit, unde, quanquam tumultuarie colligebat, eos esse diuinæ naturae. Plato tamen, ut dicam quod res est, nusquam docuit, animos a Deo ipso esse decerptos, sed tantum ex anima mundi, quam somniabat. Haec & Deus non erant idem; animam enim mundi, licet diuinæ naturae, i. e. praestantioris, quam ut mente comprehendi possit, a Deo omnium conditore, factam statuebat, adserens eam esse extensum quoddam, idque *ὁμόγενες καὶ φρόνιμον*. Quemadmodum itaque corpus post fata ad terram, unde natum, reuertitur: sic animum relicto corpore ad sedes suas ad τὸ *ὁμόγενες* recurrere censebat cum aliis Plato in Phaedone §. 44. Hoc quum ἀφθαρτον nec diuidi nec destrui posse statueret. inde concludebat, animos aeternum viuere. Ita ratiocinabatur Plato. Videtur quidem animum, quod *ἐς τὴν τῆ πάντος ψυχὴν, πρὸς τὸ ὁμόγενες* reuerti dicatur, propriam & separatam existentiam perdere: Platonem autem ita non sentiisse, vel inde patet, quod de anima, quae extincto corpore reuertitur, talia praedicat, quae non nili de anima, quae vere viuit proprio existendi modo superstes, dici possunt. In iis enim, quae ante dixi, Plato disertē docet, animam corpore elapsam in cognitione
verita-

veritatum incrementa facere, incolas caelorum noscere & conuenire, atque ex eorum conuersatione dulcissimum capere solatium. Quibus certe nobis Plato persuaderi voluit, animam ad Deum reuersam propriam existentiam neitiquam perdere. Quod superest, cuidam consequentias vt suas attribueret, quas ~~tamen~~ omni modo respuit, nefas duco; quae si etiam ex eius principiis pronò fluerent alueo, nil certe aliud comprobarent, quam quod eius inuenta minus apte inter se cohaereant. Fallit enim saepe nos aut recta consequentiae deducendae ratio, aut animus praeiudicatis opinionibus occupatus, quae vel optimum quemque in transversum agere possunt. Memini, vt rem copiosius illustrem, Ciceronem (de nat. Deor. L. I. XI.) ex eo, quod anima ex mente diuina, per naturam rerum omnem intenta, decerpta diceretur, collegisse, Deum ergo distractione animorum discerni & lacerari. Et Arnobius (adv. Gentes L. II. p. 47.) ex eodem dogmate Platonico eliciebat, Deum ergo in aegris aegrum esse, in infantibus stolidum, in senectute defessum. Ecquis vero est, quem fugit, has & talis consequentias vbique semper reprobasse Platonem? Nonne igitur iniurius essem in eum, si haec & talia ab eo admissa pronunciarem?

§. 18.

Quae hucusque disputata sunt, praecipue Platonem respiciunt; nunc quoque ea disquiram,

ram, quae maxime ad Ciceronem pertinent, qui omni tempore ab omnibus habitus fuit praestantissimus doctor animorum immortalitatis. Vt W. & huius viri auctoritatem diminuat, primum omnem mouet lapidem, vt commonstret, impossibile esse dictu, quid maxime censuerit de animorum immortalitate. Qua de causa primo p. 559 adserit, Ciceronem more philosophorum Graecorum, quos sequutus sit, duplici vsum esse methodo; id quod exinde patere, quod L. IV. Ep. ad fam. 15. Platonem Deum suum nominauerit. Quae consequentia! Cicero Platonem Deum suum, i. e. virum excellentissimum dignissimumque, quem sequatur, appellauit, ergo duplici methodo vsus est, vt itaque impossibile dictu sit, quid vere de hac illaue re statuerit. Ergone credis, mi Warburtoni, Ciceronem & sua habuisse ἀπορίητα? Ego non credo. Audiamus, quid Cicero ipse de hac recensuit. In libro de finibus II. ita:

” Quodsi ait, vultum tibi, si incesum finge-
 ” res, quo grauior viderere; non esses tui si-
 ” milis: verba tuingas, & ea dicas, quae
 ” non sentias, aut etiam, vt vestitum sic sen-
 ” tentiam habeas aliam domesticam, aliam
 ” forensem, vt in fronte ostentatio sit, intus
 ” veritas occultetur? Vide, quaeso, rectumne
 ” sit; mihi quidem eae verae videntur opi-
 ” niones, quae honestae, quae laudabiles,
 ” quae gloriosae, quae in senatu, quae apud
 ” popu-

” populum, quae in omni coetu sint profere-
 ” rendae, neid pudeat dicere.”

§. 19.

W. argumentum porro, quo Ciceronis auctoritatem suspectam reddere conatur, a conditione illius sectae sumsit, quam potissimum, vti perhibet, sequutus sit, nouae scilicet Academiae, quae tota, mente quidem Angli, fuit sceptica. Quaeritur hic, *num Cicero certam sequutus fuerit sectam? et num philosophus scepticus fuerit?* Vtrumque, quod W. perperam adfirmat, nego.. Nam Cicero iuuenis audierat Philonem, principem Academiae quartae, & Athenis Antiochi scholam frequentarat, qui auctor Academiae V. habetur. Apud Posidonium Stoicum quoque didicerat, sicuti Platonem auidius legerat. Conf. Plutarchum in vita Cic. & Ciceronem ipsum de nat. Deor. L. I. §. 1. vbi ita: ” Principes illi, ait, ” Diodorus, Philo, Antiochus, Posidonius, a quibus instituti sumus.” Optimum itaque quemque adibat, non vnus scholae principem audibat, vtilissimum ex quibusuis eligebat, atque eligendo sibi sumebat, non tam auctores in disputando, quam rationis momenta quaerens, vti ipse de se loquitur T. c. §. 10. Quare etiam reprehendebat Pythagoreos, quos ferunt si quid adfirmarent in disputando, cum ex iis quaereretur, quare ita esset, respondere solitos: Ipse dixit; id quod ipse enarrat ib. §. 11. Neque enim Ciceronis immenso conuenie-

veniebat ingenio in verba iurare magistri. Sapientis enim putabat, omnia discere, omnia examinare, optimo autem assentiri. Hinc & contra omnes philosophos, & pro omnibus dicere solebat, sed veri rependi causa, ut ipse profitetur, ib. §. 11. Ex quibus, putô, sat adparet, non eum certae addictum fuisse sectae, sed eclecticum egisse philosophum. Philosophabatur quidem ita, ut prudenti & sanæ dubitationi patrocineretur; tantum tamen abest, ut omnia incerta & dubia reddiderit, ut potius omnem contulerit operam ad verum rependum. Non enim, ait l. c. §. 12, sumus ii, quibus nihil verum esse videatur, - - Hinc a rebus incertis assensionem cohibuit. Rationem addit l. c. §. 1. "Quid enim est, aiens, temeritate fortius; aut quid est tam temerarium, tamque indignum sapientis gravitate atque constantia, quam aut falsum sentire, aut quod non satis explorate perceptum sit, & cognitum, sine vlla dubitatione defendere." En candidam confessionem! Cum qua etiam mire conveniunt, quae in scriptis suis disputavit. Examinat, quaerit, confert causas, probat ea, quae veri videntur simillima, quid in quamque sententiam dici possit, nulla adhibita auctoritate exponit; quae vero falsa sunt, reiicit. Quae cum ita fiat, quis est, qui adfirmare audebit, Cicero nem fuisse virum Scepticum, qui nil certi statuerit?

§. 20.

Perhibet denique IV. p. 561., vt Ciceronis auctoritatem debilitet, *Romanos tantum disputandi causa fuisse philosophatos*, ex quo colligit, Ciceronem ergo nequaquam id, quod philosophando disputauit, credidisse. Quomodo hanc suam assertionem stabilit W? Probat ex verbis, quae in oratione pro Muraena C. 29. leguntur, & vbi Cicero de M. Catone adfirmat, eum arripuisse philosophiam, neque disputandi causa vt magnam partem, sed ita viuendi, & vbi Cicero C. 20. de se ipso fatetur, se quoque in adolescentia diffusum ingenio, quaeuissse adiumenta doctrinae.

Si magna Romanorum pars tantum disputandi causa arripuit philosophiam, nec ita viuendi, quid tum inde? Num id omnes fecere? Et si Cicero fatetur, se quoque in adolescentia quaeuissse adiumenta doctrinae, num exinde sequitur, Ciceronem semper & prouectiori quoque aetate tantum temporis causa & disputandi philosophiam tractasse? Praeclare ad familiares L. IX. 8. scribit: "Studiis nostris ante delectabamur, nunc etiam viuimus. Prouectiori enim aetate ad philosophiam ceu in portum confugiebat magna iactatus tempestate. In quaest. Tusc. V. 5. itaque: "O vitae philosophia dux, ait - - tu magistra morum & disciplinae fuisti. Ad te confugimus, a te opem petimus: Tibi nos, vt antea magna ex parte, sic nunc penitus totosque tradimus" - - & iterum

iterum saepius proficitur, se doloris medicinam a philosophia petere. conf. Quaest. Acad. L. I. §. 11. Quaest. Tusc. L. V. sub finem it: de nat. Deorum L. I. §. 9. In primis autem confirmat, hunc ipsi fuisse animum in conscribendo libro de senectute, vt nimirum consideratione veritatum, quae in hoc libro pertractantur, molestias leuaret senectutis aduectantis. Ita enim statim in initio libri: "Nunc, ait, visum est mihi, de senectute ad te aliquid scribere. Hoc enim onere, quod mihi tecum commune est, iamiam vrgentis aut certe aduectantis senectutis, & te & me ipsum leuari volo. - Mihi quidem ita iucunda huius libri fuit confectio, vt non modo omnes absterferit senectutis molestias, sed effecerit etiam mollem & iucundam senectutem." - Quo autem magis delectabatur in hoc libro, quam meditatione immortalitatis animae suae? Nunquam sane sine summa animi delectatione lego, quae §. 82. laudat: "Nec me, aiens, vixisse poenitet, quoniam ita vixi, vt non frustra me natum existimem, & ex ista vita discedo, tanquam ex hospitio non tanquam ex domo. Commorandi enim natura diuersorium nobis, non habitandi locum dedit. O praeclarum diem, cum ad illud diuinum animorum concilium, caetumque proficiscar, & cum ex hac turba & colluie discedam. Proficiscar enim non ad eos solum viros, de quibus ante dixi, sed etiam ad Catonem. - His mihi rebus

"leuis est senectus, nec solum molesta, sed etiam iucunda." His itaque intellectis, quis dicere audeat, Ciceronem tantum disputandi causa philosophatum esse?

§. 21.

Ex his autem simul intelligitur, *quis verus fuerit scopus librorum Ciceronis philosophicorum*, qui nimirum fuit, vt declararet, quid de hac illaue materia sentiret, & quid sibi medicinam doloris vel in acerbissimis casibus pararet. Quem quidem scopum non modo in exordio cuiuslibet libri, materiam philosophicam pertractantis, sibi praefixisse profitetur, sed etiam fere omnibus litteris, quas eo tempore, quo ad scribendos hos libros philosophicos animum adpulerat, ad familiares dederat. Qua de causa ita in Quaest. Ac. L. I. "Nunc, ait, & fortunae grauissimo percursus vulnere, & administratione reipublicae liberatus doloris medicinam a philosophia peto." Ad quod accedit, quod eo tempore Varroni suo scribebat. (Ep. XIIIX. L. IX. Ep. ad famil.) Haec autem scripsit iis temporibus, quibus Caesar omnia Romae turbauerat. In hac turba & confusione rerum ex vrbe cum aliis depulsus in Tusculano latebat, vbi se non modo ad legendos libros, sed & ad totam philosophiam pertractandam dabat, doloris leuandi causa. cf. de nat. Deorum L. I. §. 9. Praecipue solatium, & medicinam doloris petebat ex meditatione immortalitatis, qua quidem ita erigebatur

batur & delectabatur, vt nollet, hanc sibi extorqueri, si etiam sit error, vt §. 86. de Senect. loquitur. "Et malebat, vti ib. §. 49. proficitur, "cum Platone in hoc errare, quam cum "istis, qui morte deleri animos dicunt, vera "loqui; quos hostes immortalitatis proinde grauitur omni occasione contemnit; quippe qui, vt §. 12. & 32. de Attic. differit, omnia pecudum ritu ad voluptatem referunt, & hominem, illud diuinum animal, vt tardam aliquam & languidam pecudem tantum ad pastum & ad procreandi voluptatem ortum esse volunt. cf. de finibus L. II. §. 40. it. Quaest. Tusc. L. I. §. 50. 51. & quos adeo absurdos, minutos, plumbeos, plebeios philosophos appellat. cf. de Senect. §. 86. Quaest. Tusc. L. I. §. 55. & 71. Ex quibus secure concludi posse arbitror, constanter & vere Ciceronem credidisse, animos esse immortales.

§. 22.

Vltimum adhuc restat, quo quidem W. auctoritatem Ciceronis debilitari posse autumat. Perhibet nimirum, *eum multiplicem induisse personam, ita, vt aliter loqui soleat vt philosophus, aliter vt orator & causarum patronus, aliter vt politicus.* Vnde factum, vt id, quod ritu philosophi adfirmat, more politici neget. Hac igitur ratione omnem fidem detrahit ceteris praeter epistolas scriptionibus: "In solis, "inquit p. 569, epistolis ad familiares est, vbi "aperte loquitur, & vbi politicum, Sophistam,

Hh 3

"cau-

"causarumque patronum exuit. Nam his literis, vti §. 570. pergit, consolando animos amicorum erigit, cum & ipse his tristissimis temporibus egebat consolatione. His autem homines non multum aut omnino non solent dissimulare." Si Cicero ibi aperte & ex animo nec simulate loquutus sit, vbi consolando animos amicorum erigere studuit, certe eum nusquam apertius quam in libris philosophicis sententiam dixisse putandum est. In his enim, ut audiimus, ea pertractauit, a quibus medicinam & solatium doloris petiit, & sicuti consolatione tunc temporis maxime egebat, ita ad philosophiam tanquam in portum confugiebat, eamque non modo sui ipsius doloris leuandi causa, sed etiam animorum ceterorum, cum quibus familiariter viuere consueverat, consolandorum ergo sermone interpretabatur latino.

§. 23.

Sed qui fit, ut W adfirmarit, Ciceronem tantum in suis epistolis aperte loquutum esse? Nulla profecto alia adductus ratione id fecit, quam quia in eis quaedam inuenit, quae causae ipsius patrocinari videntur. Verba autem, quae ex epistolis Tullianis in rem suam conuertit, haec fere sunt: "Mortem etiam beati contemnere debebamus, propterea quod nullum sensum esset habitura." (Epist. ad fam. 21. Libri V.) "Et si non ero, sensu omnino carebo." (L. VI. 3.) Item: "Si vocer ad exitum vitae, non

"non ab ea republica auellar, qua carendum
 "esse doleam, praesertim cum id sine vlllo sen-
 "su futurum sit." (L. IV. Ep. 4. & L. VI. Ep.
 21. adserit: "Omnium rerum mortem esse ex-
 "tremum." Quae omnia ex epistolis decer-
 pta sunt, quas istis temporibus, quibus Caesar
 Pompeio victo amicos Pompeii bello perseque-
 batur, anno nimirum vrbis conditæ DCCVII.
 aetatis Ciceronis LXI., vti Reimannus compu-
 tat, ad familiares dederat. In omnibus autem
 tunc temporis datis epistolis declarat, quam
 sibi sit molestum rempublicam euersam adspi-
 cere. Cicero ipse nesciebat, quo animo victor
 partium Pompeianarum, quas sequutus fuerat,
 erga se aliosque affectus esset. In his itaque
 calibus acerbissimis Cicero amicos hortatur &
 admonet, vt omnia, quae euenirent, fortiter &
 moderate ferrent. In argumentis, quae dolo-
 ris amicorum leuandi causa arripuit, id quoque
 est positum, quo corroborat, mortem nullum
 sensum esse habituram; & quid haec sibi vo-
 lunt? Aspectus afflictæ, quin potius euersæ
 reipublicæ Ciceroni dabat sensum acerbissi-
 mum. Ita igitur: "Mihi, inquit Ep. I. L. X.
 "edit. Reim., dubium non est, quin hoc tem-
 "pore bono viro Romae sit miserrimum. Nam
 "etsi quocunque in loco quisque est, idem est
 "ei *sensus* & eadem acerbitas ex interitu rerum
 "& publicarum & suarum." Quae verba, eo-
 dem tempore ad Torquatum scripta, clauis
 sunt, quae verum istorum verborum sensum,

de quibus agitur, ita recludit, vt omnibus pateat. Ex his autem adparet, vocem *sensus*, in qua voce ambiguitas latet, id *acerbum* significare, quod sentiebatur ex interitu rerum & publicarum & suarum, quo quidem nil tristius, nihilque molestius bono ciui accidere poterat. Tale quid Cicero alias quoque *sensum malorum* adpellat, vti in Quæst. Tusc. L. I. Quod si itaque dictis locis adfirmat, mortem nullum esse sensum habituram, nil his aliud comprehendere vult, quam, quod si vocetur ad exitum vitae, omni sensu & acerbitate ex interitu rerum & publicarum & suarum cariturus sit, nihilque post mortem amplius eorum, quae nunc republica euersa pectus excruciare possent, sensurus sit & visurus. Ex quibus vtique confici poterat, mortem ergo non modo contemnendam, sed etiam optandam esse. Quid ergo praesidii hi loci Warburtonio adferunt? Nemo negat, nos post mortem nil amplius eorum, quae nos hic in hac colluie saepe adfligunt, visuros esse & sensuros; num autem inde sequitur, animos omnino morte deleri.

Quod superest, Cicero declarat, mortem etiam beatos nos contemnere debere, propterea quod nullum sit sensum habitura. Quod si haec verba eum haberent sensum, quam eis attribuit W., nil certe eo esset absurdius, quod Cicero hic scripsisset. Hac enim ratione adfirmasset, nos etiam beatos mortem iccirco
con-

contemnere debere, quod morte funditus euer-
temur & omnino interibimus. Quid, quaeso,
absurdus ?

§. 24.

Haec fere sunt praecipua, quae W. ad au-
ctoritatem Ciceronis, praestantissimi animo-
rum immortalium vindicis debellandam in
medium attulit; quae vero & a me ita depulsa
esse arbitror, vt nobilitas & auctoritas testi-
moniorum huius immortalitatis doctoris
apud omnes veritatis amicos inuiolata
maneat.



COMMENTATIO
DE
METEORIS IN HOMERI
CARMINIBUS
EXHIBITA

A
SIGISMUNDO LEBRECHT HADELICHIO.
LINGV. OR. PROF. PVBL. EXTR.

§. I.

Tantam nominis famam apud veteres sibi comparavit HOMERUS, αἰδοῦς ille, quem admodum *Athenaeus* ait, πάντων θεότατος, vt dignitate & gloria tantum eluxerit inter poetas reliquos, quantum sol inter reliqua sidera; ideoque a priscis εἰς καὶ μόνος δικαίως ποιητῆς, καὶ ὁ ὑπὲρ πάντας ἄπας καὶ μέγας fuerit appellatus. * Superuacaneam sane operam luderem, si, in tam insolita praeconiorum affluentia, quibus celebris fuit, ** denuo velim in Homeri laudes exsurgere. Hoc enim si facerem, soli, ad augendum radorum splendorem, facem accendere viderer.

§. 2.

* Tzezem. Chil. XIII. v. 60.

** vid. quae Albert. Fabr. in biblioth. graec. vol. I. p. 342. protulit.

§. 2.

Neque vero sua laude defraudandus est Homerus; habet enim, e quo idonea morum praecepta, in omnibus vitae rationibus commodè peti ac deduci possunt; & quanquam non eo procedamus audaciae, ut omnium disciplinarum primordia, eloquentiae, chemiae,* astrologiae & sexcentarum rerum aliarum originem ab eo deducere sustineamus; ipsi tamen, sedula illius lectione, ita fuimus delectati, ut semel atque iterum, magna cum animi voluptate, illius carmina legere ac relegere susciperemus.

Sed multa simul *meteora*, sedula illius lectione, obseruauimus, multa animaduertimus, quae rerum naturae, characteri dicentis omnique vero simili magnopere sunt contraria; quae, si aequa lance ponderantur, frigide, mendose, inepte ac friuole dicta fuerunt, ac proinde animaduersione aliqua, non omnino indigna esse, videntur. Accidit enim saepe, ut nonnulli, nimio auctoritatis praecudio abrepti, nubem pro Junone arripiant, & in venusto

meteo-

* Fabr. cit. I. p. 351. Teste Clemmio in den Absichten der Relig. 2 Th. p. 225. Dii adeo paganorum, ut credebantur, immortales, carmina Homeri, si quae oracula dicenda erant, adhibere consueverunt, ita ut a populo deinde ludibrio haberentur, qui dicebat, Homerum meliores scribere versus, quam Dii condere possent.

μετεώρων fuco, lepores omniaque praeclara invenire existiment.

S. 3.

At ne quis nos pruritus in taxando eo accuset, monebimus, idem iam, aliqua ex parte, attigisse *Iulium Caesarem Scaligerum*, * utpote qui, comparatione Homeri ac Virgilii instituta, Homerum saepe, virgula notare censoria, sustinuit. Quid? antiquissimis iam temporibus, nonnulli κριτικοὶ id animo probe cognitum perspectumque habuisse videntur. Vt enim *Zoilum*, quisquis demum ille fuerit, *Aristarchum*, *Gellium* aliosque *Ομηρομύσους* silentio praeteream: *Plato*, ** accuratissimus harum rerum arbiter, saepe accusat Homerum, sacrilegum eundem appellitans, eumque e republica sua Platonica, procul exesse, iubens. *Laertius* *** quoque *Eustathius* † *Dacieria* & *Sex-*

* Libro V. poetices.

** Libro III. πολεμείας. Deos enim, inter alia, ridentes produxerat, id, quod apud veteres magnae signum erat imbecillitatis & puerilis animi, ὅτι τὸ γελοῖον, παρὰ θεῶν μῦθον ἐστὶ αἰσχρὸν cf. Danielis Heinsii dissert. ad Horatii de Plauto & Terentio iudicium §. 15.

*** Lib. XIV. c. 6. IX. 18.

† ad Iliad. ω.

Sextus Empiricus * nonnihil in eam sententiam fati accurate monuerunt, hicque Homerum ab Atheniensibus quinquaginta drachmis multatum esse, eumque apud inferos paenas daturum perhibuit, quod

Παντα Θεοῖς ἀνέθηκεν ὁμηρος

Ὅσσα, παρ' ἀνθρώποισιν ὀνείδεια καὶ ψόχος ἐστὶ,

κλέπτειν μοιχεύειν καὶ ἀλλήλοις ἀπατεύειν.

Reprehenſus quoque variis in ſcriptis Homerus a *Metrodoro* ** & *Protagora* *** & ab aliis nonnullis, quos recensere longum eſt. Inter recentiores praeter autorem vitae Homericæ Anglum, † id quoque paucis attigit celeberr. *Freytagius*, †† quem honoris cauſſa nomino, dicens: "neque Homerum, quem ſequioris aetatis poetae parentem venerantur, ab omni "frigidorum ſuſpicionē liberare poſſumus, utpote

* aduerſus machem. VIII. p. 3.

** Plutarch. p. 1087.

*** Ariſtoteles c. 19. poetices. Huc pertinent Paulus Benius in coll. Homeri & Virgillii. Ioannes Clericus in a. c. T. I. p. 100.

† Lib. illius recensetur in dem Hamburg. Magazin 6 Th. huius anni

††. in diſſert. quadam, quam Lipſ. MDCCXXIX. de frigido in orat. habuit.

"pote qui in epithetis adferendis, sapius ea-
 "dem, quod dicunt, chorda, aberrat, & He-
 "roem suum inepte commendat, aliaque plu-
 "ra attribuit intempestive, quae hic silentio
 "praeteribimus.

§. 4.

Quandoquidem vero nemo adhuc ex institu-
 tuto *meteora* Homeri persecutus est, sed tan-
 tum hinc inde querelae quaedam contra illa
 breuiter motae sunt; relicta aliis vltiore dis-
 •quisitione: operae pretium nostroque institu-
 to consentaneum esse existimauimus, paullo
 curatius in hanc rem inquirere, & lucidiorem
 penitiorumque instituere explanationem τῶν
 μετεώρων, quae in Homeri carminibus reperiun-
 tur. Primo igitur loco statim distincte trade-
 mus & enodate, quid sit meteorum? quae il-
 lius sit natura & indoles, & quae graecorum
 de eo fuerit sententia. Aequum enim esse vi-
 detur, vt graecum graecis diiudicemus, & quia
 de graeco sermo est, eorum tantum sententias,
 quas de μετεώροις & de frigida dictione foue-
 runt, sequamur. Idque eo magis, quod ple-
 rique veterum graecorum rhetores, in dicen-
 di studio, ad summum prope fastigium ascen-
 derunt, & proinde nihil causae subfit, quo
 minus nos ad eorum exemplum compona-
 mus.

§. 5.

Meteora dictionis, ne quis nomine dece-
 ptus inani, nescio quid magni expectet, nihil
 sunt

sunt aliud, quam dicta in speciem sublimia re uera inania atque vitiosa. Hanc appellationem a LONGINO* rhetore accepimus, qui ὑψηλὰ in oratione & μετέωρα ita distinguit, ut illis vere sublimia, his vanam granditatis speciem prae se ferentia, denotet. ** Si Hesi- chio credimus, μετεωρολόσσαι, dicuntur οἱ περὶ ἐρασιῶν μετέωρα φλυαροῦντες; unde & μετεωρολόγοι non solum inepti gloriosi, sed omnia in oratione vitiose sublimia μετέωρα a rhetoribus appellantur. Demetrius περὶ ἐρμηνείας §. 120. synonymum esse contendit τὸ μετέωρον, τὴν ψυχρὴν καὶ τῆς ἐν λόγοις ψυχρότητος, eius, quod frigidum est in sententia. Ad eandem quoque opinionem accedit Michael Pjellus ab Alb. Fabricio editus, in διδασκαλία παντοδαπῇ §. 10. alique plures.

Dionysius quoque Halicarnass. & Aristoteles de loquendi arte olim exponentes μετέωρα καὶ ψυχρὸν in vitio semper posuerunt. Neque tamen negandum, eos in adferendis rerum definitionibus fuisse admodum parcos, vel, si aliquas obscuras attulerunt, tam impeditam esse earum rationem, ut rerum diuisiones haud
com-

* a Longino περὶ ὕψους p. 25.

* a Gallis dicuntur meteora teste cel. Lamy dans l'art de parler: les manières de parler. De meteoris tractatus etiam extrat Werinselsii cel. in opusc. theolog. qui haec potissimum ad Latinos restringit.

commode ex iis deducere queamus. *Theophrast.* ἐν χαρ. p. 107. ψυχρὸν, inquit, ἐστὶ τὸ ὑπερβάλλον τὴν οἰκείαν ἐπαγγελίαν; & *Longinus* περὶ ὕψους p. 23. ait: ὀρεγόμενοι τῇ περιττῇ καὶ πεποτισμένῃ καὶ μάλιστα τῇ ἡδύς ἐποκαλλύουσιν εἰς τροπικὸν καὶ κακόζηλον. *Aristophanes* Θεσμοφοριάζ. v. 805. scribit ψυχρὰ γὰρ λέγεται ἀπείρως γραφέντα καὶ τὰς ἀκρατάς ἐπαροξύνοντα, ἢ ἐπεγείροντα, ἢ ἐπιχαρείαν τιῶν ἐπιφύροντα. *Aristoteles*, ubi περὶ ψυχροῦς κατὰ τὴν λέξιν agit, nullam omnino definitionem, sed eorum in quatuor classes diuisionem addit. Prima enim classis agit de vocibus peregrinis 2) de compositis 3) de epithetis 4) de translationibus indecoris; ita ut omnis frigidi ac meteororum origo a male affectata dictionis sublimitate proueniat.

§. 6.

Omnia dictionis meteora ad tria genera referri possunt. Aut oratio vere sublimis rei humili accommodatur; aut non vera granditas est dictionis in argumento magno, aut denique neque res sublimis est, neque vera dictionis sublimitas.

§. 7.

Primum genus duas causas habet. Vel enim maiores facimus res leues, quam re vera sunt, & hinc illi clamores; vel existimamus apte & eleganter de re nullā dici posse, nisi magnifice dicatur. Verbo ut rem complectar, nihil minus obseruatur, quam illud *Demetrii*

metrii Περί ἱρμυείας §. CXX. τὰ μικρὰ μικρῶς, τὰ δὲ μεγάλα μεγάλως. Huius garrulitatis pariter ac sublimitatis affectatae *Homerum* accusat saepissime Jul. Caes. *Scaliger* L. v. poetices, vbi in comparatione illius cum *Virgilio*, acerrime saepius in illum inuehitur. Huc merito referre potero *Odyss.* XI. in qua longa verborum ambage *Homerus* metitur *Oti & Epialtae* corpora:

Τὰς δὴ μικίστας θρέψε ζείδωρος ἄρουρα
Καὶ πολυκαλλίστας μετὰ γει κλυτὸν ὠρίωνα
Ἐννέοροι γὰρ τόγχι καὶ ἐννεαπήχεις ἦσαν
Εὖρος ἄταρ μῆκος. x. τ. λ.

Mirantur graeculi pueriles, mēsuras, aiuntque esse δαμόνιον ἀκρίβειαν. Admirabilem vero hanc proportionem non inuenimus. *Homerus* latos dicit ἐννεαπήχειας, longos ἐννέους. Passus quartam partem esse cubit. Ridicula profecto dimensio! Nullo enim modo verisimile est, eiusmodi esse hominis συμμετρίαν.

Iliad. XIV. *Iuno*, longa sermonis serie, somnum orat, vt primum motorem reddat sopitum, eumque appellat ἀνακτα πάντων θεῶν, dominum Deorum omnium.

-- Τῖνι, ἀναξ πάντων τε Θεῶν κ. τ. λ.

Certe hic nullam φύσιν physici commentabuntur, quis enim dicat somnum esse dominum omnium Deorum? Dii certe Homerici, si dormiunt, nullum rebus existentibus motum tribuere possunt.

Huc pertinent *periphrases enormes* & vno spiritu enunciandae. Quicquid in vniuerso magnum est, coelum cum suis plagis, omnibusque astris, omnia maria, lacus, flumina, montes, promontoria, omnes Diique Deaeque, omnia denique monstra, nomina sua, cognomina atque epitheta scribenti nimis crebro debent commodare, vt his coaceruatis granditas augeatur.

Odyss. XI. Longa garrulitate; obscœna nefaria delineat, & quasi diceret apud iudicem causam, atrocissimum facinus, quod detestari debuisset, deprædicat magna grandiloquentia. Legant, qui legere cupiunt; nos μετεώροις ac frigidis sententiis merito accensemus.

Iliad. VIII. Iuno, Dea sanctissima, adducitur vocibus vtens maxime obscœnis & impudicis; quid? ipse actus libidinosus de matre Gorgythonis copiose exprimitur, quod certe poeta, carmen epicum scribente, maxime indignum est, ideoque frigidis ac meteoris merito adnumeratur. Si quis dubitet, adeat tantum

tum cel. *Batteux* * qui eiusmodi res ex epico carmine procul abesse iubet. **

His accenseri merentur eiusmodi sententiae, in quibus res occurrunt, quae contra rerum naturam, vanae sublimitatis causa, dictae sunt. Quaecumque enim contra rerum naturam & experientiam pugnant, quae modum in dicendo superant, & a vero simili nimium recedunt, ea omnino *μετέωρα* sunt, frigida & absorta.

Iliad. XXI. ait Ζεὺς ὁ ὄδωρ καὶ ἐκ ἔθελε προ-
ῖεν. x. τ. λ.

Coquebat aqua & fluere volebat. Ineptum certe *μετέωρον*, tunc enim aqua maxime mouetur, ubi feruet. Quin liquores ignem perinde ac vastatorem, ut inter omnes constat, fugiunt. Si olei aliquantulum super tabulant

li 2

mitta-

* In der Einschränkung der schönen Künste auf einen Grundsatz, Cap. V. p. 173. 174. &c.

** Hoc tamen sic intelligi velim, ut ne quis existimet, me tum accusare Homerum *μετέωρον*, quum stilo utitur relativo, in coque dira ineptaque verba recitat. Id enim character personae loquentis requirit & pulcritudinis nota est. Sed obscœna facinora ne loqui quidem fas est, multo minus conuenit, ea multis verbis depraedicare sicque vanam affectare sublimitatem.

mittitur, atque in medio eius carbō accensus apponitur, videmus illico diffugere oleum, & diffundere sese ac dilatare.

Innumera profecto possem proferre loca, quae sententiam meam confirmare illique pondus addere possent, sed magis modus, quam copia in dicendo a me quaerendus esse videtur.

§. 8.

Ad alterum igitur μετεώρων genus mea se statim oratio conuertit, (§. 6.) iamque de *metaphoris* tantum aliquid dicam, quae per sententias hinc inde dispersae instar florum sunt, quibus illae pulcre ornari solent, & quasi viuus depictae coloribus aliis admirationem parere possunt. Quum vero metaphorae officium in eo versari debeat, ut proprietatem a re quadam deductam, propter conuenientiam, aliis rebus tribuat; facile omnino coniici potest, ineptas eas esse metaphoras & μετεώροις accensendas, si, ut *Aristoteles* * ait, ἀπερπεῖς καὶ ἀσαφεῖς εἰσι. Huius vitii reum *Longinus*, *Ti-maeum* peragit, qui dixerat: Τὴν Ἀσίαν ὅλην ἐν ἐλάττοσι παρέλαβεν ἔτεσιν, ἢ ὅσοις τὸν πανηγυρικὸν λόγον Ἰσοκράτης ἔγραψεν. Exclamat *Longinus*: egregia me hercle regis cum sophista comparatio! Huc pertinet *Iliad.* φ' 387. ubi dicit *Homerus* μέγαν ἔρανὸν σαλπίζου. Metaphora ἡ περὶ σάλπιγγος frigida est, nec tolera-

* Lib. III. rhet. c. 13.

tolerabilior, quam si quis rupem in vertice montis prominentem, apud *Fabium* L. VIII. c. III. *saxeam verrucam* appellare velit. Nul-
lae sagittae volitant, sed pennatae mortes ae-
thera vindicant. Aves sunt tibiae pennatae.
Iliad. XII. Hec-*tor*em fortissimum heroem &
ducem cum apro comparat. Eg-*regia* herois
cum sue comparatio! Alio loco hec-*tor*em eun-
dem *Leoni*, graecos venatoribus similes esse
dicit. Hac in re valde peccatur contra leges
bonae comparationis. Nam venatores vrgent
leonem, non leo venatores. Hec-*tor* vero
proelio Graecos lacessivit, non Graeci Hec-*tor*-
rem. Ingens adhuc copia earum rerum su-
perest, sed ne *λογομάχος* videar, lubens omitto.

Huc pertinent etiam *Hyperbolae*, quas *De-*
metrius * *ψυχρότατον πάντων* omnium frigi-
dissimum vocat. Et quamvis poetis hac in
re plus licentiae, quam oratoribus concedatur,
nulla tamen hyperbole, iudice *Aristotele* **, de-
bet esse *ὑπὲρ πίσει ἢ ὑπὲρ οἰκῆιν*. Demetrius
igitur frigidissimum *μετέωρον* protulisse eum
existimat, qui de Persarum voracitate ita erat
locutus: *βόας ἐν γνάθοις ἔφερον*: boues integros
in malis gestabant.

Haut certe felicior *Homerus*, saepius enim,
vt *Horatius* ait, dum vitat humum nubes &
Ii 3 inania

* *Περὶ ἑρμηνείας* l. c. §. CXXII.

** ad Lib. I. *Aeneid.* 136. v.

inania captat, atque in meteora incidit. *Iliad.*
XXI. caput a pulmone truncoque auulsum ad-
huc loqui commemoratur:

Φασγάνῳ αἶζας ἀπὸ δ' ἄμφω κέρσε τένοντε
Φθεργγομένῳ δ' ἄρα.

Iliad. κ' 437. Rhesi equos γλευκοτέρης χρί-
ος & crines alio loco χρύσω χρυσοτέρης appel-
lat, quae dicendi ratio insolens ideoque frigida
est. Complurium exemplorum multitudo su-
perest, sed haec propter chartae angustiam,
qui destinata commentatio, sufficiant.

§. 9.

Supra §. VI. monuimus μείωρα & frigi-
dum carminis, tam in sententiis, quam in sin-
gulis vocibus esse reperiendum. Non iam de
puritate sermonis erimus solliciti, quanquam
Homerus etiam hac ex parte non ab omni su-
spicione liber est, ut pluribus passim *Eustathius*
aliique * ostenderunt. Sed quoniam Homerus
cum graecis fuit versatus, lucemque inter eos
adspexit, mittemus eam rem, vocumque dele-
ctum tantummodo considerabimus. Ut enim
vorum selectio rite temperata sententiam egre-
gie ornat; sic affectata reiue naturae non
conueniens corrumpit eam & dehonestat. Vo-
ces vero eas appellamus frigidas, quae nihil
prorsus

* l. c. adest enim Homerus ἰβραίζων.

prorsus in oratione efficiunt, rerum naturam non clarius exponunt, vim orationis non augent, quae intempestive & friuole apponuntur, & propter adfectatum earum usum εἰς ψυχρότητα καὶ μετέωρα degenerant. Bene enim monuit *Servius*: epitheta nunquam vacant, sed aut augmentum, aut diminutionem aut discretionem ostendunt. *Hermogenes* lib. II. περὶ ἰδεῶν c. 4. γλυκεῖά ἐστι, inquit, ἡ διὰ ἐπιθέτων λέξις; & *Aristoteles* l. c. ἀκρίβεια ἐπίθετα esse dicit, quae neque augendi, neque minuendi, neque distinguendi officio funguntur. Hoc enim est infanti non cothurnos Herculis, sed Polyphemi aut Typhonis calceos aptare. Talia inuenimus epitheta in Homeri carminibus innumera, ita quidem, ut si velim singula persequi eaque exponere curatius, ne libellus modum, nec finem reperiatur commentatio. E multis nonnulla tantum protulisse sufficiet. *Iliad* α. 487. dormientem Achillem appellat ὤπῳ κατὰ πόδας, celerem pedibus, quod risum mouere queat homini vel Cynico scueriori. *Iliad* λ'. Apollinem ad epulas sedentem ἀργυροτόξον, quod epitheton omnino hac in re frigidum est. *Iliad* γ'. 151. ὅπα λειριόεσσαν inepte cicadam appellat in arbore sedentem. Flentem & squalore oppressam Pallada γλαυκῶπιν Ἀθήνην. Quae vox vultus sereni ac venusti nota est. Innumera adhuc exempla, lubens omitto.

S. 10.

At dicit fortasse quispiam, a me poeticae,
 ut aiunt, licentiae insidias strui. Poetis
 certe maior in dicendo libertas competit, siue
 voces, siue sententias consideremus, quam ora-
 toribus. Sed ipse poeta maximi nominis
Horatius iam dixit: *

Si dicentis erunt fortunis absona dicta,
 Romani tollent equites peditesque
 cachinnum.

& v. 263. de arte poetica.

Descriptas seruare vices operumque
 colores

Cur ego, si nequeo ignoroque, poeta
 salutor?

Vida poetic. lib. III. v. 402.

Carmine non laeui dicenda est scabra
 crepido.

Aut famam sequere, aut tibi conuenien-
 tia finge.

Quaecunque igitur contra has ipsorum poe-
 tarum regulas inepte dicta fuerunt, ea frigidis
 merito adnumerare poterimus, licentiae poe-
 ticae nullo modo inimici. **

S. 11.

* De arte poetic. v. 112.

** Legi de hac re meretur optimus liber cel. Bateux
Einschränkung der schönen Künste auf einen Grund-
satz vbi cap. 4. p. 152. de licentia poet. dicit:
Diese Freyheit wird durch die Gesetze der Nach-
abmung der schönen Natur eingeschränkt &c.

§. II.

Neque vero quispiam existimet me *Homerum* propter ea contemnere, aut quicquam de promerita illius laude detrahere. Minime! stat *Homero* suus honos, stat sua gloria; iamque §. 2. monui, ita me semper fuisse delectatum illius carminibus, ut semel atque iterum, magna cum animi voluptate, illa relegerim. Laudo sententiam ccl. *Stockhausen*,* *Aristotelis* aliorumque.

Nec mihi pro docto est unquam certamen
Homero!

Verus ubique placet;

Sed errauerunt profecto, qui in *Homero* omnia perfectiora, meliora, accuratiora esse contenderunt, quam in omnibus aliis, quid? in ipsis bibliis sacris. Illum dixerunt esse unicum & solum verum poetam, super omnes omnem & maximum. * In sententiam potius eo *Olympiodori*, qui in vita *Platonis* testatur, *Homeri* scripta a veteribus non propter stilum & sensum literalem, sed tantum ἡθικῶς, θεολογικῶς καὶ ἀπλῶς πολλαχῶς esse usurpata. Laudatus modo *Batteux*, ** lib. c.

li 5

p.

* In den Grundsätzen wohleingetrichteter Briefe.

** Tertullianus gravissime conqueritur, id sibi a nonnullis improbis philosophis fuisse oppositum. Athenaeus l. c. cum ἵνα καὶ μόνον δικαίως ποιητὴν καὶ τὸν ὑπὲρ πάντας ἄπαντα καὶ μέγαν appellare nullus dubitavit.

p. 141. scribit: Homers Gedichte sind nicht eitle Romanen, man muß sie vielmehr als große Lehrbegriffe, als Bücher zum Gebrauch der gantzen Nation ansehen, welche die Staatsgeschichte, die Lehrlätze der Religion, alle Pflichten der bürgerlichen Gesellschaft und dergl. enthalten. Die Illas ist eben sowohl ein Gemälde der griechischen Nation, als Molierens Geitzhals ein Gemälde des Geitzes ist. * Quid mirum, quod in stilo, vt proverbium est,

Quandoque bonus dormitet
Homerus?

* In eadem versatur opin. Daniel Heinsius in disert.
ad Horatii de Plauto & Terentio iudicium.



DE
METHODO QVADAM, QVAM-
VIS LINEAM RECTAM,
NVLLA ADHIBITA VULGARI REGVLA,
METALLO INSCULPENDI,
EAMQVE
SINE CIRCINO IN PARTES MINI-
MAS NEGOTIO PERQVAM FACILI
DISSECANDI, BREVIS
COMMENTATIO.

S. I.

Nulli dubitamus, quin plura mechanicorum instrumenta adhuc lateant, quibus artifices, varia instrumentorum mathematicorum genera perfecturi, vtuntur, quaeque vulgatis antecedunt, ob vsum partim commodiorem, partim celeriore & magis expeditum. Causam si requiras, haec forsitan subest, quia recens inuenta & inter operandum detectas methodos aliis enarrare ideo nolunt, vt sibi solis inferuiant, vtque interim alios rapiant in admirationem, ansamque meditandi suppeditent, quo pacto hoc illudue potuerit effectum dari. Cuius rei vnicum iam libet in medium adferre exemplum. Scalae geometricae * dantur quamplurimae, argento, orichalco, aut aeri cyprio inscriptae, lineis in tam paruas sectiones discissis, vt animis nequeamus concipere, qua ratione circini ope illud effici quiuerit; quin potius nobis venit in opinionem, sectiones eiusmodi longe alio modo fuisse institutas, effectasque. Quum itaque nobis nostras aliquod membrum ex sua penu litteraria non modo suppeditauerit instrumenta huc facientia, sed etiam docuerit, quo pacto illorum subsidio scalae diuersi generis omnium accuratissime, & breuissimo quidem interuallo temporis confici queant, nobisque nusquam eorum

* Verjüngte Maßstäbe.

TAB. V.

Fig. 1.







Fig. 6.



eorum occurrerit descriptio & delineatio; facere non potuimus, quin iis describendis & depingendis heic non nihil loci concederemus, quo eo plures commodissimi eorum usus fierent compotes.

§. 2.

Ad id efficiendum duo requiruntur instrumenta quorum prius est certum genus *in sculptorii* ** cuius partes, partiumque compositionem ita damus. Ex chalybe illud est cufum, magnitudinis arbitrariae. Illud quod iam plene paratum est, & de cuius constructione hic verba facimus, est longum $5\frac{1}{2}$ digitos Rhenanos, & quidem ita, vt parti superiori *a b* competat longitudo $2\frac{1}{2}$ digitorum, crassities $\frac{1}{6}$ dig. sitque formae parallelepipedo perfecti; pars reliqua est exactae rotunditatis, $1\frac{1}{2}$ crassa, tornatoris ope, cuius 2 digiti inferiores *d c* oculis exhibent cochleam musculam. Foramine gaudet *i* lineam longo & lato, quod ab extremitate *a* vnam circiter lineam distat; huic particula chalybis, vel lamellae chalybeae horologiis mouendis aptatae, immittitur, quae crena a parte inferiori gaudeat necesse est, quaeque ab vtraque parte probe est acuenda, ea quidem fine, vt cuspidi-

** Liceat scriniariorum *Reis* siue *Streichmodul* nunc hoc vocabulo reddere, eodem iure, quo alij vocem *transportatorium* adhibent.

spidibus hisce acutis prominentibus lineae queant insculpi laminae cuius metallicae; reliquum foramen explet cuneus orichalceus, & ut eo minus loco moueatur dicta particula chalybea, cochleam videmus fronti parallelepipedo adplicatam * quae vsum praestat non tantum chalybem firmaturis, sed etiam vel eleuaturis, vel dimissuris, prout rei necessitati videtur conducere. Vid. fig. 1.

§. 3.

Parallelepipedum chalybeum ita praeparatum deinceps vagina orichalcea vel cuprea circumdatur, quae formae quidem eiusdem est, attamen paullo breuior, ut pars cochleae integumento careat. Sed ea cura circumdatur vagina haec, ut parallelepipedum in neutrum latus vacillare queat. Vaginae parti superiori *e k* (fig. 2.) adglutinatur lamina chalybea, formae quadratae, cuius longitudo & latitudo sit $\frac{1}{2}$ dig. crassities $\frac{1}{2}$ dig. ita tamen ut foramine quadrato \square gaudeat, aperturae vaginae aequali. Partis rotundae *f g* particula inferior *g h* adaugetur, ut fiat crassior, simulque additur ferreus orbiculus, ut coniunctim 4 lineas longitudinis exhibeant. Hac in particula *g h* & orbiculo adiecto conspicere licet cochleam foemineam conicam, circa axin quidem mobilem, loco vero suo non

* Eine Stellschraube.

non dimouendam * cuius ope prominens parallelepipedum cochlea mascula, quae in longitudine $1 \frac{7}{8}$ dig. velamine destituitur (vt ante dictum) sursum, deorsum moueri potest. (fig. 3.)

§. 4.

De machinae huius *usu* iam non nihil addendum videtur. Si huius insculptorii auxilio lineae sint aurichalco, argento &c. inscribendae, lamina quadrata vaginae in *e k* nexa, lateri regulae exacte politae vi quadam adplicatur, & aequali ductu sine omni titubatione pergitur, quantum satis est, & sic lamella chalybea acuta parallelepipedum lineam regulae desideratam exacte insculpet. Si plures sint lineae ducendae, alii cuidam parallelae, earum distantiae a se inuicem cochleae foemineae conuersionibus finiuntur, prout illa vel semel gyratur, vel bis, vel pluries, vel etiam quoad partem dimidiam, quartam, cet. Numerus reuolutionum huius cochleae, nobis quoque latitudinem regulae poterit aperire, simulque commodam diuidendi rationem praescribere, & alios forsitan usus praestare, vt partim diligens meditatio, partim in exercendo sedulitas vnum quemuis docebit.

§. 5.

Quemadmodum modo descriptum insculptorium longioribus praesertim lineis describen-

* Eine versenkte Schraubenmutter.

bendis paratur; ita alterum, cuius iam mentio facienda, breuioribus vel transuersis perquam est accommodatum. Inhaerebimus illi instrumento, quod nobis est ad manus, eiusque structuram, magnitudinemque describemus, aliorum arbitrio relinquentes, magnitudinem vel augere vel imminuere, habita partium inter se inuicem ratione. Reliquorum basis est asseris particula *a b c d* (fig. 4.) ex duriori ligno parata, cuius longitudo est 11 dig. 3. lin. mensur. rheman. latitudo 2 digg. 3 lin. crassities vel altitudo 4 lin. Hic asserculus rectanguli formam habet, & dolabra accurate est politus. Lateri sinistro imponi potest regula *e b f d* latitudinis 5 lin. altitudinis $2\frac{1}{2}$ lin.; nostrum vero ex vnico ligno paratum est. Parti inferiori *c d* superiacet magadium ferreum * *g f* 1 dig. 10 lin. latum, cuius pars media est alta $4\frac{1}{4}$ lin. lata 10 lin. crassa $1\frac{1}{2}$ lin. Clauiculis vtriusque adhaeret asserculo, ita vt huius medium cum medio magadii coincidat. Magadio nexus est orbiculus orichalceus (fig. 5.) cuius diameter = 1 dig. 9 lin. cuique insculpti sunt nonnulli circuli concentrici, diuersis distinctionibus ornati; situ gaudet erecto. Orbiculi centrum, & simul magadii medium occupauit particula orichalci figurae conicae, longitudinis 4 lin. crassitiei $3\frac{1}{2}$ lin. Mobilis est haec pars circa centrum, loco vero non mouetur. In eius medio se offert cochlea foeminea

* *Eu. Seg.*

minea, ope cuiusdam terebrae; $1\frac{3}{4}$ lin. crassae confecta; supra cochleam prominēt index, quem conuersa cochlea simul circum agit, vt eo melius partim conuersiones numerentur, partim conuersionum partes significantur, in ipso orbiculo. Parata si haec omnia, tunc lamina chalybea, vel ferrea, $3\frac{1}{2}$ digg. longa, $1\frac{1}{2}$ dig. lata, $\frac{1}{2}$ lin. crassa, cuditur ad angulos rectos (fig. 4.) *m n r s* cuius pars superior *m r* speciem gerat regulae cuiusdam minoris; parti vero inferiori *n s* clauulis imponatur magadium orichalceum, per cuius medium filum chalybeum rotundum transeat 7 digg. 9 lin. longum $1\frac{1}{4}$ lin. crassum, quod methodo consueta cochleae masculae forma donatum, congruat ante memoratae cochleae foeminae; quo moto lamina ferrea simul sursum, deorsum moueri poterit.

§. 6.

Nihil vterius addendum videtur, nisi vt & de huius posterioris machinae usu aliquid dicatur. Regula orichalcea cui (§. 4.) insculptorii ope longiores lineae sunt inscriptae, subiicitur laminae *m n r s* (fig. 4) vt adiaceat regulae lignae *ebfd* & angulum rectum cum dicta lamina constituat. Aliquibus clauibus circum circa firmatur, ne inter operandum mutare situm possit. Lamina *m n r s* promouetur per cochleae foeminae conuersiones ad illum regulae subiacentis locum, vbi faciendum est diuisionis initium. Cultellus insu-

per paratus & in promptu sit oportet; nimirum particulam chalybis durati 2 lin. latam, & manubrio inditam, vt nonnisi 2 lineas promineat, probe acuunt, & ipso hoc cultello lineam rectam facili negotio aeri insculpunt. Pro varia linearum a se inuicem distantia conuertendo cochleam foemineam circumagiunt indicem, vsque ad certae diuisionis in orbiculo conspicuae locum, vt gyro cochleae vel vnico, vel pluribus, vel eius parte dimidia, tertia, quarta, quinta, sexta cet. diuision fiat desiderata, & lineae inscribantur. Hinc sua sponte est in promptu, omnes lineas, hac ratione regulae incisae, oportere sibi inuicem esse parallelas, si modo ratione aequali lamina *murs* conuersionibus cochleae deorsum moueatur.

§. 7.

Eadem machina facillime ita etiam paratur, vt queat inferuire lineis transuersis insculpendis inter dictas parallelas. Laminae *murs* subiiciatur alia minoris latitudinis *hizy* (fig. 6) 4 lineae sufficere possunt; haecce minor illi maiori in *y* neclatur ope clauuli, circa quem minor libere possit moueri, & $1\frac{1}{2}$ lin. superius in *hi* emineat. Versus dextram vero in *z* lamina maior habeat scissuram, ferme vsque ad finem dictae laminae; per quam emineat cochlea minor mascula, minori laminae infixae situ erecto, vt in scissura libere

bere moueri queat vna cum lamina subiecta minore, & cochlea foemina superimposita toties possit firmari, quoties situm nacta est obliquum desideratum. Sic etiam lineae transuersae mira celeritate sine omni vitio describentur & insculpentur, & lamina subiecta minor facillime, si fuerit necesse, situm priorem maiori laminae parallelum, recuperabit, vt totius machinae conspectus (fig. 7) vnumquemvis docere poterit.





DESCRIPTIO
 TORMENTI MILITARIS
 IN
 ARMAMENTARIO ERFORDIENSI,
 NVPER REPERTI
 QVOD
 INSIGNE EST ANTIQVITATIS
 MONIMENTVM.
 EXHIBITA
 AB
 HADELICHIO.

§. 1.^o

Inter alia antiquitatis ac munificentiae mo-
 nimenta, quibus Erfordia nostra prae vr-
 bibus aliis merito superbit, non vltimum
 certe locum occupat armamentarium * illud,
 quod

* Si tempora respicimus antiquissima, arma
 vel *Diis vouebantur*, praesertim Ioui Reduci, Mar-
 ti & Vulcano, ideoque in templis solebant suspen-
 di; *vel sepulcris* defunctorum ornamento erant, vel
 cum ipsis funeribus *in pyram* coniiciebantur. Quod
 ad primum attinet, testem inter alios habemus
 OVIDIVM lib. IV. trist. 8. 21.

Miles, vt emeritis non est satis vtilis annis
 Ponit ad antiquos quae tulit arma Lares.

Plura suppeditare potest TOMASIN. de Donariis c. 22.

Ad alteram sententiam accedit HOMERVS Odyss.
 λ. n. 78. Ἀλλὰ με κακῆαι ξὺν τεύχεσσιν
 ὅσσα μοί ἐσσι. & CVRTIVS X. 1. 31. Cyri sepul-
 crum

quod in monte, a Petro nomen trahente, conditum est. Insigni prorsus tormentorum bellicorum copia est instructissimum, & egregia, sic dictarum, bombardarum, pugionum, sclopetorum, ensium, thoracum aliarumque rerum bellicarum multitudine insigniter exuberat.

§. 2.

In eo nuper indefessa omnique laude digna diligentia ac studio Viri praenobilissimi, harumque rerum peritissimi, Domini IOANNIS AVGVSTI SORBERI, tribuni militum ad tormenta bellica designatorum meritisimi, reperi-
ta, & e tenebris, quibus hucusque velut sepulta latuit, in lucem fuit protracta bombar-
da quaedam, e ferro fusa, quae insigne est an-

Kk 3. tiqui-

crum auro argentoque repletum putans, reperiit nihil praeter clypeum eius putrem & arcos duos Scythicos & acinacem. Vid. plur. apud KIRCH-
MANNVM de fun. Rom. III, 18.

Ad tertiam in primis spectat LIVIVS XLV. 33
Omnis generis arma cumulans in acruum, precatus Martem, Mineruam & caeteros Deos, quibus spolia hostium dicare ius fasque est, ipse face subdi-
ta succendit, deinde circumstantes tribuni, pro se quisque ignes coniecerunt. His accenseri potest VIRGIL. aeneid. XI. 193.

Hinc alii spolia occisis direpta Latinis
Coniiciunt igni galeas ensesque decoras
Ipsoꝝ clypeos & non felicia tela.

tiquitatis monumentum. Nullus enim inter eos, qui de tormentorum ratione memoriae aliquid prodiderunt, eiusmodi machinae fecit mentionem; quum tamen, vt infra ostendetur, eximia celeritate omnes prope reliquas possit exsuperare. *

§. 3.

Secundum recentiorem loquendi consuetudinem, illud tormenti bellici genus, bombardae nomine, non amplius quidem notari solet; quoniam bombardae nostris temporibus longe alia ratione comparatae sunt, quam antea. ** Ad genus potius tormentorum milita-

* Neque enim illius meminit COEHORN in *seinem Unterrichte von der deutschen Artillerie* ab Haertelio 1699 Hamburgi editus; neque MICHAEL. MIETH in rei torment recentiori praxi; nec BRANDIVS in *gründl. Unterrichte von der Theorie und dem Gebr. der heutigen Büchsenmeisterey*; nec BRAVNIVS in *fund. rei torment aliique complures*, quos enumerare longum est.

** Bombardae priscis temporibus erant tormenta, saxa rotunda immensi ponderis, vi pulveris factitii & ignis, emittentia cum sonitu. Etenim: fuderat ingentes fumans bombardae molares. Sed de tempore, quo inuenta fuit bombardae, dignus est, qui legatur MAG. Miscell. I, 1. Proxime accedunt bombardae ad *balistas* veterum & *λυθόβολα ὄργανα* Graec



TAB.VI.



H.W.



HÆC BOMBÆ
VRBL
I·M·X
IHER
IVIS
TIS.



tarium, a *colubris* nomen habentium **
Schlängengeschütz) id referri posse videtur;
 l, quod etiam vir, quem modo honoris caus-
 i nominaui, pluribus confirmare sustinuit.
 ed quoniam illud militare tormentum, bom-
 bardae nomine fufum atque insignitum fuit;
 oc etiam nomen, propter concinnitatem ver-
 i, obtineto.

§. 4.

Haec vero bombardae anno millesimo sex-
 centesimo decimo quarto fufa fabricataque
 it. Huius rei documento sunt non modo
 nomina consulum ac virorum, quorum sub
 spiciis & sumtibus illa fuit fufa; sed tabula
 iam trunco affixa, chronicon in distycho
 minaque eorum virorum insignia reprae-
 ntans, insigniter illud commonstrat. *vid.*
ur. lit. a. De singulis dicetur infra; iam
 ipsa bombardae structura commentabimur.

K k 4

§. 5.

Graecorum. Imitantur *παλίντονα ὄργανα καὶ*
πεταβολικά Ἑλλήνων. conf. Helon. in Belo-
 poeicis. p. 19.

** Colubrinorum (couleuvrine) hodie sunt quinque ge-
 nera. Primo *doppeltē Schlangen*, 2) *ganze Noth-*
Schlangen. 3) *Feld-Schlangen*, 4) *Halbe Schlangen*.
Quartier-Schlangen. Nulli earum generi ex affe-
 conuenit; tertio tamen proximum est nostrum
 tormentum.

§. 5.

Haec, quam modo nominauimus, bombardam, glandem eructat plumbeam, cuius grauitas adaequat octo dimidias vncias. Longitudo illius sexaginta quatuor pollices affequitur. Glans cum puluere pyrio probe coagmentata, (*die Patrone*) a parte posteriore adigitur. *vid. lit. b.* Ibi locum explet vacuum. *lit. c.* in quo cuneus, quatuor angulis instructus, conspicitur. *lit. d.* Summa illius pars gaudet acie (*lit. e.*) quae cochleae beneficio (*lit. f.*) sursum ac deorsum moueri commode potest; dumque sursum adigitur, puluerem simul suppeditat, ad incendendam eructandamque glandem necessarium.* Hic, simulatque ignis, tenui spiraculo, additur, cognatam materiam statim consumit, & incredibili impetu glandem proturbat, longissime eandem iaculans. Complures homines, si ad lineam steterint, facile exanimaret.

§. 6.

Caeterum ipsa bombardam truncum** incubat diffisso, rotis instructo geminis, ad asportan-

* *Das Zünd-Kraut.*

** *Einem Rock affüt. Ein Geschäfte, das vorne 2 Füsse hat, an denen 2 kleine Räder stecken. vid. BRAVN. in fundam. artiller. p. 16.*

tandam bombardam admodum vtilibus. Com-
moda dirigitur cochlea (*lit. h.*) ad vsus ne-
cessarios.

§. 7.

Restat, vt de vsu illius & praestantia ali-
quid dicamus. Hoc tormenti genus certe
vnum omnium celerrimum, sine vlla
foret dubio, si modo vnicae rei posset promptis
succurri remediis. Mucus enim, qui e pul-
uere pyrio residuus est, ita cuneum illinire &
oblidere solet, vt saepius abstergi atque pur-
gari debeat, si promptus bombardae vsus ex-
spectetur. Qua ex re fit, vt non continuo in
vsu duci queat, sed, si viginti quatuor aut
viginti quinque vicibus vsurpata fuit bombar-
da, impediatur, quo minus glandem amplius
tanta celeritate eructet; nisi prius a mucos
purgetur cuneus. Huic vero rei ea certe ra-
tione facillime succurri posset, si eiusmodi pul-
uis adhiberetur, qui aut nullum, aut exiguum
saltem mucum post se relinquit. Hoc enim
si effici posset, incomparabilis certe foret bom-
bardae celeritas. Quum enim a posteriore
parte adigatur glans (§. 5.) simulque acie
illius pulvis abscindatur, cuneus vero impediatur,
quo minus retro glans trudatur, quod plerum-
que in aliis fieri solet; in aprico certe est,
celerrimum esse huius bombardae vsu inter
omnia reliqua tormenta militaria.

§. 8.

Iam vero de *antiquitate* bombardae aliquid monendum. Ea vero e binis certe documentis ostendi, demonstrarique potest. Primo ex ipsa bombardae structura, quam modo descripsimus; deinde e tabula quadam, & chronodistychon (*lit. i.*) quod in ea potest conspici. De hoc dicemus copiosius.

§. 9.

Tabula lit. a. trunco satis firmis clavis affixa, duo exhibet insignia eorum virorum, quorum sumtibus & auspiciis illa bombardafuit comparata. In apice prioris leguntur literae H. W. F. C. in alterius vero M. A. F. C. In loco inferiore sequens distychon reperitur

HAEC. BOMBARDA. BONIS. FORSTERO.

FVNCTIO. ET. HVIVS.

VRBIS. CONSVLIBVS. PARVA. PARATA.

FVIT.

Infra haec scriptura conspicitur:

I. M. X. D. ET I. C. EMPTA. ATQVE.

CELEBRIS.

IHERIVADAE. NVMMIS. SVMMO. IN.

HONORE. DATIS.



DIS-

DISSECTIOES QVORVNDAM EX IIS,
QVI EPIDEMICIS,
AB
INFLAMMATIONE VISCERV
IMI VENTRIS,
IN PRIMIS VERO VENTRICVLI
ET INTESTINORVM, ORTIS,
FEBRIEVS, A. R. S. 1756.
VRENTIBVS, PERIERE,

INSTITVTAE

A

IO. CHRISTOPH. RIDELIO.
EMIN. EL. A CONSIL. ANAT. CHIR. ET BOT.
PROF. PVBL. ORDIN. REL.

LATINE REDDIDIT
CHR. ANDR. MANGOLDUS.

S. 1.

§. I.

Vir quidam LX. annorum graui percitus ira, (quae plerumque has antecedere febres consuevit) vinum ingurgitabat & vini spiritum, atque hoc facto, pedibus sub pluuiio frigidoque coeli statu iter ingrediebatur ꝛ milliariorum; male inde habens, aliquot tamen miliaria pristino addit itineri, nihil nisi vini spiritum, & inter vias ingentem copiam crudarum fabarum equinarum ore sumens. Inde vero febris, omnes numeros habens, magna cum auxietate, imi ventris doloribus, & pertinaci alui durtia. Qui illi medicinam faciebat, ad haec non attendebat, nec nisi sola, malo blandientia, temperantiaue adhibebat; aeger quoque perspirationem non curans, fere semper inopertus iacebat, tandemque sub ioue frigidissimo, aliquot iterum miliaria, curru vehebatur, atque in diuersoria quandoque diuertens, sudore summo adfectus, nudis pedibus nec satis tectus, solatium in refrigeratione quaerebat. Crebra tum accessit alui deiectio, qua partim verum pus, partim summe fetida & e nigro fusca exiit colluies; inque epigastrica regione, & in loco quidem, qui proprie vocatur epigastrium, tumor, dimidium capitis infantis magnitudine explens, & modo instar pultis mollis, modo maxime durus, adparuit, & quandoque iterum euauit, sed renatus etiam quandoque fuit, cute interim non mutata.

§. 2.

In dissectione, ibi locorum (§. 1. in fine) il deprehensum, quam quod musculi imi entris, in primis vero rectus eius musculus inflammatus essent, & multo duriores solito. mentum itidem erat inflammatum, (vti fere semper obseruavi; quin quandoque vel magnam partem, vel in totum consumptum idi.) Nec ventriculus, nec intestina careant incensione, villosa enim tunica sanguinea uasi tincta videbatur; cauum vero harum artium nigricante tenaci materia repletum erat. In vtrisque cordis auribus, & ventricularis, polypi, lardum referentes, occurrebant. recur fere non nisi faccus erat tenaci pure repletus; caeterum substantia eiusdem fere tantum in marginibus restabat; ipsum vero vltimus septum perforauerat transuersum. Lobi quoque pulmonum inferiores in utroque pectoris cauo in pus mutati conspiciebantur.

SCHOLIUM.

Adparet ex his, etiam in musculis imi entris & partibus adiacentibus, materiam quandam metastaticam, siue abscessum, miricam eam scenam ludere posse, quam quandoque in aliis ludit partibus, vt nimirum non nunquam dispareat, redeat non nunquam verba vice, & vt pus resorbeatur per reuehentia vaia, euacuatione praesertim quadam insigniori facta

facta, quippe qua vasa quasi sugentia redduntur; & vt inflammatoria siue phlogistica materia tum iterum ibi deposita, partes, quae prius molles & pure plenae erant, durae fiant, musculis simul incensione tactis. Colliquescere nempe quadoque videtur materia ibi haerens, aut calore ad fluiditatem requisito, applicato, aut spatio resorptioni per euacuantia remedia dato, aut resoluentibus denique aliisque remediis adhibitis, quae fluidum pus reddere queant; redire vero eadem, vel phlogistica materia, si e partibus internis, pure vel inflammatione oblesis, eadem per aduentitia adferatur vasa. C. A. M.

S. 3.

In infante quodam, eodem morbo, cum *διάρροια* instar picis liquidae coniuncto, precepto, eadem occurrebat in cauis ventriculi & intestinorum materies; dextrum vero latus omnium in cauo abdominis haerentium viscerum, partiumque, nigrum erat & sphacelo corruptum, ita vt si linea ab apice xyphoidis cartilaginis duceretur ad commissuram vsque osium pubis, partes cuiuslibet visceris intestiniue, in dextro latere sitae, mirifica plane ratione nigrae essent; quae vero in sinistro latere sitae sunt, naturalem, & intestinis proprium ostenderent colorem. Eadem partes notabiliter quoque tenuiores erant sanis. Membrana, a peritoneo oriunda, iecur circum-

cum vestiens, sponte fere separabatur, facileque illa a toto hoc viscere detrahi poterat, quod vltimum etiam in pulmonibus eodem modo eueniebat, sub quorum membrana, a pleura oriunda, ingentes conspicuae erant aeris bullulae, quod scilicet aer e pulmonum vesiculis huc viam sibi parasset, & collectus esset. In ipsa vero pulmonum substantia verus sanguis ex arteriis in telam cellulosam, vasa & vesiculas cingentem, effusus conspiciebatur, (vti Perill. & celeb. Hallerus quoque obseruauit, nosque sub hisce circumstantiis semper obseruamus.) In cauo pectoris ingens aderat vis feri, omnesque superiores & exteriores partes notabili modo tumidae erant, id quod plerumque, etiam alibi, deprehendo.

SCHOLIUM.

Cum hic iusta mihi orta esset suspicio, hemiplegiam epidemico morbo adcedentem in causa fuisse mirabilium quorundam in hoc infante phaenomenorum, opportune Ill. RIDELIUS alium suggesfit casum, quem ob aliquam conuenientiam mox subiungam, addito tantum adhuc monito, ex praecedente Obseruatione veram peripneumoniae causam, eique medendi rationem haud obscure a prudenti posse colligi. M.

§. 4.

Homo quidam adultus, veneri strenue litans, hoc morbo mortuus, quotidie compluribus

ribus annis multa potarat vina peregre adue-
cta, praesertim vero Italica, & vini varios spi-
ritus, atque aliquo ante mortem tempore de-
lirauerat, lethargoque laborauerat. Hic quar-
to vel quinto ante ultimum spiritum die he-
miplegia adfectus concidit; tumque dissectus,
sub dura meninge valde tenacem lympham
sanguinemque extra vasa positum visui obtulit;
quin in cerebri ventriculis inque choroideo
plexu nodosi tumores steatomatici hydatides-
que adparuerunt, atque ille cerebri ventri-
culus, qui inflammato respondebat lateri,
mirum quantum magis, tenaci & pici simili
lymphā replectus fuit deprehensus, ac alter.
Aderat simul non modo inflammatio, sed etiam
destructio cerebri in posteriori parte laeui eius-
dem hemisphaerii, idemque latus in imo ven-
tre, praecipue incensione tactum erat. Cere-
brum illud, & testes, in primis vero laeuus,
in quandam quasi peculiaris ichoris speciem
mutati erant; qui autem non admodum erat
fluidus, sed satis crassus, multo tamen mobi-
lior ipsa cerebri substantia, atque ad instar
fere olei fluebat. In basi cranii, inque pluri-
bus aliis partibus, praesertim vero in reni-
bus & in pinguedine, arteriae durae erant
redditae; quod quidem non de earum tuni-
cis dictum esto, sed de illarum cauo, quod
flaua quadam dura & solida instar ligni materie
repletum erat, & quodam modo refertum.
Tunicae arteriarum ab hac flaua duraque ma-
terie

terie poterant detrahi, atque arteria, crassitiem habens mediocris scriptorii calami, in medio eius materie vix maius obferebat lumen, ac quod aciculae recipiendae aptum est. Multi etiam praesto erant cordis polypi; quos etiam in aliis fere semper in cauas venas, pulmones & aortam longe admodum procedere obseruo.

SCHOLIUM.

Perspici potest ex hac obseruatione, cerebrum praecipue in ipsa sua substantia, quod etiam nuperi quidam Physiologi contenderunt, multum olei continere, ideoque in morbis in acrimoniam praecipue tendere rancidam, pinguemue; & Cl. HERTZOGII Obseruationem, de miris per vrinam excretis ramentis rubris instar scobis ligni rubri solidis, quam non ita pridem (in den Hall. Zeitungen 1756 p. 216, 217 & 219.) luci publicae dedit, aliquam inde accipere lucem. Videtur nempe per species illas haemorrhagiae, quae anastomosis & diaeresis audiunt, talis materies e vesicae arteriis abiisse, qualis in nostra obseruatione in arteriis fuit visa. Anastomosis enim adfuisse, vsus suadet aloëticorum & aliorum purgantium alternis diebus datorum, quippe quae haemorrhoides non solum ani, sed etiam quandoque, vesicae ducere observantur; diaeresin vero purulenta vrina & foetor materie excretae; vt non opus sit, ad explicationem rubrorum istorum cum vrina excretorum

rum, ramentorum, farciminum, super truncum ligni grandem, paratorum atque materiam horum ramentorum, vt Cl. visum fuit HERTZOGIO, praebentium, largiorem vsum pro causa huius mirabilis phaenomeni adlegare. M.

§. 5.

In laeuo latere ilei intestini grauidae, fato perfunctae, mulieris, ingentes etiam deprehendi nigras & obscure rubras maculas, inflammationis & sphaceli, dicti intestini, testes; quae mala etiam fere semper in laeuo latere, praesertim circa spinam ossis ilei superiorem obseruo, vt constans admodum eorum hic locus sit; in dextro enim latere quandoque quidem etiam has maculas deprehendo, sed nec tantas neque semper. In ieiuno etiam adparent, sed sparsim tantum.

SCHOLIUM.

Forte id ita contingit, quod ibi adsit flexura coli intestini, instar Sinuersi, & duriora elasticae corpora, vel saltem sanguis phlogisticus in vasis non rite motus adprimatur ad spinam ossis ilei superiorem, eoque ipso, cursui sanguinis ineluctabilis insuperabilisque ponatur obex. M.

§. 6.

In alia grauida, in cuius corpore, adhuc calente, statim post mortem, sectio fuerat instituta caesarea, praeter inflammationem omenti, ligamenti lati, ouarii & ilei, laeui late-

lateris, tota peluis sanguine deprehendebatur repleta, qui certe non a vasis, in dissectione dicta discissis, proueniebat, summa enim cum cura & cautione illa instituta fuerat, atque sub ipsa operatione nil sanguinis animaduvertebatur; in epiplooo vero, & mesocolo transuerso venae vere disruptae, satis magnae, adparebant, in quarum apertura thrombi adhuc haerebant coagulati sanguinis, e quibus longe admodum pendebant fila eiusdem; maximus vero thrombus erat in medio abdominis loco. Epiploica & gastro-epiploica vasa mirum in modum sanguine distenta conspiciebantur. Iecur duplo maiori, ac alias, exsurgebat crassitie, in dextro praesertim latere, & obscuro fuscum exhibebat colorem, ac si iniectum esset simili materie, & quasi coctum. Intestina mirabiliter erant contracta, & partem sibi inuicem immissa, atque in laeuo latere inflammata; cauum eorum multa admodum tenacibile repletum, & villosa tunica, aequae eorum, ac ventriculi, magna copia rubrorum punctorum & striarum, obsita, conspiciebatur. Pancreas in illa induratum; lien vero instar butyri mollis. Notandum vero, hanc mulierem ante annum febre laborasse intermittente, quam inconditis pepulerat remediis, eamque ante hunc morbum magnam nucum vim comedisse, quibus humidam sibi accerserat choleram; atque, vt conijci haud aegre poterat, abortum promouentia sumsisse remedia.

SHOLIUM.

Vero admodum est simile, per remedia, febrem fugantia, sanguinem, bilem, pancreaticum succum & alios partium adlatarum humores, in hac muliere fuisse spissatos, &, nisi alia, ut fere fieri solet, adcefferint diaetae vitia, ob nimiam nucum, olei multum continentium, copiam, epiploica vasa, ad secernendum oleum adcommoda, multum fuisse distenta. Succis enim nostri corporis spissatis & solidis partibus ea propter magis quam par est, cohaerentibus, mirum non est, si impetu a pellentibus remediis aucto, quaedam partes, minus resistentes rumpantur, & fluida sua extra vasa dimittant. M.

§. 7.

In foeminino sexu generatim inflammatas saepissime deprehendi fallopianas tubas, ovaria, ligamenta lata & vterum.

§. 8.

In cauo ventriculi & intestinorum idem talem valde tenacem & pici similem materiem deprehendi, quae absque cultro fere deradi non poterat; sub hac materie exiguae aderant papillae, quae distincte in altum latae tumentesque videri poterant. Id vero omnium maxime dilucide in teneris adparet infantibus, si eorum intestina dissecentur & purgentur. Eae forte sunt glandulae in tunica cellulosa. Semel etiam atque iterum & saepius in hoc morbo, aequè in auribus, ac in ven-

ventriculis cordis inueni polypos, lardum referentes, atque tenaciter admodum aperturis coronariarum venarum insidentes, saepeque fere omnia cordis caua replentes. His in casibus saepenumero vera adsunt in ventriculo & intestinis foramina, maxime vero in ileo & colo transuerso, vt saepe in vno corpore 4, 5, vel 6 eorum deprehenderim; vel saltem in locis istis exesis, telae araneorum similis tantum restat tunica, attactu vel minimo rumpenda & quasi deliquescens. Vidi ea pluribus vicibus in posteriori latere ventriculi, quod eo in casu viridi plane colore est praeditum. Ea non solum occurrerunt in infantibus 1 - 2 annorum, praesertim si simul vlcera in auribus & naribus adessent, saniesque ex illis efflueret, sed etiam in infantibus 10 - 14 dierum, in quorum renibus etiam veros simul deprehendi calculos. Labia istorum foraminum sunt crassa, dura & tumentia; id quod quoque tactu explorari potest. Cauum harum partium, incredibile dictu, tenaci pituita plane est oppletum, cysticaque bilis adeo cohaeret, vt, si cuspis cultri illi intingatur, fila duci possint 2 - 3 vlnarum, nec ea tamen rumpantur. Tunica villosa earundem extreme rubra est, & vasa mesaraica, Bagliuio rite sic dicente, quasi strangulata sunt.

❧ SCHOLIUM.

Colligi ex hac Obseruatione potest, quanta saepe in hisce morbis visciditas tam san-

Inter tot. varios ingentesque casus, quibus oculi patent, non minimus cataracta dici meretur. Hac enim lentem crystallinam vel eius velamenta tenebris obscurante; pupillae acies hebescit atque caligat. Cum autem oculi magnam partem ad vitae simul & vsum & dulcedinem conferant; eos summa cura tuendos esse, nemo non videt. Suffusionis dari species quasdam, nullam admittentes medelam, in aliis etiam, quae nullis auxiliis cedunt, rem nonnisi acu peragi posse, inficias non eo. Quasdam tamen occurrere species, ubi scil. malum adhuc recens est, curationem, victu vel medicamentis obtinendam, non respicientes, Medici dudum in cognitis habuerunt. Ipsam quoque medelam pro causarum diuersitate diuersas curationis exposcere vias, constat inter omnes. Quando enim naturales sufflaminatae morbosae improuide repulsae vel artificiales neglectae sunt excretiones, istas promouendas vel, si id fieri nequit, artificiales, vt malae materiae exitus sit, surrogandas esse, facile patet. Nonnulli enim oculorum inflammationes atque hoc malum incurrun, quos, propter improuidam saepiusque iteratam transpirationis suppressionem, catarrales affectus diu multumque vexarunt. Aliis menstrua, lochia vel haemorrhoides non rite fluxerunt. Nec desunt, quibus in humidis corrupta crudaque materia est, quae cum in omne corpus deducatur, etiam in oculorum

rum

rum teneriores partes venit. Morbos quoque male tractatos v. c. febres, scabiem &c. hoc malum in scenam producere posse, experientia extra dubitationis aleam ponit. Vbi igitur humorum copia peccat, ii detrahendi sunt incisa vena, aut concisae cuti cucurbitulis admotis, vel cute cantharidum fonticulorum aut setacei applicatione exulceranda. Si vitium in humorum crasi sit, dandi sunt sales decocta & medicamenta ex mercurialibus purgandis humidis apta, Nec inutile est, medicamentis aluinas saepius moliri deiectiones, quae noxiam materiam ad inferiora depellunt; nonnulli enim, cum aliquandiu lumine carerent, repentina alui profusione id receperunt. Nec diuretica intacta relinquenda sunt, v. c. succus millepedarum cum vino in mortario tritarum. Denique ab omni negotio, oculorum aciem exigente est abstinendum, lentique humores diligenti corporis exercitatione excitandi. Longum, ne huius loci foret, medicamentorum, quibus medici in hoc oculorum vitio externe vti consueuerunt, catalogum enumerare. Sufficiat, in plerisque operam ludi, & huius morbi, quanto minor ei est impetus, tanto finem minus esse expeditiorem, monuisse. Cum praeterea cataractae depressio per saepe non ex sententia cedat; quid externus olei animalis Dippelii vsus in hoc malo efficere possit, quid praestare recuset, tentandum esse ducens, in casu quodam, quem

praxis clinica mihi obtulerat, experimentum
 sequens feci: Femina quaedam temperamenti
 melancholici, annum quinquagesimum secun-
 dum agens, vitaeque sedentariae dedita, ma-
 loque hyfterico obnoxia ineunte aestate anni
 proxime elapsi, nascentem oculorum suffusio-
 nem, & quasi nubeculam his obuersantem, ac
 sub alui exoneratione tenuis pituitae cursum
 ex oculis sensit; ita vt obiecta rite discernere
 non posset. Appropinquante auctumno vtri-
 usque oculi nubecula indies spissior facta, &
 cephalaea, per hiemem perdurante, aegrotans
 diuexata fuit; vsque dum malum adeo in pe-
 ius rueret, vt instante bruma sinistro oculo
 nullus lucis sensus relinqueretur, & consumma-
 ta suffusio ab intuentibus distincte cerni posset.
 Dextro oculo obiecta in altum posita videre
 nequiuit, sed tantum proxime adstantia ob-
 scure cernere at non distinguere, ei integrum
 fuit. Huius quoque oculi notabilis suffusio
 illum in spicientibus actutum comparebat.
 Miseriis his mactata, celebris Doctoris medici
 cuiusdam auxilium expetiuit, qui medicamen-
 tis internis resoluentibus laxantibusque & san-
 guinis ventilationibus, quae ab illa etiam an-
 tea rite institutae fuerant, tres menses in cas-
 sum pugnabat. Aegrota dein mea consilia
 efflagitante, rem non nisi acu peragi posse ra-
 tus, parum praesidii tam a medicamentis in-
 ternis, quam externis, expectari posse, asse-
 uerabam. Ne autem misera sine qualicun-
 que

que dimitteretur solatio, praeter medicamentorum internorum vsum, mane atque vespere vnam alteramue guttulam olei animalis Dippelii rectificatissimi vtrique oculo indere iussi. Simulac medicamine isthoc in oculis vteretur, ad perbreue tempus de acerbo illorum dolore ad tempora excurrente, querebatur multaque lacryma profluebat; qui tenuis pituitae cursus primum copiosior, & cum temporis successu moderatior erat. Mense integro elapso, vtriusque lentis crySTALLINAE margines magis magisque transparentes conspiciebantur, vsque dum quatuor mensibus transactis, dextri oculi lens tota pellucida comparebat, sinistri autem suffusio multo minor atque dilucidior cernebatur; cum antea tota fuerit opaca. Ipsa aegrota, nubeculas in filamenta diuidi, affirmans, post alterum mensem per fenestrae vitra sese pauimenti lapides in platea discernere posse, aiebat. Quatuor post menses literas & vocabula typis expressa legendo par deprehendebatur; quid? quod solo deteriori oculo obiecta in tepidario posita distinguere potuit. Quidquid vsus in continuando hoc experimento docebit, alio tempore expositurus, iam tantum moneo, me oleum animale pellucidum albidique coloris semper abhibuisse; rubicundo scilicet nullum effectum in debellando hoc pertinaci malo producente.





OBSERVATIONES
DE
METAMORPHOSI SILVARVM,
ACADEMIAE ELECTORALI
EXHIBITAE

A

IO. BERNH. MVLLER,
EM. ELECTORIS A CONSILIIIS FISCO, ET ACAD.
SOCIO ORDINARIO.

Quidquid mortales ad proprios communelue vsus boni excogitauerunt, id, prouidam solertemque naturam sequendo, didicisse videntur. Primas artium origines memoria repetens, imperfectas, a natura quasi digito monstratas, & non nisi post longissimum temporis interuallum ad maiores perfectionis gradus perductas atque exornatas deprehendet. Infinita quidem naturae dantur artificia, quae ars ne accurata quidem adumbratione assequi potest. Immensa opera interiori angulo, quasi data opera, condidit; vt ne sagacissimi quidem inter sapientes maximo studio, tot saecula adhibito, ea perspicere possent. His tamen non obstantibus, permutae eius operationes adeo in aprico positae sunt, vt nulla alia re, quam attentione ad id, quod ante pedes positum, opus sit, & vt naturam optimam ducem sequamur. Haec vt mente agitare, sequens observatio mihi an-
sam

ſam dedit. Dum ſpartae ratio a me exigit, vt montiuagos & ſylueſtres iſtituam curſus, ſae-
pius videre licuit, arbores & virgulta, lon-
giſſimum tempus tractus quosdam occupantia
non tam laete, quam antea, creſcere atque vi-
gere, id quod etiam ex antiquis libris ſilua-
rum rationes continentibus apparere vi-
detur. Huc accedit, quod, ſi forte fortuna
alterius ſpeciei arbuſcula vel virgulta hoſpicio
inter alias arbores v. c. abietes criſpae inter
frondentes fruuntur, domeſticis his multo
laetius creſcant atque frondeant. Eundem or-
dinem natura, eiusque imitatrix ſolertia hu-
mana in ſerendis atque plantandis frugibus
atque oleribus ſeruare ſolent. Eaſdem enim
fruges, multoties eidem agro mandatas, dege-
nerare, uſus dudum demonſtrauit. Non eſt,
quod huius rei probationem alte petamus,
cum rerum oeconomiarum ſcriptores eandem
veritatem quam ſaepiſſime inculcarint. Cultura
croci in terris aſtriacis, vt vnicum ex multis
exemplum proferam, idem extra dubitationis
aleam ponit; niſi enim quis oleum & operam
perdere velit, ſemel tantum & dein poſt lon-
gum demum annorum interuallum, illum in
eodem agro plantabit. Ipſa natura huic plan-
tarum & arborum metamorphoſi patrocina-
tur, eidemque multis modis viam pandit.
Nonne ſemina & radices inundationibus ex vno
loco in alium deportantur? quid ſibi pappi
alaeque multorum ſeminum volunt? niſi vt
vento-

ventorum beneficio locum mutare queant. Acini seminaque ponderosiora auium opera domicilium mutant. Quis est, quem lateat, viscum, parasiticam illam plantam, quercui, tiliae, corylo, betulae, salici etc. innascentem, a turdorum genere quodam transplantari, dum baccis illius albicantibus vescuntur. Consimili modo sambuci, ribium sorbi aucupariae, aliorum fruticum transplantatio accidere solet. Non possum non, quae ex Perillustri quodam Patrono, oculari teste, audiui, quin huc referam, data occasione: viderat ille in saltu quodam Bohoemico non nisi abietes proferente, triginta circiter querna arbuscula. Ex saltuario quaerens, vndenam hae arbores sint, cum queretum milliare distet? hoc responsum tulit: picae glandariae eas plantarunt. Sed de asserti veritate dubitans, alio tempore dictam auem hoc labore occupatam, illaque auolante, glandem querneam terrae mandatam vidit. His, tamquam vsu comperta, suppositis, causa indicanda est, cur arbores in silua hospites plus, quam indigenae, capiant incrementi? Quamlibet plantarum arborumque speciem proprio suo & adaequato gaudere nutrimento, facile concipi admitti que potest. Terra hoc igitur priuata, annosae arborum fruticumque speciei necessarias ad nutritionem particulas amplius suggerere nescit, in sinu tamen superfluum adhuc fouens materiam alii cuidam arborum fruticumque speciei quam maxime conuenientem.

entem. Quae igitur in sylvarum metamorphosi a natura peragi videmus, ea ut studio dataque opera imitemur, quam maxime ex re nostra & apprime reipublicae utile esse videtur. Quo modo spatia siluestria, abietibus aliisque arboribus aciculis florentibus lignatione denudata, fruticibus arboribusque frondosis vestiri queant, inter saltuarios notissimum & non alia re opus est quam ut hac fruticum specie spatia conferantur. Nec mearum partium esse duco, ut, quaenam arborum frondiferarum species eligenda sit, alte petam, cum quilibet saltuarius humi tractuumque, penuriae speciei cuiusdam, & inde redeuntis utilitatis facile rationem habebit. Sed silvae frondentis in crispam vel abietariam metamorphosis, tam propter sumptus silvae frondentis extirpationi impendendos, quam unius duorum triumue lignationum iacturam, maioris negotii esse videtur. Haec quo evitentur incommoda, prudenti expectatione & successive rem peragendam, & quidem sequenti ratione, censemus: Per sylvam frondentem caeduum terrae tractus quatuor decempedas inter se distantes, & quatuor vel sex pedes lati, a meridie versus occidentem spectantes, siue linea recta, siue in extremitatibus incurvata, quo ventorum iniuria arceatur, fodiendi & conveniente arborum aciculis florentium specie conferendi sunt. Hac semen cum temporis successu proferente, zephyri semina aduehent locis
ligna-

lignatione successiva vacuefactis. Hoc ordine si procedatur, totius silvae metamorphosis sine magno dispendio lignationumque iactura poterit obtineri. Ceteroquin lubenter generalia omitto ad siluarum plantationem pertinentia praecepta, saltuariis scilicet iam satis nota; nec istorum mentionem feci, quae meditando facile erui possunt. Quidquid autem vñs docebit in silvae metamorphosi iam a nobis suscepta, id me cum republica litteraria impostero communicaturum esse, fidem adstringo.



PERILLVSTRIS
ANONYMI,
ACADEMIAE SCIENTIARVM VTILIVM
SODALIS,
DISQVISITIO
QVAESTIONIS,
VTRVM HOMINES NIMIVM
MVLTPLICENTVR.

Mm

§.I.

§. 1.

Plurimorum animos inhumana occupauit
persuasio, homines in orbe terrarum nu-
mero nimium crescere, hincque effici,
vt non annonae solum caritas misere excru-
ciet humanum genus; sed vt inuidia quoque,
portentum illud male sanum, vt persecutio,
vt astus, vt fraus, vt omnia scelera inde, lar-
go velut alueo, profluant. Quo grauior
communiorque ista esse solet querela; eo ma-
gis operae pretium esse videtur, vt istam ani-
mo consideremus paullo attentiore, atque cir-
cumspectius inquiramus; vtrum sic se res ha-
beat, nec ne?

§. 2.

Principem facile locum occupat praecon-
cepta multorum opinio, pestilentiam, graf-
sans illud malum, pagos vrbesque depopu-
lans, non minus esse vtilem reipublicae, quam
venae sectionem humano corpori; id quod
ex historia satis superque probari posse, pu-
tant. Huc accedit alia eius quaerelae causa:
scilicet post exactum atrocissimum illud bel-
lum, quod per annos triginta, caede perfe-
verauit cruenta, tandem proaui pace & tran-
quillitate gauisi sunt exoptatissima. Haec ve-
ro pax & recuperata quies non solum egregie
illorum delectauit animos: sed tunc quoque
prata, hortos, syluas & agros occupare, oc-
cupatosque tuto colere potuerunt; ita, vt post
hac illius felicitatem temporis, non satis pul-
cre

ere posteris suis potuerint deprædicare. Hinc - - narrauere patres, & nos narrauimus ipsi; hincque orta fuit opinio, quod exigua hominum copia tantæ fuerit felicitatis causa & conciliatrix. Sed tantum abest, ut vera sit hæc hominum persuasio, ut potius originem suam ducat e peruerso sui ipsius amore, ex auaritia aliisque vitiis, perpetua detestandis sollertia. Primo enim ad φιλαυτίαν quod attinet; illa sibi, nescio quam, suauem fingit voluptatem, si tot ac tantarum rerum affluentia possit sola gaudere, quæ nostris temporibus multis debet sufficere. Auarus, opes rapaci manu coaceruare cupiens, optat, ut alii penes se homines procul absint, & ipse exuberet omnium rerum copia. Honorum denique cupiditate flagrans nihil adeo in votis habet, nisi ut omnes alii e medio tollantur, qui a laudis ac dignitatis fastigio eum retardare videntur. Hinc est, quod grauissimas quisque moueat querelas, & nimiam hominum multitudinem in causa esse existimet, cur voti sui compos nullo modo fieri possit. Sed suadendum eiusmodi hominibus, ut animum prius emendandum curent, quam in aliis causam sui desiderii, (quæ eorum ipsorum indoles peruersa est) quaeritent.

§. 3.

At dicet quispiam: ipsa rerum natura in tanta hominum multitudine laborans, se, velut nouerca in rebus ostendit compluribus.

Ut enim taceamus piscium, auium ferarumque imminutam copiam; sylvarum in primis & arbustorum tanta est consumptio, vt breui nihil superesse videatur. Sed si causas huius lignorum caritatis aequo ponderamus animo; illae non tam in hominum multitudine, quam in auorum maiorumque nostrorum avaritia & voluptate positae sunt. Incredibiles lignorum acerui e Germania nostra, ratibus factis, deportati fuerunt. Succrescentium arbustorum minima fuit cura. Integrae sylvae tantae hominum avaritiae non suffecerunt.

§. 4.

Neque tamen eo secius prouida rerum natura futurae hominum egestati succurrit. Suum enim gremium illis aperiens, carbones edidit bituminosos, lignum fossile, resque huius generis alias; sicque communi hominum vltui satis large prospexit.

§. 5.

Praeterea vero, quod ad vtilitatem sic dictae venae sectionis cuiusdam moralis attinet, negamus prorsus illius commoda. Supra monuimus, quod maiores nostri, postquam per varios casus & tot rerum discrimina, pace iterum exoptata fuerunt exhilarati, tanti fecerint quietem receptam, vt pulcerrimis quoque praeconiis eam posteris suis depraedicauerint. Haec aurea tempora ad nos traditione (§. 2.) peruenerunt; & quoniam nostris temporibus homines non eadem, quae
narran-

parrantur, conspiciunt, licet multo meliora videant: accidit, vt in acerbis erumpant querelas, culpam omnem tempori, hominumque tribuentes multitudini. Sed licet possederit auarus centum agrorum iugera, licet fruges viliori pretio potuerit emere, licet magnum obtinuerit numerum aedium desolataram: nonne id indicium est, tunc omne commercium, sicque animam reip. prorsus expirauisse? sicque parum illis profuisse multarum rerum possessionem? Si qui praeclara illa felicitate gaudere volunt, in plagas Hungariae aliarumque regionum desertas eant, statim habebunt, quod optant.

Nec mirum, agros tunc, post quietem multorum annorum, fuisse fertiliores vberioresque. Sed labor simul fuit durior, quem necessario nostri adhibere maiores debuerunt.

Namque ibi dumus erat, qua nunc stat fertilis arbor,

Qua vepres, ibi nunc vitis suspenditur vlmus.

§. 6.

Huc merito referre poterimus sollicitudinem quorundam magistratuum, qui sancitis cavent legibus, vt certus tantum mercatorum, artificum, opificumque numerus in vrbe feruetur; qui operam dant, vt iuuenes a militibus deducantur in alias prouincias, vt plebs, data occasione, in aliam mittatur coloniam, & huius generis alia. Non est profecto, quo de nimia hominum multitudine sumus solliciti.

Mm 3

Per-

Perlustremus tantum remp. literariam, artiumque bonarum. Quot quantasque reperimus provincias nondum satis cultas? Quantum adhuc latet in rerum natura nobis nondum satis cognitum exploratumque! Quo igitur iure dicere quispiam, quaeso, poterit, hominum numerum fieri nimium, quum suum cuique opus curandum colendumque supersit?

S. 7.

Vnde vero aemulatio orietur, optimus ille diligentiae stimulus, virtutum ac praeclarorum facinorum genetrix? Quamuis vero quidam homines tam tarda sint animi indole, ut neque aemulatione, neque laude, sed non nisi ab urgente necessitate ad aliquod opus suscipiendum commoueri adigique possint: eo maior tamen oritur necessitas patrandi aliquid, ex quo necessarios vitae usus ducamus, quo maior est hominum numerus! Hominum igitur multitudo etiam hac in re eximie prodest; utpote quae scientiis maiorem accendit lucem, artes melius excolit, commerciiis inseruit, opes diuitiasque congerit, voluptatem nutrit, paritque abundantiam. In hominum multitudine consistit potentia populi eiusque apud externos auctoritas. Idque nisi certum esset, sequi necessario deberet, ut illae regiones, in quibus exiguus est hominum numerus, sint prae caeteris feliciores, potentiores, ditiores, doctiores. Sed experientia dudum fui-

fuius edocti, etiam agros antea fertilissimos, & regiones optimas, miserrima laborare penuria, vixque tutos esse contra aduersariorum iniurias, si hominum illis non sufficiat copia.

§. 8.

Praeterea vero hominum multitudo copiose nobis ea subministrat omnia, quae natura prius nostro negauerat climati; aut quae nostra negligentia parui alias aestimauerat. Non enim solum illius beneficio res ad vitam victumque necessariae facilius e disitis asportantur regionibus; sed voluptati adeo nostrae, nostrisque inferuitur deliciis, ita, vt infimae conditionis homines, serui atque ancillae, opibus aliarum regionum superbiant, vestibusque vtantur longe lateque congestis.

§. 9.

Si rem aequo ponderamus animo, inuenimus profecto, in Europa, nostris temporibus, multo maiorem hominum copiam, meliore vti fortuna, quam antea. Quid? ab infimae sortis hominibus, non plus laboris exigitur, & tamen multo felicior est eorum conditio. Vestibus non solum melioribus, sed victus quoque lautitia veteribus antecellunt.

§. 10.

Denique vero negamus quoque eam ob causam nimiam hominum multitudinem, quoniam in annalibus veterum, inque aduersariis ecclesiasticis, quae post bellum triginta annos perseverans, confecta sunt, multo ma-

iorem hominum copiam saepe numero in quibusdam terrae regionibus numeramus, quam hodie ibi reperiuntur. Creuit quidem numerus virorum doctorum artificumque, idque vrbum copia, quae antea non tanta fuit, satis demonstrat; sed priscis temporibus pagi fuerunt copiosiores.

§. II.

Vrbium vero copia, ea ex re potissimum orta fuisse videtur. Postquam pulvis pyrius erat inuentus, & miles conductitius sacramento obstringebatur, nobiles non amplius belli negotiis operam dare perpetuam tenebantur. Illi vero generis auctoritatem & splendorem deperdere nolentes, alia re, nimirum scientiis artibusque liberalibus inclarescere, sicque aulae inservire, studebant. Ipsi principes, postquam tranquillae illorum regiones ab hostium incurfionibus esse coeperunt, maiorem scientiis operam potuerunt impendere, illisque tempus dare a bello vacuum. Iam vero, quum nobiles intelligerent, melius in oppidis emolliri mores, & in vrba hominum societate scientiis commodius tempus dari posse: accidit, vt, deposito sensim canum ac venandi studio, in vrbes se e villis conferrent, ibique quaererent domicilium. Pax deinde, scientiarum optima nutrix, honos & praemia, doctorum virorum personis exhibita, alios sensim nobiles, & tractu temporis cives quoque ipsos ad artium scientiarum-

rumque studia invitauerunt; vnde tanta eorum copia esse coepit, vt deinde non omnes ad munera ecclesiarum ad moueri, nec omnes ius dicere potuerint. Quo factum, vt alias res sedulo inuestigare studerent, quae cum scientiis aliquo amicitiae vinculo contineri videbantur. Hinc orta commercia, hinc orta emporia, hinc orta rerum naturalium studia, quae omnia vrbium & copiam & amplitudinem mirifice promouere coeperunt.

§. 12.

At dicet forte quispiam, quid vrbes ad minorem hominum copiam? nonne in vrbibus pauciores homines, quam in pagis agrisque a rusticis procreantur? Omnino sic se res habet. Matrimonia enim in vrbibus contrahenda multo maioribus exposita sunt difficultatibus, quam si quis in agris coniugium inire constituit. Quo fit, vt multa matrimonia aut omitantur, aut liberorum progenie non adeo sint copiosa. Taceo voluptates & libidines, quae per vrbes passim grassantur, suisque nutriculis ingentem hominum multitudinem praemature in tartara mittunt. Hinc factum, vt in multis ciuitatibus eo res deductae fuerint, vt illis adeo praemia statui debuerint, qui legitimum inire matrimonium voluerunt. Luxurie crescunt quaedam artes, sed ciues temperantia.

§. 13.

Quae quum ita sint, optimum esse videtur, vt maioribus ciuitatibus relinquatur luxuries & pompa, artiumque permittatur conseruatio & incrementum; minoribus vero oppidis agrisque in primis commendetur temperantia & succrescens hominum copia; nisi aliis alia videantur!

§. 14.

Praeterea vero experientia jam sumus edocti, fieri omnino posse, vt industria & labore agrorum emendetur cultura, eorumque augeatur fertilitas; sicque multo maiori hominum copiae dentur necessarii vitae vsus. Hinc agrorum culturae operam & industriam impendamus! Emendatis enim rebus, quae ad agrorum culturam spectant, efficitur, vt magna populi copia sensim succrescere incipiat.

§. 15.

Sed non sola est frugum vbertas, cui operam dare debemus; aliis quoque germinibus plantisque, ad luxum pertinentibus, opus est, idque in iis praecipue locis, in quibus frugum satis magna est copia. Tunc tandem felix erit ea prouincia, quae frugibus iam abundat, & totis plaustris eas in exterarum auehit regiones, si haec frugum abundantia ab ipsis illius prouinciae incolis consumatur.

§. 16.

§. 16.

Homini enim satis grauibz pari laboribus medimnus frumenti quot annis ad vitae sustentationem est necessarius. Quot igitur medimni frumentorum e regione deportantur, tot adhuc coloni in ea possent enutrir. Iam vero pretium, quod pro medimno frumenti soluitur, vix tertiam partem earum rerum efficit, quae homini operario ad victum, potum, amictum reliquosque vitae vsus sunt necessarii: hinc intelligimus, cum id agere debere, vt laboribus & industria tantum mercedis sibi comparet, quantum est trium medimnorum pretium.

Sicque reipublicae triplici modo suis operibus mercede dignis prodest operarius, quum medimnus frumenti extra regionem asportatus, vix tertiam pecuniae partem reipublicae conciliet.

§. 17.


Iam vero centum medimnorum millia frumenti numerabimus, quae extra regionem quotannis deportantur. Quem libet medimnum decem imperialibus venundari posse concedemus. Sicque habebimus decies centum millia ioachimicorum, pro frugibus venundatis acceptorum.

Quod si vero centum operariorum millia adfuissent; res publica binis millionibus locupletior fieret quotannis.

§. 18.

§. 18.

Satis igitur multa verba fecisse videmur,
& dilucide satis ostendisse *homines non nimium
multiplicari*. Iamque id agitur a sapientibus
patriae patribus, vt maior maiorque illorum
copia in suis numeretur prouinciis. Atque
huius quidem voti eo felicius citiusque fient
compotes, si viri docti id simul agent, vt
agrorum cultura magis magisque emendatur;
hac enim re non maiori solum hominum
copiae plura vitae subsidia comparantur, sed
labor etiam & necessaria datur
occupatio.



MECHANICA
INSIGNIS VITAE

MORVMQVE EMENDATRIX

PROPOSITA

AB EODEM

PERILLVSTRI ANONYMO.

§.1.

§. 1.

A bonis artibus atque scientiis inhumanos hominum mores emolliri, cultusque aboleri ferinos, ita iam in aprico positum, & ita ab experientia, fidissima vitae magistra, fuit comprobatum, vt luce meridiana propemodum clarius esse videatur; & proinde superuacaneam luderem operam, si multis verbis illud denūo vellem depraedicare. Hinc commonstrare tantum suscipiam, *qua ratione mechanicae artes possint emollire mores hominum*, eosque reddere mitiores, elegantiores, sanctiores.

§. 2.

Quilibet sane homo, nisi ad videndum plane sit hebes, in eo nobiscum consentiet, quod scientiae bonaeque artes, generatim consideratae, tam intellectum hominis, quam voluntatem illius, insigniter queant emendare, eiusque facultatem cognoscendi, in altius meliusque prouehere. Quemadmodum vero in ea ipsa re fundamentum & mater morum elegantium inuenitur; siquidem boni mores, ex emendatione intellectus voluntatisque quasi vitam ac spiritum accipiunt: ita facile quisque colliget, qua ratione fieri possit, vt ab artibus, generatim consideratis, mores hominum emendari, & meliores possint efformari.

§. 3.

§. 3.

At dicet quispiam Cl. Rousseau addictus, qui bonis artibus iustum statuere pretium non vult: affectuum impetus & vehementia saepius hominem impedit, quo minus ita dirigat liberas suas actiones, ut intellectui suo accurate respondeant, suaeque consentiant voluntati; quid? quod ita nobis blandiri solent affectus, ut pessimam saepe rem nobis pulcre depingant, sicque animum demulceant, & in grauissimos inducant errores: licet igitur tanto magis idoneus sit homo, ad morum elegantiam, vitaeque probitatem, quanto melius artibus atque scientiis animum excoluit: tanto melius tamen simul potis est, erroribus suis fucum obducere, & vel alios, vel semet ipsum fallere, sicque suis satisfacere cupiditatibus: hinc fit, ut cum artibus, simul luxur, intemperantia & voluptas, velut e secundo gremio propullulent, & celeriter succrescere incipiant!

§. 4.

Non est omnino negandum, a bonis artibus saepe occasionem ac subsidia subministrari hominibus, ut voluptati luxurique indulgere queant commodius.

Sed illa simul voluptas luxurque, ab artibus dextre suffultus, ingenti hominum multitudini, quos misera sua conditio a luxur illecebris tutos praestat, simul sic dictam moralitatem, seu stimulum dat & occasio-

nem,

nem ad sollertiam, aliasque operas ad modum vtilis ac necessarias. Nec ideo certe illae semper regiones, in quibus non coluntur bonae artes, a voluptatis illecebris sunt immunes. Illa tantum intercedit differentia, ut lapsu grauiore ruant, tantamque illis noxam pariat voluptas, quantam aliis vtilitatem. In regionibus, ubi artes coluntur, vnus homo luxui deditus, tres, quatuor, decem, quid? centum homines diligentes, sicque moratos efficit, stimulumque & occasionem illis dat ad industriam atque laborem. Inter barbaros vero totidem facit infelices, totidemque in tristem abucit seruitutem, quoniam voluptate non possunt alia ratione perfrui, nisi suppressa aliorum libertate, nisi seruis eorumque sudore & aerumna; id quod infra lucidius explicabitur.

§. 5.

Deinde vero ad confirmandam sententiae meae veritatem, hoc etiam accedit, quod beneficio voluptatis luxusque, plurimum certe hominum conditio fiat melior. Ipsa vero voluptas atque insolentia, ne quid nocere possit, iam limites suos certosque fines, inter moratos cultosque habet populos. In eorum enim societate luxuriosus semper externam humanitatis ac decentiae speciem praese ferre cogitur, quae illum prohibet, quo minus ingenti saeuia immanitate.

Quod

Quod si etiam contra has decori leges peccet, inde nemini noxa & detrimentum plerumque paritur, nisi ipsi, ipsiusque familiae. Inter barbaros vero voluptas illimitata ruit, & quoniam non arte suffulcitur, a sola servitute petit solatium, quod tamen non, nisi barbarie, consequi potest.

§. 6.

Sed saepe numero accidit, vt, nuncupemus aliquid luxum, voluptatem, atque insolentiam, * quod hoc nomine plane indignum esse videtur, e. g. si opifex quotidie carne vescitur, si vir doctus inter prandendum vinum bibit; si aedium concinnitate delectatur, si vestes & supellectilem sibi pretiosam comparat, aliaque eius generis multa.

§. 7.

His praepositis, fateor quidem, homines hodie plus indulgere voluptatibus, luxui, deliciis, atque insolentiae, quam antea; idque eo magis, quo pulcrius inter eos artes atque scientiae coeperunt efflorescere; sed illud simul erit fatendum, voluptatem & insolentiam nostrorum temporum minus ad inhumanitatem ac barbariem adspirare, quam temperantiam temporum praeteritorum, in quibus voluptas maxima semper fuit tyrannis.

§. 8.

* *Insolentia* a Curtio dicitur, si quis a solito civium suorum cultu, ad lautam vivendi rationem adspirat.

§. 8.

Constat ex §. I. & IV. hominum barbariem atque rigorem seruitutis eo magis esse mitigatum, quo melius artes atque scientiae in regione aliqua cultae fuerunt. Caussa vero tam felicitis animorum mutationis, non sola humanitas est, cui scientiis atque artibus maior lux accensa fuit. Sed caussa in eo potius quaerenda est, quod commoda nobis adminicula, artium beneficio, sint inuenta, quae idem praestant, quod antea seruorum labor. Hodie ab artibus alia accepimus subsidia, quibus luxum & voluptates nostras enutrire, quibus necessarios vitae vsus nobis comparare possumus, quam solos seruos. Hinc factum, ut non solum eos, qui bello capiuntur, pristina donemus libertate; sed seruitutis quoque rigor, si quis est, magis magisque mitigetur.

§. 9.

Inter ea vero subsidia, quae occasionem subleuandae tollendaeque seruitutis dederunt, principem certe locum obtinet *mechanica*. In primis vero molarum structura & compositio, huius futurae felicitatis fuit praenuncia. Octingenti, & quod excurrit, anni prope fuerunt elapsi, ex quo molae aquarum impetu circumaguntur. Quadringenti circiter anni praeterierunt, ex quo Europae cives, a populis Asiaticis, occasione belli Hierosolymitani, didicerunt, ventorum viribus uti, ad circumagen-

agendam molarum molem; quum antiquissimis inde temporibus hoc multo servorum labore fieri debuit.

§. 10.

Quin imo non soli voluptati inseruit, sed ad innumeros vitae usus maxime necessaria est mechanica, cuius auxilio fruges conteruntur, furfura parantur, oleum exprimitur, asseres dissecantur, ingens ferri aerisque moles fabricatur, torrentes e locis limosis refunduntur, vel e metalli fodinis exhauriuntur & ad edita propelluntur loca. Haec enim machinae, quarum beneficio illud efficitur, si deessent, nonne haec omnia a miseris hominibus necessario perfici deberent? Sin vero fierent, nonne magna simul inhumanitas, barbaries & immanitas saepe miseros crudeliter exerce-ret ac fatigaret homines?

§. 11.

Si veterum historicorum monimenta euoluimus, reperimus saepe numero inter priscae gentes non alia de causa bellum saepe atrocissimum fuisse conflatum initumque, nisi ea, ut homines bello caperent, captosque abducerent in servitutem. Victores igitur servorum quaerebant copiam, ad perficienda opera necessaria, ad voluptatem suam enutriendam.

Noltris e contrario temporibus tanta servorum ancillarumque multitudine non amplius opus est; postquam ad eam peruenimus felicitatem, ut machinae nobis idem prae-

stent, quod seruorum opera, quodque pecorum labore antea efficere cogeantur. Machinarum enim beneficio, vnus homo idem profecto perficere potis est, quod alias decem homines vix praestare potuerunt. Deinde vero satis magna semper eorum hominum copia superest, qui id, ad quod elaborandum sollertia hominum ad huc requiritur, libere laetique, nec sine vlla illata vi, suscipiunt. Haec operariorum nostrorum alacritas & industria, magnam simul laetitiam parere nobis debet, quandoquidem inopinatos saepe labores, ab eorum prouida cura, amore & sollertia, possumus expectare.

Qua ex re fit, vt herus atque operarii mutuum inter se caritatem fouere incipiant, quae felicissima mater est obedientiae, modestiae, humanitatis ac φιλαρεσκίας.

§. 12.

In iis quoque locis, in quibus maior adhuc potestas superest heris in subditos suos ciues, animaduertemus saepe, quod domini ipsi, a rigore suo, paullatim recedere incipiant. Illud vero duplici de causa fieri plerumque solet. Primo homines ad tantas laborum aerumnas non amplius sunt ita necessarii; deinde vero libera opera, quam quis sponte suscipit, plerumque maiorem nobis laetitiam parit, quid? quod melior est, vtiliorque. Vtque hoc lucidius intelligatur, attento tantum animo contem-
plabimur discrimen, quod inter operas mercede

cede conductas, sicque spontaneas, & inter operas publicas, intercedere conspicitur. Acerbissimæ semper quaerelæ mouentur a dominis aduersus publicas rusticorum operas. Illi de domini rigore & iniuria conqueruntur, & nefas esse existimant, tot graues laborum aerumnas, sine mercedis solatio, perficere. Exiguum hoc operarum publicarum onus, velut vmbra superest, a multis illis laboribus, ad quos perficiendos serui seruaque, pristinis temporibus, tenebantur; & tantas tamen querelas tantaque taedia parere potest! Facili igitur negotio quilibet pristinae seruitutis molestias colligere, atque intueri, poterit.

§. 13.

Quandoquidem igitur nostris temporibus cum seruis subditisque ciuibus nostris moderatius, modestius humaniusque viuere debemus: Sensim adsuescimus humanitati, moderationi, morumque probitati, de qua dicimus. Animi nostri emolliuntur: misericordiae, clementiae, humanitati, locus datur.

Odimus profanum vulgus & arcemus. Detestamur crudelitatem ac furorem eorum dominorum, qui effera immanitate in ciues suos saeuunt; atque ex eorum miseria & interitu, exuias sibi comparant. Crudeles eos appellamus eorumque fugimus commercium; quo fit, vt omnem seruitutem, quae homines in tantam proturbat miseriam, cane angueque peius, fugiamus ac detestemur.

§. 14.

§. 14.

Sana quidem ratio, ethica, et ius naturae, multa nobis subsidia ad emendandos hominum mores dudum subministraverunt. Sed nunquam profecto in eum locum res essent deductae, nisi artes mechanicae ea impedimenta prius sustulissent, sicque homini dedissent potestatem humanitati plus indulgendi, libere cogitandi, sicque mitigandi paulatim pristinae servitutis rigorem. Atque sic quidem mechanica mores hominum insigniter emolliuit, eos formavit castiores, elegantiores, sanctiores.

§. 15.

Alio tempore vberius explicabo, qua ratione solitae operae publicae adhuc imminui, quid quod e medio plane tolli queant; ita, ut ipsis dominis, quibus praestari debent, maxima inde utilitas exsurgat. Iam vero vnus rei tantum faciam mentionem, utpote quae ad propositum meum proxime accedit.

§. 16.

Constat inter omnes, qui vberiore aliarum regionum cognitionem sibi comparaerunt, in multis locis adhuc eam inualefcere consuetudinem, ut homines in captiuitatem rapiantur, quo facilius ad remum sufficiant remiges. Venetis adhuc mos est, emendi ab aliis capite damnatos, ad remigii labores. Non eam ego consuetudinem vitupero. Sed
quan-

quamquam latrones ii miseri sunt, Christiani tamen esse non desinunt. Hinc propius ad indolem & consuetudinem Christianorum accederet, qui ab eiusmodi hominum commercio prorsus abstineret. Igitur sequens *problema* vberiori aliorum iudicio suppeditabo:

Num, ope virium mechanicarum, & ope structurae mechanicae, remigium effici queat, & qua demum ratione illud effici possit; vt non modo sumtibus sed & hominibus parcatur?

Leges motus, quas physica nos docet, mihi vim iam ostenderunt, qua id effici possit; sed qua ratione illa admoueri debeat, nondum satis elaborare potui, quoniam non solum temporis exiguitate prohibitus fui, sed quia etiam artificibus, quos ad tale opus idoneos iudicaui, fui destitutus. Pauci enim artifices tam felici sunt animi indole, vt opera perficienda suscipiant, quae illis nondum nota sunt. Forte alii, quibus plus otii superest, huic rei maius studium impendent. Illis igitur meum proponam problema:

Num ope iam notae machinae pyrotechnicae illud effici queat, nec ne?


Illud genus eiusmodi machinarum, quod iam notum est, ad rem meam, non facit. Ea via, quam Poterus ostendit, forte melior est.

§. 17.

Quod ad machinas illas, quibus assere fecantur, attinet, illud adhuc mihi displicuit, quod non aliter, nisi linea recta, fecent. Hinc illud egi, vt eorum vim dirigerem etiam ad lineas curuas, ad ouatam, ad circulum, aliasque figuras irregulares, quas ad rotas parandas aliasque res habemus necessarias.

Sedula cogitatione assecutus sum rationem quandam, qua in gyrum arbores dissecare possumus.

Typo quodam eam expressi, quem etiam Academiae exhibui. Hacque ratione rotae molares, curruumque rotae, celerrima possunt ratione confici, nec tanta lignorum copia est necessaria.



EIVS.

EIVSDEM
COMMENTATIO
DE
RE RVSTICA
THVRINGORVM
CAVTIVS MELIVSQVE
INSTITVENDA.

Nn 5

§. 1.

§. 1.

Si animo paullo attentiore tot late patentes Thuringiae campos peragramus & succrescentes in iis fruges sedulo adspicimus: facili certe negotio animaduertemus, in signe fertilitatis discrimen, non modo in diuersis agrorum tractibus; sed in singulis adeo iuguris, quid? in quolibet saepe agello, esse reperiendum. Qua ex re colligi & cognosci satis luculenter potest, fertilitatem agrorum non a sola illorum natura & situ; sed a cultura eiusque conditione saepius esse deducendam.

§. 2.

Alias terrae regiones adspexi, quarum similis fere circuitus magis arbutis, syluis pratisque viridibus abundabat, quam agris vomere subactis; singuli propemodum agri, siue valles, siue montes fuerint, pari fere eademque insigni frugum vbertate & copia luxuriare videbantur; ita, vt crederes, vnam manum fecisse sementes totius arui, atque ex vna casa directam ac subministratam fuisse omnium agrorum culturam.

§. 3.

Causa huius rei ex eo iam, aliqua ex parte, deduci potest. Nimirum agricolae nostri, in tanta lignorum penuria, agros saepe numero utili stramine ac stercore defraudare consueuerunt. Praeterea vero, quia viri-
de

de illis pabulum & idonea non sufficiunt pas-
cua; accidit, ut neque satis magnam, neque
firmam pecoris multitudinem sibi comparare
possint. Alii vero agricolae non solum ster-
core nullo agrum condiunt, sed temporis
quoque opportunitati non inserviunt, & labo-
ris simul sunt impatientes.

§. 4.

Quae quum ita sint, facili quisque nego-
tio intelligere potest, in Thuringia non modo
nimium esse studium agros vomere subigendi,
sed ex eo simul triplex profluere incommo-
dum. Primum enim in multis agris parum
frumenti colligitur, quum ab exiguo agrorum
tractu multo maior frugum copia excipi possit.
Hinc profecto tot tantaeque oriuntur quere-
lae de agrorum sterilitate, nimirum quoniam
agris debitum suum non soluitur. Deinde
vero, quoniam nimios sulcare agros consue-
uimus, exinde efficitur, ut tanta arborum
sylvarumque penuria laboremus, ideoque
magnam pecuniae partem, quam pro frugibus
venundatis accepimus, ad emenda ligna im-
pendere debeamus. Denique, quoniam non
idoneam pecorum multitudinem habemus,
accidit, ut magnam pecuniae partem in alias
mittere regiones cogamur, atque caseos, bu-
tyrum, boues, equos, porcorumque greges
quotannis emere debeamus.

§. 5.

§. 5.

Ex his omnibus facile quisque intelliget, me suaforem autoremque esse, vt maior agrorum pars syluis arbutisque plantandis dicetur; pars ad pascua aptetur necessaria. Qua in re omnes certe mecum consentient; qui experientia fuerunt edocti, e duobus agrorum iugeris, quae quater quotannis sulcata probeque culta fuerunt, totidem fruges colligi posse, quot in tribus aliis, quibus parcior adhibita fuit cultura. Quod si quis dubitet, aestiuo tantum tempore certum agrorum tractum peragrarare suscipiat, statim, quod asseuerauimus, inueniet. Neque vero animus est nobis, vt hac ratione in Thuringia minorem agrorum copiam facere vclimus; sed ostendemus tantum hac proportionem, quantum semper situm sit iniusta agrorum cultura & quantos illa fructus parere possit. Id tantum demonstrasse sufficiat, quod si decimam, vel quindecimam saltem agrorum partem, syluis pascuisque destinemus, satis magna tamen super sit copia frugum; simulque arbutorum pecorumque necessariorum penuria non premeretur.

§. 6.

At dicet quispiam, quinam igitur agri potissimum, opacis erunt syluis destinandi? Ipsi se, velut forex, prodere consueuerunt. Quod enim iugerum exiguo pretio, aliquot florenis, aut grossis, quid? gratis comparare nobis possumus, id ad arbuta plantanda est
vti-

utilissimum. Ager, quem nostris temporibus floreno, duobus, ad summum quinque thaleris emimus, elapso saeculo, arbustis superbit, qui quadringentis imperialibus venundari possunt. Quid igitur prodest communi hominum societati, ut hodie centum circiter familiae, multo sudore, eiusmodi steriles agros anxie colant, quum ducentae hominum familiae lignorum penuria laborent, & fertiles quoque agros nec legitime colant, nec ab iis omnem, quam possint, utilitatem percipiant? Certe haec res non ipsi solum agricolae, sed toti hominum societati est admodum noxia.

§. 7.

Sunt etiam permulti agricolae, qui huius rei stoliditatem atque detrimentum animo satis perspiciunt, optantque, ut ipsis liceat arbustis suos agros operire; sed plebs & iners hominum multitudo eos prohibent, causam interferentes, fore ut pascua eorum hac renimium capiant detrimentum. Neque vero negandum est, quod sylvae recens succrescenti quies aliqua concedi debeat, remotis ex ea ouium gregibus pecorumque armentis. Sed postero tempore quies illa agricolas duplici remuneratur beneficentia atque utilitate. Utque lucidius hanc rem intueamur, numerum adhibebimus rotundum, eiusque ope illud demonstrabimus. Nonaginta agros cultos proponamus, videntes, quantum temporis nobis nonaginta annis ad pascua, si scilicet agri frugibus

gibus sunt nudati, concedatur. Addamus, hosce nonaginta agros in tria arua peculiaria, esse distributa. Demus decem saltim menses frugibus hiemalibus, nimirum a sementibus factis, vsque ad messem. Aestiuas vero germinibus quinque tantum menses tribuamus. Hoc enim tempore pecora ab aruis arcentur, & pascua non conceduntur. Si igitur rationem per nonaginta annos subducimus, reperimus, nonaginta agros immunes esse a pascuis per triginta septem annos & sex menses; ideoque pabulum pecori eo tempore non suppetere.

Quod si vero nonaginta agros arbutis syluisque, destinamus; quae quietem annorum quindecim requirunt, & post annos nonaginta possunt abscindi: inuenimus, quod eodem tempore quindecim tantum annis careamus solitis pascuis, quum e contrario in aruorum cultura, triginta septem annis & sex mensibus ex iis non habeamus viride pabulum. Hinc anni XXII. & VI. menses nobis exuberant ad pascua pecori utilia, qui in aruorum cultura, vacare videntur. Idcirco, ubi aruum LXXXX. agrorum est, quod sylvis destinatur, ibi postero tempore tantum pascui habemus, quantum CXII. culti agri, vix nobis suppeditarent. Praeterea illud pascuum ita comparatum est, vt non aestiuo vernoque solum tempore, sed hieme quoque ouibus alimenta subministret.

§. 8.

At dicet quispiam: non ignoro haec esse vtilia, sed quis eos coget, quibus ius pascuorum competit, vt tam salubri pareant consilio? Ad haec respondens, prouoco ad sic dictum *dominium eminens*, vtpote quod tanta lignorum penuria, qua magis magisque homines incipiunt laborare, omnino habet locum. Quid? quod dominium illud eminens ne damnum quidem inde emergens restituere tenetur. Si enim in rem accuratius inquiremus, facile inuenimus, omnes propemodum agros, quos arbutis donare volumus, olim fuisse syluas ideoque libertatem a seruitute pascuae dudum habuisse tempore ligni frondentis.

§. 9.

Neque tamen ego quidem suasor essem; vt vna vice nimis numerosa aruorum copia syluis destinetur, sicque pascua nimium capiant detrimentum. Multo minus eiusmodi loca syluis initio erunt aptanda, quibus via ad alia intercluditur pascua.

§. 10.

Sed plura adhuc remedia superfunt, quibus lignorum penuriae succurri potest, neque tamen pascuis aliquid detrimenti inferatur. Principem facile locum occupat illud, vt variis lignorum generibus eas praecipue plagas instruamus, quae pascuis dudum fuerunt destinatae. Quo pertinent agri lutosi, carecta,

carecta, ripae, littora, margines, viae, aliaque eius generis multa.

§. 11.

Salix est arbor omnibus notissima, & tamen vix quartam partem locorum, quae ferre salices possent, videmus illis arbutis instructam. Causam huius negligentiae vix ego possum perspicere. Ratio enim plantandi salices tam nota iam est, ut is media luce faciem accenderet, qui eam vellet explicare copiosius. Id solum suaderem, ut paullo densiores plantentur salices, quoniam experientia fui edoctus, in densa salicum serie, multo meliores, longioresque ramos succrescere,

§. 12.

Sicci terrarum tractus quercubus optime conueniunt; de quibus exponam copiosius. Quercus mihi certe omnium videntur utilissimae; quoniam non solum satis magno emuntur pretio; sed quod illud quoque ligni genus plurimis hominum vsibus aptum inuenitur. Quid? quod fructus adeo illarum, ad saginandos porcorum greges, insigne est subsidium. Quercus vero & querceta hoc modo instituuntur: Postquam aruum trium pluriumue iugerorum elegimus, illud primum fossa cingitur ut arceantur pecudes.

Deinde, ubi vomere sub actum est, frumento ac glandibus conspergitur occaturque. Frumentum simulatque maturuit, ea refectur cautione, ut longae promineant stipulae.

Tunc

Tunc illi querceto quies conceditur, vsque dum pullulent tenerae querculae, ad eamque adolescant firmitatem, vt in alium plantari locum commode possint.

§. 13.

Optima illarum crassities est, si pollicem in diametro assequuntur. Si enim crassiores sunt, flectere sese nequeunt, quando pecora ad illas inclinant, sed celeriter franguntur. Sin graciliores, ab armentis facile perduntur. Tunc rami abscinduntur illis, remanentibus tantum quinque, sex vel septem brachiis.

§. 14.

Spatium, quod singulas intercedit quercus, triginta pedes explet. In medio illius alia ponitur arbor, cui caput, quinto quouis anno, refecatum, in sarmenta comprimitur. Sed quae ligni species ad explendum eiusmodi spatium sit utilissima, paucis videbimus. Tilia nimis rapax est. Fagum suaderem, si a leporibus satis tuta esset, nec straminibus aut dumis contra eorum iniurias deberet muni. Cui igitur tenuis ille labor displicet, & cui teneras fagos dumis tueri molestum est, ille videat, quam lignorum speciem illis substituat.

§. 15.

Restat ut pauca edisserem, quâ ratione tenerae quercus ita plantentur, ut non magni sumtus erogentur? Optime conducit quercus,

cubus, si a nimio tuentur humore, idque commodissime efficitur, si non foueis aut foraminibus intruduntur, sed si agrorum imponuntur superficiei, radicibus humo coopertis, & humo tandem viridi cum cespite, vestita. Hac ratione celerrime res omnis absolvitur, siquidem duae iam positae sunt quercus, prius, quam fouea una aperitur; atque plus, quam centum millibus didici quercubus, hunc modum egregie illis profuisse. Quae quum ita sint, vix quatuor nummi dantur operario, pro quercu plantata. Sed suaderem ut sex porrigantur nummi pro qualibet quercu, ea facta conditione, ut curam simul gerat, ne ante annum tertium dilabatur. Hac enim re efficitur, ut maiorem, quam antea, curam adhibeat, sedulo providens, ut ne quis stipes pereat. Si igitur calculum ducimus, experientes, quanti sumtus ad iugerum quercubus oblitum erogentur? inuenimus non plus, quam tres imperiales & octo grossos esse necessarios, quoniam CLX. quercus in tali distantia locum habent, & pro qualibet plantanda quercu sex nummi mercede dantur.

§. 16.

Satis multa verba fecisse mihi videor, de ratione nouas sylvas plantandi exiguis sumtibus. Iam subsidia ostendam ad maiorem pecorum copiam perueniendi, ad sterus parandum atque ad alia plura, non inutilia.

Supra

Supra §. 3. monuimus, ab exiguo agrorum legitime cultorum circuitu, maiorem frumenti copiam colligi posse, quam a multis aruis non diligenter exaratis. Hinc abolito nimio aruorum studio, partem agrorum sylvis plantandis dicabimus, partem ad maiorem germinum graminisque succrescentis cōpiam impendemus. Sicque simul inopiae iumentorum, bonum, equorum, pecudum, ouium, porcorumque succurri facile poterit.

§. 17.

Causa tantae pabulorum inopiae praesertim ex eo deduci potest, quod agricolae prata sua, aut negligent penitus, aut ignorent, multos adhuc agros illis superesse, qui ad prata insigniter aptari possint. Sic enim saepius videmus, riuulos per humidis pratorum partes delabentes, qui multo maiore utilitate ad altiora loca, quantum fieri potest, deduci possent; ut latex illis semper sufficiat. Deinde vero sedula semper cura est habenda, ut prata saepius rigentur, idque non aestiuo solum tempore, quum omnia torrent, sed etiam in autumnis & hieme, si glacies permittit, & nix resoluta liquefcit. Non enim solum eam ob causam prata potamus, ut humida fiant; sed aqua illabens condire simul solet illa pinguedine & salibus permultis, quae secum ducit. In autumnis vero & hieme maiori salium copia praegrans est aqua, quam aestate, utpote quo tempore omnia

gramina, germina, pisces & insecta nutrimento & salibus vtuntur, quae incrementum illorum mirum in modum promouent. Si igitur in autumno vel hieme fluminibus rigantur prata, accidit, ut aquae destillent, pinguedo remaneat, sicque prata egregie condiantur, & futuro vere insigniter luxurient.

§. 18.

In iis quoque locis prata commodè aptari possunt, ad quae latex, siue ex fossis a torrente factis, siue ex aliis riuulis, deduci potest. Insignia huius rei documenta videmus in syluis Thuringiam circumdantibus, in Hassia, in aliisque regionibus. Facili vero negotio eos imitabimur agricolas, in permultis terrae nostrae tractibus, quoniam haec res neque sumtus ita magnos, neque multum requirit laborem. Anno proxime elapso eiusmodi pratorum inundationem ex pluuia confluente institui. Insignes ex ea re fructus percipere mihi contigit; in iis enim locis, ad quae torrens penetrauerat, tanta erat foeni secundarii vbertas & copia, tamque illud erat stipatum, ut ad terram se inclinare inciperet. Utque hic aquaeductus in posterum perduret, faucem illius lapidibus muniendam curauimus. In muro exiguae altitudinis exstructo, foramen aperitur, quatuor pollices longitu-

gitudine latitudineque adaequans; quid? totum alveum lapidibus muniui. Sumtus vero erogatos satis copiose mihi primo statim anno rependit incredibilis foeni multitudo. Altior huius prati pars duplici fertilitate luxuriavit, quum e contrario inferior fertiliorque locus, multo minorem foeni copiam suppeditauerat. Haec res ita me delectavit, ut consilium statim inirem ad pratum optandi octo agros, ad quos simili ratione pluvias irruentes dirigire potui. Idque eam ob causam commemorare sustinui, ut intelligatur, quanta harum rerum sit utilitas, in parva adeo oeconomia; a qua ad totam provinciam valet consequentia.

§. 19.

Quodsi vero nullo modo pabuli copia hisce remediis aliquo loco posset comparari, tunc ad onobrychin orientalem maiorem (Esparcette) aliaque eiusmodi germina & plantas, erit confugiendum. Insignis horum germinum utilitas extra omnem dubitationis aleam posita est, & satis luculenter in iis se pagis ostendit, qui illorum fuerunt studiosiores.

§. 20.

Nonnulla, fateor, protuli, quae aliqua ex parte iam nota, & ab aliis interdum fuerunt monita. Sed usus harum rerum in nostris regionibus adhuc recens est & nondum satis invaluit; ideoque satius esse duxi ea de nouo proponere, & talia tantum subsidia ostendere, quae communi iamiam consensu fuerunt confirmata. Aliarum rerum non exigua superest copia, sed eas in aliud tempus differre merito constitui.



I. F. HIRTII
COMMENTATIO
INVENTIONEM FABVLA-
RVM AESOPO TRIBVTAM
IN
LOCKMANNVM TRANSFERENS.

§. I.

Occasio huius commentationis.

Tempore isto, quo mihi qui est ab epi-
stolis Electoral. Mogunt. Academiae
scientiarum vtilium significabat, primum to-
mum commentariorum academicorum typis
exscribendum esse, in fabulis LOCKMANNI a)

Oo 4

meus

- a) Inueni has fabulas cum versione latina in THOMAE ERPENII Grammat. Latina, quam ALBERT. SCHVLTEUS 1748. in 4. Lugd. Batav. edidit, p. 207-275. Quod vero antea LOCKMANNI sapientis fabulae & selecta quaedam Arabum adagia cum latina interpretatione & notis Th. Erpenii Arab. & Lat. Lugd. Batav. 1615. in 8. & in Erpenii Grammat. Arab. 1636. in 4. Amstelod. prodierint, testatur b. STOLBE in Historia Ethicae gentili p. 7. Aliam editionem ab anno 1656. Lugd. Batav. quam debemus GOLIO addit IAC. BRVCKERVS in Histor. critica philosophiae Tom. I. p. 226. sq. Et celeb. HEVMANNVS Fabricii Biblioth. Graecam p. 400. in Actis philos. Volum. II. p. 276. hac de re adducens pergit: Ich setze hinzu, daß auch in des Chardins Persischen Reisebeschreibung, deren neueste edition zu Amsterdam 1711. heraus gekommen. vnd zwar in dem fünften Tomo diese Lockmannische Fabeln anzutreffen sind.

meus occupatus erat animus. Legi ac relegi tum illas nullum alium in finem, quam ut cognoscerem, vtrum in istis nonnulla inuenirem exempla, quibus praecepta meae Grammaticae Arabicae praeterita aestate horis a solito labore academico vacuis harmonice cum praeceptis Danzianis Ebraeo-Chaldaicis in vsum auditorum meorum exaratae illustrare possem. Cum igitur Academia mox nominata pro membro ordinario in philosophicis & orientalibus me recipiens misso diplomate meam qualemcunque operam ad acta conferendam desideraret; putavi, me laborem scopo illius haud inconuenientem esse suscepturum, si de re circa quam tunc versabar occasionem sumerem meam de apologis *Lockmanni* Arabicis sententiam proponendi.

§. 2.

Apologos ad philosophiam veterum referri posse docetur.

Ne quis vero assertum meum apologos *Lockmanni* ad philosophiam referens, in dubium forsitan vocet, perpendat velim fabularum originem. *b)* Sapientes orientales sub apologis suis veritates morales amoeno & le-
pido

b) De hac origine prolixius agit IOH. IAC. BREITINGER Critische Dichtkunst Cap. VIII. p. 166. sqq. adde CHRIST. FÜRCHTEG. GELLERTI Diss. de Pochi apologorum eorumque scriptoribus p. 8 sq.

pido modo proponentes praestiterunt, quod Horatius a scriptore laude digno requirit, scribens c): *Omne tulit punctum, qui miscuit utile dulci, lectorem delectando, pariterque monendo.*

§. 3.

Apologorum definitio suppeditatur.

Relationes breuiores factorum fictitiorum, quibus veritates morales in illis contentae repraesentari debent, *apologorum nomine* veniunt. Ergo apologus quilibet duabus praecipuis constituitur partibus, quarum vna, quae facti ficti relationem constituit, & sensus nostros afficit, apologi corpus cognominatur; altera vero pars, quae veritatem moralem in illo contentam efficit, & ingenii ope eruitur, anima apologi vocatur. Et exinde ex mea quidem sententia diiudicari potest notio, quam fabulis tribuit Aristoteles: in *combinatione rerum* easdem consistere asserens. d)

O o §

de

c) De arte poetica vers. 343. & 344.

d) Qui alias notionis Aristotelicae explicationes nosse velit, conferre potest celeberr. I. C. GOTTSCHEDI *Versuch einer critischen Dichtkunst* Cap. IV. §. 8. aliaeque apologi notiones a BREITINGERO & MORTIO suppeditatae cognosci possunt ex GELLERTI *Dissertatione* iam laudata p. 6. 7. Ipse vero celeberr. GELLERTVS apologum definiuit per *fictionem breuiorem & allegoricam ita instructam, vt delectando profit,*

de ipsa relatione facti fictitii siue corpore apologi, altera vero de veritate morali ibi latente, siue de anima apologi, vt sensus ad eo compositus in apologis admittatur.

§. 4.

Discrimen inter fabulas & enarrationes a quibusdam constitutum traditur.

Quum fabulam ab enarratione distinguant recentiores, ex quibus nonnulli ediderunt in lucem germanice Fabeln vnd Erzählungen; nostrum nunc erit, vt determinemus, vtrum in Lockmanni labore ad hoc discrimen sit attendendum. Ipsum discrimen vt concipi queat, ad indolem facti fictitii respiciendum est. Fabulae generatim vel late sumtae sunt relationes factorum fictorum, quibus veritates morales in illis contentae exhibentur (§. 3.): jam vero facta illa ad repraesentandam veritatem quandam moralem ficta vel in hoc mundo fieri possunt, licet illa tantum finxerimus, vel in mundo hoc plane non sunt possibilia. Relationes factorum prioris generis vocari possunt *enarrationes*; sed relationes factorum posterioris generis audiunt *fabulae* stricte sic dictae. Enarrationes igitur sunt fabulae late sumtae, non vero sunt fabulae stricte acceptae. Et pro hac ratione de discrimine inter fabulas & enarrationes, an illud admitti possit, cur dubitemus non est.

§. 5.

§. 5.

*Sed eiusdem ad apologos Lockmanni ad-
plicatio negatur.*

Licet vero discrimen inter fabulas & enarrationes pro nostro explicandi modo (§. 4.) bene admitti possit; ad illud tamen nec in Aesopi vel Phaedri, nec in Lockmanni nostri apologis respici debet. Latior potius fabularum significatus cum apologis eorum combinandus est, ita ut enarrationes sub illis simul comprehendantur. Multae enim in eorum numero deprehenduntur fictiones partim de hominibus ratione praeditis, partim de animalibus ratione destitutis, quas in hoc mundo factas esse non repugnat e). Inter XXXVII, fabulas, quas a Lockmanno habemus, septem inveni apologos, ex quibus veritas asserti mei perspicui potest.

Imus apologus *de hortulano*, qui in ordine cum reliquis consideratus efficit fabulam decimam quintam, hic est: "Cum hortulanus aliquando herbas purgaret, dictum fuit ei:
„CUR

e) Inter recentiores quoque clariss. B. Z. LESSING fabulas in significatu latiori sumit, & Tom. I. script, in praefat. de iisdem scribit: Ich begreife unter diesem Namen auch die Erzählungen, weil ich finde, daß sie selbst Phaedrus mit darunter begriffen hat. Andere mögen dem Beyspiele des Fontaine folgen, welcher freylich Ursache hatte, seine Erzählungen, von den Fabeln, welche der Unterweisung gewidmet sind, zu unterscheiden. Die ganze Sache ist eine Kleinigkeit.

"cur herba siluestris aspectu est speciosa, li-
 "cet illa non colatur? Respondit hortulanus,
 "quia illam educat mater eius, haec vero a
 "nouerca sua educatur. Hoc significat, quod
 "educatio matris sit praestantior quam edu-
 "catio nouercae.

II Idus apologus, siue alias decimus tertius,
 est similis ferme argumenti. "Niger die quo-
 "dam exuit vestimenta sua, & incepit sume-
 "re niuem, eademque fricare corpus suum.
 "Cumque diceretur ipsi, quare fricas corpus
 "tuum niue? ille ait: fortassis albescam.
 "Quum vero adueniret sapiens quidam, di-
 "xit ad illum: o quaeſo, ne afflige te ipsum,
 "fieri enim potest, vt corpus tuum nigram
 "faciat niuem, ipsum autem non amittet ni-
 "gredinem. Hoc significat, quod malus pos-
 "sit corrumpere bonum, licet etiam nemo
 "possit emendare malum."

III tius apologus, siue trigessimus quintus,
 agit de duobus gallis. "Galli duo pugna-
 "bant de pabulo, & alter vicit, alterque sta-
 "tim in locum obscurum secessit. Tuncque
 "gallus, qui vicit, ascendit super tectum al-
 "tum, coepitque complodere alas suas, &
 "clamare ac gloriari. Sed vidit eum vultur,
 "ac celerrime in eum irruit, eundemque ra-
 "puit ilico. Hoc significat, quod non de-
 "beat aliquis gloriari virtute sua & roboris
 "vehementia."

§. 6.

Cur Lockmanni apologi fabulae Aesopiae nominentur, indicatur.

Lockmannum b. STOLLIVS f) cognominavit Aesopum Arabum, eiusque apologi hodie vocantur plerumque fabulae Aesopiae. Aesopum Phrygia ortum floruisse tempore Croeli, regis Lydiae, & cum Solone consuetudinem habuisse ac familiaritatem, adeoque sexcentos fere annos ante Christum natum vixisse, cognitum satis est atque perspectum g). Et licet S. Ven. HEVMANNVS h) quon-

f) Conf. eius Historie der heydnischen Moral §. 8. & eiusdem Anleitung zur Historie der Gelahrheit Part. II. Cap. I. §. 18.

g) Conf. IOH. HUDSONI vitam Aesopi, e testimoniis veterum erutam, quam etiam b. r. M. HEYSINGRVS suae fabularum Aesopic. Graec. editioni praemisit. Vitam Aesopi a Planude descriptam fabulis esse plenam, alii iam monuerunt. Conf. STOLLII Anleitung zur Hist. der Gelahrheit p. 613. Id quod etiam de BELLEGARDO & auctore anonymo, qui eum sequitur in splendida editione: Aesopi Leben und auserlesene Fabeln 1731. Norimb. cum figuris aen. sistente, monendum est. Sed vitam eiusdem ab ineptiis istis valde purgatam edidit MEZIRIACVS sub tit. La vie d' Esope par Mr. Meziriac, a Bourg en Bresse 1632. in 16. cuius versionem german. in celeb. HEVMANNI Actis Philos. Vol. II. p. 253 sqq. inuenimus.

b) In Actis philosoph. Vol. I. p. 944. conf. b. STOLLII I. c.

fabularum inuentore minime sit habendus *l*).

§. 7:

Sed alia denominandi ratio remouetur.

Quamuis vero Lockmanni fabulae vocari queant fabulae Aesopiae, quia ratione argumenti vtraeque conueniunt, & Aesopi fabulae magis innotuerunt, quam fabulae Lockmanni (§. praec.); minime tamen putandum est, apologos Lockmanni vocari fabulas Aesopias, quod Lockmannus aetate posterior fuerit Aesopo, huncque in fabulis suis sit imitatus. Sed sicut generatim Graeci antiquiores eruditionem suam ab Arabibus aliisque sic dictis Barbaris didicerunt, ita speciatim quoque Arabum philosophi prius sunt vti fabulis & aenigmatibus quam Graeci *m*). Et inter istos eminet Lockmannus, qui mille annos & plures ante natum Christum floruit. GELAL enim, ZAMCHASERIVS, ISMAEL EBN-ALY, BEIDAVIVS, aliique Arabum scriptores historici vno testantur

l) Praeclare hoc docet Theon in progymn. p. 22. Et MENAGIVS ad Laërtium p. 98. Fabulator, *inquit*, dictus est Aesopus, non quod primus, sed quia praecipue hoc scribendi genus sectatus est, vnde & fabulae Aesopiae, similes fabulae dicuntur, conf. etiam CAMERARIUS l. c. p. 22.

m) Vide b. STOLLII Historie der heydnischen Moral p. I. & 7.

tur ore, Lockmannum Dauidis tempore vixisse. n)

§. 8.

Aliaque adhuc denominandi ratio noua reiiicitur.

Sicuti fabulae Lockmanni non ideo vocantur Aesopiae, quod Arabs noster fuerit aetate posterior Aesopo, huiusque imitator (§. 7.); ita multo minus ista denominatio obtinuit eam ob causam, quod *Aesopus* & *Lockmannus* pro vna eademque persona habeantur sit necesse. Equidem scio optime, multos eruditorum, ad quos IAC. GOLIVS o), CHRISTOPH. AVGVST. HEVMANNVS p), IOH. HENR. HOTTINGERVS q), LVDOV. MARACCIVS. r) AVGVST. PFEIFFERVS s), CHRISTOPH. WILLH. SCHNEIERVS t), & IOHAN. IACOB. SCHVDT u) pertinent, in ista fuisse opinione; sed

n) Testimonia virorum supra nominatorum legi possunt in LVDOV. MARACCII Annotat. ad Corani Sur. 31. p. 546. & 547. ex quibus breuius BRIDAVII assertum, quod etiam in HOTTINGERI Hist. Orient. p. 101. deprehenditur, hoc est: „Filius Nauri, ex filiis Azed, filii sororis (nepotis ex sorore) Iobi, aut materterae eius fuit, & vixit vsque ad tempora Dauidis, a quo scientiam accepit.

o) In annotat. ad Sur. 31. in Grammatica Arab. Erpenii p. 189.

p) In Act. philos. vol. 2. p. 278 sqq.

q) In Historia Orient. Lib. I. Cap. 3. p. 102 sqq.

r) In Annotat. ad Corani Sur. 31. pag. cit.

s) In Critica sacra Cap. 16. Quaest. 5. p. 355.

t) In Dissert. de Lockmanno illo Arabum mythologo. 1691. Ien.

u) In Compend. Histor. Iud. pag. 88.

sed nec me fugit, IOH. ALBERT. FABRICIUM x)
CHRIST. FÜRCHTEG. GELLERTVM & GOTTL.
STOLLIUM y) sententiae isti suum addere
calculus recusasse.

Et si dicendum quod res est, rationes pro
sententia illa militantes mihi videntur debiles,
nec probant quod probare debent, prouti mox
videbimus. §. 9.

*Laudes quae in denominandis fabulis hodiernis
Æsopo tribuuntur in Lockmannum conse-
rendas esse asseritur.*

Ex haecenus dictis apparet, quonam signi-
ficatu fabulae LOCKMANNI vocari queant Æso-
piae. Et sicut ostendimus, cur omnes fabu-
lae morales breuiores aequae ac istae hodie no-
minentur Æsopiae, ita etiam docuimus, fabu-
las Æsopi cognominari posse LOCKMANNIANAS
(§. 7.). Licet vero ex recentioribus nemo,
quem ego quidem scirem, nisi fabulator qui-
dam Halensis, z) in denominandis suis fabu-
lis LOCKMANNI nomen adducat; sed vbiuis Æ-
sopi gloria resonet; aequitas tamen postulat,
vt LOCKMANNO pretium statuamus iustum, &
laudes in Æsopum collatas LOCKMANNI fabu-
lis, quae apologis Æsopi sunt antiquiores, tri-
buamus. Quod fiet, si grata in LOCKMANNUM

Pp

poste-

x) In Biblioth. Graec. Lib. II. Cap. 9. §. 13. p. 400.

y) Vide eius Historie der heydnischen Moral. §. VIII.

z) Tabellae eius per septimanam prodierunt per partes
Halaë 1739. Sed ad numerum 39. peruentae
typis sunt interdictae. Inscriptio earum est, der
deutsche Lockmann, oder gute Sittenlehren in lu-
stigen und neuen Fabeln vorgestellt.

posteritas fabulas morales in posterum vocabit LOCKMANNIANAS siue minimum LOCKMANNIO-Æsopias. Nec dubito, quin hoc factura sit, si probe perpendat, Æsopum modo fabulas ab Orientalibus, inter quos eminuit LOCKMANNUS, inuentas & amatas secum in cultas Graecorum manus deportasse, & illis poliendis atque augendis magnam nominis gloriam sibi acquisiuisse, LOCKMANNUM vero fuisse primum, qui ex instituto fabulas composuerit & cum aliis communicauerit.

§. 10.

Et quatuor rationes pro hac sententia militantes adducuntur.

Rationes, ob quas apologos LOCKMANNI esse antiquiores Æsopi fabulis credo, sunt sequentes:

I.) In diiudicanda linguarum aliarumque rerum antiquitate critici constituerunt & adaptarunt regulam, quod probe considerari debeat, vtrum vna sit breuior, simplicior, minus limitata vel concinna quam altera, & quo magis affectiones istae alteri conueniant, eo magis pro antiquiore sit habenda. Si igitur ostendere possum, in apologis LOCKMANNI, quorum octo eiusdem, & duo similis sunt argumenti cum Æsopi fabulis, tam narrationem rei fictae, quam veritatem moralem in hac obtentam, esse breuiorem & simpliciorē; apologi LOCKMANNI vi huius regulae antiquiores sunt habendae fabulis Æsopi, quem quosdam eorum expoliuisse & auxisse puto. Tribus
hoc

hoc meum assertum illustrabo fabulis. Ita nimirum v. g.

1.) Apologus decimus quartus LOCKMANNI de homine & morte agens hic est: "Homo aliquando ferebat fascem lignorum, qui gra-
"uabat eum: cumque lassus factus esset, ta-
"dioque afficeretur gestationis eius, abiecit
"eum ab humero suo, vocauitque ad se mor-
"tem, quae se coram eo stitit, dicens: ecce
"me, cur me vocasti? respondit ei homo, vo-
"caui te vt fascem hunc lignorum superimpo-
"nores humero meo. Hoc significat, quod
"vniuersus mundus vitam diligit mundanam,
"neque lassetur infirmitate & miseria." Eundem apologum sistit fabula vigesima Æsopi de fene & morte, quae tantum magis polita & lim-
mitata est.

2.) Apologus trigessimus quintus LOCKMANNI de duobus gallis, quem totum iam supra §. 5. adduximus, ab Æsopo in fabula 145. paulisper mutatus & politus ita sistitur: "Duo
"galli acriter inter se pro gallina dimicabant,
"ita vt ambo sauciarentur. Sed finito prae-
"lio, qui victus fuerat, is pudore & dolore af-
"fectus latebras quaesivit, victor autem in al-
"tum parietem euolauit, & quanta maxima
"voce potuit, canere & alis strepere coepit.
"Hunc de improviso aquila praeteruolans ra-
"puit: ita alter, qui se dudum abdiderat, post-
"ea sine aemulo gallinarum consuetudine frui
"potuit."

3.) Apologus trigessimus septimus LOCK-

MANNI anserem & hirundinem repraesentat hoc modo: "Anser & hirundo societatem inierunt vitae, erantque pascua utriusque in loco vno. Visis autem aliquando infidiis venatorum, hirundo propter levitatem suam auolauit & euasit; anserem vero ceperunt venatores & occiderunt. Hoc significat eum, qui amicitiam init cum eo cum quo non conuenit, nec qui eiusdem est generis." Hunc apologum iterum Æsopus magis poliuit in fabula 60, & doctrinam moralem vtiliorem & aptiorem addidit in hunc modum: In vno quodam prato pascebantur anseres & grues. Adueniente aucupe, grues, leuitate sua adiuti, facile auolant; at anseres, impediti grauitate, dum moliuntur fugam, ab aucupeprehenduntur. Ostendit fabula, vrbe capta, cum pauperes pleurumque vim hostium effugiant, diuites in potestatem hostium venire, & in seruitutem abduci.

II.) Arabes prius sunt vfi fabulis quam Graeci, prouti supra iam b. STOLLII testimonium hac de re adduximus. (§. 8.) Longe igitur probabilius est, Æsopum fabulas LOCKMANNI in Phrygia aut alibi ore hominum celebratas accepisse, & secum in Graeciam transportasse, aliasque tunc similem in modum elaborasse, quam LOCKMANNUM inter Arabes celebrem iuniorem esse Æsopo huiusque fabulas ex lingua Graeca in Arabicam transtulisse. Quae nostra sententia testimonio quodam magni LEIBNITII confirmari potest. Sicenim scribit: Les fables d'Esope meritent assurément d'être estimées; il y a de l'apparence, qu'elles sont venues des Orientaux. Les Arabes les attribuent à un Locman --- Esope les peut avoir apportées en Grece. a)

III. Ve-

a) Vide FELLERII Orium Hannouerannum p. 3. ex quo

hac

III. Veteres rerum Arabicarum scriptores vnanimi ferme consensu testantur, LOCKMANNUM in numerum antiquissimorum sapientum apud Arabes esse referendum, & Davidis Israelitarum regis tempore floruisse (§. 8.), licet in quibusdam circumstantiis a se invicem discrepent eorum relationes. Non igitur sufficientem video rationem, cur fidem historicam hic infringere, & ipsorum testimonio in re circa quam conveniunt fidem denegare velimus. Secundum veterum itaque testimonia apologi LOCKMANNI sunt antiquiores fabulis Æsopi.

IV.) Muhammed in Corano Surat. 31. LOCKMANNUM inter sectae suae sanctos refert. Cum vero inter omnes semper fuerit cognitum atque perspectum, Æsopus fuisse idololatram; non video, quomodo Muhammed vnus dei cultorem, & religionis verae affectum & quidem sanctissimum & sapientissimum, eum habere potuerit. Muhammedani & Iudaeis & Christianis a se diuersis sunt infensissimi: b) cur igitur ipse Muhammed religionis suae & doctorum eiusdem sanctitatem maximopere iactans gentilem in numerum isti deditorum reciperet? Tempore Muhamedis itaque LOCKMANNUM ipsum esse Æsopum non crediderunt, sed recentiori demum tempore haec fuit excogitata opinio, quae adeoque nostram de diuersitate & maiori antiquitate LOCKMANNI sententiam non infringere potest.

§. II.

Istae autem rationes ob quas nonnulli Lockmannum cum Æsopo esse eundem putarunt reiiciuntur.

Ne forsan eorum opinio, qui LOCKMANNUM cum Æsopo esse eundem putarunt, aliquem ab assensu sententiae nostrae praebendo detineat, examinabimus nunc quoque rationes pro ista opinione adductas. Quatuor nimirum argumenta adduxit HOTTINGERUS, quae alii ex isto repererunt. Assertionis suae fundamentum quaerit 1.) in conue-

P p 3

nientia

has quoque LEIBNITII cogitationes non solum b. GOTTL. STOLLIVS in Introd. ad Histor. litter. Part. III. Cap. V. ad §. 10. d. 728. sed etiam ex parte cel. GELLERTVS l. c. p. 28. adduxit.

b) Conf. ALTINGII Theolog. problemat. probl. 2.

nientia nominis, 2.) cognominis, 3.) ætatis, 4.) scripturæ & aliorum effectorum utrique communi. c) Sed quod attinet.

I.) ad convenientiam nominis; LOCKMAN quidem vi originis voracem sine belluonem potest significare; quod vero ÆSOPVS idem significet, HOTTINGERVS nondum probavit, sed egregie a Planude fugatore seductus est. Aliam EYSTATHII eamque meliorem derivationem adduxit cel. GELLERTVS, d) quam eligimus. Et si vel maxime istam nominis convenientiam concederemus, firmum tamen exinde argumentum pro convenientia vel identitate ipsius personæ desumi non potest. Hinc etiam sine dubio factum est, ut nec HEVMANNVS nec PFEIFFERVS HOTTINGERVM alias hac in re secuti (§. IX.) argumentum hoc adduxerint.

II.) Argumentum ab eodem a cognomine utrique competente petitur, melioris notæ non est. Equidem concedo lubentissime HOTTINGERO, quod ÆSOPVS cognomen *sapientis* gerat, quodque LOCKMANNO idem etiam cognomen tribuatur. Sed quomodo vnquam probari poterit consequentia in hoc argumento: Si Æsopus & Lockman eodem cognomine gaudent; sequitur Æsopum & Lockmannum pro vnicâ personâ esse habendos. Nonne pro hoc concludendi modo notissimus & æterna laude dignissimus princeps FRIDERICVS sapiens etiam esset Æsopus? Nonne Leibnitius idem esset ac Wolfius? nonne pro quolibet ferme erudito alium quemcunque facile substituere possemus?

III.) Argumentum tertium a convenientia ætatis est desumptum. Hottingerus nimirum *Elmacini* calculum urget, pro quo Lockmannus diebus Iosiae regis Iudæ circa annum mundi 3338. floruit, quod tempus fere coincidit cum epocha eorum, qui Æsopum vixisse volunt anno mundi 3356. olymp. vero 16. anno tertio. Sed vnico Elmacino plures alios opponimus scriptores, e) ex quorum

c) Conf. HOTTINGER, *Hist. orient.* p. 102. 699.

d) Conf. eiusd. *Dissert.* c. 2. p. 27.

e) Nomina quorundam supra in fine §. 2. sunt adducta.

quorum sententia Lockmannus quadringentis & pluribus annis ante Æsopum, & tempore Davidis Israelitarum regis iam floruit.

IV.) Argumentum quartum in duas resoluendum est partes, quia non scriptorum solum, sed aliorum quoque effectorum conuenientiam nominauit Horringerus. Desumitur itaque argumentum quoddam

A.) a congruentia fabularum Lockmanni & Æsopi. Ad quod argumentum respondere liceat

1) inter 149. fabulas Æsopi, quarum collectionem & seculi decimi sexti & nostrae aetatis praestantissimi critici attribuunt Planudi, ac inter 37. fabulas Lockmanni, decem tantum deprehenduntur apologi, quorum octo maiorem, duo vero minorem habent conuenientiam. f) Et de hisce fabulis collectionis Planudianae teste GELLERTO g) nulla inuenitur in vilo codicum manuscriptorum, qui aetatem Planudis excessere, quae res haud obscure indicat, Planudem fabulas passim collegisse & collectas inuentis nouis, sic & epimythiis suis, auxisse; quae est sententia VAVASSORIS, BAYLII, BENTLEII aliorumque.

2.) Si vel maxime plures etiam adessent fabulae, quae vel idem vel simile argumentum continerent; certo, tamen ne tunc quidem asseri poterit, AESOPUM & LOCKMANNVM eundem fuisse hominem. Sic enim, vt plures recentiores taceam, v. g. apud Phaedrum duas inueni fabulas, quae cum duobus LOCKMANNI apologis conueniunt, & in Æsopo, quantum recordeo, nullibi deprehenduntur.

Quis

f) Vide LOCKMANNI fab. VI. de leone & vulpe, coll. fab. 137. ÆSOPI; LOCKM. fab. VIII. de ceruo & leone. coll. fab. 64. ÆSOPI; IX. de ceruo & vulpe, coll. fab. 4. ÆSOPI; XII. de muliere & gallina, coll. fab. 23. ÆSOPI; XIV. de homine & morte, coll. fab. 20. ÆSOPI; XVII. de homine nigro, coll. fab. 75. ÆSOPI; XXVII. de columba, coll. fab. 120. ÆSOPI; XXVIII. de fele, coll. 31. ÆSOPI; XXXV. de duobus gallis, coll. fab. 145. ÆSOPI; XXXVII. de anserem & hirund. coll. fab. 60. ÆSOPI.

g) In Dissert. laudata p. 28.

Quis vero exinde rite concludet, LOCKMANNUM & Phaedrum unicam constituere personam. Ad duas istas fabulas pertinet.

α.) LOCKMANNI fabula II. de ceruo, quae haec est: "Cum sitiret aliquando ceruus, ad aquae venit fontem ut biberet, viditque imaginem suam in aqua, ac tristatus est ob pedum suorum gracilitatem; gaudius vero est & superbiuit cornutum magnitudinis & excellentiae. Ac statim egressi contra eum sunt venatores, a quibus fugit, & cum in planitie esset, non affecti sunt eum: cum vero ad montem pervenisset, & inter arbores transiret, ceperunt eum venatores ac interfecerunt. Et dixit moriturus: vae mihi misero, quod me servavit, id vilipendi; in eoque confusus sum quod me perdidit." Eandemque fabulam narrat PHAEDRVS Lib. I. fab. 12.

β.) LOCKMANNI fabula XXXVI. de lupis, quae sic se habet: "Lupi inuenerunt pelles bouum in fouea aquae fluentis, nec quisquam iis aderat, & unanimiter statuerunt eas edere, decreueruntque omnem aquam ebibere, ut attingerent pelles, easque deuorarent. Prae multitudine autem eius quod biberunt crepuit venter eorum, & mortui sunt, nec pervenerunt ad pelles. Quam fabulam paulisper mutatam exhibet quoque PHAEDRVS Lib. I. fab. 20.

Β.) a congruentia aliorum effectorum utrique communium. Huc pertinent, quae de adminitione horum sapientum ad filios suos narrantur, multaeque actiones similes aliae in descriptione vitae eorum adnotatae. Sed ut taceam, satis multas etiam discrepantias in eiusmodi descriptionibus occurrere, β) omnis ista LOCKMANNI & AESOPi similitudo, seu confusio, orta est a PLANUDE, qui ob fabulosam AESOPi vitam nullam amplius meretur fidem, & aut erroris opinione, aut consilio affinxit AESOPo, quae de LOCKMANNO suo tradiderant Arabes.

β) Conf. NEOCORI biblioth. libror. nouor. p. 453 sq. & HERBELOTI Bibliothegne orientale, quae anno 1697. Lut. Par. in fol. prodit.







